

# МЮ.ЛЕРМОНТОВ



ПОЭМАЛAR

«ТОШКЕНТ» БАДИИ АДАБИЕТ НАШРИЕТИ  
1964

Жаҳон адабиёти классиклари сафида Михаил Юрьевич Лермонтов номи алоҳида ўрин тутади. Унинг чуқур фалсафий, дардли, исёнкор, хаёлкаш шеърларини, поэмаларини ким севмайди дейсиз. Инсон буюклигини, инсон бебаҳолигини куйлаб ўтган шоирнинг туғилганига бу йил бир юз эллик йил тўлди.

Қўлингиздаги «Поэмалар» китоби шоирнинг шу катта тўйига тухфадир.

*Жамоатчи редактор  
ҲАМИД ГУЛОМ  
таҳрири остида*

## РУС ПОЭЗИЯСИННИГ ИФТИХОРИ

Шеър ўқийдиган ва уни севадиган кишининг ҳамма вақт ўз шоири бўлади, бу шонирнинг шеърини әнг яқин йўлдошидай ўзи билан муттасил олиб юради. Лекин киши умрининг йиллари билан унинг севимли шоири ҳам ўзгариши, яъни киши бошқа шоирга муҳаббат қўйиб унинг шеърларини севиб қолиши мумкин, ёхуд севимли шеърларнинг ижодкори бир неча бўлиши ҳам мумкин. Поэзия ҳазинаси туганмас ва бой, унинг саҳий денгизидан фақат бир жавоҳирнингина олиш билан киши қаноат ҳосил қилас.

Мен учун ҳам шундай бўлган әди. Рус поэзиясининг ўлмас жавоҳирлар булоғидан баҳраманд бўла бошлаган ёшлик йилларим аввал менинг шеърга чанқоқ дилимнинг йўлдоши Некрасов бўлди. Мен ундан айриммадим, ўқидим, уқдим, йиғладим, кулдим унинг қаҳрамонлари ёнинг кириб. Кейин мен Лермонтов, Миханл Юревич Лермонтовни топдим.

Муҳаббатнинг туғилишини одамларга баён қилиб бериш мушкул әканлиги ҳаммага аён. Лекин жуда яхши ёзилган, шеъриятнинг ҳамма талабига, қоидасига жавоб берадиган, ҳатто гўзал кўринган бир хил шеър ўқиш сизда фақат шавқ түғдиради ва у тезда унтилади, бошқаси өса, балки унча дабдабали ҳам бўлмас, чиройли сўзлар ва ажойиб ўҳшатмаларга унча бой ҳам бўлмасу уни ўқиш сиёзининг қонингизга қайноқ тўлқин қўйиб, ҳаяжонли шодлик қанотида парвоз өттиради, сизга инсоният муҳаббат деб атаган ажойиб куч баҳш ётувчи ҳамма гўзаллик ва қудратга йўлдош этади.

Мен сафарга чиқаман танҳо...  
Туман ичра ярқирап тош йўл —

мисраларини ўқишининг билан у сатрлар сизники, сизнинг қалбин-гизнинг нидосидай бўлиб қолади. Сиз ўша ҳаво ранг зиёда ухлоқ тупроқни кўрасиз, ҳис қиласиз ва жуда яхши биласиэки, ҳаяжонли бу сўзлар ҳайрон қоларли даражада аниқ ва ўта самимий.

Бунча мушкул менга, нечун бунча дард  
Не кутаман? Недан пушаймон?

Рус адабиёти тарихида икки буюк ном муттасил ёнма-ён туради — Пушкин ва Лермонтов. Рус адабиётининг нозик билимдони Виссарион Белинский бу ҳақиқатни биринчи бўлиб абадий ўртага ташлади.

«Пушкин ўзига ворис қолдирмасдан кетмади»... «Русияда янги қурдатли истеъод пайдо бўлди — бу Лермонтов» деб ёзди у. Белинский буюклик ва моҳиятни мукаммал, тўла ифода өтган бу хулоса ҳам қаноатлантиргани йўқ. У ўзига хос образлилик ва самимият билан Лермонтов ижодининг бадиий хусусияти ва услубини шундай таърифлади:

«Ажойиб покиза хушбўйлилик, бадиий шаклнинг кўркамлиги, образларнинг шоирона нозик латофати ва олижаноб содалиги қатънат ва гайрат, тилнинг бақувват ихчамлиги, шеърнинг олмосдек мустаҳкамлиги ва металдек жарангдорлиги, ҳис-туйғуларнинг тўлиқлиги, ғояларнинг чуқурлиги ва ранг-баранглиги, мазмунининг бепоёнлиги — буларнинг ҳаммаси Лермонтов поэзиясига насл қолган характеристика белгиларнинг асл маъноси ва унинг келажакдаги буюк тараққиётининг гаровидир».

Белинский фақат бир бобда янглиши: У бу мақоласини 1840 йилда ёзди, бир йил ўтар-ўтмас Михаил Юрьевич Лермонтов ўзининг буюк соҳибининг фожиали тақдирини тақрорлади — худди Александр Сергеевич Пушкин сингари у ҳам дуэлда ҳалок бўлди. «Келажакдаги буюк тараққиёт»нинг жарангли ёник тори узиди.

Ким билади, бу улуғ рус шоири дунёда йигирма етти йилдан зиёд умро кўрса унинг ижодий камолоти поэзиянинг қандай чўққилярига кўтарилиши мумкин эди.

Лекин ажойиб шоирнинг мумтоз адабий мероси кишилар юрагининг тўридан мустаҳкам ўрин олади, кишиларни гўзалликнинг чўққиляри сари етаклайди.

Лермонтов ўз ижодини жуда әрта — ўсмир ёшидан бошлади. У йиллар ижодида тақлидчилик шогирдликнинг аён излари бор, албатта. Лекин Лермонтов таълим олган устозлар кимлар? Шоирнинг устозлари ҳар бир сатрни ўқиган кишининг руҳи ва дунёсини алғов-даллов қилиб юборишга қодир қалам әгалари, жаҳон адабиётининг ги-

ғайтлари, чексиз фантазия ва исёнкор руҳга тўла ижодий жасорат ёгалари бўлган Шиллер, Байрон...

Еш ижодкорнинг илк ёътиборини тортган куч ҳам ана шу сифатлар бўлиши ажаб әмас.

Лермонтовнинг илк асарлари қаҳрамонлари кучли эҳтиросли кишилар, улар ўзларининг жасур фикрлашлари ва ҳаракатлари билан ўзларини ўраган муҳитга қарши, бутун бир жамиятга қарши ихтилофга кирадилар. Лекин кўп ўтмаёқ Лермонтов ижодидаги демонизм ва байронизм белгилари ўринини реал гражданлик хислатлари ёгалаб боради, унинг овози ҳаётий жаранг қашф этади.

Бу — буюк Пушкин шеъриятининг ажойиб таъсири әди. Пушкин ижодининг ҳаётбахш таъсири ёш санъаткор ижодига янги оҳанглар олиб киради: бу — гражданлик оҳанглари, бу — шоир ўзи туғилиб ўсган, тарбия олган олий табақанинг ҳаёт кечириши қоидаларига танқидий муносабатдир.

Лермонтовнинг шеърлари ва поэмалари, унинг прозаси ва драматик асарлари мардона бадий образлар, жуда турли-туман қаҳрамонлар сафи, киши қалбининг ёнг нозик ва муқаддас инсоний туйгуларининг ажойиб ифодаси манбаи, сира туганмас булогидир. Лермонтов ижодининг кучи ва буюклиги ҳам шунда, Лермонтов шеъриятининг кучи ва буюклиги ҳам қишилар ҳарактерини чуқур билиш, инсон қалбининг ёнг нозик ҳаракатини ўқиб, унинг торларини черта билиш, фикрлари, ҳаёллари, орзулари қанотини кузата билиш ва унга янада парвоз баҳш эта билишдадир. Бу менинг назаримда Лермонтовга, айниқса Лермонтов ижодига хос ажойиб фазилатдир.

Сиз шоирнинг «Васият» шеърини яна бир ўқиб кўринг-чи. Сиз бу шеърни ўқиганингида танҳоликка чўккан гарип кишининг тарихи нақадар чуқур ва мулоҳим бир гусса билан ифода этилганини, фақат бир неча мисрагина бу шеърнинг ёзилган вазиятидан хабар бериб ўтганини дарҳол ҳис қиласиз. Бу ажойиб шеър 1841 йилда ёзилган. Аммо биз учун, 1964 йил кишилари учун бу шеър жуда тушунарла, ҳамон зўр куч билан жаранглаб турувчи қўшиқ сингари яқин.

Классик шоирларнинг кишига таъсир өтадиган ажойиб кучи ва киши билмас сири бор чоги. Масалан, сиз Пушкиннинг «Тунги туман ухлар Грузия тепалигига» мисрасини ўқинг. Оддий, жуда оддий сўялар. Лекин бу ерда, бу сўзларнинг танасида қанча шеърият ва тераан маъно. Бу манзарани, табиатдаги шу кайиғитни ёлғиэ кудди шундай сўзлар билан, фақат шундай ибора билангина ифода этиш мумкиндай гўё. Бу ерда гўё ҳамма нарса аниқ ва тўла айтилган, содда, чуқур ва жонли.

Худди ана шундай сирли ва номаълум ажаб бир куч билан Лермонтов шеърлари жаранглаганига қулоқ солинг:

Тилга ололмайман номингни,  
Ёзиш менга ундан ҳам мушкул,  
Таниш, сирли, дардли оҳангги  
Дилни ўртаб қиласи чил-чили.

Ҳатто насрда ҳам, назмда ҳам, айниқса лирикада ишлатилавериб сийқаланиб кетган кекса иборалардан бўлган «сирли», «дил» бу тўртликда худди шоир томонидан, худди шу ҳис-түйғуни ифода этиш учун шу кун яратилган, шу кун кашф әтилган каби жаранглайди ва ўқувчи ўз юрагида шодлик қалбининг энг муқадас, яширин сўзларини шу қадар аниқ ва муайян ифодалаб берган шоирга миннатдорлик туйғуларини ҳис қиласи.

Лермонтов поэзияси ўқувчи учун ҳеч қачон эскирмайди. Утилан давр бўлиб қолмайди. Бойси унинг темасида, темасининг абадийлиги ҳаётийлигига. Шоир нима ҳақида ёэди, у ўзининг ёлқинли нозик қўшиқларида нимани куйлади?

Шоир әркинликка ташналик ва муҳаббатнинг кучи ҳақида, ватан ва садоқат ҳақида, баҳтга чанқоқлик ҳақида, ёрқин шодлик ва мунгли алам билан куйлади. Бу туйғулар абадий туйғулар, ҳамиша тирик ҳислар. Бу туйғуларнинг ҳаммаси ҳамма даврға хос, ҳамма даврда ҳам кишиларни бир хилдаги янги куч билан ҳаяжонга солади. Улар бизнинг ажойиб давримиз кишиларининг қалбини ҳам ҳаяжонга солади. Мана шунинг учун ҳам Лермонтовнинг ажойиб асарлари тўпламаларини деярли ҳар уйда топиш маҳол әмас. Алишер Навоий айтганидек, киши қалбининг доимий йўлдоши бўлиб қоладиган шеърлардир, Лермонтов қўшиқлари. Олимнинг китоблари орасида ва янги ерларни ўзлаштираётган ёшларнинг ёстиқлари ёнида, қурувчиларнинг ён киссаларида ва қизларнинг қўлларида ҳамиша Лермонтов китоблари ҳамроҳдир.

Буюк рус шоири Михаил Юрьевич Лермонтовнинг тугилганига 150 йил тўлиши тантанаси кунлари сизнинг қўлингизга тегадиган бу китобда шоирнинг ажойиб поэмаларидан ўн тўққизатси дасталанган. Шоир ўзининг жуда қисқа ҳаётида бундай поэмалардан ўттизга яқин ёэди. Лермонтов романтик поэмалар ёзишдан бошлиди, бу — Пушкиннинг таъсири әди, шубҳасиз. Ҳатто бир поэмасининг номини худди Пушкин сингари «Кавказ асири» деб атади ҳам. Лекин бу асар Пушкинга тақлидчилик самараси әмас. Шарқ поэзиямизга назар ташланг. «Лайли ва Мажнун» афсонасини неча шоир мадҳ этмади? Лекин буларнинг ҳаммаси мустақил, янгича талқин этилган, янги бўёқ ва ҳароратга әга бўлган бир-бирига сира ўхшамаган янги асарлар. Ҳар бири янги кашф, янги дунё,

Пушкин поэзиясининг ҳаётбахш таъсирини Лермонтовнинг шу китобга кирган «Кавказ асири», «Икки асира», «Калли», «Бостунчи овули» каби поэмаларда ҳам кўриш мумкин.

1830 йилда Михаил Юрьевич Лермонтов буюк инглиз романтик шоири Байрон поэзияси билан танишди. Лермонтов Байрон шеърларини шетър муаллифининг ўз она тилида зўр мароқ билан берилиб ўқиди ва ба ажойиб шоирнинг шеърнитига бўлган муҳаббатни ҳаётнинг охиригача юрагида сақлади.

Байрон руҳидаги қаҳрамонлар Лермонтов поэзиясида янги социал оҳанг кашф этди.

Бу қаҳрамонлар гоҳ исёнкор, гоҳ танҳоликка маҳкум, гоҳ атродини ўраган мұхит, жамият билан келиша олмайдиган, кўпинча баҳтсиз муҳаббат кучли туйғуларининг тўлқинлари у қирғоқдан бу қирғоқка ташлайдиган кишилар, катта ҳис-түйғу кишиларидир.

Лермонтовнинг бир неча поэмаларида эса бу қаҳрамон бошқа қиёфада намоён бўлади, «Исмоилбек» ва «Эркинликнинг сўнгги фарзанди» поэмаларидаги сингари у қаҳрамон-граждан озодлик, эрк учун курашувчи.

Лермонтовнинг ўзига хослиги ва кучи яна шундаки, у ўз ёниқ ва ниҳоятда нозик лирикасини поэмаларининг ҳаммасида сақлаб қолади. «Мен ҳозиргина «Боярин Орша»дан сероб бўлдим,— деб ёэди Белинский ўз дўстига бу поэма ҳақида —унинг бутун оҳангি, қандайдир галати лаззатга тўла. Унинг маҳт қиуловчи даҳшатли кучидан қутулиши менга маҳол. Бундай шеърлар ҳар бир ўқиган кишини ҳар қандай шаробдан кўра кучлироқ маст қиласди».

Лермонтов поэмаларини ўқир экансиз, сиз унинг поэзиясида реализм борган сари чуқурроқ ўрин олиб борганини, албатта, ҳис қиласиз. Бу реализм Лермонтовда ҳалқ ижодига, ҳалқ оғзаки адабиётига ва қадим рус маданиятига бўлган қизиқиш ва уни ўрганишга бўлган қунтдан келиб чиқди, «Савдогар Калашников ҳақида қисса» ва шунга ўхшаш бошқа асарлар шу ижодий бойишнинг мевасидир.

Лермонтовнинг «Мцири», «Демон» каби сўнгги поэмаларида эса биз романтикани ҳам, реализмни ҳам кўрамиз, манзаралар, турмуш, кишилар ҳаётининг тасвиirlари бу поэмаларда жуда ёрқин ва муфассал. Лекин қаҳрамонлар ҳамон ўша танҳо, бутун бир жамиятга қарши оёққа турган исёнкор. Менинг назаримда, бу шеърий лирик қаҳрамон бабъзи жиҳатдан шоирнинг ўзига жуда уйғун. Мен Йраклий Андронниковнинг «Мен сизларга ҳикоя қилиб беришни хоҳлайман» деган ажойиб қитобини ўқигандан кейин, бу фикр яна ҳам чуқурроқ сингиб кетди менга. Бу қитобда Лермонтовнинг ижодини ўрганишга бағишиланган чиройли, мароқли ажиб ҳикоялар бор.

Қачон ўтган бўлишига қарамай, буюк шахсларни, маданиятимиз, халқимизнинг фаҳри бўлган истеъдод әгаларини ўтмишдан бизнинг замонамизга олиб келадиган кишилар бўлади. Мана шундай кишилардан бири бўлган Андронников жуда кўпчилик ўқувчилар учун Михаил Юрьевич Лермонтовни янада яқин, тушунарли қилиб берди.

Буюк сўз санъаткорларини халқнинг дилига яқин қиласидиган бошика кишиларнинг олижаноб меҳнати ҳақида гапирмай бўладими? Булар таржимон шоирлар.

М. Ю. Лермонтовнинг жуда кўп асарлари ўзбек тилига таржима қилиниб бир неча бор нашр этилган. Лекин бундай китоб, фақат поэмаларни ўз ичига олган китоб ўзбек тилида илк дафъа нашр этилмоқда.

Лермонтов асарларини ўқиш давом өтади. Бу китобга кирган поэмаларни уларнинг бутун гўзаллиги ва туйғу-ҳисларнинг ёниқлиги, образларнинг ёрқинлиги ва фикрларнинг чуқурлигини — хуллас, Лермонтов поэзиясини, ўзига хос кучи ва латофатини биёгача етказиб берган шоир таржимонларимиз бу улуғ ишларини давом эттирадилар. Бу асарлар ўзбек адабиёти ҳазинасига дурдоналар бўлиб киради.

## ЗУЛФИЯ

# КАВКАЗ АСИРИ

Jeniesse und leide!  
Dulde und entbchrel!  
Ziede, haff' und glaube!

Сонз\*

## БИРИНЧИ ҚИСМ

### I

Тоғ тагида катта бир овул,  
Кулбалари олдида одам.  
Оқшом. Тутун бурқийди нуқул,  
Гурунглашар черкаслар бу дам:  
Мерганликдан, арғумоқлардан,  
Талон бўлган юрт-қишлоқлардан,  
Казак берган зарбу асадан,  
Русга қарши жангү жадалдан.  
Қанча-қанча асир ва тутқун,  
Қонли сафар ва низолардан,  
Ҳоказо-ю ҳоказолардан  
Ҳангамада сўз кетар бутун.  
— Тамакини чекишиб бегам,

---

\* Лаззатлан ва азоблан!  
Бардош беру бўйсунгин!  
Сев, умид қил ва ишон!

К. Ф. Конц.

Совуришар ҳавога тутун,  
— Шарақлатиб қиличларини,  
Янгратишар тоғ куйларини.  
Бир хиллари отланар жадал,  
Аммо жўнаб кетмасдан аввал  
Қўл беришиб олишар шу он.

## II

Черкаснинг ёш қизлари чаққон  
Югуршишиб чиқар тик тоққа,  
Тикилишар қараб йироққа.  
Аммо йўлда қўзгалмас тўзон;  
Қимир этмай ётар ковиллар  
Бехавотир, жимжит овуллар.

Узоқларда тўлғанар Терек,  
Қирғоқларга уриб ўтар тўш,  
Қўпикларга йўқ эди ҳеч чек,  
Ўрмонлар тинч, ҳеч ким йўқ, бўм-бўш...  
Ҳар замонда кенг саҳро бўйлаб  
Хурккан кийик ўтиб қолади.  
Ёйлқилар гижинглаб ўйнаб,  
Сукут бузиб шовқин солади.

## III

Ўша тóғнинг этакларига  
Чечаклардан тўшалмиш гилам.  
Ярқирашиб тоғ тагларида  
Оқиб ётар тошқин сувлар ҳам.

...Қизлар чопиб тушиб, осуда,  
Ювинарди топ-тоза сувда.  
Шўхлик қилиб черкас қизлари  
Қимматбаҳо узукларини  
Иргитишар тиниқ сув сари.  
Сўнгра баҳор чечакларини  
Қалин соchlарига тақишар,  
Сой кўзгуси узра ноз ила  
Ўзга оро бериб, боқишар,  
Майнингина жўр овоз ила  
Шарқ нағмасин аста тўқишар.  
Ён бағирда, овлуга яқин  
Майса узра қуришар йигин;  
Хур қуйлари янграб барала,  
Акс садо берар дарада.

## IV

Куннинг сўнгги олтин шуъласи  
Кумуш музда ёнар оловдай,  
Элъбруснинг баланд қояси  
Тўсар уни бир булут-ғовдай.

Маъраб қайтар даладан пода,  
Кишинаб қайтар йилқилар яйдоқ,  
Аммо нега янграб ҳавода  
Оғир кишан шарақлар бу чоқ?  
Нега бунча чўпонлар маъюс?  
Бу — ёш тутқун асиirlар, афсус,  
Йўқотмишлар олтин йилларин,  
Оғир заҳмат эгиб белларин  
Тоғ, ўрмонда, Терек бўйида —

Мол боқишиб юрарлар ҳамон.  
Лекин, доим булар ўйида —  
Қайтмайдиган баҳтиёр замон.  
Баҳт уларни сийламиш бир вақт.  
Аммо яна тарқ әтмиш зинҳор,  
Хаёл бўлиб қолмиш ўша баҳт!..  
...Уларга йўқ бирон ғамгузор...  
Улар қуллар, улар кишанбанд,  
Хира тушдай хаёли мавҳум,  
Қалблар караҳт, танлар -- дардманд.  
Кўз ўнгидаги тобут ва ўлим,  
Бечоралар! Ғарип, бегона!  
Ғойиб бўлди дил орзулари;  
Кўз ёшлари ва қайғулари;  
Қувонч эрур энди ягона.

V

Йўқ ватанга қайтиш умиди,  
Аммо қалблар ҳеч тинармиди?  
Дил толпинар юртга ҳамиша.  
Бошида нуқул шўрлик андиша.

Подалардан, бедов отлардан  
Бурқиб чиқар тепаликка чанг,  
Ҳорғин қайтар асиirlар шу дам  
Саланглашиб, судралиб аранг.—  
Кўпаклар ҳам ҳурмаслар энди,  
Кўп ғалвали табиат тинди.  
Фақат қизлар куйлар пайдар-пай.  
Тоғдан қайтар бу мунгли овоз,  
У латифдир қуш сайрашидай,  
Ва жилғалар товушидек соэ.

## Қ ў ш и қ

### I

Мудҳиш момақалдирок  
Қарағайни эккандай,  
Бўкиртириб арслонни,  
Қалбига ўқ теккандай,  
Бизникилар зарбидан  
Майдонда рус йиқилар,  
Дадил чечен у русдан  
Тортиб олар мардона:  
Олтин совут яроғин,  
Пўлат қилич-қалқонин  
Ва тоққа жўнар яна.

### II

На ҳарбий карнайлардан  
Қизган сипоҳ бедови,  
На жанглардан баногоҳ  
Хурккан ваҳший-бадавий  
Асло шунча қўрқмайди:  
Нохосдан ялтираган  
Ханжар қўрқитган каби.

У асиirlар ҳўмрайиб тинглар  
Бу дилозор мунгли нағмани,  
Юрак эса ўртаниб инграр.  
...Хўжайинлар ҳайдаб ҳаммани  
Деворларга боғлаб қўйдилар.  
Ва кетдилар.— Ўт ловиллади;  
Аммо, эвоҳ, на уйқу келар,  
На бу алам унутилади.

## VI

Ой оҳиста шуъла қуяди,  
Мард черкаслар бедор-беүйқу,  
Мажлислари ғалвадор, шов-шув,  
Русга ҳужум улар нияти.

Теваракда эгарлик отлар,  
Күмуш совутлари ялтирап;  
Ҳар қайсида ёй, ханжар, садоқ,  
Арқон ҳамда икки түппонча,  
Қайиш қилич, чўгурма папах.  
Милтиқ узра қора ёпинча.  
Босқинга шай қариси, ёши,  
Эшитилар йилқи товуши.  
Бирдан тоғда чанг қўтарилар,  
Эшитилар дукур-дукурлар;  
Ҳар ким дейди: ким экан, қарай?  
Ҳа, кўринди чавандоз Гарай!

## VII

Бор кучи-ла ниқтаб бу тоғлиқ  
Силтаб-силтаб отни сурарди,  
Орқасида арқонга боғлиқ  
Битта асир ёшни судрарди.  
Яқинлашиб Гарай, отидан  
Тушди, боғлиқ асир рус, нимжон;  
Черкас эпчил қўллари билан  
Кесди бандни, узилди арқон.  
Тош устида ётар ёш ўғлон,  
Ажал туши уради жавлон...

• • • • •  
Отланишган черкаслар энди  
Довон оша нарёққа инди,  
Ярим кеч... Ҳамма ёқ тинди.

## VIII

Раҳм қилиб ўлдирмадилар,  
Рус ўғлонга бердилар омон,  
Шериклари томон элтдилар,  
Ўз ғамларин унутиб тамом,  
Ҳамдард бўлиб унга, барчаси —  
Ўтиришди бутун кечаси...

· · · · · · · · · · · · · · · · · · · · · · · · · · · · · · · · · · · · · ·  
Қути ўчган, юзи-кўзи қон,  
Аранг нафас оларди ўғлон.  
У ўлимнинг совуқ дастида,  
Ётар эди кўкат устида.

## IX

Қиём вақти, қуёш шу нафас  
Авжга чиқиб кўм-кўк осмонда —  
Ялтирас, ўз жамолига маст.  
Подаларга адир томонда  
Жўр бўларди дайди елларнинг  
Кўп ўйноқи нафаси, сарин,  
Ва сойларнинг саси-шикваси,  
Бутазорда қушлар нағмаси.  
Баланд Кавказ тоғлари қатор  
Тешиб ўтган осмон бағрини.  
Қоплаб ётмиш қалин ўрмонзор  
Кунгурали жарлар барини.  
Бошдан оёқ бу тоғлар буткул  
Гилам каби чаман-чаман гул.  
Унда кўхна дубнинг тагида  
Сояликда қишангага банда  
Гиёҳ узра ётарди асир.

Ёнбошида хуноб, мунтазир,—  
Ҳамдарлари қилишиб хизмат,—  
Жон кирсин деб пуркар эди сув;  
(Лекин эвоҳ, бир кетган омад  
Қайтармиди? Мумкин эмас бу...)

Ана қалқар, чекиб оғир оҳ,  
Қарай дея ташлайди нигоҳ!  
Ана боқар!.. Қалтирап... Эвоҳ!  
Булар ошна дўстлар-ку, асир!—  
Қимирласа шақирлар занжир.  
Шум товушдан ўйрлик англади:  
Не балога қолган!.. Йиглади,  
Ва ийқилди дўстлар кўксига,  
Бўзлаб кетди келмай ўзига.

## X

Унинг дардин ўртоқлашгали  
Дўстлари бор. Бахтли у ҳали.  
...Аммо кимки, бу тасаллидан  
Маҳрум экан, ҳаётда абгор,  
Ким ёшликнинг қизғин фаслида —  
Армонлардан айрилса noctor,  
Чопқир йиллар совурса тағин  
Умидларнинг гул-қувонч чогин,—  
Ким иқболи бўлса афтода,  
Яшамасин у бу дунёда.

## XI

Ҳа, тутқуним туғишган элга  
Видо!— деди, деярлик мангу,

Утмиш хаёл доғ бүлди дилга.  
Хотирлайди азиз ерни у:  
Олтин ёшлик ўтган ерларни,  
Ҳаёт завқин тотган ерларни,  
Бўлар экан севгида хушвақт,  
Шодлик, азоб кўрган ерларни.  
Армонларни дилда бу бебаҳт —  
Хароб қилиб юрган ерларни

• • • • • • •

## XII

У эшилди бир сўз: умрбод!  
Қисмат уни хор-зор қилиб,  
Тутқунликка кўнишиб ношод.  
Шерикларга бир ҳамкор бўлиб —  
Боқар эди черкас подасин,  
Тикиларди қорлар тўдасин —  
Тоғдан қулаб гулдирашига,  
Уюм-уюм ялтирашига,  
Уваларни тўлдиришига;  
У кишандбанд бўлса ҳам, якка —  
Борар эди тез-тез Терекка.  
Тўлқинларнинг тунд увулашин,  
Қоя тубин ўйиб ковлашин  
Кўрар эди чангол оралаб,  
Терек оқар тошларни ялаб.  
... Тепаларда гулханлар ёниб,  
Унда соқчи казаклар юрар,  
Найзаларга гоҳо суюниб  
Лойқа сувга — оқимга қарап.  
— Сузиб ўтсан дейди,— қани,— оҳ;  
Кишанланган ва лекин, э воҳ!..

### XIII

Айни қиём, тепада қуёш  
Енар эди, бизнинг ёш тутқун —  
Хароратга беролмай бардош,  
Фор ичига кириб опти тин.  
Йилқи юрар тоғ-дара кечиб,  
Сояликда ўзга чўпонлар —  
Чанқоқ босар сойдан сув ичиб  
Ва ётишар, ҳар ёқ чаман, жар,  
...Асир гоҳо кўради бехос —  
Кўкда бургут қилганин парвоз.  
Елга ростлаб қанотин силтар,  
Кўриб қолса ўлжа, шу маҳал  
Шўнгиг бориб соларди чангаль.  
Сўнг қийқириб самога элтар...  
...Ўйлар эди асир шу замон:  
— Мен ҳам ўша ўлжадай қурбон.

### XIV

Баъзи вақтлар буталар аро  
Еки кўм-кўк дала, тоғу тош —  
Узра елиб ўтарлар бежо  
Оқ қуириқлар, ҳуркович, бебош.  
Баъзан кийик ёки оҳулар  
Қуш сайрашин эшишиб, ҳайрон —  
Қотиб қолиб тинглайдилар, мот,  
Сўнгра гойиб бўлишади бот,  
Кўзгатиб хўп қум билан тўзон.

### XV

Кўярар эди: тоғликлар елар,  
Жангга дадил от қўйиб келар.

Дам тўхтатиб шўх аргумогин,  
Дам депсиниб «чу-ҳо!» деб тағин,  
Гоҳо соҳил узра тўхталиб  
Тикилади, гўё бирпасга,  
Гоҳо яна ёйин ўхталиб  
Шўнгийдилар қоядан пастга —  
Ва . . . . .  
... Шалпиллаб сувда йўқолар,  
Сўнг тўғрига қараб йўл олар,  
Етиб олгач нари қирғоққа,  
Кўрмасин деб соқчи казаклар,  
Бекинишар ўрмонзор ёққа.  
... Эй, казаклар, турибсиз нега?  
Кўрмайсизми, дарё қўйнида —  
Оқ кўпиклар кўпириб тошди,  
Кўрмайсизми, бирдан ҳовлиқиб,  
Дублардаги қарғалар қалқиб,  
Қийқиришиб қирларга қочди!  
Йўловчини черкаслар бойлаб  
Дара томон етаклаб кетар...  
Тун туманда пайтини пойлаб,  
Киshan солиб қийноққа тутар.

## XVI

Кўп вақт қочар кўзидан уйқу,  
Тун қўйнига тикилади у;  
Ташланади кўзга шу нафас  
Мешда Терек кечувчи черкас.  
Сойда тўлқин қайнар, уринар,  
Туман аро соҳил кўринар.  
Бир тўнкада ётар қуроллар;  
Жанг ўқлари, садоқ ва камон;

Белидаги кескир, беомон  
Қиличи ҳам аста жаранглар.  
Тўлқин ичра ташланар қўзга,  
Дам йўқолиб кўринмас ўзга:  
...Ана чиқди соҳилга тўғри,  
Қурир бегам казакнинг шўри!  
Унга насиб бўлмас она-Дон,  
Черковнинг ҳам жоми чалмас сўнг!  
Мана чечен тог этагида,  
Темир совут ялтирап жуда;  
Ей жаранглаб, ўқи дириллар,  
Машъум зарба, ана урилар...  
— Казак! Казак! Афсус, эй бебаҳт,  
Нечук еди у баттол, бошинг?  
Ёнингдаги мудҳиш қўрғошин —  
Нега уни енгмади барвақт?..

## XVII

Шундай қилиб шўрли кишанбанд  
Тутқунликда бўлса, ҳам гарчанд  
Казакларнинг кўрди ҳалокин.  
— Тун чироги ёниш онида,  
Ёнбошлар у девор ёнида,  
Кўзин юмар, уйқулар локин  
Сийрак қўнар кўзларга, афсус,  
Шериклар-ла бирга ҳар туни  
Эслар азиз она юртини;  
Ҳаммадан кўп бироқ у маъюс.  
...Юртда қолмиш дилором гаров,  
Юртда қолмиш баҳт, севги, ҳурлиқ,  
Сафар қилди мажҳул эл тараф,  
Ва... бу элда куйди умрлик.

## ИККИНЧИ ҚИСМ

### XVIII

Яна бир кун у хаёл суреб  
Утирганди кеч тун чоғида,  
Янги, беранг ой эса юриб  
Липилларди қўк қучогида.  
Унинг титроқ шуъласи бенур  
Яшил майсаларга тўкилур,  
Дараҳтларнинг сояси лип-лип...  
Ўйнаб худди шарпадек бўлиб,  
Фақир черкас томига чўкар.  
Чироқ ёнди кулбада ана,  
Мис лампадан ёйилди нурлар.  
Ғира-шира ёриди хона:  
...Ухлар дара, дарё, адирлар.

### XIX

Лекин, тунда липиллаган ким?  
Буталардан емгил соядай,  
Қўрқа-писа, ўзин билдирамай  
Қадам босиб типирлаган ким?..  
Гоҳи босиб, гоҳи олиб тин,  
Яқин келар... Яна ҳам... Яқин...  
...Бирдан тушиб, пайқайди, кўзи:  
Мурувватли табассум билан  
Рўпарада ёш черкас қизи  
Тиз чўкади кўп таъзим билан!  
Гамхўр қўл-ла асирга бу қиз  
Тутади нон ва яхна қимиз.  
Қарашида бўларди зоҳир

Үйнаган дил, асаб, ҳаяжон,  
Таом олиб, раҳматин асир  
Имо билан айлади баён.

## XX

Анча узоқ, соқовдай сўёзиз,  
Рўпарада тек турди ёш қиз.  
Боқишилари айтарди гўё:  
«Чекма озор, севикли тутқун;  
Ҳали умид сўнмаган асло»  
Шунда бир оҳ маъюс ва сўлғин,  
Ёш сийнадан чиқди ташқари;  
Қиз юзланиб ҳовлиси сари  
Кўтармадан, сўқмоқдан ўтиб,  
Ногоҳ бўлди сояда гойиб,  
Гўристонда арвоҳ сингари.  
Йироқ кетди ёш черкас қизи,  
Фақат ҳали унинг чодраси  
Чалинарди липиллаб кўзга,  
Орқасидан узоқ у томон  
Боқиб қолди асирим ҳайрон,  
Айланмайин қолди тил сўэга.  
Ўйлар эди у, нега, нечук —  
Шўр бахтимга куйиб бу санам  
Шунча шафқат кўрсатди бу дам?  
Ухлолмади тун бўйи бутун  
Ухлаб кетди тонгдан сал бурун.

## XXI

Қиз тўрт кеча келмоқда давом —  
Этди, ҳар гал келтирди таом;

Ҳасратларга солмасди қулоқ,—  
Асир, сукут әтарди кўпроқ.  
Оҳ, юракни эзса қайғулар,  
Ет кўринар янги туйғулар;  
Йўқда қизни севмақка хоҳиш,  
Лаззатсиздир севги ғурбатда,  
Бу лойиқми шум асоратда?  
Йўқ, эсидан чиқмайди ўтмиш.  
...Истар эди бўлса миннатдор,  
Аммо чўмар ҳароратли дил —  
Соқов ғаму дардга муттасил;  
Туманларда кўмилиб ночор,  
Акси садо эшигаси қўнгил!..  
...Бу ҳол қилар безовта уни,  
Ҳар дам қувар кўздан уйқуни.

## XXII

Қизнинг порлоқ кўзларида у  
Сердиққат бир андиша билан —  
Дўстни кўрар меҳрибон мангу.  
Қиз лутф ила ширин сўйларкан.  
Овозидан пайқайди уни...  
Ва шарпага чўзар қўлинни;  
Эслайди-ю ҳаммасин шу вақт,—  
Чақиради ошно юзни...  
...Аммо, бирдан ҳушга келди-ю,  
Яна кўрди жар ичра ўзни;  
Энди ҳаёт гулламас мангу.—  
У сўлар ва сўнар бекарам.  
Гўё тонгнинг сўлим ранглари;  
Меҳробдаги ёнаётган шам  
Ўчиб хароб бўлган сингари!!!

## XXIII

У уқмади қизнинг тилагин,  
Унинг алам, ташвишларини;  
Қиз ачиниб келса ҳам, лекин —  
Англамади келишларини;  
У англамас әдики, шу тоб  
Мұхаббатда қиз қалби хуноб;  
Асир ваҳма, ҳайратда әди...  
Аммо, шу тун кутарди уни...  
Машъум тун ҳам кирди ва бедор,  
Күзларидан қувиб уйқуни —  
Асир, ғорда ётар интизор.

## XXIV

Аммо шу пайт қўзғолиб дарҳол  
Дараҳтларни тебратди шамол.  
Тун ярмида қулган бойқушдак,  
У ғувуллаб чаларди ҳуштак,  
Барглар аро сизарди ёмғир,  
Юмаларди кўкда қалдироқ,  
Яшин чақнар, ундан оққан нур  
Ёритарди ғору дарани,  
Шўрли тутқун дийдираб бу чоқ,  
Безилларди изиб бадани...

... Тинар момақалдироқ секин;  
Дараҳтлардан сув томар лекин;  
Унда-бунда адирлар бўйлаб  
Югуарди бўтана селоб,  
Томчиларин сачратиб ҳар ён  
Қуйиларди Терекка томон.

Йўқ далада черкаслардан из,  
Тарқалишар булат пойма-пой,  
Унда-бунда милтиллар юлдуз,  
Тез фурсатда қўринади ой.

## XXV

Ана, оппоқ булатлар бўйлаб,  
Балқиб сузиб чиқди ой тўлин.  
Олтин шари юмалаб ўйнаб  
Кўк ойнаси узра ўэ йўлин —  
Тиним билмай олар эди у,  
Фарқ этарди оламни ёғду.  
Адир, чаман, ўрмон ва дарё —  
Кумуш чойшаб ёпинди гўё.  
Лекин, босиб қайгули одим  
Тоғ-сўқмоқдан келаётган қим?  
Уша... Ҳанжар, арра қўлида,—  
Нега керак бўлибди ҳанжар?  
Тушмоқчими кураш йўлига,  
Еки маҳфий жангами борар!..  
Йўқ, йўқ, уни босган ҳаяжон,  
Зўр ташвишда қўринар бу он.  
Форга яқин келди-ю, қиз, боз —  
Жаранглади у таниш овоз;  
Гўё тушдан уйғондай асир...  
Тор фор ичра ўтиришдилар,  
...Узоқ муддат ҳомуш мунтазир,  
Чурқ этмасдан жим туришдилар...  
Бирдан босиб журъатсиз қадам,  
Унга қараб юрди қиз шу дам,  
Бир хўрсиниб, қайгуга тўла,  
Шафқат ила қўлин ушлади,

Қайнаб-тошган түйғуга тұла,  
Күп ғуссалы сўзин бошлади:

## XXVI

«Үрүс үрүс, не бўлди сенга?  
Нега лолсан, нега хафасан?  
Гапларимга бирор дафъа сан  
Нега жавоб қилмайсан, нега!..

Ҳали дўстинг борку оламда,  
Бору йўқдан бўлмадинг жудо,  
Мен сен билан фурсат топгандা  
Ҳамдамликка тайёрман! Аммо,  
Менга айтдинг: сен ўзга бир қиз —  
Ўзга ёрга бўлмишсан мафтун.  
У ёрингнинг сояси тун-кун  
Соя каби менинг пайимдан  
Қувиб юрар энди изма-из.  
Шунинг учун қайтуриб яккаш  
Мен йиғлайман, дилим бўлар ғаш...  
Мен тайёрман... ёрингни унут!  
Унут уни, бўлгин мен билан,  
Қайга десанг, борай сен билан.  
Йон менга, кел қўлимдан тут!»  
Ўз дардини айтишга ожиз  
Чуқур ғамга ботмишди асир,  
Шаҳло кўздан ёш тўкса ҳам қиз,  
Қилмас унинг қалбига таъсири...  
«Сен қутулдинг, энди менга айт,  
Нима дейсан: ҳаёт ё мамот?  
Е умидим узишгами пайт?  
Е қўз ёшим артайинми шод?»

## XXVII

Шунда асир ўрнидан турди,  
Ва кўзлари ёниб барқ урди,  
Киприкларда маржон-маржон нам,  
Ялтиради мисоли шабнам.  
«Йўқ, ўйлама, севинчингдан кеч!  
Эрким учун уринмагин ҳеч!  
Менга ахир гўр бўлгай бу чўл,  
Шонли жангда жасадим эмас,  
Балки банди суягим буткул —  
Чириб кетгай кишангага пайваст!..»  
У жим бўлди. Ва ҳўнграйди қиз:  
Охир қалқиб кучин жамғарди,  
Бир қўли-ла арра ҳамда тез,  
Сўл қўл билан ханжарни берди.  
Узилади кескир аррадан,—  
Кўп ўтмайнин, гарчиллаб темир;  
Жаранглайди ялтироқ занжир,  
Тия олмай ўзин ноладан,  
Қиз асирга йиғлаб шундай дер:

## XXVIII

«Мени... асир... унутарсан-ку!  
Алвидо!.. Оҳ, алвидо, мангу!  
Ҳа, абадий сенга алвидо!  
Эсла мени бахтли чоғингда...  
Балки, тор гўр ичида у кез  
Ором олиб ётади мурдам,  
Балки... «Мени бир вақтлар у қиз —  
Севарди» деб хўрсинарсан ҳам.  
Қизнинг ранги қув ўчиб кетиб,

Нигоҳлари тортади хира.  
Дийдоридан ғамни даф әтиб,  
Ёрнотмас кўз ёши сира!..  
Аlam эзар кўксин беомон...  
Асири қўлини тутгани кўйи  
У ошиқар зулмат-чўл бўйи  
Қоя аро кетган йўл томон.

## XXIX

Юра-юра тўхтаб бир замон  
Хўрсинишиб боқар орт томон.  
Аммо шу пайт машъум вақт етди,  
Ўқ узилиб, кўксин чок әтди...  
Қулаб тушди менинг асири,  
Ва ғижимлаб қолди кўксини.  
Алам эмас, тутқин кўзини  
Ўлим боскан кўйи юмди жим.  
...Шундай, зотан оҳиста сирғиб,  
Тоғ бағирлаб, қунда барқ уриб,  
Қулаб тушар уйим-уйим қор.  
Ҳудди бирга ўқ егансимон  
Қиз ҳам беҳуш йиқилди шу он.  
Гўё шум ўқ иккисин бирдан  
Бир лаҳзада бир зарба билан  
Ҳалок әтди мисоли бир тан.

• • • • •

## XXX

Совуқ қўл-ла ажал ҳам энди  
Асири руснинг кўзларин юмар,

Сўнгги нафас чиқди-ю тинди,  
Ортиқ у йўқ — совуқ томирлар  
Ичра қонлар секин қотади.  
Ялтиллаган дудама ханжар  
Карахт қўлда сиқиқ ётади:  
Баданида йўқ жондан асар,  
Умр ўти сўниб абадий,  
Шодлик мангу ташлаб кетади.

### XXXI

Шу вақт чиқди черкас дарахтлар —  
Орасидан, заҳарли кулиб,  
Бўри каби ваҳший қарашлар...  
Тикилади... сўзсиз... без бўлиб,  
Черкас мағрур боқиб, bemalol  
Тепиб кўрди жasadни шу ҳол...  
Лекин, кетипти деб ўқ бекор,  
Тоғ ортига яширинди такрор.

### XXXII

Ана, бирдан очди қиз қўзин,  
У, тутқунни излади боқиб.  
Черкас қизи! Қани юлдузинг?  
...У энди йўқ.—

Ёшлари оқиб,  
Айтолмайди ўз фифонини,  
Юволмайди дўстнинг қонини.  
Қарашлари девонамисол,  
Ишқ ўтида ўртанарди у.  
Жон азобда... Гувиллар шамол,  
Ҳилпиради чодраси ғув-ғув!..

...Турди... ва тез илгари шошиб  
Жўнаб кетди солиб бош тубан,  
Чимзор ўтиб, адирдан ошиб,  
Ниҳон бўлди сояда бирдан...

### XXXIII

Қиз Терекка яқинлаб борар;  
Эвоҳ, нега, нега ахир, у —  
Ҳадиксираб атрофга қарап?  
Сийнасида мудҳиш ғам, қайғу!..  
...Чопаётган тўлқинларга қиз  
Узоқ қараб, нигоҳлар тилсиз  
Тунда худди юлдуздай порлар,  
У, тош қоя устидан зорлар,—  
«Ўрус! Ўрус!!!»— деб қилас фифон...  
Ой нурида тўлқин чайқалди,  
Қирғоқларга сачраб тарқалди...  
Бу шовқинда қиз бўлди ниҳон,  
Сувда оппоқ чодра қолди,  
Тўлқинларда қолди овора,—  
Қиздан қолган ғамли нишона,  
Кафан янглиғ совуқ, бегона  
Фойиб бўлди қоялар аро.

### XXXIV

Оҳ, ким эди булар жаллоди?  
У эди бир оқ соқолли чол;  
Қора кўзни пайқолмай қолди,  
Ўрмон ичра йўқолди дарҳол.  
Ота эди! Бу бадбахт, эвоҳ!

Қизининг ҳам, балки, қотили;  
Унинг йиртқич ўқидан ногоҳ  
Нобуд бўлди қизининг ҳам дили!?  
Қиз йўқолди отаси билмас,  
У тундан сўнг қиз уйга келмас.  
Қани қизинг! Кутасан черкас!  
Лекин энди фарзандинг қайтмас!

### XXXV

Эртасига, музлаган жасад  
Топилипти соҳилда, ҳайҳот,  
У, суяқдай қотганди абад:  
Кўрган ҳар ким, лабида фарёд —  
Қотиб қопти дейиши аён:  
Гўё инграр алам сасида,  
Гўё овоз тинмаган ҳамон.  
Барча аён. Аммо жуда кеч!  
Ота! Сенсан қизингга жаллод;  
Қани армон? Қийнал умрбод!  
Бу дунёдан бебурд яшаб кеч!..  
У энди йўқ, бир шарпа сўзсиз,  
Қувиб юрар сени изма-из.  
Ким кўрсатур: гўри қайси ер?  
Югур! Ахтар бутун дунёни:  
«Қизим қани?..» Ақси садо дер:  
Қани?..

1828.

## КОРСАР

Денгиз қароқчиси

Бу хатарли касбда уни кўп маҳал  
Бахту омад қўллаб, қўйиб келди йўл.  
Хайҳот! У бағоят бўлмоқда дагал,  
Чунки, унинг бахти ҳаддан эниёд мўл!

Лагари

### БИРИНЧИ ҚИСМ

Боқинг аҳволимга, боқингиз дўстлар!  
Оздим, ранги рўйим заъфарон бўлди.  
Шодлик нурдай ўчиб, киртайди кўзлар,  
Кўпдан гул ёшлигим хазондай сўлди.  
Кўпдан тугаб кетди рўшнолик, сафо,  
Кўпдан умидларим сўнди беомон!..  
Бари барҳам топди!.. Ёлғиз бир жафо  
Ўтдай ўртаб турар бағримни ҳамон.

\*

Отам ва оцамдан қолгандим етим,—  
Мен асранди ўсдим, болалик чоғим  
Ёт эшикда ўтиб, сарғайди бетим.  
Бисотимда ёлғиз суянган тоғим,  
Ёлғиз шавқу-завқим укам бор эди.  
Гарчи мендан хийла ёш бўлса ҳам у,  
Бироқ, кўнгли билан кўнглимга тенгу,  
Мендай меҳрибону ғамғузор эди.

Эулмат кечалари, эл мизғиган дам  
Куйиб ҳасратлашиб биз икки сирдош;  
Ғам-қайғуни кўриб ўртада баҳам,  
Йиғлаб баббаробар тўкар әдик ёш...  
Гоҳо жазб этувчи баҳт ўз дийдорин  
Имлаб кўрсатаркан, топардик далда!—  
Эвоҳ! Билмас әдик биз бу маҳалда  
Таҳликали куннинг қисматда борин.

\*

Укам вафот әтди. Ёндириб алам,  
Ўтли кўз ёшимдан, куйиб ёноғим,  
Йиғлаб оёғида ўтирган чоғим  
Менинг кўз ўнгимдан кетмас ҳали ҳам,  
Бу хил осойишта жон талвасасин  
Учратмаган әдим ҳеч бирор бора;  
Қўлин кўкрагига бола бечора  
Қовуштириб қўйиб, узди нафасин;  
Ожиз нигоҳ билан юмулди кўзлар,  
Аста ҳароратсиз лаблар муз қотди.  
Ич-ичига чўккан чакаклар, юзлар  
Ғам-ҳасратдан сўлиб, ёстиққа ботди.—  
Эвоҳ укам ўлди!— кўтардим фиғон,  
Бутун вужудимда зирқироқ турди.  
Энди севги эмас, томиримда қон  
Аянч ва афсусли аламдан урди.

\*

Ўз маконим эмас, эҳ, у фаслда  
Ет эшикда әдим, сўлдим паришон.  
Шу-шу, ҳеч кимга ҳам, алданган дилда  
Ишонч-эътимоддан қолмади нишон.

Йўқ, қолмади энди итоат, бардош:  
Гердайишу, таҳқир, мазахларга ҳам  
Ёввош кулки билан әгмай қўйдим бош...  
Фақат севалардим ёниб чинакам.  
Ўзим ризо бўлмай ўзимдан, ҳар он  
Эрку фарогатни ахтариб кетдим,  
Ва ўрмонлар ичра санғиб сайр әтдим,  
Шундагина топти оромини жон.  
Чуқур хаёлларга ғарқ бўлиб туриб,  
Баланд дараҳтларга қададим кўзни,  
Унда барглар аро яшириб ўзни  
Эрку шавқ қуйчиси гоҳ чақ-чақ уриб,  
Гоҳо чўзиб-чўзиб чуриллай кетиб,  
Гоҳо мовий кўкка бирдан «пир» этиб,  
Енгил қанотини қоқиб учганда,  
Мен ўз юрагимда ажиб ҳаяжон,  
Алланечук мавҳум бир кучни сездим.  
Елғизликнингина ёқтирган ҳамон,  
Бебурд бу ҳаётни тушундим, бездим:  
Бездим ғам-ғуссадан, жонимдан тўйиб,  
Бездим ғала-ғувур босган оламдан.  
Зарра вафо топмай ҳеч бир одамдан,  
Ҳаёт рўшнолигин йўқотиб қўйиб,  
Ҳаёлатлар ичра гангиди бошим;  
Тушкунликка тушиб қаҳр ила тўлдим.  
Ситамларга ортиқ қолмай бардошим,  
Бирдан ҳайё-ҳув деб қочмоқчи бўлдим.

\*

Тун ҳам чойшаб ёйди... ҳушим паришон,  
Лоҳас, оғир тортиб тўшакдан турдим.  
Ҳамма маст уйқуда, бутун атроф жим.

Ва мен паноҳида — хилватда ҳар он  
Фароғатда яшаб беташвиш, бегам  
Умр кечирганим юртимга, сўнг бор  
Видолашар пайти бир дам бўлса ҳам,  
Тўйиб тикилмоқни қилдим ихтиёр.  
Ханжаримни олдим, тасмамда шунда  
Бир жуфт пистолетим шарақлаб қолди,  
Вазмин сокитликда — мудраган тунда  
Ой ёғдуси дилга ваҳима солди...

\*

Бироқ, ёш юракнинг ҳаяжонлари  
Мени судраб кетди кекса қоя тош,  
Ва тик қирғоқ аро ўшқирган бебош —  
Дунай дарёсининг оғуши сари.  
Мен у ерда тошга бош эгиб тубан,  
Тек ўлтириб қолдим, сутдай ёғдуси  
Бош устимдан ёғиб ой сузди бу он;  
О, мунча у сузгун, оқарив туси,  
Ҳил-ҳил ёйган кўйи кумуш кокилин,  
Ювар чакалакзор дарё соҳилин.  
Бу ерларнинг бари менга қадрдон,  
Бари ўшлигимни солди хотирга.  
Бари шодлигимнинг шу ерда, ерга —  
Буткул кўмилганин айлади баён.  
Жигаримнинг жисми жо бўлган ҳокин  
Кўриб, видолашмоқ учун йўл тутдим,  
Чуқур бир жарликдан югуриб ўтдим,  
Ва қабристон бўйлаб сангидим сокин:  
Мудроқ қабрларга чўккан сокитлик  
Ҳавр ўтимни босди, лол қотган кўйи  
Қабр тоши узра узоқ вақт бўйи  
Бошни қуйи эгиб туарканман тик,

Худди ер қаъридан ўрлади мубҳам  
Аллақандай совуқ рутубат, ситам.

\*

Сўнг... довдираб қолиб, паришонхотир  
Энтак-тентак босиб узаб кетдим ман.  
Аммо соя каби шарпа қандайдир  
Келаётган каби бўлди кетимдан.  
Овлоқ чакалакда тунаб қолдим, тун —  
Аста терар әкан хира юлдузин,  
Тонг бўзара бошлаб, шафақ лолагун —  
Шуъласига ювди тепалар юзин.  
Оғирлашган бошни қошимда турган  
Бир тўнгакка әгиб, ўтириб қолдим.  
Бироқ, қўзгалдиму, қайнаб қўпирган,  
Узоқ-узоқларда инграб ўкирган  
Дунай соҳиллари сари йўл олдим.  
У ҳансираф оққан дарёни сузиб  
Мен ўтмоқчи эдим Юнонистонга:  
Токи, бераҳм қўл бўясин қонга,  
Токи, турк шамшири калламни узиб,  
Барҳам топсин дердим ёвуз қисмат-ғам.  
(Минг хил хаёлтлар кезди бошимда),  
Мана қарасамки, ёйилиб кун ҳам  
Жўшиб пишқирмоқда Дунай қошимда,  
О, у қандай улуғ, о у қандай шўх,  
Мовий қўзгусида кўрк бениҳоя.  
Тошиб тўлқинланиб, бирдам тинчи йўқ,  
Қирғоқларда ўйнар қояма-қоя.  
Бунда из қолдиришиш ўтган даврлар,  
Ўтган шонлар билан дарёйи азим  
Ҳамон фахр қилар, ҳамон шовуллар.  
Қирғонига чўжиб ташларкан раzm,

Тезоб бир ерига тикдим кўзимни,  
Кейин тўлқинларга отдим ўзимни.  
Бурқ-бурқ қайнаб кетди қўл остимда сув,  
(Шўх дарё ҳам менга келолмади бас);  
Қирғоғига чиқдим дам ўтар-ўтмас.  
Ҳамма нарса қўзғаб қўнглимда фулу  
Дунай қўпигидай жўш урди шу чоқ.  
Сокин соҳил узра ўз она қучоқ  
Ўз юртимга томон кўзни тикдиму,  
Дедим: эй, олтиним, юртим, алвидо!  
Балки сўнгги бора боқишимдир бу,  
Балки қайтиб қўрмай бўларман жудо.  
Аммо эй азизим, бу ганимат он  
Ва бу сўнгги сўймас хотиранг сенинг  
Бир умрга кезгай қўксимда менинг.  
Сўнг олислаб кетдим ҳушим паришон.

\*

Сўнгра не-не кунлар кечмади бошдан,  
Дўстлар, этолмайман барини баён,  
Хулосаси шуки, алданган бу жон,  
Аламидан чиқмай, ёниб оташдан,  
Умид рад айлаган дардчил юракка  
Ишонч аввалгидай бўлолмасдан ёр.  
Қўнглим ўксиб қолиб, етимдай якка  
Сарсон санғиб қездим ҳар ерда абгор.  
Бу ёт олам билан келиша олмай,  
Ва бу пуч ҳаётнинг қизиги қолмай,  
Кўрдим, кўрдим гўзал Юнонистонни,  
Аммо унинг кўрки яна бу жонни,  
Заҳар-заққум бўлиб, ўртади ёлғиз,  
Қувалашиб ўтди кунлар изма-из..  
Болқон чўққидаrin устига ошиб,

Юони водийларин кўрдим ўнгимда,  
Шарқнинг қуёшига товланиб тошиб,  
Жилоланган денгиз мунглиқ кўнглимда  
Тоғлар шалоласин садоси йўсин  
Шавқу мароқ қўзғаб юбордим ногоҳ...  
Аммо бандасида қани илож, оҳ,  
Қутқаролса экан қисматдан ўзин!  
Зотан неки севдим, ҳаммасини ҳам  
Шунда топиб, шунда бердим мен барҳам.

#### ИККИНЧИ ҚИСМ

Асов тўлқинлари ўйнаб тўлғаниб  
Кекса кенг Геллеспонт<sup>1</sup> қайнаб жўш урап.  
Ва у ерда ўрмон ичра чулганиб  
Ёлғиз Афос<sup>2</sup> ўйчан-хәлчан турап.  
Баланд қоялардан, атрофига у,  
Йўлаб бўлмас тарзда кўтармиш девор.  
Бебош шамолларнинг кучли зарби-ю,  
Зўр тўлқинлар унга қиломайди кор.  
Ут ва йўсин босмиш унинг манглайн.  
Агар кемасини шамолнинг зўри  
Элтиб бунга урса, йўлчининг шўри!—  
Унинг шу лаҳзада офати тайин!  
Жарлар, бутазорлар оралаб ошиб  
Уни кесиб ўтмиш тор-тор сўқмоқлар.  
Унинг этагига етиб, туташиб  
Шарқдан ўркач-ўркак чўэзилмиш тоғлар.  
Ва Летоснинг<sup>3</sup> унда мағур, баҳайбат

<sup>1</sup> Геллеспонт — Дарданел бўғозининг қадимги номи.

<sup>2</sup> Афос — Греция тоғи.

<sup>3</sup> Летос — шу ердаги бир тоғнинг исми.

Чўққилари томон тушганда нигоҳ,  
Бирдан қўзғалади кишида ҳайрат.  
Кемалар ҳам агар бу ердан гоҳ-гоҳ  
Ўтиб қолар бўлса ваҳмага тушар,  
Ва тараддуд кўрар эҳтиёт чора:  
Оқ елканли кема ороллар ора  
Оққуш қанотида учгандай учар.  
Бу ерларда энди ўтмиш замондан,  
Бир чин воқеликдан хотира қолмиш  
Цареград йўли, ана, майдондан  
Қора чизиқ тортиб бунга йўналмиш.  
(Сен эй, Юнонистон, кўрдиму сени,  
Сенинг аҳволингга тушди-ю кўзим,  
Зўр ҳаяжон қуршаб гангитди мени,  
Нақ йўқотаёздим ўзимни-ўзим!. )  
Кўрдим, мана энди бир замонлари  
Бахти Фракия паҳлавонлари  
Қувнаб базм қурган қоялар ора  
Чангальзорлар ўсиб ҳувуллаб қолмиш,  
У даврлар ёди тугаб тобора  
Замон оқимида оқиб йўқолмиш.  
Бир вақт мардлиги-ю, әркин васф этиб  
Юнонлар куйлаган бир юрт бу чоқда  
Ёвуз қўлга тушиб, футурдан кетиб  
Елғиз азоб ичра инграп сиртмоқда.  
Бироқ бу қисматни у пайт юнонлар  
Ухлаб кўрмаганди тушда ҳам бир қур.  
Бунда ҳамма нарса у ўтган шонлар,  
Жанглар ёди билан тин олар мағрур.

\*

Гоҳ юнонлар бирдан ғазабга тўлиб,  
Туркни қийма-қийма қилгудай бўлиб.

Жанг қиличин чархлаб, даст тутардилар;  
Тоғ бургуги каби тўпланиб шунда  
Қоя тошлар аро ғөрларда тунда,  
Ботир шайка тузиб, пайт кутардилар.  
Ва зим-зиё хилват қирғоқда ҳар вақт  
Кучли ёв полкидан қочмоқ учун тахт  
Кема турар эди, уларни асти  
Асов тўлқинлар ҳам қўрқитолмасди.  
Мен ҳам у горларда кўпинча тунда  
Хордигимни ёзиб ўтирад эдим.  
Қисматимни қарғаб юрак хузунда,  
Кечмишимни эслаб, ўй сурар эдим.  
Ва қандайдир янги истакдан — ўтдан  
Бетажриба қалбим ёниб кетарди.  
Учкур қуюнлардай тутқизмай ўтган  
У кунларнинг ёди мафтун этарди.  
Зўр жангларда кезсам майдон аро мард,  
Азм денгизларда суэсайдим дердим.  
(Бироқ, дилга монанд бир ҳамкор, ҳамдард  
Сирдош тополмасдим) дўстлар ёш эрдим!  
Зотан нега энди бу қадар қайгу,  
Руҳан қаримоқниңг не кераги бор.  
Шодлик ёшлиқданки кетдими, бас у,—  
Қайтиб насиб бўлмас деявер зинҳор...

\*

Корсарларни топиб бўлсайдим ҳамдам,  
Ва суэсайдим,— дедим,— денгиэда бирга,  
Аммо бир ўй кечди мулоҳазамдан:  
Жо этса-чи жанглар унда қабрга?—  
Майли, ўлим хавфин кўриб турсам ҳам,  
Қарши олмас, дедим,— балки унда ғам,  
Ва у соҳил биълан хўшлашдим сўнг бор,

Денгиз оламини ихтиёр әтдим;  
Сувчиликда моҳир бир тажрибакор  
Қора мавр билан йўл тутиб кетдим;  
Қадамларим шошиб, гуллаб қўкарган,  
Кекса океан узра қўкрак қўтарган,  
Оролларга томон әнтикдим ғоят.  
Корсарларни қўрдим, унда ниҳоят  
Бизни жўшқин тўда қаршилаб олди,  
Менга мансаб бериб қилди атаман,  
Мен амалга миндим, шу-шу, батамом  
Тақдирим ҳам әнди ҳал бўлиб қолди:  
Энди ҳаётнинг ҳам ва ўлимнинг ҳам  
Менинг учун фарқи йўқ эди ҳар дам.

\*

Дўстлар! Нақадар гашт кенг денгизларда  
Яйраб қулоч отиб очсанг баҳри-дил.  
Бироқ, иқрорманки, ёшлик кезларда  
Қадру қимматига етмай, муттасил  
Йсроф айлаганим у давру даврон,  
У хазондай сўлган гулбаҳоримни  
Қайтиб ололсайдим, жон-жон деб шу он  
Унга бахш этардим йўғу боримни.  
У гақдирда менга сув ҳам, адир ҳам  
Дала, ўтлоқ, ўрмон, хуллас, неки бор  
Татиб, топа олур әди эътибор,  
Кўрина олурди қўзимга кўркам.  
Бироқ, беқарормиз, аввал бир ҳавас  
Бир умидни қўмсаб дард чекамиз-ку,  
Аммо, кейин унга эришдикми, бас,  
Дарров эсдан чиқиб қолади-да у,  
Яна ўзга тилақ туғилиб ўйда,  
Жонни жабрлаймиз етишмоққа зор.

Буткул тахлиқадан чиқмай, шу кўйда  
Умр адо бўлар, эй парвардигор.

\*

Соҳилларга тез-тез чиқиб турардик,  
Дашту саҳроларда дайдиб юрардик,  
Араб аргумоги остимда ўйнаб,  
Ҳайё-ҳув деб чексиз, ҳайҳот, чўл бўйлаб,  
Елдай учар әдим йироқдан-йироқ.  
Кўринмасдан ортда қоларди қирғоқ.  
Денгиздаги каби, қақроқ чўлда ҳам  
Қувноқ тўда билан кезардим ҳар дам.

\*

Ёки тун ярмига оғганда роса,  
Кайфу сафо қилиб биэда уйқу йўқ,  
Сузиб айланаркан даврани коса,  
Ялпи алёр айтиб, ҳангама қуюқ.  
Хилват пано топиб ўрмон ўнгурин,  
Чақ-чақлашар әдик сипқариб бода.  
Ва тўлин ой сузиб мовий самода  
Булут ичра бошдан сочарди нурин.  
Шу кўй майшатда ўтар әди тун,  
Соат-соатлардан олар әди гал,  
Милт-милт гулхан ёниб, яллиғлаб сал-пал,  
Чирс-чирс отиларди кўкимтири учқун.

Кейин кемаларни ҳайдаб кенг денгиз —  
Тўлқинлари узра ҳукмрон бўлиб,  
Юрак алланечук ғууррга тўлиб,  
Зўр бир шиддат билан сузарканмиэ, биз —  
Ҳатто шаҳаншоҳнинг аркига бу дам  
Унинг бир мавжини алишмасдик ҳам.

\*

Ҳаргиз зарда билан кўзга тўлиб қон,  
Бебош тўпонларда сарсон учардим.  
Бироқ, ёш юракда ўзга бир пинҳон —  
Туйғу ўти ёниб, қийнарди дардим.  
Аллақандай мудҳиш даҳшатни бу чоқ  
Кутиб, орзиқардим, танда тоқат тоқ.

Шунда, денгиз аро қувноқ тўданинг  
Мардлик қўшигини эшишиб қолдим  
Ёшлигимни эслаб, ҳатто худонинг  
Шукрини ҳам қилмай, кўзга ёш олдим.  
Менинг ҳаёт йўлим оқмасди равон,  
Мен бу йўлда мункиб борардим, дўйстлар  
Мен бу мавжудотдан баҳтсиз, нотавон  
Тирик ўлик эдим, юмулмай кўзлар.  
Машъум қисмат билан тинмасдан кун-тун —  
Олишгандай бўлиб, бу дардчил дилим  
Исён, ғазаб билан тўлиб лиммо-лим,  
Ўзлигимни ўзим унутиб бутун,  
Ғамгин яшар эдим, қийноққа дучор.  
У дастлабки даҳшат қунларги йўсин  
Ўта серқайғи-ю, ўта исёнкор  
Ишончсизлик билан тўлган келгусин  
Кутдим, яна бари сўнди ўнгимдан  
Худди шом олдидан сўнган кундуздай,  
Бир лаҳзалик ором тугаб кўнглимдан,  
Яна пора юрак ачишиб туздай  
Оғир ингроқ билан чекди азият.  
Яна мурғак хаёл, муқаддас ният,  
Кучли ва энг нозик тасаввурлар ҳам  
Ширин туйғударим топдилар барҳам.

## УЧИНЧИ ҚИСМ

Қора булут чиқди осмонга бир тун,  
Бор оламни тутиб гулдирак турди.  
Булут галасини қувган зўр қуюн  
Кучли шиддат билан инграб ўкирди.  
Чақмоқ тун бағрини қиларди тилка,  
Тўлқин ҳамласидан кенг, бениҳоя —  
Денгиз тебранарди ва лекин дилга  
Ҳеч на сололмасди ваҳимдан соя.  
Сув тўшини тилиб, қолдирадик из,  
Виш-виш, қайнаб турган оқ қўпикардан  
Кема оқаарди. Шиддатли зарбдан  
Изимизда инграб қоларди денгиз.  
Гоҳ қўққисдан сапчиб осмонга етиб,  
Ўйнаб чиқар эди асов пўртана.  
Қалқиб чайқаларкан, қорайиб кетиб  
Пўртанага қайтиб уради яна.  
Гўё денгиз ҳозир ҳаддан тиш жоҳил,  
Осмон уфқин юмдаб, қиларкан ваҳшат,  
Ва зарбидан инграб тебраниб соҳил  
Борган сайин авжлаб дағдаға-даҳшат,  
Кучли гулдураклар тинмай ўкириб,  
Бири-бирисига қарши очиб ўт,  
Дув ёпирилиб ёғиб булатга булат,  
Қуюн қуюнларга тўқнашиб уриб,  
Жаҳолати қайнаб асов денгиз ҳам  
Ўз нам туби билан олишар эди,  
Ва ялт этиб ёнган чақмоқдан бир дам  
Зулмат-қоронфилик ёришар эди,  
Гоҳо кемамиз ҳам қалқиб тебрана,  
Қора булут бўйи тиклаб туради.  
Ва қарсиллаб кетиб қўққисдан яна  
Зўр тўлқинлар ора қайтиб уради.

Даҳшат әди... аммо мен қўрқмай бу кез  
Ботирликни қўлда сақлардим омон  
Оломоним билан бирликда ҳамон  
Палубада туриб, зарб билан тез-тез  
Замбаракни узиб, бир дам тинчим йўқ,  
Мудҳиш ҳалокатдан берардим хабар.  
Мўлжалланган ерга тегди бизнинг ўқ!  
Фақат жала қуиди атрофда шар-шар,  
Фақат гумбурлади момақалдироқ.  
Бирдан узоқ ердан ўқ отилди-ю,  
Зим-зиёлик ичра маҷтада чироқ  
Ялт этгандай кўзга чалинди-да, у  
Зумда ғойиб бўлиб, тим қора тунда  
Қуюқ туман билан қоришиб кетди.  
Яна зўр гулдурак ўкириб, шунда  
Атроф чақмоқлардан ёришиб кетди,  
Юнон кемасини кўрдик шу замон,  
Сузиб ошиқарди у бизга томон.  
Англаб бўлмас әди бунинг барчасин,  
Улар тўлқинларга чўмиб, толарди,  
Мадад сўрар әди, уларнинг сасин  
Шамол эшитдирмай кўмиб қоларди.  
«Тездан қайиқларга! Қутқарингиз тез!»—  
Деди кимдир, товши янгради пастда.  
Қоя тошга уриб «қарс» этиб, бу кез  
Кема чўкар әди денгизга аста.

\*

Тездан биз уларга улгуриб етдик,  
Қутқарилган қисмин кемага әлтдик;  
Улар жиққа сувга ботган әдилар,  
Нақ мурдадай ҳушсиз ётган әдилар  
Аста-секин тинди бебош шамол ҳам,

Гулдураклар тинди, тинчланди олам,  
Фақат тўлқингина баъзи бир чоқда  
Тоғ-тоғ бўлиб ўрлаб, тушарди яна.

Кемамизга бирдан урди пўртана,  
Чиқиб туриб қолдик, саёз қирғоққа.

\*

Тонгда, балқиб чиқиб, булатларни кун —  
Нурга ювганида, кўрмоқлик учун  
Кирдим қутқарганим кишилар томон:  
Ҳайҳот! Кимни кўрдим, бу ўнгми ё туш?  
Еш бир юнон қизи термулиб беҳуш  
Икки кафти ора бош солиб бу он,  
Зарра қони қолмай ранги рўйида,  
Маъюс ўтиради. Ушандан буён  
Уни ёд этаман, куйиб кўйида,  
Бир дам ором билмас жисмим аро жон.  
(Унинг юрти йироқ, у бечора қиз  
Келтирилмиш эди бунга йироқдан.  
У ўз гулбаҳорин эслаб, фироқдан  
Ўксиб ўртанарди ғурбатда ёлғиз.  
Бахмал қечаларнинг сиёҳлиги-ю,  
Кундуз ёруғлиги билан кўзлари  
Менга термуларкан, назаримда у  
Боқсан каби эди кўпдан кўк сари.  
Ва у кўкда юлдуз, кўнглини ёқиб.  
Эзиб-ўртаб турган неки дарди бор,  
Шу тўғрида унга йилтираб боқиб,  
Берган каби эди, юпатиб, ахбор,  
Аммо жоҳил булат тўсди-ю, э воҳ,  
Юлдуз сўниб кетди, шу-шу энди қиз

Аламидан чиқмай, қайғуси чексиз)...  
Шу-шу, әнди мен ҳам оҳ чекаман, оҳ...  
Шу-шу, тақдирим ҳал тинчлигим битиб,  
Дарднинг гирифтоғи бўлиб қолганман.  
Юрак тош-метинга айланиб кетиб,  
Нозик ҳислар учун ўлиб қолганман.

1828

# ЖИНОЯТЧИ

*K u c c a*

«Гапир бизга ростин, атаман,  
Юртингдаги саргузаштингдан!  
Чамамизда, сенда сўнмаган  
Ёшликдаги ғуруринг ҳамон.  
Чўлда эман соясида сан  
Мард йигитлар кўнглин оласан!»

— Отам мулкдор ва донгдор бўлган...  
У қариган чоғида, такрор,  
Қирчиллама, тўлин ҳусндор  
Иккинчи бир рафиқа олган;  
Кўп йилларнинг зарби, оҳига  
Бардош қилган бир кекса лочин.  
Бир гўзалга очиб қулочин,  
Олар экан ўз никоҳига,  
Оқибатда ўзи маломат  
Бўлишини англамайди-да,  
Жононини севади фақат;

Әркаланар ёрига у-да.  
Кузатади ҳатто уйқуда.  
Еш йигитни қўрса у бир бор  
Ишқ ўтида йўқотар ўзин,  
Сақламақдан зарра номус, ор.  
Чўқиб кекса лочиннинг кўзин,  
Уясини шу кун тарқ этар,  
Узоқларга учару кетар!

• • • • • • •

Мен унутиб ишрат онимни,  
Қадаҳларда тоза май тутган,  
Сархуш этиб қоним қизитган  
Туғилганим хушмаконимни,  
Ўгай онам тиззасига бош  
Қўйиб, кўп вақт ором олганман.  
Кечалари у билан йўлдош  
Бўлиб, отагинамга қарши  
Қанча макр, қутқу солганман.  
Унинг олов бўсаларин ман  
Шимирганим, дилга ютганман,  
Эсимдадир орзу, эҳтирос —  
Кечалари афсун, илтижо,  
Лекин энди кўздан доимо  
АЗоб ёшин тўкаман, холос!..  
Эҳтимол, у севгандир мени,  
Еки сохта ишқ баён этган?  
Зарб бериш-чун дилда риёни  
Фусункорлик билан беркитган?  
Севиклиман, деб муҳаббатсиз  
Ёлғон энтиккандир бутунлай?  
Ким билади, аёллар шундай  
Қалби тиалсим, чуқур бир дениз!..

Кунлар ўтди. Келди он, фурсат!  
Ёшлиқданоқ гуноҳкор мен — шум  
Маҳкум каби титрадим беҳад!..  
Қулогимда янгради машъум  
Аччиқ қарғиши, лаънат, ҳақорат.  
Сўнгра, бутун воз кечиб уйдан  
Қочишига ҳам рози бўлганман.  
О, не кулфат! Не шармандалик!  
Ор-номуснинг барбод бўлмоғи!  
Гадолигу, уят ва севги,  
Беомон ўч туққан душманлик  
Ва отамнинг ғазаби!.. Ташга  
Етимчадек қочиб чиққанман.  
Сўнгра, ортга қайрилиб бир бор,  
Ғамга тўлган, ҳувуллаб қолган  
Савлатни уй, ҳовли томонга,  
Жимжит ҳовуз, сукутга тўлган  
У кенг гулзор боғи-майдонга  
Лаънат кўзи билан боққанман!..  
Истар эдим, телба ва ғамгин  
Соқовликда йўқ қилса яшин:  
Дўстлар ила атрофи мудом  
Банд этилиб, шодлик майини  
Нўш этганим столимни-да,  
Йилқиларга тўла у беном  
Кичиккина дарё қошида  
Ул ўқ зарбин еган жойини.  
Ва даҳшатли баланд жарларни,  
Ва тош юрак отам бошида  
Ўсган мақкор оқ тўлаларни;  
У илоҳий кўзу хиприкни,  
Қадду қомат, ажиб кўкракни,  
Унинг сирли завқин ва баҳрин;  
Лабларининг давосиз заҳрин;

Унинг иссиқ ӯйсаларига  
Қонган жойим — хиёбонларни  
Ўша ўгай онам-ла бирга  
Етганимиз... ў маконларни!..

Ўз ҳолимга қувғин, сар-сари  
Бўлиб юрар эдим ўрмонда,  
Мени қабул қилдилар шунда  
Икки жуҳуд, улардан бири.  
Олиб сотар, фирибгар, судья  
Экан, ҳамда ҳокимиятдан  
Норозидир, шериги яна —  
Хоруннинг<sup>1</sup> бир муҳлиси — ёри,  
Қадим қонуннинг талабгори,  
Олмосларин сотиб тугатган  
Мендай қувғин ва гадо экан.  
Мен каби баҳт излар жаҳонда,  
Лек муштлашиш-ёқалашишга,  
Пулга ширин бўса олишга  
Бир зиқналик бор энди ұнда,  
Ўзи асло сир бермайдиган,  
Илтимосни тингламайдиган.  
У дўзахи сақлар шубҳа, кек,  
Шафқати йўқ, қалби бутун берк!..

Ғамли, қора кеч кирганданоқ  
Ҳозир эдик йўл бўйларида;  
Ундан ўтиб турарди йироқ  
Юртдан почта тройкаларда<sup>2</sup>.  
Ўқ овози чиқди. Қўрошин

<sup>1</sup> Хорун — тавротда ривоят қилинишича, яхудийларнинг биринчи авлиёси, Мусонинг акаси.

<sup>2</sup> Илгари йўлчилар қатнайдиган уч отли почта араваси.

**У**чар әкан мисоли яшин,  
Дилга урар ўлимнинг тошин!..  
Ямшик ранги қув ўчиб, бирдан  
Қулаб тушди! Ҳуркди отлар ҳам!  
Бу ўрмонда қувғин зарбидан  
Қутулганлар жуда камдан-кам.  
Ой самода шубҳали ёниб,  
Шуъла сочар кўп губорланиб.  
Йўл четида кўрдикки шу он,  
Ётар эди отилган йўлчи;  
Эвоҳ, юзи жуда қўрқинчли,  
Кўзларидан оқар эди қон!  
Тикилдим мен... У менга таниш,  
Ким бу, хира ойдинда ётган,  
Танийманми?.. Улуғ яратган!  
Танидим... О, қандай хунук иш?  
Ҳалокатга йўлиққан ким бу?  
Кимга қабр қазилур дарҳол?  
Ким бу, сочи қонга ботган чол?  
О!.. Дўстларим!..

Менинг отам-ку!..

Беҳуш бўлиб ииқилдим шунда:  
Эсим йигиб тинглаганимда;  
Жуҳудча сўз эшитилар!.. Ҳайҳот!  
Янги қабр туар чўққидак.  
Унда ётар болта-ю курак,  
Эман дарахтига боғлиқ от,  
Икки жуҳуд ўтириб шунда  
Тилла санар, гулхан ёнида!..

• • • • • • • • • • • •

Учди кунлар. Бир биродарим  
Дарё гирдобида йўқолди.

Шундан бери кўрган кунларим  
Оғирлик ва хўрликка қолди:  
Корчмаларда\* ётқизмас сира,  
Бир бошпана йўқ эди бизда.  
Қайга борса сурбет Иуда  
Қуваларди, чакалак ичра —  
Бекинардик. Ва лекин эркин  
Ётолмасдим, тушимда сиртмоқ,  
Гоҳ қоронги зиндан ва қийноқ,  
Гоҳ кўрардим жаллод даҳшатин!..

Бут'ун маблағ, пул одоқ бўлди.  
Энди фақат қишлоққа бориб,  
Ҳукмдорлар уйин ёндириб,  
Қий-чув ичра кайф суриш қолди.  
Ҳалокатли ёнғинда шундай  
Кул бўлди у ўсган маконим,  
Гоҳ қалтираб, гоҳ ёнди жоним,  
Вужудимни яшин ургудай!..  
Ўғри жуҳуд ортиқ бўғилиб,  
Вужудига ҳаяжон тўлиб,  
Бир хотинни беомон ўтдан  
Сургаб олиб чиқди тўсатдан.  
Гўзал юзи, сарғиш ипакдек  
Сочларини ўт тапти чалган.  
Кўзларига жиққа ёш тўлган,  
Босқинчига қарапди у тек,  
На ўғрининг дўқ-пўписасин,  
На хотиннинг ёлборган сасин  
Эшифтадим, э, биродарлар.  
Кўрдим, хотин кўқсида ханжар!..  
Ҳайҳот! Титрар эди тизлари,

---

\* Кўчма меҳмонлар турадиган ва овқатлар сотиладиган чойхона.

Бўздек оқарганди юзлари,  
Сийнасидан оқсан қон билан  
Айтилмайин қолган сўзлари  
Каби кўпик чиқди лабидан.

Иуда ҳам тортди зўр жазо:  
Шу баҳорда корини қилиб,  
Қарағайнинг шохига илиб  
Қарғаларга ём қилдим. Тоза  
Ҳалос бўлдим азоб-кулфатдан.  
Ўша жонон, ғамлий жарларни  
Ўрмон, дарё, хуш водиларни,  
Унутилмас у ёдгорларни  
Сайр этгани борар эканман,  
Қарағайда осилиб турган.  
Чала-чулпа чириб кўкарған  
Скелетга қарадим бир бор.  
Кўзларидан хок сочиларди,  
Ҳозир шундан учган бир шунқор  
Кўл суягин олиб қочарди...

Учди йиллар, ёшлигим ўтди,  
Сўнди ҳисим, шодлигим битди.  
Ётар энди кўксим аро жим  
Фақат ҳаста, ғам, эҳтиросим.—  
Қалбда фақат совуқ бир ёдғор:  
Бадбаҳт ҳаёт босган муҳр бор.  
Ажиб қисмат, олтин саодат —  
Учун бўлган меҳримни поймол —  
Қилмаган, мен жинояткор чол  
Ҳаммасидан узоқман фақат.  
Агар баъзан ботир йигитлар  
Даврасига кириб кайф сурсам,  
Озодлик-чун қадаҳ кўтарсам,

Қайта ёнар босилган ўтлар.  
Кўтараман шу унутилган  
Ёшлик ҳаққи, қилмишим учун.  
Шунда қонли пичогим учин —  
Стол узра санчиб кўламан!..

1829

## ИККИ АСИРА

Beware, my lord, of jealousy!  
Ochello. W. Shakespeare\*.

### I

«Мен севаман сени, Заирим!  
Эй, румий қиз, севгили танноз.  
Шу хазина, шу боғи-әрам,  
Ислом мулки сенга поёндоz!  
Сен у мовий кўзларинг сузиб,  
Солганингда атрофга назар,  
Эргашаман пойингдан, кезиб,  
Мисоли қул, дунёдан безиб,  
Тангрисини хаёлда излар.  
Қўй, рақс этсин Гулнора чаққон,  
Торни чёртсин оқ қўли, бегам,  
Испан сози тарапсин равон,  
Ҳасад қилма, менинг фариштам!  
Учли Гулнор айтган нағмалар,  
Титроқ созда ёнган пардалар,  
Шарқнинг хушбўй атргуллари,

---

\* Эҳтиёт бўлинг, милорд, рашқ балосидан.  
В. Шекспир. «Отелло».

Инжулари, лаълу гавҳари —  
Барчасидан мен — Султон Аҳмад,  
Бир бўсангнинг лаззати учун,  
Бир нигоҳинг иззати учун  
Кечар эдим, «хўб» десанг фақат!—  
— Гарчи фақир бўлсам-да эй, шоҳ,  
Туғилишдан қалбимда ғурур,  
Тутқун ва хор бўлсам-да бу чоқ,  
Сенга нафрат қилишга мен ҳур.  
Унут, эй, чол, шу талабингни:  
Нафсингни тий, эй, султон, ортиқ!  
Ўзга әркак сўрган лабимни,  
Мен ўша илк севгимга содиқ!  
Буюаркан ёвуз ҳукмдор,  
Рад этишга йўқдир ихтиёр.  
Аммо сенинг ялинишларинг,  
Қийнаб дилга илинишларинг  
Муз юракда севги туғдирмас.  
Мен тайёрман, қани жаллод?— Бас!—

## II

Тун палласи. Сокит. Нуроний.  
Жаннатдан ҳам ҳашаматли ул.  
Атр ҳидлар тутган ҳавони,  
Уйқудадир улкан Истамбул.  
Фақат тикка деворни ялаб  
Шовлар тўлқин кўпиклар сочиб.  
Ой шуъласи ўйнар липиллаб,  
Ҳарамда бир дераза очиқ.  
Гулдор ойна ярқираб турар,  
Гўё совуқ олов тўкилар,  
Ялтирайди зарбоп деворлар,

**Ялтирайди юмшоқ диванлар,**  
**Ялтирайди олтин попуклар.**  
Түннинг салқин ҳавосин олиб  
Деразага гўзал суюлиб,  
Оёқларин йигиб ўлтирмиш  
Қорамагиз Гулнора, хомуш.  
Ҳамма ёқ жим, тиниб овози,  
Оқ қўлидан испанча сози  
Секин тушди диван устига,  
Киз қарайди... Каерга? Нега?  
Денгиз оша боқади кўзи,  
Қаерларга хаёли учар?  
Балки шу дам дилбарнинг ўзи  
Эркин ҳаёт тушини қучар?  
Балки тутқун қизнинг хаёли  
Қўнган ўлка: Водийўл — Кабир\*,  
Унда хушбўй лимон, шафтоли  
Соҳил бўйлаб гуллаб ўсадир.  
Йўқ! Бу нафас қўрғон тагига,  
Кўпикланган сув этагига  
Утла кўзлар нигоҳи инар,  
Испан қизи ҳавони тинглар,  
Ой нуридан чеҳраси ёрқин:—  
Шу учундир, балки, қиз сўлғин?

**Хаф! Ейилди бўғиқ бир нидо...**  
Соҳилдаги сувлар чайқалди,  
Оч тўлқиннинг биллур қўйнида  
Қаср сояси тебраниб қолди.  
Бир оқ буюм ялат этиб сўнди,  
Фойиб бўлди! — ҳамма ёқ тинди.

---

\* Водийўл — Кабир (Буюк води) — Гвадалкивир. Испанияда катта бир дарёнинг номи.

Деразадан қайтарди Гулнор,  
Юзда мағрур рашк хандаси бор,  
Яна созин қўлига олар,  
Бахтли испан нағмасин чалар,  
У жазм ила куйлади куйин,  
Овоз саркаш, қайноқ, беором;  
Нақаротин қайтарған сайнин  
Такрорлаган сўзи: интиқом.  
Еш дилбарнинг кўзлари бетинч!—  
Унда порлар ёвуз бир севинч!—

1829—1830.

## КАЛЛИ\*

*Черкас қиссаси*

### I

«Энди келди насиҳат они,  
Ошкор этай бир сирни сенга.  
Кенгашларим — худо фармони;  
Жони-дилдан онт ичгин унга.  
Қотил қўли ўлим сочаркан,  
Худо амрин бажо келтирмоқ,  
Зўравондан интиқом олмоқ —  
Учун аранг омон қолгансан;  
Умрингдаги ҳар соат, ҳар он  
Сенга насиб эмас азалдан.  
Сен ўч олиш қуроли — жаллод,  
Асл тақдирида Оқбўлат  
Сенга насиб этилган қурбон!—  
Ота-онанг, аканг тўкиб қон,  
Ёв қўлида бўларкан барбод,  
Худовандга қилдилар фарёд:  
Ки шулардан бирор зурриёт

---

\* К а л л и — черкас тилида қотил дегани.

Евни қиласйн хонаи вайрон!—  
Бемеҳр ҳам даҳшатли бўл сан,  
Ташла қуруқ раҳмдилликни.  
Қонун, қасам ва тақдир сени  
Даҳшатли бир ишга буюрган.—  
Ўтмишдаги барча ёвузлик  
Эвазига, у маҳкум, ўлик  
Оилани асло аяма;  
Оқ фотиҳа, пўлат дудама  
Берайин ман — югур, мард ўғил,  
Пайти келган, қўйма, яксон қил!»—  
Деди тошқалб мулла атайлаб,  
Шаҳло кўзли кабардин тинглаб,  
Ханжарини покизаларкан,  
Ўч дарсини ўрганди ундан.  
Унда ҳали ёшлиқ ҳисси бор,  
Лек, қўрқиши билмайди асти,  
Боболарнинг одатин, рости,  
Сўзсиз ижро этишга тайёр.  
У бир тунда рақибни яксон —  
Қиммоқ учун аҳд этди шу он.

## II

Сўнди кундуз. Ҳожи дарбадар  
Уй ёнида кезар хафақон...  
Тоқقا сукут чўккан, зимистон;  
Осмонда ой сариф доғсимон  
Булутлардан-булутга кўчар,  
Шиддат билан совуқ ел учар.—  
Йигит келар эди ваҳмдек  
Аҳд этгани манзилга қараб,  
Чарм қиндан секин мўралаб

Чиқди шунда ханжар истаб кек...  
Хожи бирдан әшиитди-ю тин,  
Ва шу зумда режани олди,  
Ухлаб ётган рақибнинг кўксин  
Мўлжал қилиб ханжарин солди,  
Ғазаб билан буради бирдан.—  
Ҳар ким қотил бўлса азалдан,  
Охирига етказсин уни;  
Бири ўлди; ва лекин фарзанд  
Хуни билан ота қонини  
Қўшмоқ учун ичган әди онт.—  
Каршисида мўйсафид ётар!  
Чеҳрасида осойишталик.  
Лабларини ўсиқ мўйлаблар  
Яширганлар гўёки попук!  
Ибодатга қўли ростланган!—  
Хожи, нега нигоҳинг сўнган?  
Эшиитдингми ўч хитобин сан.  
Тингла... нидо қилмоқда отанг!—  
Қонга ботган мўйсафид шу дам  
Тўшагидан сирғаниб кетди,  
Ажал ўпган қонсиз юзи ҳам  
Ажиб даҳшат ваҳм касб этди.  
Қотил боқди ёни-берига...  
Янги қурбон изларди яна!—  
Уй ичини қидирди қат-қат,  
Ҳечна топмай, тентиракларкан,  
Ўз қалбининг шиддатли тепган  
Овозини эшиитди фақат.  
Наҳот, бари ўлиб битади?—  
Оқбўлатнинг қизи қаёқда?  
Үн еттига киргани чоғда  
Уни ота кўрган оқибат,  
Туғишгани йўлиққан қисмат —

Машъум қора тақдир кутади...—  
Шунда ойдан титрак нур тушиб,  
Уй ичини ёритди равшан.  
Икки мурда ер қучоқлашиб  
Чўзилишган, қиз тўлиб-тошиб,  
Ноз уйқуда ётар әди шан.

### III

Уйқудаги фариштадек қиз,  
Ўз қотили олдида ёлғиз  
Беихтиёр ётарди; фақат  
Уйқудаги фитна ва туғён  
Қиз кўксига солиб ҳаяжон,  
Нафасини сиқарди беҳад.  
Ҳаёти сўнг дамга етаркан,  
Очили у шаҳло кўзлари,  
Шум ўлимнинг сирли излари  
Кўз ёшида акс әтди равшан.  
Лекин, тундан ҳайиққансимон  
Қора кўзлар юмилди шу он...—

Ҳайҳот! Уни на ёш, на севги  
Ва на шодлик оча олгуси!  
Саросима қараб қолди у.  
Руҳий хаёл ичра чўмаркан.—  
Ким инграйди? Кимнинг доди бу,—  
Ҳаётда сўнг фарёдмасмикан?  
Бу фифонни эшитган инсон,  
Ўлмай наҳот унуга олсин?  
Ўлим товуши, кулфат ноласин  
Фарқин англаш нақадар осон!—

IV

Ўтиарди мулла такаббуғ  
Масъуд әрон гиламларида,  
Тутун-булут сузар сарида,  
Чилим чекар эди баҳузур,  
Лек бир шарпа эшигди шу он,  
Қўзи бежо, либослари қон  
Ҳожи чопиб келар дарбадар:—  
Бир қўлда соч... бирида ханжар,  
У не учун аёл сочидан  
Бир тутамин келтириди мулла?—  
Қиздан сенга совғами бу ё?—  
«Қандай тўғри мўлжаллайман, о!—  
Мудҳиш овоз билан гапирди —  
Ҳожи:— кучим кўрдингми э чол?»—  
«Қўрсам нима?»— мана, билиб ол!»  
Ҳиссиз дилга ханжарин урди...

V

Муқаддас бир тоғнинг бошида,  
Шуъланиб кеч қўёшида,  
Баланд тоққа ягона пособон  
Каби турар бир ҳайкал ҳамон.  
Аллақандай устун устига  
Қўндирилган оқ салласимон,  
Тўрт тарафи кўм-кўк дарахтзор;  
Кўринади унда саҳролар,  
Узоқдаги паст-баланд тоғлар,—  
Эркинликнинг бу қароргоҳин —  
Кўрса, йўлчи очар нигоҳин.  
Аллақачонлар унутилган,

Дўст қўлида дафн этилған  
Мулла ухлар бу тош тагида  
Бутун кирдикори-ла бирга.  
Унинг севган хотини яна  
Бехавотир, бироғга хуштор;  
Унда на бир ёвуз рашик, ва на  
Сирли қатлларниг хавфи бор!..

## VI

Бир овоза чиқди у чоқда,  
(Ривоятлар тарзида) тоғда  
Номаълум бир киши юрганмиш,  
Тинчликда-ю жангда хавфлимиш;  
Ёввойидек қочармиш юртдан;  
Маҳрум әмиш ишқ-муҳаббатдан!—  
• • • • •

Умрбод жим юрди у, лекин  
Шундай бўлиб халқнинг кўзига  
Қуруқ шов-шув, беҳуда диққат  
Тортиш-чунмас!— тоғда ўзига  
Қотил деган бадномнинг нега  
Берилганин билади фақат.

1830—1831

# ЭРКИНЛИКНИНГ СҮНГГИ ФАРЗАНДИ

Повесть

Н. С. Шеншинга бағишиланади

## I

Бир вақтлар, болалик ўйи шошириб,  
Анчайин эрмак деб тебратдим қалам;  
Бир вақтлар, ишқ дардин ҳаддан ошириб,  
Хажрда ўртаниб, куйиб-ёндим ҳам —  
Хаёлий ёр васлин дилга яшириб,  
Ҳавойи шеърларда мадҳ этдим ҳар дам,  
Бироқ у даврлар қайтмас ўзга бор,  
Илк севги рад этиб айлади абор.

## II

Дўст излаб, дўст топмай, ўқсиб бир ўзим  
Бу жаҳон даштида қолмиш әдим тоқ;  
Аммо, сен ечдингу боғланган кўзим,  
Меҳрингдан баҳр олиб, очилди у чоқ.  
Қабул эт, дўстликнинг ваъдаси — сўзим,  
Ватаним қўшигин қабул эт, ўртоқ,  
Балки эй, азизим, бу куй — бу садо  
Узилган торимдан әнг сўнгги нидо!..

When suail sñch herd llñ again?  
Bur o n. "The Giaour".

Куз келади, кирап олтин тус  
Эманларнинг барг чамбарига.  
Эзив ёғиб ёмғир, устма-уст  
Үтлар ётмиш ернинг бағрига.  
Овчи чарчар қирма-қир юриб,  
Бироқ бекор ўтар, ўлжа йўқ.  
Йўлиқса ҳам, шамол учиреб,  
Зойи кетар узилган ҳар ўқ.  
Шамол бунда музда туғилган,  
У Ильмендан қирғоққа урад  
Ва зарб билан, қовжираб сўлган —  
Наъматакни тебратиб туарар.  
Кўкда, мовий булулар бўйлаб  
Оқ турналар аргумчоқ солар,  
Жануб ёққа қараб йўл олар,  
Кўл қушлари чирқ-чирқлаб қуйлаб,  
Тиниқ сувга тўш уриб ўйнаб,  
Ортларидан кузатиб қолар.  
Қоп-қоронги намхўш ҳавода  
Кўринмайди йилт әтган юлдуз.

Куз келади, келар олтин куз,  
Яйловлардан қайтади пода.  
Туман ичра ёниб ботар кун.  
Йўқ, у асти таратмасин нур,  
Тарқалмасдан турсин бир умр  
Новгородни буркаган тутун.  
Славянлар дарёси бўйлаб  
Илиқ шамол әсмасин асти!

\* Яна қачон бундай қаҳрамон туғилади?  
Байрон «Гяур»

Балиқчининг елкани ўйнаб  
Тўлқинларда кезмасин асти!  
Ҳайҳот! Топтаб босди келгинди,  
Мағрур ватан бош әгди қуайи.  
Эзгу эркнинг қўшиғи-куйи  
(Гарчи қандай бўлса ҳам) энди  
Унутилар бўлди шу кўйи.  
Славянлар тангриларин ҳам  
Евуз Варяг заптига олди.  
Беихтиёр, бежо бир қадам  
Озод юртни кишангага солди.  
Бироқ, ҳали чўллар, ўрмонлар,  
Саҳроларда, йироқ-йироқда  
Кун кечириб оғир фироқда  
Юртга содиқ қолган ўғлонлар,  
Ботирлар бор, бор бир мард гурӯҳ,  
Юрт бошида яшин урган ғам —  
Маломатни кўра туриб ҳам,  
Йўқ, сўнмади улардаги руҳ.  
Улардаги гоялар омон,  
Писанд қилмай даҳшат дастини,  
Эркни қайта тиклаш қастини  
Улар қатъий тутаркан ҳамон.  
Қуёш балқиб, бўронли сел ёш  
Булут ичра чарақлаб кетиб,  
Туман буркаб олган тоғу тош  
Ва уфқни нурга гарқ этиб,  
Қандай кулса оқ тонг маҳали,  
Шундай туйиб келажакни ҳам,  
У содиқ мард эрларнинг ҳали  
Юрак тўла ишончи бардам.

Қаердан у? Мисоли устун  
Осмон бўйи бурқсийди тутун?

Шовқин солған сувнинг қошида,  
Тик қаққайған тела бошида  
Чарч-чурс этіб ҳар ғұласидан  
Учқун питраб гулхан ёнади,  
Аланганинг акс шуъласидан  
Атроф ўрмон яллиғланади.  
Үт қошида доира олиб,  
Така бўри терисин солиб,  
Сукут сақлаб гапсиз-сўзсиз тек,  
Худди ғамнинг кўланкасидек  
Ўтиришар паришонхаёл  
Олти йигит ва бир кекса чол.  
Таҳқирланган славян улар,  
Улар дўстлар васидан йироқ.  
Бошга тушиб жудолик-фироқ,  
Бу фурбатда кўп вақтки бўлар;  
АЗИЗЛАРИН КЎРОЛМАЙДИЛАР,  
Ҳоли аҳвол сўролмайдилар.  
Улар мангу қайғуга тўлиб  
Ўтмасин деб кулфатда кунлар  
Боболари безовта бўлиб,  
Арвоҳлари чирқираб тунлар,  
Гўрларидан қалқиб, бош әгиб  
Ер кезишиб юрмасин учун,  
Дили ранжиб, уйқуда тегиб,  
Қарғишлиари урмасин учун,  
Ет ҳокимнинг ҳоки пойига  
Тиз чўкишни истамай буткул,  
Видо айтмиш ўз уй-жойига,  
Узоқларда қолмиш она Кўл.  
О! Чернобог\*, ўч олмоққа, ўч!  
Агар ўзи берсайди ёрдам!..

---

\* Жанг тангриси.

Бироқ, афсус, тенг әмасди куч...  
Мана жангу, мана қисмат ҳам.

Бир ёш йигит деди: «әҳ, нега,—  
Эҳ, нега ҳам суғурдим қилич?  
Нега ёшлик қилдим? Энди ҳеч  
Бўлолмасмиз зафарга әга.  
Эҳтимолки энди умрбод  
Унутилиб кетар отимиз.  
Йўқ, элу юрт бизни қилмас ёд,  
Кўрсатилмай жасоратимиз,  
Шу-шу энди сўниб кетар, ҳа!  
Унутилармиз: битмасдан туриб,  
У саҳройи қуюн совуриб,  
Тўс-тўс бўлар бу чала капа!»

Бири деди: «бу маломат ғам  
Тангриларнинг қаҳридир ғоят!—  
Шояд энди ёв бошига ҳам  
Яшин уриб тушгай бу, шояд —  
Жанг даҳшати ичра қолгай ёв.  
Ўз бошига ўз ўқи етгай,  
Кўкрагини тешиб беаёв,  
Тифи паррон қилиб чок этгай!»

Суҳбат энди шу хилда ўтди.  
Ана бири сачраб турди-ю  
Мушт тугунлаб, қўлларини у  
Қовуштириб, кўксига тутди.  
Ранги ўчиб, серқайғу, серғам,  
Тек термулиб қотгани йўсин  
Кўриб турди водийда бу дам  
Тўлқинланган тун қоронғусин.  
Ва ниҳоят чолга паҳлавон

Шивирлади: «куйла, отахон!  
Кўшиқ товши нозанин ёрнинг  
Сийпалаган қўлига ўхшар.  
Тинглаб кўнгил зардобдан бўшар,  
Заҳри қолмас дилда губорнинг,  
Нима ҳақда бўлса ҳам бир оз  
О Ингелот, куйлаб бер, авж қил!  
Алам-афсус, ҳасрат тўла дил,  
Кўкракларнинг чигилини ёз.  
Ўзгаларга куйлаб берсанг бас...  
Менда, ота, уларникидек  
Болаларча шикоят эмас,  
Менда кек бор! Мендаги бу кек  
Ҳар нарсадан турар устикор.  
Шундай кекки, келажаклару  
Ўтмиш, ҳозир барча неки бор  
Ҳузурида тиз чўктиргай у!»

«Вадим! Нега сен учун эмас?—  
Чол жавобан унга тикиди кўз.—  
Бу қўшиқни бас қиласмиш, бас;  
Менга бўлган ишончинг ҳануз  
Кўкрагимдан чиққан эмас, йўқ!  
У қалбимда ётар,— деди чол.—  
Кўшиқ айтай, ўзга бир қўшиқ.  
Ўлтири, Вадим, ўлтири, қулоқ сол!»

Оқ сочини ел ўйнаб, бирдан —  
Жўшиб-жўшиб куйлаб кетди чол.  
Ва зўр жангнинг олис бир ердан  
Келиб турган гув-гуви мисол  
Дам секинлаб, дам авжлаб кетиб,  
Кўлкаланиб қўкларга етиб,  
Содда қўшиқ таралиб учди.

Тош-тўнгакнинг мўхини юлиб,  
Нола қилиб шов-шов қуюлиб,  
Сув ҳам пастдан бунга жўр тушди.  
Ҳатто ўша жанговар ўртоқ —  
Марҳумларнинг арвоҳлари ҳам  
Дуд булути ичидан шу дам  
Бу қўшиққа осдилар қулоқ.

Ингелот қўшиғи

1

Донишманд кишилар бўлди жамулжам  
Бемор Гостомисл\* ёстиғи узра!  
Ажал калхат каби учар бошида —  
У бедармон қўлин силкиб қўйди-да,  
Дўстларига қилди шундай васият:

2

«Эҳ, сиз Новгород аҳли, эҳ сизлар!  
Орангизда нифоқ-илон вишиллар.  
Чақиринг ёт юртдан биронта князъ,  
У, юртни тартиб-ла бошқариб турсин»,  
Ва бемор, кўзларин юмди шу замон.

3

Кривичлар, славянлар, чудлар\*\* барчаси  
Кўк денгиз ортига элчи йўллади,

---

\* Гостомисл — Новгороднинг сўнгги князи.

\*\* Йилномаларда айтилган шимол қабиласи.

Варяглар әлидан чақирди князь;  
Сўйлади вакиллар ёт князларга:  
«Юртимиз гўзалу, бироқ, тартиб йўқ!»

4

Сарбозларин бошлаб келмаслик учун  
Онт ичди Трувор, Рюрик ва Синав.\*  
Бироқ, тонг отарда кўриниб қолди  
Мовийланатган туман ичидан  
Денгизда оқ елкан, ўткир наизалар!..

5

Славян ўғиллар, алдандингиз сиз!  
Шаҳар четида у кимнинг лагери?  
Эртага, эртага, келгинди варяг  
Князлик қилади Новгородда,  
Эртага сиз унинг қули бўласиз!..

6

Жамулжам бўлишар ўттиз навқирон,  
Дилларда интиқом, кўзларда, даҳшат.  
Тепага тун чўкиб, чиқар тўлин ой.  
Ғафлат босган ёвнинг қароргоҳига  
Жанговар йигитлар кириб боришар!

---

\* Ақа-ука князь Варяглар.

Қалқонга бош солиб ухлар варяглар;  
 Жингалак сочларда ўйнар ой нури.  
 Ана қон отилди, талвасада ёв,  
 Қанақа овоз бу? Кимнинг найзаси  
 Кимнинг қалқонига тарс әтиб тегди?

Ғафлат уйқусидан сачраб тураг ёв,  
 Питирлаб қолар ёв, титраб, дарғазаб;  
 Ёшлар жанг қилишар, кўплар бериб жон,  
 Фақат олти йигит қолар барҳаёт;  
 Тангри ярлақасин у марҳумларни!

Новгородда Рюрик князлик қиласар,  
 Ҷўллар, ўрмонларда тентирар ёшмар,  
 Улар ора кезар бир кекса чол ҳам,  
 У куйлар муқаддас она юртини,  
 У куйлар севикли эркини ҳар дам.

\*

«Наҳот, қўшиқ айтишу басми?!  
 Юрт номуси бўларкан поймол,  
 Қараб турмоқ умидсиз ва лол,  
 О, бу қайси виждоннинг азми?!  
 Йўқ ёронлар!— деди Вадим!— Йўқ!  
 Онт ичамаи илк ва сўнгги бор,

Онт ичаман улуг Чернобог,  
Варяларга зинҳор-базинҳор  
Сифинмайман, онтим қатъий, чин,  
Ўзгаларга ибрат учун ҳам  
Ё мен, ё у кетар ерпарчин,  
Топар албат бир томон барҳам,  
Ва насллар аро айланиб  
Бу овоза бўлар ҳикоят.  
Сўнгигача қасос! — деб, яниб  
У лаб тишлаб, тиз чўкди. Фоят —  
Газабидан титраб қалтираб,  
Мушт тугунлаб ёнди, тутоқди.  
Кўзларида даҳшат ялтираб,  
Бош кўтариб осмонга боқди,  
Ва метеор ярақлаб кетиб,  
Қип-қизариб ёнган лахча ўт  
Ров кўриниш бериб, «ғиз» әтиб,  
Учиб ўтди булатма-булут.

Улар туриб сўқмоқдан юрди.  
Тепалиқдан ўрлаб қуюқ дуд  
Кўп узоқ вақт буруқсиб турди.

Аста ёниб милтиллаган ўт  
Тўнгаклардан питратиб учқун  
Беғам чўпонларни жалб әтди,  
Қуён, бойқуш, қалдирғоч учун  
Ваҳим бўлиб кўриниб кетди.

Шом булути ора сийғаниб,  
Денгиз узра қонли нур ётар.  
Нақ қалқондай, қизариб ёниб,  
Кун сув ости уйига ботар.  
Бир тўп варяг кузатиб уни,

Мароқ билан ташлайди нигоҳ.  
Зич тортишиб шивирлашар гоҳ,  
Гоҳ әшитилиб қолар шовқини.  
Узоқларда ёввойи әчки  
Тик қояда қотиб жин гүё  
Шом бағридан қорайиб, кечки —  
Шафақларга боқар маҳлиё.

Бир кекса чол, олти ўспирин  
Ўтирдилар қайиққа бугун.  
Ва қирғоқдан жилиб, оқ елкан  
Шамол билан тезлаб, йўл юрди.  
Мовийланиб ўшқириб келган  
Долғаларга эшкак зарб урди.  
Вадим денгиз арвоҳи мисол  
У қайиқда қотиб туарди,  
Қувғин дўстлар ичра ғоят лол,  
Ғоят ғамгин, хаёл сурарди.  
У не ҳақда қайғурап бу дам,  
Ўз кўнглида не гаплари бор!

Асрорини ҳатто чолга ҳам  
Очмас әди дард этиб изҳор.  
Кўзларидা, видолашар ҷоқ  
Шундай бир ҳол әдики аён,—  
Буни энди сўз билан, мутлоқ —  
Айтиб, қилиб бўлмасди баён.  
Елкан кетди, кўк денгиз бўйлаб  
Кўпиклардан оқ излар солди.  
Қирғоқлар ҳам олислаб қолди.  
Вадим ҳамон бош солиб ўйлаб  
Қотган кўйи туарди; балки  
Ўтган даври-давронлар бу дам  
Хотиридан бир-бир ўтарки,

Ғарқ қилмишди уни тубсиз ғам.  
Қайси узоқ әлларга томон  
Нима излаб кетди қувғунлар?  
Ким айтолур? Улар йўқ, ҳамон  
Қувиб ўтар кунларни кунлар!..

Ҳатто қаттиқ тош аро, кўркам —  
Гул чечакнинг ўсган они бор.  
Тош қаҳрли жанговарнинг ҳам  
Юрагида ишқ ошёни бор.  
Вадим севди, шонига ҳар дам  
Содиқ бўлиб турганисимон,  
Қиз ҳиссини қозонмоққа ҳам  
Ишонганди бешак, бегумон.  
Ким севмаган? Ким у, қайси дил  
Бир ақлнинг тутибрайини,  
Муҳаббатнинг мерос наийини —  
Сайратмасдан ўтган муттасил?  
Йўқ, ҳеч ким ҳам ўтган эмас лол,  
Куйламасдан севги қўшиғин,  
Ишқ бу менинг юртимда жўшиқин  
Чўллар мисол, денгизлар мисол...

Гўзал эди у ёш Леда қиз,  
У нозанин, у пари висол,  
Ёлғиз эди ҳуснда, ёлғиз —  
Тонг кўкининг ҳулкари мисол,  
Нақ жанубда баҳор эди у,  
Чиройида қитдай ғубор йўқ.  
Ўз эркида учар қушдай шўх,  
Саҳродаги гулдай мағруру,  
Ғам ташвиши билан ҳам ҳар он  
Ёш әркатой боладай азиҳ,  
Болаликнинг қўшиғисимон

Серзавқ әди, сершавқ әди қиэ.  
Вадим уни севди, севди-ю  
Бироқ, унга севилдими у?  
Йўқ! У танноэ қиз кўнгил овлаб  
Бир қайрилиб боқмай маъшуққа,  
Муз босгандай бўлди нақ ковлаб  
Калб қаърини ўртаган чўққа.  
Юз ўгириди ундан паҳлавон.  
Ўша-ўша ҳали ҳам ҳамон  
Пинҳон дардин дилга жо этиб,  
Енса ҳамки, доим эрта-кеч  
Қиз қошида илтижо этиб,  
Тиз чўкишни истамади ҳеч.  
Паҳлавонда тақдир зарбига  
Дош берарлик иродаки бор.  
Ўз дардини солиб қалбига  
Юроларди қилмасдан ошкор.  
Яна ўзга дардда куйди у,  
Ўзга бир ишқ бўлди муроди.  
Аммо, у кўп ўтган йиллару  
У йилларнинг ҳеч сўнмас ёди.  
Кўз ёшлар-чи, қайноқ ёшлар-чи?  
Ким буларни эта олур рад?—  
Туюлишда авваллар гарчи  
Енгил бўлган яра-жароҳат  
Эндиликда зўрлаб кундан-кун,  
Юрагида газак олди-ю,  
Тасаллилар, юпанчлар учун  
Қулоғини солмай қолди у.  
Муҳаббат ва әрку интиқом  
Бари бирдан қўшила кетди.  
Шулар билан ёнган ҳирсу қон  
Томирида жўш ура кетди.  
Ингелот ҳам тиришди ҳар дам

Авжлатмоққа унинг ҳирс күчин;  
Ва чол бундан она юрт учун  
Наф етар деб умид қилди ҳам.  
Йўқ, мен сени айбламайман, чол,  
Эй, славян кекса Ингелот!  
Тарбиянгда шу муқаддас ўт  
Удминг сингиб топмишди камол.

— Ўша онки, денгизда уни  
Тўлқин суриб кетаётган он,—  
Қалб қаърини тутган қайғуни  
Қилас ҳамки кўзлари аён,  
Бироқ, оҳ, деб, у видо, оҳин  
Бой бермади ҳатто елга ҳам.  
Ва хиралаб ғамгин нигоҳин,  
Йилт этмади кипригида нам.  
Киндик қони тўқилган тупроқ,  
Тарки ватан этган ерини,  
Вафо қилмай умидлар мутлақ,  
Алладаб ўтиб кетган ерини  
Тиклаш учун қайтадан такрор  
Бу оламда фақат бир асос,  
Бир мумкинлик, битта илож бор;  
Бу қасосдир, бу — ёлғиз қасос!

\*

Ўтлоқларга чойшаб ёйди қиши,  
Нуқра либос кийди тоғу тош.  
Жанг кучини жамғарив, ёндош  
Ев юртига Рюрик йўл солмиш.  
Илк қор қалин, шохларда қиров,  
Муз ғирчиллар сув бетин ёпиб;  
Бир тўп қашқир тунни пайт топиб,  
Тинч қишлоққа кирад, излаб ов.  
Изғиради қаҳратон совуқ,

Қор бўрони ўқириб юар. Арчаларнинг бир дам тинчи йўқ, Бош солишиб тебраниб туар. Қўк ярмиға оғаркан авжи, Қуёш туман ортига шошар. Саҳро аро гангид йўловчи Йўл йўқотиб излар, адашар... Йўқ, кўролмас дўстлар васлин у, Шунда унинг куни еткуси. Бежаноза жасади мангу Гурбат қорда чириб кетгуси,

Қаердан у шафақ-аланга? Ев шаҳрими ёнар беомон? Рюрик унга ўт қўйди. Жангга Дам бермоққа яқинми замон? Тезми князъ ўлжага мўл-кўл, Ортиб-тортиб юртга йўл ола? Тезми тинчлик? Тезми қонли қўл — Қиличини қининга солар?

Тун. Қиши туни, атроф уфқлар Зулмат қоплаб мудраб туради. Новгород тинч қотиб ухлар, Вазмин сукут ҳукм суради. Ҳамма ёқ жим, ҳамма ёқ сокин, Гоҳ-гоҳ ҳовли итлари ҳуар, Товши йиртиб кечанинг чокин, Шамол билан таралиб юар. Фақат битта ҳужранинг ёлғиз Жин чироғи ўчгунича йўқ, Ярим тунда, нурда Леда қиз Ғир-ғир қилиб қўлида урчуқ, Юнг чийириб гапсиз-сўзсиз лол Мижжа қоқмай ўтирар ҳамон.

Кампир чиқди әшикка томон  
Қор устида кўрмоқ учун фол.  
Ва ниҳоят қайтиб кирди у,  
Ҳасрат билан ташлади нигоҳ.  
Юзларидагон йўқ, серқайғу,  
Ич-ичидан тортди оғир оҳ.—  
Сиёҳида ваҳима-ваҳшат,  
«Шўрим,— деди қалтираб қўли,—  
Наҳот, ғамдир умрнинг йўли.  
Наҳот, тақдир, солади даҳшат?!»  
Сирли санъат маҳорат билан  
У қор узра очар экан фол,  
Келажакнинг бир туни яққол —  
Аён бўлди бадҳолат билан.  
Лол ва ғамгин қалтираб дир-дир,  
Сўз қотмоққа ботинолмас қиз.  
Ўз ғамидан, сеҳргар кампир,—  
Ўзи ортмай қийналар ёлғиз.  
Хўроҳ ҳали чақирмай, она  
Алаҳлаб оҳ тортган ҳамона  
Леда саҷраб кўзини очди,  
Қисқа уйқу беором қочди.

Саҳнини кенг олиб чизилган —  
Ичидаги қор топтаб, эзилган —  
Доирани кўрдилар, тонгда —  
Деразанинг рўпарасида  
Шу-шу кўп вақт хунук оҳангда  
Миши-миши кезди эл орасида.

• • • • • • • • • •

Ҳилол туғмиш кўкда олти бор,  
Тугаб кетмиш кўпдандир жанг ҳам.  
Сарбозлару Рюрик хотиржам

Пайт пойлайди, қутилар баҳор.  
Шаррос қуийб баҳор ёмғири,  
Оппоқ қорлар эриб оққанда,  
Юртнинг ғамгин ўтлоғи, қири  
Гилам түшаб чечак таққанда,  
Ва буталар сув қирғоғида  
Яшил япроқ ёзган ҷоғида,  
Оқ кўпиклар таратгандা кўл,  
Лад\* ўрмонин хуштори кўйи,  
Оғушида кечалар бўйи  
Авж қилганда чақчақлаб булбул,  
Яна такрор кирмоқчи жангга,  
Қўшни юртда оқизмоқчи қон.  
Осмон бўйи қўйиб аланга,  
Қўрқитмоқчи метеорсимон.

Қўлга қайтиб берилар деб эрк  
Славянлар кутдилар зор-зор.  
Мана келиб гул очди баҳор,  
Бироқ эрк-чи? Эрк эшиги берк!  
Халқ алданди, умид, миш-миш гап  
Оқибатда тушга йўйилди.  
Ҳоким Варяг таҳқирлаб, топтаб,  
Ҳуқуқ, қонун чеклаб қўйилди.  
Сарбоз ичра Рюрик муттаҳам  
Халқ олдида туриб бетма-бет,  
Зафарларин санаб кетма-кет,  
Авом халқни алдарди ҳардам.  
Елғон-яшиқ сўзлар эди у,  
Найрангига лақиљлатарди.  
Ўз ичидаги қолиб ўз дарди  
Халқ ҳам маҳфий чекарди қайғу...

---

\* Славян мифологиясида гўзаллик тангриси.

Бугун Лада байрами етиб,  
Бутун атроф шодлик ичра ғарқ.  
Нақ баҳорда ғувуллаб кетиб  
Индан түэган бол аридай, халқ —  
Новгороддан ёприлиб келар,  
Құшни үрмөн оғуши сари,  
Ниҳоллардан гулчамбарлари  
Бошларида барқ уриб турар.  
Етдилар ҳам, жұшқын қуйлари  
Тангриларга шараф бахш этди.  
Мадҳиялар күқларга етди,  
Янграб кетди Ильмен бўйлари.  
Князъ липа остидан жилмай,  
Асар қилиб кексалик унга,  
Қош-қовоғи қулмай, очилмай  
Ёшлар хори-давра ўйинга  
Боқмоқни ҳам эп кўрмай ўзга,  
Бир чеккада, кўринмай қўзга,  
Паришонҳол турарди ўйлаб,  
Ман этмайди қарилек унга,  
Гўзал Леда ҳақида қуйлаб  
Қўшилса гар нақаротига...

Ана ой ҳам гўё олтин шар,  
Үрмөн узра таратар ёғду.  
Хотиржамлик равшанликда у  
Бу пайт Леда қўнглига ўхшар.  
Бироқ, Рюрик липага нега  
Тўртингчи бор суюлиб қолмиш?  
Нега қизга оч назар солмиш,  
У не ёвуз ниятга эга?  
Нега бу пайт бежо урган қалб  
Елғиз шу бир давра билан жалб?

Сен ундан қўрқ, эй бегуноҳ жон,  
Қўрқ, ҳирс билан тортилган оҳдан.  
Қўрқ, бу очкўз-ташина нигоҳдан,  
У ачинмас сенга ҳеч қачон.  
Писанд қилмас у, кўз ёшингни,  
Ерга букар адил бошингни.  
Қўрқ, сен уни ўз күшанданг бил,  
«Севаман деб қўймасин» де у!  
У хавфлидир, тил тагида тил,  
Сўзларида оғу бор, оғу!  
Князларда зарра шафқат йўқ,  
Ишқ уларда — ёвузвлик ва дўқ.  
Ишқ уларда аввал, қонингга  
Қонгунчалик ўтган бир дамдир.  
Иффатингни булғаб, номингга  
Умр бўйи исноддир, ғамдир.

Шом қорайтар дераза кўзин;  
У сеҳргар кампир жонсарак.  
Тишга қараб тоқ, кутар қизин,  
Бироқ Леда ҳамон бедарак,  
Пойлаб чарчар унинг йўлини,  
Тун ҳам тушди, энди нечора?  
Ана, балқиб булатлар ора  
Сузиб юрар ойнинг тўлинни.  
Қўча тўла ҳалқ ҳам йўл олиб  
Ўтиб борар, кўз узмас кампир.  
Сукут қилиб, бўзариб қолиб  
Ваҳим босиб титрайди дир-дир.  
Хаёл сурар, васваса хаёл  
Минг томонга ёзғириб кетар.  
Едга тушиб ҳа, бир тунги фол  
Дил ортига тортиб «шув» әтар.  
Муздай терга чўмар ташвишдан.

Қотиб ойга термулар маътал.—  
Соатлар ҳам ўтар галма-гал!..

Оёқ товши эштилди тишдан,—  
Леда кирди югуриб ногоҳ.  
Ваҳим босган юзи-кўзини;  
«Шўрим қурсин, оҳ, онажон, оҳ!»  
Оёғига урди ўзини;  
Ер тишлади, сочи паришон,  
Елкасида тўлғонар эди.  
«Оҳ, онажон, энди ҳеч қачон  
Рўшноликни кўрмасман,— деди.—  
«Бизнинг князъ... Унга минг лаънат,  
У тушириди ифратимга доғ,  
У айлади ўтингчимни рад,  
Оҳ-воҳимга солмади қулоқ.  
О, ақалли сен раҳм эт бу он,  
Ўлдир мени!.. Ўлдир, онажон!..»

«Неки ёзмиш қисмат бошида,  
Иложи йўқ кўрмай пешона,  
Биз ким эдик князъ қошида,  
Болам!»— деди хўрсиниб она.  
Ҳасрат босиб нигоҳи ҳаста  
Сабр этолмай ўрнидан турди.  
Сукут ичра калавлаб юрди,  
Узоқлашди қизидан аста.  
Ўша-ўша кучли келиб ор,  
Ўз дардини солиб ичига,  
Ҳасрат қилиб, бирор қишига  
Лаб очмайди бечора зинҳор.

Хўр этилган ғамгин Леда қиз  
Оғир туйиб исноуд тошини,

Кўтаролмай ердан бошини  
Ўз ўтида қоврилар ҳар гез.  
Қиз қирғоқдан термулган кўйи  
Туман босган Ильменда кўзи,  
Юксак қоя узра бир ўзи  
Паришонҳол турди кун бўйи.  
Кўрган уни танимасди ҳам:  
Бечорани адо қилиб ғам,  
Қиёфаси ваҳимдор эди,  
Дили тўла қайғу бор эди.  
Умид билан ололмай нафас,  
Оlam унга гўё тор қафас,  
Кўзларида шавқ йўқ, ғурур йўқ,  
Илк тонг каби юзида нур йўқ,  
Ўша фахрӯ-кулгини билмай,  
Ғам асири бўлмиш эди у.  
Ўн гулидан бири очилмай,  
Ғунча туриб сўлмиш эди у.

Қизлар қизни олди мазакка,  
Сирин очиб юзига солди.  
Она қувди, қувғин қиз якка  
Кун-тун бўйи тентираб қолди.  
Үроқчига унутилиб қолиб,  
Буғдойзорда мисоли бошоқ,  
О, бошофим, бўрондан толиб,  
Букилади титраб танҳо-тоқ.

Бир кун, мовий туманли бир кун  
Бир йўласи ғойиб бўлди қиз.  
Соясини йиғиб ўтди тун,  
Тонг ҳам отди. Бироқ, эҳ эсиз,  
Ўйга әлтиб келмади тонг ҳам  
.Илҳомимнинг гўзал малагин.

Элу юртда билмас бир одам,  
Унинг ўлик-тирик дарагин.

Йигитлар ҳам қайфи ғоят суст,  
Дилда нафрат ўқиб ёвуэга,  
Ачинишиб куйдилар қизга.  
Бироқ, энди эҳ афсус, афсус,  
Аввалгидай ҳамият учун  
Бирор юрак қизишимади ҳеч.  
Хўр әтилган номуснинг ўчин  
У чоқ жангда оларди қилич,  
Аммо, ўчга қодир забардаст,  
Бир довюрак барҳаёт ҳамон.  
Етказолмай ёт юрт ҳам шикаст,  
Унинг ишқи дилида омон.

Умид нури, булутлар кўмиб,  
Ҳали буткул сўнгунча йўқ ҳам.  
Ҳали кўзлар ёш ичра чўмиб,  
Киприкларни беихтиёр нам,  
Макрли нам әтиб турар банд,  
Ва ҳозирчабир мижжалик оз —  
Дақиқага бўлса ҳам гарчанд.  
Ўтган йиллар, ўтган эҳтирос,  
У, қай хилда севиб ёнишлар,  
У, қай хилда қалб уришларин,  
У, вафодан четлаб тонишлар,  
У, саргузашт, ҳолларнинг барин  
Унут қилиб туроламиш ҳам;  
Ҳар қалайдир ҳали зўр даҳшат  
Ўйимиздан олисда. Ваҳшат —  
Бергунча йўқ ғафлатга барҳам.  
Бироқ, у бор! Ҳо әрта-ҳо кеч  
Муқаррап бир вақту соат бор.  
У келарки, раҳм әтмасдан ҳеч,

Холимиэн айлайди абгор;  
Үйготади бу ғафлат уйқу,  
Бу макрли кўкнори тушдан.  
Ва ниқобни йиртиб ўтмишдан,  
Келажакни заҳарлайди у.  
Ва у бизни (биз учун у ҳол  
Гарчи оғир бўлса ҳам ғоят)  
Бу кунги ўй, бу кунги хаёл,  
Умидни куч билиб ниҳоят,  
Ўкинишга мажбурлар қастдан.  
Ўша соат, ўша шикастдан  
Жароҳатга йўлиқаркан дил,  
Шу-шу энди тасаллилар ҳам,  
Юпанчлар ҳам мутлақ, муттасил  
Бўла олмас дардига малҳам.  
Тепа ҳусни дуб дарахти-да  
Қор олдидан қузак вақтида  
Тўқса ҳамки олтин баргини,  
Яна баҳор билан қўрк олар.  
Ва яшнатиб теварагини  
Ез кунлари соясин солар.  
Ўз майлидан ошириб ҳаддин,  
Урса ҳамки ўкириб бўрон,  
У зўр дубнинг буқолмас қаддин.  
Бироқ, яшин-даҳшатли қирон  
Илдизига зарб урсами бор,  
Шу-шу, у дуб кўкармай такрор,  
Бир умрга қовжирар, қуарар.  
Одамзод ҳам шу таҳлит юар.

\*

Уфқларда нуқра тонг отар,  
Шафақланар тоғлар қояси.  
Қирғоқларнинг акси сояси

Кўл кўзгуси — сув узра ётар.  
 Мовийланар ўрмон тобора.  
 Ботқоқликдан буталар ора  
 Кўкимтири нур — хира, газ нури\*  
 Кун нуридан яширинар — қочар.  
 Қушлар уйғоқ, қушлар кўз очар.  
 Қамишзорда бошланар жўри.  
 Олақарға учар осмонга  
 Ва ёввойи йиртқич ҳайвон ҳам  
 Нимадандир хавфсираб бу дам  
 Паноҳ тортиб кирап ўрмонга.  
 Қайсики у, бир умр бўйи  
 Қадам бориб етмаган ерда  
 Ҳеч кимса сайд этмаган ерда  
 Сукут сақлаб мудраган кўйи,  
 Тошлар ғамга чўмиб қоп-қора —  
 Мох ичига чулганиб турар.  
 Унда туман тўлғаниб турар  
 Ўркач-ўркач қоялар аро!!!

Тонг нега ҳам таради ёғду?—  
 Еришиди-ю, нега ҳам нега  
 Бир фожий ҳолни ҳаммага  
 Макри билан ёриштириди у:  
 У ёритар, биз мангуликка  
 Чўкаётган жаҳаннам қаърин,  
 Кўзлар тушар янги ўликка,  
 Кўрар янги йўқотганларин.  
 Маҳрум бўлар ҳар қалб, ўтмишнинг  
 Лаззатига у бериб барҳам,  
 У додига етмас ўқсишнинг,  
 Хотирани ўлдиролмас ҳам...

---

\* Ботқоқлик жойларда метан газининг ёнишидан ҳосил бўлган хира, кўкимтири нур.

Тонг ёришар паллада авжи,  
Үрмон ичра сўқмоқдан ҳамон  
Босиб келар икки йўловчи  
Юрт тоғлари, даралар томон:  
Ана унда қарт қарағайлар,  
Қайинларнинг зич апоқ-чапоқ —  
Шоҳларида рақс этган шафақ  
Гул-гул ёниб нигоҳ жазб айлар.  
Кийинишиб хорижий уст-бош,  
Улар келар даралар сари.  
Бири — сочи оқарган қари,  
Бири — ҳали умри билан ёш.  
Унда занглаб кетган дубулға,  
Елкада ёй, садоқда ўқи.  
Ва пайдарпай таралар йўлга  
Қиличининг шарақ-шуруқи.  
Юзларида бурунги алам,  
У жангларнинг касри — асорат —  
Ҳали-ҳали ҳоким бўлса ҳам,  
Бироқ унда сўнмай жасорат,  
Шу жанговар совут остида  
Муқаддас ўт ёниб туришин,  
Довюракнинг қасос қасдида  
Шиддат билан депсиб уришин  
Қарашлари, ўтқир кўзлари,  
Ҳаракати айтарди ҳар гез.  
Улар жиддий, қадамлари тез,  
Ва серҳасрат эди сўзлари:

«Ўтинаман, шавқу таитана,  
Қувончимни камситма эй, чол!  
Мана келдим, қайтиб мен яна,  
Юртим билан жўришдим висол.  
Қирмиз шафақ каби нур сочиб,

Умид дилга лиммо-лим тўлди,  
Она-ватан бағрини Очиб  
Қувғин ўғлин қабул этар бўлди.  
Еттипуштим ўз зоти билан  
Суяқ суриб ўтган ердаман,  
Боболағим навбати билан  
Базм қуриб ўтган ердаман.  
Ҳали бўйим ўсмасдан, ҳали  
Қилич тенги келмасдан туриб,  
Шарақ-шурук товши, нашъали  
Машқига маст бўлиб, жўш уриб,  
Қилич ўйнаб ўсган ерим бу.  
Мен бу ерда ақлимни билдим,  
Мен бу ерда илҳомлариму  
Ҳақларимни ҳимоя қилдим.  
Агар у пайт эътибор этиб,  
Тингламасам эдим сени, чол,  
Эрк, деб қулаб ерпарчин кетиб,  
Эрк, деб, топган бўлардим завол.  
Қани ўша, эҳ ота-ота,  
Сен кўзлаган режалар қани?  
Едингдами, узоқ ғурбатда  
Славянлар қонин оққани?  
Ёт халқ қадр қилмади, қопди,  
Ёт у асли ётлигин қилди.  
Чин ҳаққоний сўзни важ топди,  
Меҳрибонин душман деб билди.  
Етти ухлаб тушда кўрмаган  
Не кунларни кўрди бу бошлар!  
Ким ўйларди аҳвол сўрмаган —  
Ғурбат юртда азиз — йўлдошлар!  
Дўстларимга қазо етишин,  
Йироқларда бир сиқим хоки  
Ном-нишонсиз қолиб кетишин,

Ким ўйловди, кимнинг идроки,  
Кимнинг ақли етганди бунга?  
Ким ўйловди, осмон остида  
Ҳаёт қолган икки қувғинга —  
Ўз әркини тиклаш қасдидা  
Меҳри-мерос юртнинг дийдорин  
Қайтиб кўрмоқ қисматда борин?  
Бироқ энди нима бўпти бу?  
Эҳтимолки, бизни кўрган дам  
Ҳалқ қалбига тушмас ҳам ғулу,  
Кўзларига қалқмас қатра нам.  
Эҳтимолки, ҳаққоний, қасос,  
Ҳаққоний ўч топмай инобат,  
Тақдир алдар учинчи навбат,  
Яна умид сўнар беасос!..»  
Деди, шу он беихтиёр ёш  
Кипригиди милт этиб кетди.  
Қарашлиари қарағай, тоғ-тош  
Ва туманлик кўкни сайд әтди.  
— Майли, бироқ Вадим,— деди чол,—  
Ийллар ўтиб, бир давр этиб  
Юрт номингни, шараф баҳш этиб,  
Қилиб олар эркига тимсол.  
Ҳа, номингни янгратиб ҳардам  
Киязларга даҳшат солар ҳалқ,  
Насиҳату далилида ҳам  
Доим сени тилга олар ҳалқ,  
Дер: Вадимдан ибрат ол, ибрат!  
Она юрт деб у жанговар эр  
Муҳаббату баҳтни әтди рад,  
Ўз юртим деб, қонин тўқди, дер.—  
У шунчайин илжайған ҳамон  
Шошиб чолдан ўгириди бошин.  
Қайғу гўё оғир қўрғошин,

Еш кўкракни ээди беомон.  
Ҳуши кетди севган ёрига,  
Бирдан шу вақт титраб кетди дил.  
Агар ҳозир дилда борига  
Таржимонлик қилолсайди тил,  
Қўрқмасайди агар жанговар,  
Дудуқланиб гунг қолишидан;  
Сўз ўрнига чор атрофни зор,  
Нола-фифон, мунг олишидан —  
Қўрқмасайди, гезариб кетиб,  
Титраб турган шу лаблар шу он,  
Дил дардини очиб, фош этиб,  
Тўкиб солган бўларди чунон.  
Бироқ, қўрқди, қайғули йўлдош  
Жавоб қилмай, гапсиз-сўзсиз лол,  
Ерга қўйи эккан кўйи бош,  
Жадал босди паришонхаёл.

Улар борар атроф — теграсин —  
Тикан босган тепа, наридан,  
Эрталабки туман бағридан  
Мовийланиб очди чеҳрасин.  
У тепада қимир этмай қотиб,  
Оқ бир нарса ташланар кўзга,  
Гиёҳ узра ястаниб ётиб,  
Жалб айларди диққатни ўзга.  
Тепасида, тўнгакда калхат,  
Бамисоли ўрмою жини у,  
Ушиб тушиб турарди, фақат  
Шундан узмай илинжини у.  
Бироқ, дарахт оралаб, ногоҳ  
Келаётган шарпадан оғоҳ,  
Тик оёқда чўзилиб боқиб,  
Қанотини бир силкиб қоқиб,

Кўтарилди кўкка, ниҳоят  
Булатларнинг бағрига етди,  
Зўр денгиизда қайиқдай ғоят  
Кичрайди-ю, қорайиб кетди.

У тепада ўт ичида лол,  
Оқ либосли мурда ётарди.  
Ҳатто унга раҳм этмай шамол  
Сочларини ўйнаб тортарди.  
Ғув-ғув эсиб, қиши қоридан ҳам —  
Ўта совуқ, ўта бокира —  
Пок ва оппоқ сийнани сира  
Ўз тинчига қўймасди бир дам.  
Қаттиқ-даста заптига олиб  
Ҳоким экан ўлим уйқуси,  
Кўзлар юмуқ, тош қотиб қолиб,  
Кўкарганди қўлларнинг тузи.

Вадим келди мурда қошига...  
О, у нега бўзарди, не ҳол?—  
Титраб ерга йиқилди беҳол...  
Ва ёнма-ён қоя тошига —  
Қандайдир бир чўзиқ оҳми, ё —  
Чўзиқ аччиқ ингроқмиди? у,—  
Сўнгги сасдай бу аччиқ нидо  
Жон-жаҳдидан чиқиб, урди-ю  
Янграб туриб таралди шу чоқ...  
Бирор кимса, бирорта қулоқ  
Агар буни эшитсами бор,  
У, ўзича балки: «Нақ шу дам  
Юракдаги энг-энг муҳим тор  
Чирт узилиб кетди!..» дерди ҳам.  
Агар шу бир ишқнинг ўзини  
Деса эди у жанговар дил,

У тақдирда шу-шу муттасил  
Очолмасди қайтиб кўзини.  
Аммо ишқни енгиб чиқди кек!  
Кек қўзғади қалбидагулу!  
Ерда кўп вақт ётган кўйи тек  
Ажиб сўзлар пичирлади у.  
Чол бу тилни тинч қулоқ осиб  
Энди англай олар ҳам эди.  
Ва ниҳоят оёққа босиб  
У жафокаш: «чинданми,— деди,—  
Бу фироққа дош беролдим мен?...  
О Йнгелот, севармидинг сен?  
Боқ... Бу ухлоқ кўзларига боқ...  
Боқ, бўзарган юзларига боқ,  
Ледага боқ... қани айт?.. Йўқ! Бас —  
Бас, бўлар иш бўлди, жим, о жим!  
Энди ҳеч на фойда беролмас,  
Мен айрилдим, мен жудо бўлдим,  
Умидларим кўкка соврилди,  
Юрак-бағрим ўтда қоврилди,  
Жудо бўлдим жигарпорамдан,  
Муҳаббатим сўнди бесос.  
Қасос учун бораман! Қасос!  
Умидим йўқ энди оламдан:  
Неки севдим, неки изладим,  
Шунда топдим, шунда йўқотдим.  
О, мусибат қаърига ботдим...»  
Қиличини суғурди Вадим,  
Ерга суқди, қизни кўммакка  
Чоҳ қазиди, қазий кетди тоҳ.  
Беихтиёр тортиб оғир оҳ,  
Чол ҳам энди тушди қўмакка.  
Мана тор уй, ўлимнинг уйи...  
Битирдилар заҳ ерни кавлаб,

Чол ва Вадим унга икковлаб  
Эгасини топширган қўйи,  
Тупроқ тортиб, бостирилар чим.  
Қабр устига ўрнатдилар тош.  
Қалтирамай, тўкмай қатра ёш.  
Сўнгги бурчин ўтади Вадим.  
Севги-умид енгил тутундай  
Бугун энди учди фалакка.  
Жаҳон дашти ичра бутунлай  
Ўксиб қолди у ўзи якка.  
Ўтирида, қабр тошига  
Манглайнин сийпалади у.  
Бироқ энди foят зўр қайғу  
Ҳоким келиб, чиқди бошига.  
Қат-қат ажин излари бу он  
Манглайдан ёзилмай турди.  
Аммо юрак енгилмай, омон,  
Юрак яна депсиб зарб урди.

«Эй марҳума! Тинчиб ором ол!  
Ярлақасин қодири эгам!»  
Аста-секин шивирлади чол:  
«Ким ўлмати? Йўқ, ҳамманинг ҳам —  
Қисматида бир ўлим бордир!  
Қазо амри парвардигордир!  
Ундан нолиш нодоннинг иши,  
Ахир унга банда-қу киши.  
Чораси йўқ бандасининг ҳеч,—  
Буйругини келтирмай бажо.  
Куни битиб, ҳо эрта, ҳо кеч  
Шу ҳужраси ичра бўлган жо!»

Улар туриб аста, йўл олди,  
Мовий уфқ ичра йўқолди!..

Қуёш порлар, ҳаво беғубор,  
Сузиб ўйнар олтин булут ҳам,  
Кўм-кўк тиниқ шўх дарё бу дам  
Худди Ильмен кўзгусича бор.  
Бугун дарё қирғоғи томон  
Новгороддан ҳалқ борар дув-дув.  
Унда тепа устида ҳамон  
Сўррайган бир маъбуд борки, у  
Жанг тангрисин ифода қилиб,  
Олислардан оқариб турар.  
У маъбудни ҳалқ ээгу билиб,  
Кўп йилларки, саждага юрап.  
Ва яқинда князь Рюрик ҳам  
Голиб қайтиб қонли сафардан,  
Мамнун бўлиб ўлжа, зафардан,  
Варягларни бошлаб жамулжам,  
Келиб тутди маъбуд қошини.  
Эътиқодда лол қотиб, бином —  
Ҳурмат билан әгиб бошини,  
Жанг ўлжасин айлади инъом.  
Тангриларнинг шарафли мадҳи  
Авжлаб янграб учди ҳар ёнга,  
Гўлиб кетди тепанинг сатҳи  
Турли-туман хайру эҳсонга.

Ҳалқ таралиб тўэди ниҳоят,  
Гулхан ёнар, суронли базм.  
Давра аро князь шод гоят,  
Сарбоэлари унга сертаъзим...  
Бироқ, ким у? Ким нидо қиласмиш?  
У ким ўзи, ким у бақирган?  
Еш жангчи ким? Қаердан келмиш?  
Ким Рюрикни жангга чақирган?

Ўлим учун туғилган у ким?  
Дубулғаси занглаб бошида,  
Ваҳшат билан князъ қошида  
Қиличини даст тутди Вадим:  
«Варяг,— деди,— нақ илон худди  
Елкасида сочи тұлғанди.—  
Чиқ ўртага!— Иниқом ўти  
Күзларида гувиллаб ёнди.—  
Чиқ ўртага, әркесвар бу дил  
Күкрагимда депсири шиддаткор,  
Евузлигинг қанчаларки бор,  
Сўнгичага қўрсат муттасил!  
Ҳалок бўлар бир жангчи, бироқ  
Бутун юртим бўлмагай ҳалок.  
О, шундай ҳам бу табаррук хок,  
Боболарим бош қўйған тупроқ  
Хор бўлди-ку, хор этди малъун,  
Оёқ ости қилди келгинди.  
Унутилди ўтган шонли кун,  
Галабалар унутилди энди.  
Новгород аҳли! Мен ўлсам  
Йиғламангиз, мен юртга кирдим!  
Баҳт келтирдим, ҳаёт келтирдим...  
Эрк кўз ёшдан ҳосил бўлмас ҳам!»

Қиличини силтаб солди у,  
Нақ чақмоқдай ялтираб кетди.  
Нутқ ларзаси ичра қолди-ю  
Барча бирдан қалтираб кетди.  
Бироқ энди дадил ён босиб  
Йўқолмади Вадимни ҳеч ким.  
Барча бирдай қолаверди жим.  
Сачраб турди қовоғин осиб,  
Сачраб турди дарғазаб кибор,

Бўронларнинг қонли йўлида  
Шиддат солган қиличики бор,  
Қиндан тортиб тутди қўлида,  
Ёш жангчига қарши ташланди.  
Қайнаб кетди Вадим ҳам шу чоқ.  
Жанг бошланди, даҳшат бошланди.  
Ялт-ялт ёнди қўлларда яроқ,  
Зўр денгизда қайиққа гўё  
Ҳалокатнинг гирдоби чопар,  
У, қайиқни ҳалок этар, ё —  
Унинг ўзи ҳалокат топар.

Давом этди жанг узоқ авжлаб;  
Яшин-чақмоқ ялтираб турди.  
Томошабин юрак ҳовучлаб  
Боққан кўйи қалтираб турди.  
Ҳамма ёқни даҳшат олганди,  
Ҳамманинг ҳам ўчганди қути.  
Бироқ маълум бўлиб қолганди  
Ёш жангчининг қатл минути!..

Сарбозларнинг қаҳқаҳи учди,  
Мамнун нигоҳ ташлади қотил.  
Магрур бошга машъум зарб тушди.  
Ёш паҳлавон, матонатли дил  
Ерга аста ташлади ўзин.  
Оҳ тортмади, инграмади ҳам  
*Сўнгги эркин славян бу дам*  
Магрур юмди қон узра кўзин.

---

Салқин тушиб, шом қоронғиси  
Тепаларнинг тутганда бетин,  
Юлдуз чиқиб олдинма-кетин,

Кўрк олганда кечанинг туси,  
Кўл мавжини ой шуъла тараб,  
Нуқралаган пайтида авжи,  
Туман босган дала оралаб  
Ўтиб кетди кечиккан овчи.  
Кулбасига етгач ниҳоят,  
Рафиқаси билан ёнма-ён,  
Дўстлар аро ўтирган ҳамон,  
Ҳодисани қиласи ҳикоят:  
«Қараб қотдим таажжуб қилиб:  
Тепаликнинг нари ёғида  
Кимдир бирор ерга эгилиб  
Турап эди. Ўз қучоғида,  
Ниманидир кўтарди у чол,  
Манглайида тўэзаб сочи оқ  
Ва юкини ўнглаб олибоқ  
Елкасига ортди-да дарҳол  
Жўнаб кетди, мен унинг юкини  
Мурда жасад дедим, нақ мурда.  
Кўринарди қорайиб нурда.  
Ой ёритиб, сутдай ойдин тун,  
Мен изидан боқардим ҳамон,  
Нарироққа бориб бир замон  
Йўлин буриб, жадал босди-ю  
Қўшни ўрмон ёққа шошди чол,  
Ва ниҳоят тонгги туш мисол  
Қуздан ғойиб бўлди кетди у...»

Сен эй, содда қишлоқи ўртоқ,  
Боққанмисан кўлнинг қошига,  
Боққанмисан у яшил ўтлоқ  
Ва баҳайбат қоя тошига?  
Кунни тўсиб, у баланд қоя  
Ўтлоқ узра ташларкан соя,

Ғам-ҳасратда сарғайиб, толиб,  
Гуллар, совур арчалари ҳам,  
Шамол тегмай, бебаҳра қолиб,  
Захлаб ўсар барчалари ҳам.  
Ва у жойда тупроққа ботиб,  
Ер тишлишиб қолган икки тош,  
Кул ранг тошлар, сўррайиб қотиб  
Гиёҳ ичра кўрсатади бош.  
Тош тагида, ерга ўз қилич,  
Ўз қалқони билан жо бўлиб,  
Славянлар ўлкасига ҳеч  
«Ёд этилмай, унудилиб, ўлиб,  
Эрок мухлиси паҳлавон фарзанд  
Сўнгги совуқ уйқугадир банд.

\*

A tale of the times of old!..  
The deeds of daws of other years!..\*

1831

---

\* Ўтиб кетди қўп йиллар ғоят,  
Бу қадимдан қолган ривоят.  
(А. С. Пушкин «Руслан ва Людмила»)

# БОСТУНЧИ ОВУЛИ

*Бағишилова*

1

Сенга Кавказ, эй, дунёнинг сипоҳ султони,  
Бағишилайман яна шеърим таронасини,  
Фарзандим деб фотиҳа бер унга, нуроний  
Устига сол қорли тоғлар кўланкасини!  
Ҳароратинг ва исёнкор руҳинг бўрони —  
Ёшлигимдан ёқар қоним алангасини:  
Гарчи шимол тарафлари сенга бегона,  
Юрагимда сенинг ишқинг бўлди ягона.

2

Сенинг юксак кунгирали тизма тоғларинг  
Кўп кездири мени тўфон салтанатида,  
Гоҳо мени авайларди кенг қучоқларинг  
Кўм-кўк мовий туманларнинг пар қанотида.  
Мен завқланиб сайр әтардим: оқшом чоқларинг  
Эирваларнинг этагида дев қоматида —

Етар эди у азалий тоғлар мужассам,  
Йўсин босган кўкатзорда, чўлда муazzам.

3

Гўдаклиқда булутларинг айланиб ҳар чоқ  
Бошим узра ўраларди гулчамбарсимон.  
Улар узра гур-гур чопса момақалдироқ,  
Форлар бирдан уйғонишиб мисли посбон,  
Бир ғулғула кўтарганда барада ҳар ёқ,  
Мен уларнинг шум суронин англардим шу он,  
Миниб момақалдироқнинг аравасига,  
Учар эдим завқдан гўё кўк ўлкасига...

4

Оҳ, руҳимни асти дунё англай олмади,—  
Зотан, унга руҳни англаш лозим ҳам эмас.  
Руҳим туби — мангаликнинг сирли зулмати,  
Одамзоднинг тирик кўзи уни кўролмас,  
Ақлларга сифмайдиган кунлар ҳурмати,  
Эсда яшар узоқ әлат, азиз, муқаддас,  
На шов-шув на киборлар ишрати ҳеч вақт  
Сўндиролмас; мен сеники! Сеники фақат!..

#### БИРИНЧИ БОБ

I

Маъшуқ — Бештов орасида ўттиз йил бурун —  
Урнашганди бўронлардан яширинган овул.

Эрки әди бу овулнинг бойлиги бутун,  
Энди у йўқ. Үрнида қум, чакалак ва кул;  
Моғор босган оқ тошларда чирмашиб бу кун  
Узун думли ёввойи ток ўрмалар нуқул...  
Бу тошларни атрофдаги тик чўққилардан  
Қалдироқлар ўмаради иргитиб тубан!

## II

У ерларда эшитилмас жангур тўполон,  
Эшитилмас черкас қизнинг ширин ялласи,  
Жазирама ёз кунида кезар саргардон  
Бебош, асов йилқиларнинг яйдоқ галаси!  
Бу пайкалда пинак бузмай қилади жавлон  
Отлик казак, орқасида осиқ найзаси!  
Кўкда эса давра чизиб бургут пайдарпай  
Мағрур боқар тинч увага ҳадиксирамай.

## III

У ерларда тоғлар бошин оқшом алвони  
Сўнаётган қизғиши рангга кийинтирганда,  
Шу паллада тош остидан саҳро илони  
Кўринади. У билонглаб чиқиб келганда  
Унинг чипор тангалари кумуш мисоли  
Товланади қилич каби ялтираб шунда;  
Бир қилички, синиб қолиб шум чўлда ётар,  
Гўё уни ўт ичига ташлапти аскар.

## IV

«Ениб кетди овул, ўчди номи диллардан,  
Авлодлари тарқаб кетди ғариб-дарбадар...

Фақат гоҳо болаларга ўтмиш йиллардан  
Черкас гулхан атрофида ҳикоя айтар —  
Еғингарлик кунларида. Баъзан чўллардан  
Ўтиб қолса ёт ўлкалли мусофири агар —  
Сўрар кўрган казаклардан: «Менга айтинг-чи,  
Билмайсизми, қайда экан овул Бостунчи?»

## V

У овулда, дўст-ёрсиз, ўткан замонда  
Яшар экан оға-ини икки биродар.  
Дейдиларки, ботирликда, Бештов томонда  
Ҳеч йўқ экан Оқбулатга тенгу баробар.  
Иниси кўп нозик, майнин, гўё чаманда  
Кечки қуёш нуридаги чечакдай дилбар!  
Йигит ўсар ёмонликка қонга бегона.  
Аммо кутар қалбидаги учқун... ягона.

## VI

Ғурбатларда ўлдирилди ота номурод,  
Она ўлди туққанида Салимни, бевақт,  
Кўпларида жиноят-ла тугаса ҳаёт  
Жиноят-ла бошлаганди умрин бу бадбахт!  
У ҳеч кимнинг юрагини қилолмасди шод,  
У ҳеч кимнинг этолмасди кайфини хушвақт;  
У илк марта бу дунёга кўзин очган чоқ,  
Табассумин кутиб олди момақалдироқ.

## VII

Ўсди ёлғиз ва бепарво... ҳаётга кўп маст,  
Ер ва кўкнинг ўртасида қушлар сингари!

Булутларни, юқоридан кўрмоққа ҳавас —  
Қилиб, чиқиб бораар эди чўққилар сари;  
Боши узра фақат чексиз самовий гумбаз;  
Ҳаёл дарёсига чўмиб у гоҳилари  
Саҳаргача ўтиради бир ўзи хомуш,  
Атрофига учар эди фусункор бир туш.

## VIII

Элатийлар не сабабдан? — худо билади —  
Булар билан гапиришдан қиласди ҳазар,  
Йилқилари алоҳида ўтлашар эди,  
Эшикларин қоққан киши дил ғашлик сезар;  
Гарчи Салим, келишса ҳам сарв қомати,  
Бўйса ҳамки пешмат шоҳи, кумушдан камар,—  
Бу тўёна саруполар, либослар асти  
Ойимқизлар ҳандасини туғдиролмасди.

## IX

Мард йигитлар чиқар әкан йилқи босмоққа,  
Еки жанглар хуморида балки йўл олар  
Үйларини ташлаб яна ўлжаллик ёққа,  
Ортларидан икки қардош кулишиб қолар,  
Гўё баъзан қояларнинг ортидан тоққа,—  
Чиқиб олиб икки бошли ғалат булутлар,—  
Кузатгандек тўлин ойнинг ортидан хомуш,  
Қараб қолар аччиқ кулиб жим ва фаромуш.

## X

Қардошларнинг дўстлигига одамлар ҳайрон,  
Аммо ҳеч ким қўймас әкан уларга ихлос...  
Балки важи шу бўлганки, ҳеч кимни сирдон —  
Қилишмасди ишларига; ўзлари шоввоз,  
На қуллиқни билар ва на бўлар қадрдон!  
Билолмайман,— асрорлари кўп мужмал, ҳолос,  
Гўё йўлчи қабр тоши устига битган  
Сирли хира сатрлардай муаммо әкан...

## XI

Овулда энг кичик кулба уларницидир,  
Пастак томин чулғаб опти қалин чирмовиқ,  
Эски девор узра арқон, әгар ва ўткир —  
Икки шамшир, икки қалпоқ турар осиғлиқ.  
Яна унда порох тутунидан қорамтири  
Оғзи очиқ ғилофида иккита милтиқ.  
Стволи қирралидир иккисининг ҳам,  
Иккиси ҳам жун ғилофда ётади бу дам.

## XII

Бир кун... Салим Оқбулатни овдан кутарди,  
Вақт кеч әди, водийларга қўнарди туман;  
Туман айнан шаффофф тутун каби тутарди,  
Қуюқ зулмат чакмонини ёпиниб олган  
Пахмоқ бошли қояларни босиб ўтарди,  
Ўйчан Бештов зирвалари жасорат билан  
Кўрар әди Бештов кўкнинг соф лавҳасини,  
Она юртнинг у ваҳшатли манзарасини.

### XIII

Уфқларда қуёш билан хайрлашаркан,  
Қорли тоғлар саф тортишган гул ранг девордек.  
Маъшуқ бўлса солиб тақир бошини тубан,  
Подкумокнинг сувларига боқар эди тек,  
Гўё оғир қадамлар-ла мовий оқиндан —  
Босиб ўтиб ўзга мулкка кетгуси бордек.  
Овул мудрар: чиқиб кетди имом масжиддан,  
Милтилларди чироқ узоқ кулба ичида.

### XIV

Оғасини кутар Салим. Бир... Икки... соат,  
Тоғлар ели дала бўйлаб кезади бўзлаб,  
Деразанинг хокрезида чайқалар кўкат,  
Чу! Аллаким чопаётир отини тезлаб...  
Ана келди; от пишқирап ва кишнар... Шу вақт —  
Бирор тушди отдан, яна... биттаси... ажаб?  
Бу на бўри, на оққуриқ, на ваҳший ҳайвон!  
Йўқ! Сувори олиб келган ўлжа; бир жонон.

### XV

Келиб кирди жим Оқбулат қулбага кушод,  
Сафаридан ғоят мамнун, ялтирап кўзлар.  
Салим дейди: «Ҳаялладинг, кўринасан шод!  
Овинг ўрмон қушимасга ўхшар, биродар...»  
Ва қайрилиб боқар Салим: мисли паризод  
Остонада қараб турагаш ёш черкас дилбар,  
Нозанин қиз, фаришталар сингари сўлим,  
Беихтиёр ранги ўчиб оқарди Салим.

## XVI

Уни кўргач Салим гўё уйғонди тушдан,  
 Юрагида пайдо бўлди ширин бир туйғу,—  
 Оғаси дер:— Бош тортмагин ихлос қўйишдан,  
 Ҳурмат қилгин, хотинимдир шу Заҳро бону.  
 Узи кечди овулидан, қавмидан-ҳешдан,  
 Энди фақир кулбамизга ғамхўр бўлур у.  
 Заҳро! Боқгин, мана шунда барча давлатим,  
 Бору йўғим, хонимоним, юртим-элатим!..»

## XVII

Заҳро шунда хушнуд бўлиб кулемсиради  
 Истадики, қутлаб қилгай у муборакбод,  
 Аммо тинди. Манглайига бирдан ғалати —  
 Ҳаёлларнинг изи чўқди соядай, ҳайҳот!  
 Гўё шоир айтганидай, қадди-қомати  
 Зулмат билан нурдан қориб қуйилган ҳурзод.  
 Эрталабки булатдан ҳам оқ ва покиза,  
 Маммалари дўппайганди ўртуқда тоза.

## XVIII

Қора бўлар ёш оҳунинг кўзлари ғоят,  
 Аммо Заҳро кўзлари-чи, тагин ҳам қора;  
 Киприк аро ваъда қилиб ҳузур-ҳаловат,  
 Дилга жонлар бахш этарди, жонларга ора!  
 Моҳир қўлнинг санъати-ла хушбичим қомат  
 Осонгина ясатилган, бўлмай овора;  
 Хипча белда қора белбоғ эшилма шоҳи,  
 Ичда эса ялтиради кумушлар гоҳи.

## XIX

Елкаларда тўлғанарди кокиллар ҳамон,  
Олтин лента қўшиб ўрган мисоли баргак,  
Мармар тусли елкалари оқариб ҳар он  
Кўк томирлар берар эди уларга безак.  
Шу лаҳзада сўлим эди у дилбар жонон,  
Сўлим эди асов әркнинг соддалигидақ,  
Жануб ёқда хушбўй шабнам сепилган маҳал  
Хуш мевалар товланади шунингдек гўзал.

## XX

Қизга қараб туар әкан Салим бечора,  
Янги ҳислар талпинарди дилин қилиб танг.  
О, у қизғин пешонасин қўйсайди, зора,  
Қизнинг садаф сийнасига эҳтирос билан!  
Титраб кетди, уйдан чиқди... Маъюс, дилпора,  
Сиқиб қўйди ханжарининг дастасин тажанг.—  
Оқбулат-чи: чилим чекар ва хаёл сурар,—  
Ипак гилам узра ётиб... Оҳ! Билсами гар!..

## XXI

Үтди бир кун, тагин бир кун... Тагин кўп кунлар;  
Улар яшар аввалгидай одамларга ёт.  
Аммо бир кун... Даҳшат солди бўрон, тўлқинлар,  
Қояларни қоплаб олди қора зулумот.  
Қопқир итлар қувиб борган дайди, дарбадар  
Жониворлар галасига ўхшаб шошиб бот  
Югуришиб қочар эди булат пайдарпай.  
Аскарларнинг қалпоғида пахмайган пардай.

## XXII

Фақир кулба эшигига туриб Оқбулат  
Хаёл суреб булатларни кузатар эди.  
Тўсатдан бир шарпа сезди; қараса, шу вақт  
Салим турар боши яланг, бадқовоқ, жиддий,  
Белда ханжар жириналайди, бераҳм, бешафқат  
Сопи-узра бармоқлари секин силжийди.  
Лаблариди бесаранжом гап-сўзлар қайнар,  
Гўё кўпик соҳилларга урилиб ўйнар.

## XXIII

Раҳми келиб укасига Оқбулат дейди:  
— «Айт, не бўлди? Нега бундай турибсан гаранг?  
Айта қолгин!» Хира кўзлар жавдираб дайди,  
Салим айтар: «АЗобдаман, аҳволим кўп танг!..  
Кечакундуз оғир ташвиш мени қийнайди!  
Кўймоқдаман!.. Биламанки, рашикинг зўр, тажанг!  
Қутқазмоқни хоҳламасссан мен девонани...  
Мен гуноҳкор... Лекин кечир!.. Кечиргин мани!..»

## XXIV

— «Қани айт-чи, нима, сени сўкдими бирор?  
Ким бўлмасин, ғазабимга бўлади дучор!  
Еки отинг йўқолдими? Қўй, унут дарров!..  
Сенга тоғдан топиб берай ажойиб тулпор!..  
Е кўксингни ёқмоқдами муҳаббат-олов?  
Е ёт қизнинг бўясасига бўлдингми хуштор?..  
Ҳеч гап әмас уни тунда ўғирлаб қочиш...  
У сеники!.. Айт, дилингда қанақа ташвиш?..»

## XXV

— «Сўраш осон... Аммо оғир бермоқлик жавоб!..  
Менинг ўтли кўзларимга қатрагина нам  
Фаришталар келтирса-ю ва топса савоб,  
Бу ниятда пайғамбарга ёлвордим ҳар дам!..  
Кўрасан-ку: кўзда ёш йўқ, дил эса хуноб!  
Оҳ, беҳуда дуоларни ўқима сен ҳам!..  
Дод кўтардим ёруғ шарққа ва ғарбга қараб...  
Аммо қалбда ғам қимиirlар илондай, ёраб!..

## XXVI

«Мен фалакка куфр қилдим — отландим бедов;  
Биёбонда жавлон урдим саёқ-саргардон,  
Кеча демай, кундуз демай изғидим асов,  
Аммо мени қувиб юрди хаёллар ҳамон!  
Қалбинг ахир, пўлат эмас қаттиқ, беаёв,  
Ўляпман, оҳ қардошим!.. Менга киргиз жон!  
Гўдак чогим мени ғоят севар эдинг-ку!..  
Эсингдами меҳринг, ёки унутилди у!..

## XXVII

«Менга қара!.. Менда ёшлик шавқи-эҳтирос  
Қайнаб турап гўё маъшуқ бағрида булоқ!  
Аммо сен-чи: оқ соchlаринг кўрсатгани рост:  
Сен ҳаётдан безган киши, ҳорғин, эринчоқ,  
Гарчи отни минишда сен уста чавандоз,  
Янгроқ ўқни ёйга тортиб узасан йироқ,  
Буғуларга етоласан, ёвни енгасан...  
Лекин... Мендай севолмайсан, севолмайсан сан!..

## XXVIII

«Ахир, сен-ку соат бўйи боқолмайсан жим  
Кўп бепарво сенга боқсан ўйноқи кўзга,  
У кўздаги равшанликка бўлмайсан таслим,  
Юракда ишқ оловига эмассан эга!  
Сен Заҳрони қучганингда, кўрганман ўзим:—  
Зериккандай ўтирасан, эс-хаёл ўзга!..  
У бўсага бағишлардим бутун бир ҳаёт,  
Иккинчи бир умрим бўлса, уни ҳам... Ҳайҳот!..»

## XXIX

Тепадаги булатлардай, қора, бадқовоқ  
Хираланди Оқбулатнинг сипоҳий юзи.  
Оқ муртидан сапчиб ўтди ёмон қалтироқ,  
Ботаётгани кун нуридай қизарди кўзи.  
—«Нималарни дединг, Салим, шунчалар шалоқ!?»  
Ҳайқирди у. Ва лекин кор қилмади сўзи.  
Оғасининг оёғига йиқилди қулдек.  
Аламларга, ўтичларга қўйиб берди эрк.

## XXX

— «Кўрасанки, ҳалок бўлдим! Менга йўқ најот...  
Ҳамма ёқда умидсиэлик, муҳаббат... нуқул!..  
Оҳ! Бурунги дўстлигимиз ҳақин... қилиб ёд —  
Сен Заҳрони менга бергин! Сенга бўлай қул!..  
Менга бергин!.. Ачинмайсан инингга, наҳот?..  
Йўқ!.. Сен мени кўҳна идиш сингари буткул  
Ҳазар қилиб иргитарсан эшикдан ногоҳ...  
Аммо мана: ханжарим бор, тепада оллоҳ!..

## XXXI

«Хоҳласайдим, аллақачон бўлиб баҳтиёр,  
У муқаддас удумларни қилардим пайҳон!  
Аммо қайта ўйладимки: ваҳший жонивор —  
Янглиғ тағин тирнамасин ёш қалбни такрор,  
Пушаймонман, аммо лекин, кечикдим такрор,  
Янглишибман, бир әмасу мен икки чандон,  
Оқибатда бу дунёда якка-ю ёлғиз,  
Нодон бўлдим муҳаббатсиз ва дўсту ёрсиз!..

## XXXII

«Мен тайёрман — ўйланишга сира йўқ ўрин!  
Бир зарба-ю иккимиз ҳам тинчиймиз шу он.  
Эвоҳ, Заҳро билан бир дам — жаннатдан ширин!  
Усиз ҳаёт — гўрдан мудҳиш, бемаъно, ёмон!  
Оёғингга ийқилибман... Ҳал эт ва билгин:  
Севги рашқдан ва ғазабдан ҳийлагар шайтон.  
Мен оламан чангалингдан Заҳрони! Билки;  
У меники! У албатта бўлур меники!»

## XXXIII

Салим тинди. Оппоқ әди нозик сиймоси;  
Жазавали кўз ёшлари титрашар әди,  
Лабларида чалишганди сўзи — садоси,  
Ўша садо изтиробга кўп ўхшар әди...  
Ачингандай бўлди шу вақт баттол оғаси:  
«Ўтиб кетар бу хатолар, бу янглиш,— деди —  
Юлдузлар кўп бир-биридан равшан ва афзал;  
Кўп қизлар бор менинг хотинимдан ҳам гўзал!..

## XXXIV

«Уни менга берган экан қудратли оллоҳ,  
Мен бирорга ўтказмасман. Аҳдимни тингла!  
Фикримдан ҳам, сўзимдан ҳам пайғамбар огоҳ!  
На ўтичлар кор қиласи менга, на тилла!..  
Хайр сенга... Аммо агар... борди-ю...»— Э воҳ,  
Ахир, уни севаман-ку! изтироб ила  
Салим деди юрагида адсоват зайди:—  
«Мен ялиндим, сен йўқ дединг, эсда тут майли!»

## XXXV

Унинг лабин бужмайтириди совуқ бир ҳанда;  
Давом этиб деди: «Энди битди ҳамма гап!  
На дўстлик бор, на овунчиқ менга оламда!..  
... Сенга раҳмат! Фарзанд каби мени авайлаб  
Ғамхўр бўлиб асррагансан. Ҳаққинг бор менда...  
Даштда эрка гул ўстирдинг ўзинг атайлаб,  
Ўзинг юлиб олдинг эркин баргларин бу дам...  
Буни асти унутмайман, унутма сен ҳам!..»

## XXXVI

Ўгирилди-ю, ғойиб бўлди мисоли соя.  
Қимириламай қотиб қолди Оқбулат хижил,  
Худди яшин урган дараҳт — бир тўнкапоя.  
Довул ҳамон ғувулларди ва ғижир-ғижир  
Ғарчилиларди четан девор ярим вайрона;  
Гоҳо эса фақир уйда ғоят бетаъсир.  
Бегам, майин, эркин қўшиқ эшитиларди,  
Аммо уни зўр қалдироқ босиб кўмарди!..

## XXXVII

Айнан шундай, баъзан чўлда, ўзга тупроқда,  
Жануб қуши, келгинди қуш адашиб қолар,  
Сўнгра қўниб сайрар экан қуруқ бутоқда,—  
Теваракда қор бўрони қайнаб авж олар.—  
Йўлчи эса ҳасрат билан ўйлаб бу ҳақда  
Дўст овози әмасмикин деб қулоқ солар!  
Балки, дейди, жаннатдаги дўстим арвоҳи  
Дардлашгали келган бўлса керак, дарвоқи!..

## XXXVIII

...Салим жадал әгарлайди вафоли отин,  
Сўнгра ёлин мис тароқ-ла текис тарайди,  
Тизгинларга қадаб қўйган кубань бисотин,  
Айиллари маҳкамми деб тортиб қарайди,  
Узангилар баб-баравар, қайишлар метин,  
Ипак дарра илингандা әгарга энди.  
Қийғоч боқиб хириллару тепинар бедов,  
Вақт етди... Отингга мин, чавандоз, дарров!..

## XXXIX

Сенинг ўзлук аргумоғинг абжир ва кўркам!  
Кўмир чўғи каби порлар унинг кўзлари!  
Дум диккайган хода янглиғ, оёқлар илдам,  
Тўлқин ювган сийқа қора тошлар сингари  
Ялтирайди баланд сағри, бағоят ихчам,  
Кенг чўлларда уни чопса эпчил сувори,  
Чигиртқадай енгил учиб бора олар тез,  
Сенинг «чу-ҳо!»нг унга бўлар қадрлик шу кез...

## XL

Аргумоқа минди Салим асабий, чаққон,  
Узангига босиб қалқиб қамчи силкитди...  
Типирлади тез қадам дўст, эски қадрдон,  
Пишқирди-ю... Сўнгра бирдан сакради — кетди...  
Бурун катагидан бурқди буғ тутунсимон...  
Учиб борди от, ошно йўллардан ўтди,  
Худди яшин узган ва чанг босган бир япроқ —  
Зангор чўлда учган каби енгил ва саёқ.

## XLI

Елдай учиб борар эди саҳрова тулпор,  
Тошни янчиб сачратарди сув қатрасидай,  
Жарангловчи тақаларнинг зарби шиддаткор,  
Нам тупроқни топтар эди улар пайдар-пай.  
Дукур-дукур товушларни, гўёки ҳамкор  
Бир-бирига ўтказарди даралар тинмай,  
То бир зумда йироқларда, жуда ажойиб —  
Чавандозу тулпори от бўлдилар гойиб...

## XLII

Салим кўздан гойиб бўлди бир иблиссимон,  
Пардаси-ла ёпди уни тутундай туман!  
Йилқи боқиб юрган черкас бўлиб кўп ҳайрон,  
Қирда узоқ қараб қолди унга ҳангун манг...  
«Эй, худованд! Оламингда муъжиза бесон!..  
Аммо шайтон лаънатида кўп экан найранг! —  
Бу чопоғон отни минган қайсарга қараб  
Ким айтарки, у ҳам мендай бир банди, ёраб!»

## И К К И Н Ч И Б О Б

### I

Тинч овулдан жилла узоқ бўлмаган жойда  
Тиниқ чашма тошлар оша оқиб ирмоққа,  
Токзорлардан шовқин солиб чопарди сойда.  
Шарқ самосин мовий кўзи қарап булоққа,  
Тўлқинида қизғин шуъла бўларкан пайдо,  
Ҳусн бўлиб тушар эди чашма бу тоққа,  
Соҳилдаги дараҳтлардан кумуш чечаклар  
Майда ёмғир бўлиб совуқ сувга тўкилар.

### II

Мана, жимжит, осойишта — тинч сув ичгани  
Югуришар ҳадиксираб ҳуркак кийиклар,  
Улар келар шитирлатиб баргни-майсани.  
Мана махфий чўмилгани ёш черкас дилбар  
Келар ёлғизоёқ йўлдан, кўрмай кимсани.  
У ечиниб либосларин, ирмоққа тушар,  
Қалтирайди ва кулади... Сувда айланиб —  
Ҳар ён боқар... Барқ уради кўзларда жануб!

### III

Қўрқма, Заҳро!— Хотиржам бўл! Сокитдиր атроф;  
Ўтириб ол тош устига! Пардангни кўтар!  
Булоқ суви шунча совуқ, шунчалар шаффоф,  
Шўх қалбингнинг ҳаяжонин босар, тинчитар,  
Қорамагиз баданингни бу сув қилур соғ.

Чу! Қулоқ сол! Бу хайрсиз соатда... Ҳатар!..  
Ким әкан у? Ҷаққон босиб келар түқайды?  
Е пирим эй!— Жадал турғин, ўртигинг қайды?..

#### IV

Аммо шу пайт, аллакимнинг қўли кўп қаттиқ  
Ушлаб олди Заҳро қўлин бағоят зийрак,  
Йигит қўли әҳтироснинг ўтидан иссиқ...  
Кулба анча йироқда-ку... Не қилмоқ керак?—  
Мерган ўқи янглиғ ботди бағрига совуқ,  
Гурс-гурс бўлиб тепинарди болғадай, юрак!—  
«Бу сенмисан, Салим?— Сени келтирмиш шайтон  
Нега келдинг?— «Менми? Сенга муродим аён!»

#### V

«Салим!.. Эвоҳ!.. Мен жувонмарг бўлдим!...—  
«Эҳтимол;  
Нима қипти!»— «Шафқатинг йўқ бир зарра? Наҳот  
Нима керак сенга, ахир»— «Севгинг, ой жамол!»  
Сени севмак — хоҳишм шу! Ғамли ҳиссиёт —  
Мени буткул хароб әтди. Сабрим йўқ, бу ҳол,  
Ваҳшийлардай ёлғиз юрмак — кўп жирқанч ҳаёт!  
Битди тоқат! Бу ердадир армоним, жазмим!  
Сеникиман: мангу сенинг шу руҳим, жисмим!—

#### VI

«Билардимки, пирим әмас сизнинг авлиё,  
Қардош әмас бу одамлар менга, бегона,  
Биёбонда дайдиб юрдим бадқовоқ, танҳо,

Қарғиши урган малъун девдай маъюс — ягона!  
Аллақачон кирар әдим гўрга мутлақо,  
Бўлмасайди ер қўйни зах, совуқ музхона...  
Оҳ! Истардим мен: лоақал, бир лаҳза — бир зум  
Кўкрагингга бошим қўйиб ётсан, азизим...»

## VII

«Тарк эт фақир кулбангни, кел... қочайлик: тез бўл!  
Мен ёш йигит, әринг бўлса кекса, бадқовоқ!  
Ҳал эт жадал: бу ёқда бор яширин бир йўл,  
Милтиғимдай рост уролмас ҳаттоки чақмоқ,  
Ханжаримда ялтирайди ҳалокат нуқул,  
Кўзлардан ҳам, сўзлардан ҳам қўлларим тезроқ;  
Анов тоғда топиб қўйдим ўзимга паноҳ,  
У томонда бизни фақат тополур оллоҳ!—

## VIII

«Қояларнинг орасида менинг масканим:  
Мендан аввал унда турган икки дўст қоплон,—  
Мени қўргач у ғазабли икки оч ғаним  
Қутургандай даф қилишди, олишди ёмон...  
Мен уларни ўлдирдиму ўша кун кўрдим:  
Бургутларга емиш бўлди қонли устихон;  
Териларин осиб қўйдим соядек, горга,  
Ибрат бўлсин дея бўлак жониворларга,—

## IX

«Унда чечак ва ўтлардан ясадим ётоқ,  
Тошлар аро ширин чашма биқирлаб қайнар;

Озиқ олар булутларнинг намидан булоқ,  
Унинг тутқун оқимлари шовуллаб ўйнар.  
Кел қочайлик! Жонажоним, дашт аро мутлоқ,  
Изловчилар тоға олмас изингдан асар!  
Фақат олтин қүёш билан ойгина халос  
Билар кимни севиб, нучук қўйгансан ихлос!..»

## X

У, Заҳронинг ярим яланг қоматин қучиб  
Лабни лабга қўймоқ әди дилида армон.  
Салим жавоб кутар әди ваҳмага тушиб:—  
Заҳро эса тек турарди, тепада бу он  
Титратарди бутоқларни шамол тегишиб.  
Япроқларнинг шарпалари қўниб ёнма-ён —  
Кезишарди манглайида Заҳронинг шу чоқ,  
Юзи мармар санам каби рангсиз ва оппоқ.

## XI

«Ҳўб де, Заҳро! Кутолмайман, ўзинг бир ўйла!..  
Рангинг ўчди?.. Бу нимаси? Кўз ёшинг жиққа?  
Сен ёвнингми дастидасан бу ерда, сўйла!?  
Е ўхшарми муҳаббатнинг сўзлари дўққа  
Е севмайсан мени? Йўқ-йўқ, бу ёлгон! Ана —  
Дудоқларинг гўё эрон гулидай юпқа:  
Бу нав сўзни у дудоқлар айтольмас мангу!..  
Ҳай, йўқ әкан муҳаббатинг... Шафқатинг бор-ку!

## XII

«Оҳ, сен билан бўлар әдим қандай бадавлат,  
Худованднинг оламида азиз, баҳтиёр!..

Эътироф қил: севмас сени, севмас Оқбулат?  
У баттолнинг қалби тўла рашк билан губор,  
Суҳбатлари ханжардан ҳам совуқ, жасофат!  
У кўнглингга урган-ку... Юр мен билан, дилдор...  
Ана, ўзинг бошгинангни чайқаяпсан жим...  
Севганинг у эмас әкан!! Бўлмаса, айт, ким?

### XIII

«Гапир: у ким? Ўзи қайдан? Қайда макони?  
Машъум исмин айтгин менга, ёдлаб олгайман...  
Ва босаман қучогимга оғамдек уни,  
Ҳам қон билан бўсамиэга муҳр соглайман.  
Ким әкан у, шу ишқингнинг баҳтли султони?  
Майли келсин, мен ўртаниб абгор бўлгайман...  
Қўз олдимда әркаласин, сени сийласин...  
Худо ҳақи, мен томоша қиласай шод, сокин...»

### XIV

Беқарор ва гаранг бошин солди у тубан,  
Қўли билан ёпиб олди юзларини ҳам,  
Лекин панжа аро кўрди: қўкатга бирдан  
Икки юлдуз томди кўздан — икки қатра нам.  
Лабларида на товуш бор, на маъно деган,  
Тушда қаби алаҳлади уни енгиб ғам —  
Зах тупроққа йиқилди у, тутолмасдан қад,  
Ўша тупроқ қаби совуқ ва жим, ниҳоят.

### XV

Заҳро ахир ачинди-ю, леди Салимга:  
«Йиглама, қўй!.. Тушунаман, ситаминг оғир.

Буюқ сипоҳ ном қўйғанди эл падаримга:  
Шимолу шарқ ва жанубда әди у машҳур,  
Дўстга содик, бераҳм әди аммо ғанимга,  
Елғон гаплар туюларди лабига манфур...  
Отам шаънин қўриқлайман, чунки қизиман,  
Бевафолик қилолмайман, ўлсам розиман!..

## XVI

- «Мени тинч қўй! Ўзга билан бахтлиман энди!»  
— «Бўлмагур гап!»— «Унга меҳрим қўйғанман лекин!»  
— «Ҳа, биламан!!! Оғам менинг ёвим ашаддий!!»  
— «Салим, Салим, ким айбдор? — У ҳақлимикин?»  
— «Сиз наҳотки ярашмайсиз, шундай абадий?»  
— «Мен ярашай?.. У билан? Мен биласанми, ким?  
— Фалак ғашин келтиргучи тентак»— «Сен золим!»  
— «Не қилайин, яратгандир шундай толеним!»

## XVII

«Хайр, вақт кеч! Таңгри ўзи ҳукм этсин бу дам!  
Аммо, билки, сени Заҳро, учратсан тагин,  
У мулоқот сўнгги бўлур, эслагин маҳкам!»  
Салим энди секин қалқди очмай дудогин,  
У оҳиста жўнаб кетди.— Ботди қуёш ҳам;  
Фақат жұксиз шуълагина Бештовнинг сиртин  
Фира-шира ялатиратиб хайрлашарди,  
Ва Заҳронинг манглайига оқиб тушарди!

## XVIII

Салим сира қўринмайди.— Оға хотиржам.  
Аммо сира пайқамаски, Заҳронинг равшан —

Нигоҳини баъзан қоплар беихтиёр нам,  
Пайқамаски, кўзлар әмас бурунгидай шан.—  
Бир кун овдан қайтар эди Оқбулат бегам;  
Овул мудрар сояликда әриб иссиқдан;  
Фақат жоми әшигидан чиқсан пир имом  
Мўйлов қилиб кулиб қарап Оқбулат томон;

## XIX

Имом дейди: «Шошмоқ нега? Вақт шунча тифиз?  
Ярашади кенг даштларда кезмоқлик әрга!  
Софдил черкас қайда бўлса доимо ёлғиз,  
У ҳамиша хизматкордир ватанга, әркка!  
Энди қўрқмас у бегона душмандан ҳаргиз,  
Черкас әга бўлиб қолди кўкка ва ерга;  
Аммо менга агар солса мард черкас қулоқ,  
Хотинини ташлаб, сотиб олар аргумоқ!»

## XX

«Пайғамбарга сен беш вақт намозинг ўқи,  
Бирорларга даҳл қилма, ноинсоф мулла.  
Кўзингдан ҳам бехатороқ ёйимнинг ўқи,  
Алишмасман хотинимни йилқингта, тингла!»  
Имом дейди: «Сенга менинг ғаразим йўғу —  
Насиҳатим бир кун әслаб қолурсан, жилла!»  
Кўзин ерга тикиб бўлди Оқбулат ҳайрон,  
Ва отига қамчи босди шошилиб шу он.

## XXI

У, юраги ўйнаб кирди, кирди кулбага,  
Ва кўрди у: ўрин-тўшак тўс-тўс, мижгалоқ,

Таниш ҳанжар тушиб ётар, қинсиз, кўрпага!  
Севикили от қишинамайди, тепмайди туёқ;  
Пешвоз чиқмас Заҳро кутиб олгани, нега?  
Атроф бутун ҳувуллаган. Фақат ўт-ўчоқ  
Сал ялтирар. У довдираб гангиди, ҳайҳот.  
На дилоро хотини бор, на севимли от!!!

## XXII

Мурда каби қимирамай, ўйсиз, бедармон,  
Орқасидан номард ўқин еган бенаво,  
Ўлимини кўриб дадил қутолган ўғлон  
Аста чўқди оstonага маъюс, не даво?  
Худо билар сийнасида ие-ие ҳаяжон!  
Вақт-соат югуради. Қорайди ҳаво;  
Шудринг тушди, жимжитликка чўқди дала-сой,  
Пахмоқ сочли булатлардан сузиб чиқди ой.

## XXIII

Унинг юзи ойдан сўлғин, ўтиради мот.  
Бирдан дукур-дукур товуш яқинлаб келар,  
Ана чўлда югуради тулпори бир от.—  
Ели худди енгил тутун бўлиб пириллар;  
Сағрисида оқ бир нарса ҳилпирав бот-бот,  
Бу ўртуқ-ку... Бедов учиб югуар-елар...  
Таниш тулпор, яқин келди, нафас тиқилди,  
Қалтиради, хириллади, бирдан йиқилди.

## XXIV

От ётади ўлик, қимир этмасдан андак,  
Ялтирайди эгарга банд ўртук қалтираб,  
Черкас ўқи тешиб ўтган юпқа бўз кўйлак,

Қип-қизил қон қотиб ётар унда ялтираб!—  
Отга қараб югурди у, ўйнади юрак,  
Юзда яна қайта умид, қайта изтироб:—  
«Раҳмат дўстим, унутмабсан, чин ўртоғингни!..»  
Ва сийпайди ҳаром ўлган аргумогини.

## XXV

Оқ ёпқининг бир чекқасин бетоқат, якбор  
Қўли билан кўтари-ю боқди Оқбулат;  
У энгашди — ой ёриди — ё парвардигор,  
Кимникидир қўз ўнгида бу сўлғин жасад?  
У хотиннинг кўкрагида чайндай хунхор  
Ўқ — қўрғошин сўриб олган ёш қонни беҳад;  
Унинг нозик қоматини танғиган камар  
Узилмасин деб туйилган эгарга чамбар.

## XXVI

Эрта қишининг қорларидай совуқ ва оппоқ  
Беҳис қўли ётар эди қараҳт ва маъсум,  
У қўл қонга беланганди... Ой эса шу чоқ —  
Унинг сиаллиқ манглайида кезарди маҳзун.  
Тушнинг хира шарпасидай омонат, саёқ  
Үчар эди рангсиз лабдан сўнгги табассум;  
Ҳамда руҳсиз қарашини ёпган попуклар —  
Каби қўзин юміб қўйган узун киприклар.

## XXVII

Танидингми у дилбарни, Оқбулат бебаҳт?  
У — хотиннинг, сенинг қекса умринг йўлдоши!  
Тилсимотли сеҳр билан қилган қаби банд

Унинг ширин товушлари, қувноқ қараши  
Кечагина сени қилган әди-ку хушвақт!..  
Үлкі Заҳро оёғида тинди бардоши,  
Уст-бошини йиртиб ташлар, кўксин чок айлар,  
Еркин ундар — аммо қаттиқ ухлар ўликлар!

· · · · · · · · · · · · · · · · · · ·

### XXVIII

Инсонларнинг лаънатига қолсин, илоҳий,  
Салим умри ҳеч бўлмасин унга мұяссар  
Чўллаганда сув, топмайин ўрласин оҳи.  
Тушиб кетсин жанг пайтида қўлидан ханжар,  
Гурунгларда хираланиб равшан нигоҳи,  
Кўзларини босиб қолсин изтироб — кадар!  
Қоп-қоронги кечаларда кезаркан ёлғиз,  
Сезсин: кимдир пойлаб юрар уни изма-из.

### XXIX

Ёғдирилсин худованднинг лаънати буткул  
У инсофсиз ёш қотилнинг бору йўғига!  
Жанг вақтида ўлим топмай эрга ўхшаб ул,  
Қурбон бўлсин тунда номард ўғри ўқига!  
У чала жон уч кеча-ю уч кундуз нуқул  
Қолиб кетсин бир қояда, ёлғиз чўққида!  
Кун жизгинак қиласин уни, ва яшин урсин  
Йиртқич калхат кўзларини титиб чўқисин!

### XXX

Оқибатда унинг руҳи, тоғлар чўққисин  
Ташлаб тамом, беҳишт томон келганда сурбет,

Ҳақ пайғамбар ундан юзин ўгириб десин:  
«Менинг сендеқ умматим йўқ, танимайман, кет!»  
Бадбаҳт Салим бу таънадан пушаймон есин  
Ва ўкирсин: «Ёлвораман, мени афу эт!»  
Гуноҳкорга шунда айтар пайғамбар фақат:  
«Сен шафқатсиз эдинг, мен ҳам сенга бешафқат!»

### XXXI

Ва шу кеча, тонготардан бир соат аввал  
Тарқаб кетди масжид ёқдан оғат ваҳмаси,  
Оломон тез чопиб келди:— бамисли машъал  
Ёнар эди Оқбулатнинг эски кулбаси.  
Деворларин олов құчган илондай, зарҳал,  
Учқун бўлиб кўкка сачар олтин шуъласи.  
Шунда кимдир изтиробда ва ачиқ кулар,  
Бу кулгидан тутунлар ҳам, ўт ҳам сочилар.

### XXXII

Ховлиқан халқ ерга чўкди, юзала ётди.  
«Дуо ўқинг болаларим, бу — шайтон феъли!»  
Сўнгра имом аллақандай сирли сўз айтди  
Нажот сўраб қуръондаги оят туфайли.

Олов эса ланғиллади, ловуллаб, кетди,  
Бўрондан ҳам қаттиқ эди оташнинг ели.  
Нолалару фарёдлару ялиниш бекор,  
Олов кўчар томдан томга, деворма девор.

### XXXIII

Йироқдаги тепаларда қирмизи-алвон  
Яллигларнинг бўёқлари титраб товланди;

Чангалзорда пинак кетган ҳуркович жайрон  
Эшитиб қий-чуввосларни ҳуркди — сесканди.  
Устидаги шудрингларни қоқиб саргардон  
Ваҳма билан тумтарақай чўлга йўлланди;  
Қояларнинг соясида ётган бургутлар  
Қийқирди-ю парвоз қилди ошиб булатлар.

#### XXXIV

Ениб кетди овл — ўчди номи диллардан,  
Авлодлари тарқаб кетди ғариб дарбадар  
Фақат гоҳо болаларга ўтмиш йиллардан  
Черкас чуқур ҳасрат билан ҳикоят айтар —  
Ефингарлик кунларида. Баъзан чўллардан  
Ўтиб борса ёт ўлкали мусофир агар,  
Сўрар кўрган казаклардан: «Менга айтинг-чи:  
Билмайсизми, қайдা экан овл Бостунчи?..»

1832—1833

## ҲОЖИ АБРЕК

Жемат деган овул гоят бадавлат, кўркам,  
У ҳеч кимга тўламайди хирожу ўлпон;  
Унинг қалъа деворлари пўлатдай маҳкам;  
Масжиди ҳам жанг майдони ичра қурилган.  
Унинг эркин ўғиллари — ботир эрлари  
Ҳарбу зарбнинг оташида чиниқкан бари.  
Бу эрларнинг қилган ишин бутун Кавказда  
Узоқ ва ёт ҳалқлар аро гулдироси бор.  
Улар отган ўқ учарак эркин фазода  
Рус қалбини ялаб ўтмиш неча бор такрор.

Қизғин кун ҳам осмон бўйлаб кечмоқда аста,  
Қайнаган буг чўзилмоқда қояда, пастда:  
Лочин учар қимиrlатмай қанотин таранг,  
Булутларда кўринади қораси аранг;  
Далаларни чулғаб олган уйқу — қалин дуд:  
Овулда бир ҳукмронлик қилмайди сукут.  
Овул бу дам бўшамоқда ҳаяжон билан,

Бироқ төғнинг этагида шамол ўйнаган  
Ва ирмоқлар отиб чиққан даралар ора  
Тўпланмишdir эҳтиёткор бир гурунг давра.  
Жемат овул эрларида нима кенгаş бор,  
Не тўғрида сўз боради, қандай маслаҳат?  
Е бўлмаса тофлар ошиб, қайтадан тақрор  
Ет йилқини қилмоқчими шоввозлар горат?  
Ехуд, ҳатто қонигача шириңкор бўлган  
Кўноқларни — рус отрядин кутадиларми?  
Йўқ, назарлар қандайдир бир ҳасратга тўлган,  
Ҳаммада бор алланучук малолат ғами.  
Бировларнинг жулдурига олган чулғаниб  
Шу гурунгнинг ўртасида тошга чўнқайиб  
Бир мўйсафид кекса, ожиз лазги ўтирас;  
Қуйилмоқда тўлқинлашиб унинг сўзлари,  
Баъзан-баъзан, порлаб турган қора кўзлари  
Маъюсланиб атрофига ташлайди назар.  
Кекса лазги сўйлаётган бу ҳикояни  
Барча диққат билан тинглар, у айтар эди:  
«Шу қариган чоқларимда қувнатиб мени  
Уч жонон қиз, уч ўғилни худойим берди.  
Бироқ бирдан мудҳиш бўрон гувуллаб қолдӣ,  
Шоҳ-бутоги синиб, дараҳт ялангоч қолди.  
Мана энди мен бу ерда турибман якка  
Бамисоли води ичра ялангоч тўнка.  
Афсус, афсус, мен қаридим! Бошимдаги оқ,  
Шу чўққининг устидаги қордан ҳам оппоқ.  
Аммо шу қор остида ҳам баъзан бўлар-ку  
Тиним билмай чопган, жўшқин, ва покиза сув!  
Бери келинг суворилар, эй аҳли Жемат!  
Кўрсатингиз менга жасур ҳимматингизни!  
Орангизда кимга таниш князъ Бейбўлат?  
Ким қайтарар менга севган азиз қизимни?  
Опалари асирикда ғунчадай сўлди,

Ақалари нотенг жангда мардана ўлди.  
Икки ўғлим чет ўлкада қолди, кичигим  
Кўз олдимда ўққа учиб, жон қилди таслим.  
Ўлар экан, узилмади лабидан кулку!  
Учиб келган фариштани балки кўрди у,  
Жаннатларнинг гулларидан қўлида — чамбар,  
Сўнгги дамдан берар эди унга шод хабар!..  
Сўнгги қизим, кўз қарофим, ёлғизим билан,  
Шундай қилиб, чўлга кетдим яшамоқ учун.  
Кўп улуғлаб сақлар эдим уни туну кун,  
Бор-бисотим нима бўлса унда жамланган:  
Ҳеч кимса йўқ, ёлғиз қизим ўнгу сўлимда,  
Фақатгина кўп вафодор милтиқ қўлимда,  
Биз икковга бу ерларда маскан бўлди гор.  
Туғиб ўғсан ота әлда кулбадан йироқ.  
Эркин ҳаёт кўпдан менга ёр эди, бироқ  
Энди тезда кулфатга ҳам бўлиб қолдим ёр.—  
Бироқ тақдир соатига фурсат етишди.—  
Нозик қушчам парвоз қилди, кўзимдан учди!..  
Жимжит кеча, атроф сокит, кунлардан-бир кун  
Мен ухлардим.. Бош устимда гўдак малагим  
Яшил хипчин билан ўйнаб осойишта, тин  
Сўэсизгина ўтиради қоронғида жим.  
Чўчиб турдим; аллакимлар сўзлашар аста,—  
Бўғиқ фарёд, тақа товши әшитилди пастда...  
Юғурганча қарасамки — битта чавандоз  
Тоғ бағрида жадал билан қилмоқда парвоз,  
Қизимни ҳам қанжигада қучоқлаб олган,  
Орқасидан лаънатларни айтиб қолдим ман.  
Оҳ, не учун мен учирган иккинчи чопар --  
Кўргошин ўқ теголмади унга муқаррар!  
Уша ерда пайдо бўлган қонли ўч билан,  
Номусимнинг интиқомин олишга кучсиз,  
Түёқларда мижигланган илондай, эссиз,

Ҳалигача тоги-тошда тентиб юраман.  
Уша куни очилмишdir дилда жароҳат,  
Ҳанузгача менда йўқdir ором ва роҳат...  
Бери келинг, чавандозлар, э аҳли Жемат,  
Кўрсатингиз менга жасур ҳимматингизни!  
Орангизда кимга таниш князъ Бейбўлат?  
Ким қайтарар менга севган азиз қизимни?»

Кенг ҳанжарин қабзасидин тутган қора кўз —  
Полвон йигит: «Мана мен!»— деб бошлаб қолди сўз.  
Ҳайрат билан соқовланиб қолган оломон,  
Секин-секин жилиб қолди шунда ҳар томон.  
«Мен биламан у князни! Мен бердим қарор!..  
Сен икки тун мени бунда кутиб турасан;  
Кўрқмас Ҳожи бирор марта бекордан-бекор  
Узангига оёғини асти қўймаган.  
Шу муддатда агар қайтиб кела олмасам,  
Менинг ичган қасамимни унутиб юбор,  
Рұҳим учун пайғамбарга дуо қил бир дам,  
Шундан кейин излаш учун, майли, ўзинг бор».

Тонг ёришди. Четларида кўм-кўк кўкнинг  
Туманларнинг орқасида мағрур туради  
Гранитдан яратилган улуғ тоғларнинг  
Музлар билан безатилган боши абадий.  
Дараларда буултлар ҳам ортиқ уйғонган,—  
Сузиб ўтар бамисоли ним пушти елкан,  
Аста-аста баландликка томон ўрмалар.  
Ҳамма нарса тонг нафасин олар ўнгирда.  
Қиё тоғлар қагор-қатор тизилган ерда  
Черкас минган саман оти илдам йўрғалар.  
Ҳали тамом уйғонмаган эринчоқ офтоб,  
Қирлардаги шабнамлардан кўтармаган тоб.  
Баланд қоя тепасидан ерга чўзилиб

Энгашгандир йўл устига бир ёввойи ток.  
Дам ўтмайин кумуш каби ёмғирин тўкиб,  
Йўловчини ва отини қилади намнок;  
Сувори ҳам тизгинини бепарво ташлаб,  
Кумуш чопган қамчинини силтаб боради,  
Баъзан-баъзан от ёлига аста ёнбошлаб,  
Боболарин қўшигини куйлаб боради.  
Тоғлар аро парвоз қилган бу чўзиқ оҳанг —  
Акс садоси таратади атрофга жаранг.  
Аравалар ғижирлаган ғилдирак билан  
Излар солган бунда бир йўл, бир айланма бор  
Шу ердаги, гўзал чақир тош қиррасидан  
Тожлар ясаб ўз бошига киймиш қоялар.

Уша ердан худди оёқ остида каби  
Осоийшта овул томон разм солар у;  
Қўринади подаларнинг кўтарган чанги,  
Тингланади уйғонишда дастлабки ғулу,  
Тик жарликнинг поёнига назар солади,  
Бейбўлатнинг қора ўйин илғаб олади,  
Юксак тоғдан қараётган лочиндан магрур  
Равшан назар билан уйнинг томига боқур,  
Соя-салқин, шаббодали у оstonада  
Ёшгина биро лазги қизи маъюс ўтирап.  
Узунгина йўл чўзилар унинг олдидা,  
Ҳасрат билан узоқларга у қиз телмурад.  
Сен кимларга мунтазирсан, шарқнинг юлдузи,  
Шундай нозик ва мулоим ташвишлар билан?  
Узоқлардан келар бўлган дўстмидир ўзи?  
Еки аканг қайтадими мудҳиш жанглардан?  
Кундуз кунги шунча қайноқ иссиқ ҳаводан  
Чарчаб қолган қўркам бошинг тўсатдан, бирдан  
Уша баланд кўкрагингга мункишга тайёр,  
Икки қўлинг тизза бўйлаб шувиб тушибдир,

Ширин-ширин әркалашлар ҳукми-ла бир бор  
Едкаларинг вужудингдан ажралишибди;  
Киприкдаги нам инжуси билан бурканиб  
Тиниқ-равшан назаринг ҳам вазминлашибди;  
Юзингдаги жануб қови алангаланиб,  
Метеордай икки бетинг қизиллашибди;  
Сеҳро билан тўлиб-тошган шу лаъли лаблар  
Ҳардам ишқий бўсаларга чақирап-имлар.  
Соқовланган ҳаяжонли бир истак билан  
Не бўлса ҳам қучоқлашга қидирмоқдасен,  
Сийнанг қалқиб, жуда нозик бир титрак билан  
Отиб ташлаш орзусида ўртук-пардасин.  
Оҳ, қайдасен муштоқ дилга аэз бўлган дўст!..  
Ана, туёқ узоқларда таратди овоз,—  
Таниш чанг ҳам кўтарилади қуюқ, устма-уст,  
Қиз шивирлар: «Бу келгучи мутлақо князъ!»

Умидларнинг тасаллиси жуда ҳам осон,  
Кўзнинг янгиш кўрсатиши ундан ҳам қулай;  
Ана, йўлчи яқинлашиб келмоқда ҳамон...  
Аттанг, аттанг, йўловчини у танимайди,  
Ҳозиргина, биринчи бор кўриб тургани!  
Ғариб сайёҳ шу далада кечга қолгандир;  
Бир меҳмондўст қўналғадан паноҳ қидирар;  
Чарчоқ отин танасидан чиқмоқда ҳавур,  
Ана, ўзи отдан иргиб тушишга тайёр...  
Тушмайсанми, эй сувори!.. Ўзи нима гап,  
Қўрқмоқдами бу бошпана, бу қўшхонадан?  
У қарайди! Жуда қаттиқ юмилган лаби —  
Орасидан қисқа, аммо ҳасратли фифон,  
Ез дўллари эзган ниҳол япроғи каби  
Учиб тушди ғамгин-ғамгин, аммо асабий.

«Нима бўлди, эй сувори, нега бунча ноз;  
Қистамасдан, аргумоқдан тезроқ туша қол.

Кўноқ деган тангри берган неъмат деса оз.  
Менда ҳар бир нарса тайёр, қимиз билан бол.  
Бадавлатман, камбағалроқ кўраман сени,  
Ҳурмат айла Бейбўлатнинг бу хонасини!  
Ризқинг тугаб, қайта бошдан йўлга тушганда  
Бизларни ҳам дуойингдан қилмагил канда!»

### Ҳожи Абрек

Олло сени паноҳида сақласин, Лайлло,  
Меҳмондўстлик шафқатини қилдинг жо-бажо:  
Мен меҳмонинг бу келишда отагинангдан,  
Сенинг учун салом, таъзим олиб келганман.

### Лайлло

Яъни, қандай! Менинг отам? То ҳалигача  
Мени узоқ ҳижронларда унутмадими?  
Ҳозир қайдай яшайди у?

### Ҳожи Абрек

Яшар жойида;

Гоҳо чўлла ва гоҳида ўзга уйида.  
Аввал қандай бўлса, ҳозир йўқ ортиқ-жами.

### Лайлло

Айт-чи: ўзи шод-хурсандми, баҳтиёр, тетик?  
Тезроқ менга жавобин айт...

### Ҳожи Абрек

Ҳозирча тирик.

Тўғри, баъзан ёмғир ёғиб, совуди ҳаво,  
Унинг боши яланғочдир...

Айт-чи, сен ўзинг?

## Лайло

Мен ғоятда баҳтиёрман.

Ҳожи Абрек (секин)

Буниси расво!

## Лайло

А, нимади, қани айт-чи, нима дединг?

Ҳожи Абрек

Ҳеч!

Стол атрофига жимжит ўтирар меҳмон,  
Ҳурмати-чун дастурхонга ясаб қўйилган —  
Чағир кумуш жом тегилмай турар бекўст-кам!  
Ҳақиқатан, бу жуда ҳам ажойиб одам!  
Унинг очиқ манглайида ажинлар ўйнар,  
Бирин-кетин қимиirlаниб, ҳаракатланиб.  
Балки ғамлар, қайғу-ҳасрат ё узоқ йиллар —  
Қўли билан чизилгандир булар қатланиб?

Уни бир оз юпатишни истаган Лайло  
Қўнғироқли чилдирмасин олди қўлига,  
Бармоқ билан уни чертиб, янгратиб садо,  
Ўйнай кетди лазгинканинг қувноқ йўлига.  
Унинг кўзи юлдузлардай порлайди энди;  
Оппоқ бўлуқ кўкраги ҳам қалқиб тепади;  
Болаларга маҳсус, аммо ғоят ҳаётбахш  
Бир ҳаяжон унинг маъсум руҳин қучоқлар;  
Меҳмонига манзур қилиш учун айланар,  
Парвонаки, оқшом чоғи нурда уйноқлар.  
Бирданига жаранглаган чилдирмасини

Оппоқ момиқ қуллари-ла қўкка кўтариб,  
Бош устида айлантириб юз мақом билан,  
Йирик қора кўзлари-ла майин телмуриб,  
Айтмоқ бўлар лаб тебратмай, товушсиз, сўзсиа,  
Фақатгина табассумнинг ифодаси-ла:  
«Фамгин меҳмон, бир оз шод бўл, ўйна, кул, куйла!  
Тақдир ва ғам — бари хаёл, бариси тубсиз!»

### Ҳожи Абрек

Бас, етади! Тўхтат энди рақсингни Лайло;  
Бир нафасга бу шодликни сен унугиб тур:  
Менга айт-чи, қачон бўлсин, ҳеч келганмидир  
Хаёлингга ўлиш хавфи ва ундан хазар,  
Сени нотинч қилмаганми? Айт тўғрисини.

### Лайло

Йўқ! Не учун менга керак у совуқ мақбар?  
Мен тополдим жаннатимни ерда, мен хуррам.

### Ҳожи Абрек

Яна битта саволим бор: сени бирор дам  
Узоқ-узоқ ота юрти — ватан ишқи, тинч —  
Доғистоннинг тиниқ кўки соғинтирганми?

### Лайло

Нега керак? Менга бунда қувонч ва севинч,  
Тоғ тумани орасида яхшилик камми?  
Еруғ олам ҳамма ерда гўзал ва дилдор  
Ва қалб учун ватан деган сўз ўзи бекор,  
У зўрликдан, тажовуздан мутлақо қўрқмас,

Қушлар каби бир ичқиниб, учиб кетар, бас,  
Ишон менга, шундай ерда бўладики баҳт,  
Унда бизга ишонсалар, севсалар фақат!

### Ҳожи Абрек

Севги!.. Аммо биласанми, унда не лаззат,  
Ер юзида завқ берарми яна муҳаббат —  
Бир кишиким ишонган ҳам севган кимсасин  
Бир умрга йўқотгани қилган бўлса дафн!  
Ундейларга завқ ўрнида бундай муҳаббат  
Истагани кўз ёши-ю, қон ўлур фақат.  
Ва шундадир одамларга аниқ тасалли,  
Ўлар бўлса, бу иш бўлур яна ўзга баҳт,  
Ва шундадир ҳам жиноят, ҳам завқу шаҳват,  
Ва шундадир жоним учун дўзах ва жаннат.  
Бизни баъзан әркаловчи, баъзан қийновчи  
Олдимиизда доим мутлақ мана шу нарса...  
Йўқ, мен асло бир соатлик интиқом — ўчни  
Алишмасдим бутун жаҳон меники бўлса!

### Лайл

Нега рангинг бўз оқарди?

### Ҳожи Абрек

Менга қулоқ бер.  
Бир вақтлар менинг укам бўлгувчи эди;  
Ўша укам манглайига ёзмишкан тақдир,  
Бейбулатнинг ўқи билан йиқилди, ўлди.  
У шарафсиз ҳалок бўлди — жанг билан эмас,  
Оддий ўрмон ҳайвонидай, ёвин танимай;  
Бутун ўчин, интиқомин у сўнгги нафас

Васият-ла менга буткул топширди атай.  
Мен қотилни әнг охир қидириб топдим,  
Қинидан ҳам чиққан әди қўлимда ханжар,  
Бироқ, яна: «Ўч шуми?» деб ўйланиб қолдим,  
«Ўлим нима!. Кўзни юмиб очкунга қадар —  
Фурсат билан менга қарздан қутуладими,  
Шунча йиллик қайгу, азоб баҳоси шуми?  
Йўқ, бу әмас? Не бўлса ҳам, унинг дунёда  
Бирор севган, ишқин қўйган нарсаси бордир:  
Менинг зарбим ана шуни янчмаги зарур».  
Армонларим ўринлади. Вақти ҳам етди!  
Ҳагто кеча сенинг сўнгги соатинг әди.  
Боқ, оқшомнинг нурлари ҳам порламоқдадир!..  
Укам товуши қулогимда янграмоқдадир,  
Пайти келди! Бугун сенинг биринчи марта  
Шу нозанин вужудингга қўзим тушган чоғ,  
Борлиғимни чулғамишибди қайғу, ҳасрат, доғ,  
Жаҳаннамий исёнларда ёндим, албатта.  
Бироқ, ўша, ҳиссиётлар учдилар мендан...  
Воллоҳ! Ичган қасамимни мард бажараман!

Кишдаги тоғ қори каби оппоқ оқариб,  
Кўп бемадор қалтиради, тинқаси толиб  
Лайло унинг қаршисида аста тиз чўқди.  
Ялиниш-ла, ўксиниш-ла, кўз ёши тўқди.  
Бироқ, жаллод нолаларга қилмади парво.  
«Оҳ, бу сенинг қарашларинг ғоят беомон!  
Менга боқма, даҳшатлисан, бу қандай нигоҳ!  
Бу сўзларинг менинг учун оғудан ёмон.  
Заҳар-заққум таъсири бор, парвардигор, оҳ!  
Менинг билан нечун ҳазил бекордан-бекор?  
Раҳминг келсин! Кўзимдаги дурдона бу ёш  
Наҳот сендан тополмайди зарра эътибор?  
Раҳминг келсин!.. Менга айт-чи, сенинг ўз қондош

Ватанингда, астойидил йиглайдиларми?  
Мунча эрта маҳву нобуд қилмагил мени!  
Қонимдан кеч, қўйгили, ёшлигимни бағишила,  
Бўлганмисан шодлик деган нарсага ошна?  
Ёшлигингда сен ҳам мендай севгига тўлиқ  
Кулганмисан?.. Кўринади, оҳ, мутлақо йўқ!»

Хожи ғаддор сукут билан туради бу он,  
Юзларини ғазаб босган, авзойи ёмон,

«Кўзларингда кўринмайди зарра марҳамат,  
Эй раҳмисиз, кўз ёшидан ҳеч йўқдир асар!..  
Оҳ худойим!.. Бир оз тўхта!.. Биргина соат!  
Бир кўз очиб юмилгунча сабр этсанг нетар!..»

Лаҳза ўтмай қилич бирдан ярқираб кетди.  
Бош юмалаб, қони бирдан тирқираб кетди...  
У бемалол қон қўлини узатиб бошга,  
Уни ердан бир оз баланд кўтариб олди.  
Ўримлари ҳалқа-ҳалқа тўлқинли сочга  
Қиличининг ўткир тифин у артиб олди.  
Шундан сўнг у жуда лоқайд, жонсиз чеҳрани  
Жун чакманнинг орасига яшириди секин.  
Ташга чикиб, от устига чаққон сакради,  
Унинг ювош аргумоғи, умрида лекин  
Билмагани осмоний қўрқувга тушиб,  
Елмоқдадир гоҳ хавфсираб, гоҳ терлаб-пишиб:  
Пишқиради ва кишинайди, ёлин ел тараб,  
Тишлариди ғижирлайди пўлатдан сўлиқ.  
На сўё тинглар, югандан ҳам бўйини силтаб,  
Тоғ устида учиб кетар бамисоли ўқ.  
Шафақ аста бўзаради; кеч, жуда ҳам кеч,—  
Бу шабнамли заҳ кечадан узоқ қолмаган!  
Кавказнинг тик чўққисидан секин, пешма-пеш

Оқ булатлар чўзилмоқда гўёки илон;  
Ҳеч ўхшовсиз ўйинларни улар бошлаган,  
Баъзилари дим дарада жим ёнбошлаган,  
Тиканли шоҳ-шаббаларни аста сийпалаб,  
Ўтмоқдалар япроқларга инжулар ташлаб,  
Кул ранг лойқаланиб чопар бунда ирмоқлар;  
Қўкатларнинг тубларида шўх кўпиклари,  
Туманлардан ясалган ғор орқали боқар  
Ҳар биттаси ўлик бошнинг кўзи сингари.  
Тезроқ чоптири, ёппа-ёлғиз, танҳо сувори!  
Ураниб ол, кенг чакманинг қочмасин бари,  
Қайиш тиэгинларни яна маҳкам тортиб қўй,  
Қайиш қамчин зарбин яна бир кўрсатиб қўй.  
Ҳали сенинг изинг бўйлаб қувиб тушганмас,  
На тоғларда бўлган жинлар, на ваҳший ҳайвон,  
Намоз учун сенда бўлса муддао, ҳавас,  
Вақт ўтмасин, айни пайти келгандир шу он.

«Аргумогим, сакраб юбор! Қўрқоқ кўз билан  
Хуркиб-хуркиб рўпарага мунча қарайсан?  
Бу бир харсанг, тўлқинларга ютилиб кетган,  
Ва бу эса, бурғаланур ўнгирда илон!..  
Елинг билан, шу қудратли қиличимни ман  
Жанг майдонда бир неча бор тозалаганман!  
Саҳро-даштда, таҳликали соатларда сан  
Бир неча бор мени омон сақлаб қолгансан.  
Ўз юртимиз қирғоғида олурмиз роҳат,  
Юганингга бундан ҳам кўп, бундан ҳам оғир  
Рус тангаси тақажакмен, илдам юр фақат,  
Тез орада кўринажак бизнинг яшил ер.  
Кўпданми бу, кўпданми бу, сен ўзгарибсан,  
Тўғрисин айт, менинг жоним, азизим ўртоқ,  
Нега мумча дарров шунча терга ботибсан,

Нега оғир-оғир нафас оласан бу чоқ?  
Мана, туман орасидан чиқар тўлин ой,  
Дараҳтларнинг тепасига қуяр кумуш нур.  
Ям-яшил бир қир очилур нафас ҳам ўтмай,  
Бизнинг овул эулмат ичра ухламоқдадир!  
Узоқ-узоқларда порлаб яшнаб кўринар.  
Жемат чўпонлари ёқсан алнга-гулхан.  
Яқинлашган сари бизга аниқ тингланар  
Йилқиларнинг бўғиқ саси ва шовқин-сурон,—  
Отлар сенинг атрофингни ўраб олишар...  
Шунда менинг қўзғалишим уларга етар,—  
Улар бирдан пишқиради, ҳуркади қўрқиб,  
Бир нафасда тарқашади тўс-тўсга тўзғиб:  
Узоқдан ҳам ҳиллаб олур улар нафаси,  
Сен билан биз — азалданоқ қисмат боласи!..»

Водийларни қучоғига олиб ухлар тун,  
Жемат овул тушлар кўриб, мудрар бус-бутун.  
Фақат бир чол бутун овул ичидан бедор,  
Елғиз ўзи гўристонга қўйган ҳайкалдек,  
Қимирламай чанг йўл узра ўтиради тек.  
Кул ранг тошга такя қилган, ўзи интизор.  
Унинг кўзи чуқур қайғу ва ҳасрат билан  
Узоқ-узоқ йўлга қараб, маъюс телмурган.

«Кимдир ўзи у сувори? Кўп әҳтиёткор  
Тикка тоғнинг камаридан юриб келмоқда.  
Унинг дўсти — минган оти кўркам ва ёлдор,  
Чарчоқ бошин чайқаганча йўртиб келмоқда.  
Йўл чакманинг остидаги қўлида эса  
Эҳтиётлаб тутиб келар қандайдир нарса.  
Уни асрар худди кўзин қорачуғидай».  
Ва харсангда мункайганча ўтирган бу чол:

«Қизим менга совға қилган қиммат баҳо мол —  
Бўлса керак», деб хаёлга чўмади талай.

Сувори ҳам яқинлашди; тоғнинг бағрида  
Тизгин тортди ва отини тўхтатди бирдан;  
У тўсатдан, қалтираган қўллари билан  
Қора чакман барларини очди шу дамда.  
У олисдан олиб келган қонли армуғон  
Майса узра астагина юмалаб қолди.  
Бечора чол кўрди ҳамда ё раббий, шу он!—  
Лайло боши эканини у англаб олди!..  
Чол ҳаяжон ичра бирдан ўзи тентакча  
Бошни лабга босиб-босиб ўпа бошлади!  
Гўёки у бош устига тўка бошлади  
Сўнгги зулм, сўнгги алам, сўнгги исканжа;  
Умр бўйи ёлғизликда чеккани қайфу,  
Фигонини бир ўпиш-ла тўкар эди у.  
Одамлардан ва қайфудан етган заҳмат, бас,  
Юрагини әзисб келди унинг ҳар нафас!  
Узун муддат чириб ётган эски ип каби,  
Бирданига чирт узилди, ёрилди қалби.  
Чеҳрасида ҳаракатсиз, қотди бор ажин,  
Мурда тусин олиб борди оҳиста, секин.  
Ганасидан шунчалар тез учиб кетди жон,  
Энг охирги дақиқага довур бор бўлган  
Фикрларни, унинг ожиз юзига тўлган  
Ажинлари ифодалай олмади бу он.

Юзда қора сукунатни сақлаганича  
Қилмас эди Ҳожи бунга асло таажжуб:  
Арғумоққа, қиличига тикилди пича.—  
Сўнг жуда тез тоққа қараб жўнади учиб...

**Бир йил ўтди. Жимжит, сокит дара ичидан**  
**Йўл-йўлакай, тентиб юрган бир неча йўлчи**  
**Икки жасад топиб олди чангга булганган,**  
**Чўққи узра кўмиб қўйди, шу кунлар ичи.**  
**Ҳар икков ҳам қора қонга бўялиб ётар,**  
**Ғазаблари тирик чоғда бўлгандан баттар,**  
**Юзларида кўринарди лаънат асари,**  
**Бир-бирини маҳкам қучган ҳар икковлари,**  
**Кўринишда дўст, аслида икки ёвуз ёт!**  
**Балки бу бир тахмин бўлур, хаёлдир фақат,**  
**Бироқ шўрлик сайёҳларга шундай туюлди:**  
**Чеҳралари ўзгаргандай бўлиб кўринди,**  
**Мурдаларнинг лабларида бор эди даҳшат.**  
**Кийим-бошда бадавлатлик нишонаси бор,**  
**Бошлиқлари папахларин ўртмишди сокин.**  
**Биттасидан Бейбулатни таниб олдилар,**  
**Танимади иккинчисин ҳеч киши локин.**

1833—1834

## БОЯРИН ОРША

І В О В

Then burst her heart in one long shriek,  
And to the earth she fell like stone  
As statue from its base oerthroun.

В у г о н\*

Бир замонлар яшаган экан  
Москвада Михаил деган  
Бир боярин, Орша — бу лақаб,  
Унга Иван Грозний атаб  
Баланд мансаб берганлыги рост,  
Унга берган шохлардан мерос —  
Қўлидаги узугини ҳам;  
Унга берган хушчақчақ бир дам  
Эгнидаги савсар пўстинни.  
Ҳазрат Исо тирилган куни  
Лабларидан ўпган ўша чоқ,  
Ва ўша кун ўттизта қишлоқ —  
Ваъда қилган унга бериш-чун.  
Шарти шуки, кунлардан бир кун

\* Уввос кўтарди-ю бўлди дилпора,  
Узи тош сингари ерга қулади,—  
Тамалдан ийқилган ҳайкал мисоли  
Б а й р о н

## Саройидан Орша кетмасин Улгунича то тарк әтмасин.

Орша феъли хафақон лекин..  
Саройдаги дабдаба, шовқин  
Еқмас әди унга сира ҳам,  
Хушомадгүй шахсни күрган дам,  
Оппоқ мўйлов учин буради,  
Бир кун шундай кўйда туради,  
Навкар уни қилганида хит,  
Ионга у деди шу тахлит:  
«Шаҳаншоҳим! Рухсат бер, юбор,  
Ўз юртимни этай ихтиёр,  
Кундан-кунга қоляпман қариб,  
Озор берган душмандан бориб,  
Ўч олишга қолмади мадор,  
Саройингда талай хизматкор.  
Қўйгил мени — олиб кетай бош!  
Ёт Литвага яқин ва гутош,  
Днепрнинг бўйида тикан —  
Босиб ётган уйим бор улкан.  
Бунда қолсам бирор йил яна,  
У бўлади тамом вайрона.  
Днепрга мен таъзим қиласай...  
Қўй, туғилган жойимда ўлай!»

Эски уйин бориб кўрди у.  
Хоналари нурсиз, қоронғу,  
Олтин-кумуш билан безади,  
Бурчакларга хочлар тузади,  
Ялтирайди инжу ва олмос,  
Нақшларга бой гўзалликка хос,  
Ипак гулли ранго-ранг гилам

Үй сатқыда төвланар күркам.  
Шоҳона шу тухфадан ортиқ —  
Еш қизи бор — илоҳий тортиқ;  
Шу қизини ўйларди тун-кун,  
Кўз олдидা улгайди дуркун,  
Дўндиққина, пок, қувноқ чеҳра,  
Ўтмиш кундан жонли хотира,  
Истиқболин гули! Шундайин  
Харобазор ичра ёш қайин  
Ўсағди гоҳ — фуж япроқлари  
Шивирларкан, ўша чоқлари  
Қабр тоши — сокин теварак  
Жонланарди у билан андак!..

• • • • •

Далаларни босган тун — зулмат,  
Бояриннинг уйида фақат  
Бир дераза нур сочар, гўё  
Юлдуз боқар булатлар аро,  
Шарақлади эшик тамбаси,  
Хувилларди ҳовли юзаси.  
Эшикларни кечириб кўздан,  
Бир тўп калит шилдираб, тездан  
Дарвозага келди қоровул,  
Ва осмонга назар солди ул:  
«Эртага зўр момақалдироқ  
Бўлур! — деди соч-соқоли оқ  
Чол чўқиниб,— кўз ташла атай.  
Чақмоқ чақиб ерга ургундай,  
Хира ой ҳам монах мисоли,  
Қора булат ичра жамоли,  
Ва ўкирар шамол йиртқичдак.  
Ҳатто олтин сочса ҳам лак-лак,

Отхонадан яхши от олиб,  
Менга берса әгарин солиб,  
Йўқ! Кетмайман бу ердан узоқ,  
Ўз отам ҳам чорласа шу чоқ!»  
Шундай фикру хаёлга толиб,  
Уйи томон кетди йўталиб.  
Олислардан эшитилар гоҳо  
Шода калит жаранги танҳо,  
Атроф яна жимжит ва зулмат,  
Бир дарчадан нур тушар фақат,

Барча ухлар ва ёлғиэ, бедор,  
Бу даргоҳнинг ҳокими, ҳушёр,  
Ҳордигини чиқариб тунда,  
Оромгоҳда парқуд ўринда.  
Кўз олдида ярми ёнган шам  
Читирларди, яллиғи ҳам кам.  
Ҳар бир жиҳоз нурланар эди,  
Ғира-шира турланар эди.  
Тепасида осиғлиқ сурат,  
Заррин нақши, кўзлари ғоят  
Жонланади, ташлайди назар,—  
Бу қараашлар нимага ўхшар?  
Барча тирик, ўлик кўздан у  
Маъносиз ва солади қўрқув!  
Бояринни қийнайди ғусса,  
Вақт жуда кеч. Нарёқда эса  
Дарё оқар, бўронли ёмғир  
Деразага шиддат-ла урур.  
Қуюқ соя босди гўшани,  
Ажаб қўрқув олди Оршани!  
Қариб қолган бўлса ҳам, татар,  
Полякларга қарши кўп сафар

**Жангга жирган, тинглаган подшо  
Даҳшат билан қилганда нидо,  
Кўнгилсиз пайт дуч келиб ўзи:  
Кўзларига тушгандир кўзи:  
Дадил руҳи асло шошмаган,  
Кулфатда ҳам ҳеч бўшашмаган,  
Аммо шунда аста қичқирди,  
Севикли қул — Соколи кирди.**

Орша деди: «Кўнглим жуда ғаш,  
Оғир ўйлар босмоқда яккаш,  
Яқинроқ кел, курсига ўтири,  
Сўзинг билан жонга оро кир...  
Майли, бошла бирорта эртак,  
Ўтмиш олтин қунлардан андак.  
Мен ҳам уни әсга олайин,  
Қулоқ солиб, ухлаб қолайин...

Ва курсига Сокол ўтириди,  
Сўз дегани шундай келтириди:

«Ўтган әкан қадим замонда,  
Алла қайси олис томонда  
Буюк, машҳур, донишманд подшо,  
Ким кўрибди ҳозиргача то  
Унга мансуб тахт-салтанатни,  
Дабдабали молу давлатни,  
Қизи бўйга етгунча роҳат,  
Хушнуд қунлар кўрибди фақат.

«У шоҳ әкан дармонсиз ва чол,  
Қизи нозик бир соҳибжамол!  
Уни ноёб бир олмоссимон  
Йигит кўздан тутаркан пинҳон.

Маликани кўрар экан кун,  
Ва фақат бир қоп-қоронғу тун,  
Елғиз майин шаббада эса  
Олаларкан гўзалдан бўса.

«Ҳар кун уч бор подшо ўз қизин  
Бориб кўрар экан юлдузин.  
Аммо бирдан тим қоронғида  
Кўрмоқ бўлмиш қизин уйқуда.  
Кўлга кумуш қалитни олиб,  
Ипак этик ечиғлиқ қолиб,  
Минорага келди қоқ тунда,  
Соҳибжамол малика шунда...»

«Кириб боқса, уй ичи сокин,  
Қиз уйқуда, ёлғиз-мас локин;  
Қўзи тушиб ғазабланди чол,  
Кўксига бош қўйиб бемалол  
Ётган йигит ўз отбоқари,  
Буюрди у: кўк денгиз сари  
Йофитилсин ҳар иккови ҳам,  
Бир бочкага жойлаб мустаҳкам...»

Қул лабида сирли бир маъно  
Юз бергандай ўшанда гўё,  
Бирданига ёнди табассум,  
Кейин эса, кўзларин бир зум  
Кўкка тикиди, «уҳ» тортди бирлас.  
Қўл силтаб у деди: «Сокол, бас!—  
Бошқа бир вақт қилассан — бадном,  
Шўрлик ота эртагин тамом!»

Чол ажини узра оқ булут  
Соясидек худди шу минут

Қора ўйлар акси мавж урди,  
Яқин кунлар гуссасин кўрди  
Серташвиш, эўр идрок ўша он.  
Умр кўрди: дунё ва инсон  
Аён бўлди, ёвузликка у  
Ажабланмас, яхшиликка-ку  
Ишонмайди, анчадан бўён,  
Ишонмайди, чунки бир замон  
Ҳар нарсага у ишонарди,  
Фақат ишонч билан ёнарди!

Унда қўзғаб қолди куч-мажол,  
Оромгоҳдан иргиб турди чол,  
Елкасига ташлаб савсари —  
Пўстинини, қиз кўшкни сари  
Шошилади — қадами илдам,  
Липиллайди қўлидаги шам.  
Тик зинага оёқ қўяркан,  
Ғижирлайди пояси бирдан —  
Ва қўлида шам чору noctor  
Тушиб кетай деди икки бор.

Энагани уйнинг бурчида —  
Кўрди, эски сандиқ учидা  
Ўтиради, ухларди қотиб,  
Баъзи-баъзи бошин чайқатиб.  
Унга бир дам тикди кўзини,  
Шак-шубҳалар қуршаб ўзини  
Ва нарига ўтиб кетди чол,  
Кампир очди кўзларин дарҳол,  
Ва ўша он чўқиниб олди,  
Яна чуқур уйқуга толди,  
Ўз ўйи-ла бўлиб кўп машгул,  
Бошин чайқаб қўяр эди ул.

Ўз қизининг кўзлаб әшигин,  
Остонада турар боярин,  
Қулфга қулоқ тутиб кўради,  
Ва ўзича хаёл суради.  
«Йўқ! Қизим пок, иффати омон,  
Сенга Сокол, қулвачча, илон,  
Шартта найранг, бир имонг учун  
Кўрсатаман жазонинг кучин!»  
Бироқ бирдан.— О, иснод, қайғу!  
Шивирлашни әшитади у!..

### 1-т о в у ш

Оҳ, сабр қил! Арсений бирпас!  
Сен ўзгасан, кечаги эмас,  
Кунин менсиз — мен-ла бир нафас.

### 2-т о в у ш

Йиглама, қўй... юпан!.. әрта кун —  
Ҳеч гап бўлмас дунё биз учун.  
Яқин юртда, ёт бўлса ҳам у,  
Бахт топамиз иккимиз мангу.  
Сен ҳам шундай қоронғу тунда  
Қул йигитни қучмассан унда.  
Эсингдадир, бир монах мени  
Олиб келган ва отанг сенинг  
Унга берган мен учун ҳамён.  
Танҳо, ўйчан ўшандан буён  
Эрксизликда чекаман фусса,  
Аммо майин овозинг эса,  
Ва париваш кўзларинг сенинг  
Занжирлаган зиндонга мени,

Ўз юртимни бўлдим тарк этмоқ,  
Сен-ла мангу қоламан бироқ!..  
Ва бегона ўрмондан дарров  
Абжир дўстлар топдим қўрқмас, дов,  
Пўлат каби маҳкам,— улар-чун  
Эзгу эмас инсоний қонун,  
Уруш — жаннат, тинчлик — жаҳаннам,  
Жонни бердим уларга мен ҳам!  
Бадавлатман сен-ла, бекўст-кам!..

Сўнгра бирдан товушлар тинди.  
Орша эса эшитар, энди  
Үпич сасин... Кетма-кет яна...  
Жони чиқиб эшикни мана  
Кўли билан итарди дарҳол,  
Ҳам гангиган, ҳам тилсиз, беҳол  
Ўзин билмай ичкари кирди,  
Икки рангсиз гавдани кўрди...

Тисарилди ортга боярин,  
Қизга тиқди ёвуз кўзларин,  
Кўзлар кўзга тушди ўша он  
Изтиробли, даҳшатли сурон —  
Тарқалди-ю, тинчланди бир дам.  
Бу фарёдни эшитган одам  
Ўз-ўзича ўйларди шундай,  
Е, тўғриси, сўйларди шундай:  
Бир кўкракдан шу хилда садо  
Икки марта чиқмас мутлақо!  
Гуп этди-ю гиламга дарҳол  
Кўпдан жонсиз мурда бамисол,  
Алланима бирдан йиқилди,  
Орша эса бир имо қилди,

Итоаткор қуллар галаси  
Етиб келди шошиб ҳаммаси.  
Уринмасдан, бежангу жадал,  
Қул йигитни қилдилар қамал.  
Жим турарди, этмасдан қимир,  
Баданини илондек чилвир  
Үраб олган жуда мустаҳкам,  
Қоплагандай совуқ жаҳаннам,  
Ғусса, ташвиш, уятдан юрак  
Қаттиқ-қаттиқ уради бешак.

Йигит олиб кетилган чоғда,  
Оёқ товуши тингач йироқда,  
Сокол қолди у билан шу он,  
Орша келди эшикка томон,  
Сүнгги марта қизга биқди у,  
На оҳ тортди, на чекди қайғу  
Занглаб қолган қулфни уч марта  
Калит солиб буради шартта...  
Калит қўлда титрарди... лекин..  
Деразани сўнг очди секин:  
Бутун осмон әди тимқора,  
Ойнадан паст қоялар ора,  
Қутурарди Днепр нотинч,  
Ва эшикнинг калитин шу кеч  
Тўлқинларнинг бағрига мангү  
Улоқтириди ўз қўли-ла у.  
Ўша машъум калитни аста  
Совуқ дарё ютди бирпасда.

Ўз тақдирин ўзи этиб ҳал,  
Содиқ қулга Орша шу маҳал  
Тўлқинларни қилди бир имо,  
Жавоб олди таъзим-ла бажо ..

Бирор соат ўтар ва ўтмас  
Уйда барча уйқу билан маст,  
Мизғимасди ёлғиз ҳукмдор,  
Қовоғидан ёғар әди қор.

## II БОБ

The rest thou dost already know,  
And ael my sins, and half my woe,  
But talk no more of penitence...

Вугон\*

Монастирда қайнар халойиқ;  
Табаррук уй, эшиклар лиқ-лиқ  
Боярларнинг қуллари турар,  
Мис найзаларап қўлда ялтирап.  
Телпаклари қош узра тушган,  
Четларига қундуз туташган.  
Камарларда ноёб-бебаҳо  
Ханжар қини этади жило.  
Ёш жиловдор улар оралаб,  
Бояр отин ёлини тараб,  
Ўнг қўли-ла ушлаб турарди —  
Ўзангиси ёнга уради —  
Жиринг-жиринг чиқариб овоз.  
Алвон тусли ёпиқ чавандоз —  
Оёғидан қирилган ва чанг.  
Қуюқ ёлин ўйнатиб, кулранг

\* Колган ишнинг барин биласан ўзинг,  
Қисман гуссамни ҳам, гуноҳимни ҳам,  
Тавба қилишликдан менга гапирма.  
Байрон.

Аргумоқ кўп ботарди терга,  
Түёқларин уради ерга,  
Сўлигини чайнарди узоқ,  
Илк қор каби кўпиклари оқ,  
Топтоза ва енгил жўшарди,  
Тупроқларга учиб тушарди.

Мана, тамом бўлди ибодат,  
Қўнғироқлар янгради беҳад;  
Эшитилар куйланган дуо,  
Липиллайди эшиклар аро  
Қатор-қатор ўрнатилган шам.  
Игумен-ла қадам-бақадам  
Монахлар ҳам чиқди зинага,  
Йўл олишди таомхонага,  
Ўша ерда табаррук ота  
Гуноҳкорнинг устидан шартта  
Чиқарилган даҳшатли ҳукмин  
Қироат-ла ўқирди вазмин.

Таомхона жимжит, bemalol,  
Девор ёқда йиккита стол,  
Ва серҳашам курсилар сўлим,  
Монах қўли ишлаган буюм;  
Кимхоб мато ялт-ялт товланур,  
Деразадан қундуз кунги нур  
Оппоқ бир йўл сингари тушиб,  
Ойналарда учқундай учиб  
Ўйнар эди гиштин пол узра.  
Эшикларнинг гардиши ичра  
Авлиёлар сурати порлар,  
Нозик нақшлар билан деворлар  
Безатилган санъаткорона.  
Пастак, вазмин шифтларга, мана

Билганича монахлар ўзи  
Гуллар солган толиқиб кўзи...  
Афсус кетган бу ўйрли мәҳнат!  
Санъатга хос қайғули қисмат.—  
Банд айлаган илоҳий онни,  
Муқаддас иш, эзгу армонни!

Стол олди юмшоқ курсида  
Ҳаракатсиз, сукут ичидা  
Ўтиради Орша ва баъзан  
Оппоқ мўйлов — соқоли бирдан  
Кумуш каби ярқираб кетар.  
Унда шуъла ўйин касб этар,  
Баъзан чолнинг жингалак сочи  
Нотинч, дайди шабададан-чи  
Енгилгина тўзғиб қоларди.  
Эшикка у назар соларди,  
Фусса тўла кўзлари бежо.  
Сабр тугаб, тувақиб, гоҳо  
Қўли билан столни урап.

Зал бурчида Ёрсений тураг  
Чол юзига ўгирилиб терс,—  
Бир устуннинг ёнида ёлғиз,  
Кишанланган, банди қилинган,  
Қул либоси устга илинган.  
Унинг ғунча юзида, аммо  
Сезмасдингиз бирор муаммо:  
На ҳаётдан жудо бўлар он,  
Ваҳимада ташвиш чекиб жон  
Қийнайдиган ҳисдан бир нишон.  
Ўз душмани билан рўбару  
Келиб, шундай совуқ, бетуйғу,  
Жиддий чеҳра туфайли тамом —

Олмоқчими ундан интиқом?  
Еки шу пайт беихтиёр у,  
Чуқур ўйга ботдими мангур,  
Ўзин сезиб ортиқча бир жон;  
Яшаса ҳам анчадан бүён?..  
Деразадан қаради, осмон  
Мовий бўлиб кўринди кўзга:  
Гўзаллиги жазб этди ўзга,  
Оппоқ, енгил булут пағаси,  
Кўк юзининг кумуш кўрпаси  
Бешик-бешик сузиб ўтарди,  
Қояларга соя чўкарди.  
Ва у қўрқиб қолди: дераза —  
Қаршисида чарх уриб тоза  
Парвоз этар эди қалдирғоч,  
Гоҳ паст учиб, гоҳ солиб қийғоч,  
Кунгира тош сари талпинар,  
Салқин кавак ичра беркинар,  
Гоҳ ўқ каби осмонга учар,  
Алангали нурларни қучар...  
Табиат-ла иноқ ягона,  
Эҳтиросга ҳали бегона —  
Яшаган у кунларни эслаб,  
Бир уҳ тортди нафасин ростлаб,  
Хира кўзлар ялт этди шу чоқ,  
Бу — кўз ёши әмасди бироқ;  
Йигит шундай қилди табассум,  
Табассумдан истеҳзо маълум!

Бирдан қадам шарпаси келди,  
Ғала-ғовур товуш эштилади,  
Фижирлади очилган әшик...  
Ана улар! — кириб келди тик! —  
Бир тўп одам, қопқора узун

Кулоҳлари бошларда бутун,  
Қўлларида узун-узун шам,  
Оғир ридо қаддин қилиб ҳам,  
Кўзи ожиз Йгумен ота —  
Олдда борар. У бирор марта  
Кўрмагандир ёруғ дунёни,  
На осмонни, на бир зиёни.  
Шундай яшар қирқ йилдан буён,  
Аммо ақли етук, навқирон,  
Бундан қирқ йил аввалги гүё!  
Келар эди қўлида асо,  
Хочни тикка ушлаганча у.  
Хочнинг усти олмос ва инжу,  
Ҳассаси ҳам фил суюгидан,  
Оппоқ, худди ўз иягидан  
Ўсиб тушган соқоли янглиғ,  
Иккисида бир хил оппоқлиғ.

Чўқинди-ю ўтирди секин  
Тилга олиб, бир монах исмин,  
Тутқун олиб келинсин, деди,  
Монах эса даҳшатли эди,  
Мудҳиш кўринарди юэлари,  
Совуқ боқар эди кўзлари.  
Сўнг Йгумен икки букулиб,  
Бояринга айтди бир кулиб,  
Икки оғиз сўз қулогига,  
Бу маслаҳат ё сўроғига  
Боярин бош чайқади дарҳол  
Қўл силкитди кўзи ожиз чол!  
Ва имони тушуниб шу кез  
Монах тайёр калимани тез  
Китоб каби шаррос ўқиди,  
Жиноятчи учун тўқиди:

«Эй бетайин, ақлсиз ўғлон!  
Йўлдан уриб эҳтирос, шайтон,  
Сени бузуқ йўлга солибди,  
Умринг хавфда, тугаб қолибди.  
Гуноҳинг кўп, баридан бироқ  
Энг сўнггиси яна ёмонроқ.  
Афв этилмас у бу дунёда,  
Лекин ўзга суд бор самода.  
У ҳаммага раҳмдил, паноҳ.  
Қилишингни айтгил, биз гувоҳ!»

### Арсений

Сен тавбамни эшитиш учун  
Хўп келибсан! Ташаккур бутун.  
Тушунмайман, фикрингиз мубҳам?  
Қилишишимни мен айтмасам ҳам,  
Ўзинг яхши билишинг даркор,  
Қалбни қилиб бўлурми изҳор?  
Шу қўксимни тилка-ю пора —  
Этсам агар топиб бир чора,  
Унда ўқий олмаслигинг рост,  
Мени ёвуз деган бир асос!—  
Монастирга хос сизнинг қонун,—  
У илоҳий бўлса ҳам бутун,  
Бу юракда бор ўзга ҳавас,  
Сизникидан кўра муқаддас.  
Мени фақат оқлай олар шу,  
Қалбим учун ҳукмрон мангу!  
Менинг жулдур либосим аро  
Заҳар-заққум ўтмаганда то  
Юрагимга етказиб озор,  
Бўлар эдим шунда гуноҳкор.  
Аммо тақдир ҳаммага ҳам бир:

Қул либоси бўлган билан кир,  
Йигит умрим навқирон, бардам,  
Бошқалардай одамман мен ҳам.  
Сен ҳам, сен ҳам кўзи ожиз чол.  
У гўзал қиз, париваш жамол  
Тушингда ҳам бўлса намоён,  
Менга ҳавас қилишинг аён.  
Эҳтимолки, жазаванг тутиб,  
Ичган мудҳиш онтни унугиб,  
Сен ҳам шундай қилардинг гуноҳ,  
Бир сўз деса, ташласа нигоҳ,  
Эркаласа, мен чеккан азоб,  
Иснодларга бериш учун тоб,  
Рози бўлиб турардинг тайёр,  
Ва санаардинг ўзни баҳтиёр.

### О р ш а

Уни солма эсимга зинҳор,  
Фойдаси йўқ; беҳуда-бекор...  
Ўз кўксимда ўсибди илон,  
Кеч бўлса ҳам, ўнгимда аён!  
Менда тотган тузинг-чун аммо,  
Инон, сенга берилар жазо.  
Ўз қизимнинг юраги учун  
Кўрсатаман қаҳримнинг кучин,  
Кўрсатаман сенга, ҳароми,  
Ланати қул, етимча номи!..

### А р с е н и й

Сен ҳақлисан... Билмайман мутлоқ,  
Түғилганман қаерда, қай чоқ!  
Отам кимдир, тирикмикан у?  
Билмайман ҳеч... гап юрап дув-дуя:

Гўдакликдан монахга назр  
Бўлганмишман, тоинки ҳозир  
Чордевордири улгайган ерим,  
Қалбим — бола, монах — тақдирим!  
Ҳечким менга айтолган эмас  
Ота-оңа деган муқаддас  
Икки сўёни! Албатта, сен чол,  
Истагансан, этгансан хаёл,  
Бу номларни мангур тарк этсам,  
Беҳуда, бу икки сўз ҳамдам —  
Менга токи туғилган чоғдан.  
Ўзгаларда кўрдим ҳар ёқдан,  
Ватан, ҳовли, туғишган, дўст-ёр,  
Ўзим учун топмадим бирор  
Меҳрибон қалб тугул бир мозор.  
Уларни мен бугун айтишни,  
Ва жаллодга номин сотишни —  
Истамайман, барча яхши иш  
Қон ва иснод билан ювилмиш.  
Яшагандек жон бераман, жон,  
Сенинг ўша бир қулингсимон!..  
Йўқ, қўрқитма, ота-буэруквор;  
Нечун бизга қўрқишлиқ даркөр?  
Иккимизни кутади қабр...  
Бир кун олдин-кейин барибир!  
Ҳечким бизга бўлолмас ҳоким,  
Сен жаннатга, мен дўзаҳга ким —  
Қайфа борса, лекин бир ўлим!  
Бутун умрим бўйи икки қур  
Мен ўзимни сезаолдим ҳур.  
Охиргиси ҳозир мана бу,  
Биринчиси, сизникида ҳув,  
Ўтган умрим — ибодат, дуо  
Ва чанг босган китоблар аро

Хаёлимга келди бир замон,  
Кўз югуртиб далалар томон,  
Билмоқ бўлдим, кўркамми тупроқ,  
Билмоқ бўлдим, биз доим қамоқ  
Ё эрклик-чун туғиламиэми,  
Ё туғилиб бўғиламиэми?  
Сизни, тунги даҳшатли бир чоқ,  
Қўрқитганда момақалдироқ,  
Тўпланишиб меҳроб олдида  
Тиз чўкиб сиз қилганда сажда,  
Машъум чақмоқ сочганда ёғду.  
Девор ошдим, гарчанд у эзгу.  
Улоқтириб қўрқув, ридони,  
Тун ҳақига ўқиб дуони,  
Дунё ғусса, ғамин унутдим,  
Ва бўронни оға деб тутдим,  
Жўшқин шодлик мени этиб банд  
Олиб кетса, бўлардим хурсанд.  
Булатларга отдим нигоҳни,  
Қўлим билан тутдим чақмоқни!  
Эй, чол! Бўрон сингари юрак —  
Билан ўша тунги гулдурак —  
Ўртасида юз берган қисқа,  
Аммо бирдам шу иноқликка  
Эваз учун берардинг не ҳам,  
Ўша девор оға ўша дам?..

### И г у м е н

Орзуларинг бизгà не даркор?  
Бу учун сен келмадинг зинҳор!  
Сенинг айбинг бошқадир мутлақ,  
Қонун шуни ҳал этмоқчи ҳақ.  
Тун яширган ёвуз, бевиждон,

Мудҳиш ишин ювган қора қон,  
Дўстларингни бизга ошкор қил.  
Улар билан биритириб тил,  
Қизни олиб кетмоқ бўлибсан,  
Ўни баҳтсиз этмоқ бўлибсан.

### А р с е н и й

Номларинми айтай? Бузруквор,  
Үлганда ҳам айтмайман зинҳор.  
Йўқ, демайман уларни ҳеч бир,  
Хиёнатсиз, сир сақлайман, сир,  
Икки дўстдек иккимиз бирга  
Киргунгача то қора ерга.  
Куйдирсанг ҳам, урсанг ҳам такрор,  
Ҳеч нарсага бўлмайман иқрор.  
Агар бўлиб, бирор кори ҳол  
Мендан товуш чиқса... шунда чол,  
Суғураман тилимни дарҳол!

### М о на х

Ўжарликдан ҳазар қил, тентак!  
Умринг калта. Бу нега керак?  
Сирни бизга тезроқ эт ошкор,  
У дунёда дўзах, жаннат бор,  
Бирисида бўлурсан мангу!

### А р с е н и й

Эшит, кўзга илиниб уйқу —  
Бир туш кўрдим зинданда кеча.  
Қулоқ солдим, яқинлар пича.

Кўпдан таниш, мұътабар садо,  
Ёрқин нигоҳ кўраман гўё...  
Қоронғуда уйғондим: рўё,  
Қидираман ўша кўзларни,  
Менинг учун азиз сўзларни...  
Кўкрагимга жо бўлмиш, ҳайҳот!  
Менга бўлиб туриш учун ёд  
Қалбда муҳр каби ҳарқачон,  
Ҳам ўртайди, ҳам баҳш этар жон,  
Менга дўзаҳ ва жаннатсимон!  
Уларни бир эслашга эса,  
Умр етмас, мангалик — лаҳза!

### И г у м е н

Шаккок, осий, тийтил ўзиңгни,  
Сигин, ерга ургил юзингни,  
Кўнглингга бир әзгу ҳаёс сол...  
Жуда ёмон сендаги хаёл,  
Тангри ўзи беради жазо!  
Сигин унга...

### А р с е н и й

Заҳмат бебақо!  
Жонингни шу соҳиби қудрат  
Олади деб айтмагил фақат.  
Эй отахон, ҳамма ҳам инсон,  
Майли ўлай... Аммо ҳечқачон  
Бу чўзмайди улар ҳаётин  
Ва келажак кунларим — локин,  
Узайтирмас умрини асло  
Ноҳақ қонли берилган жазо.

Кўпдан мажруҳ уларнині жонин  
Телба йигит покиза қони  
Илитмайди бериб ҳарорат;  
Бутсиз, тоҳсиз бир ғариб лаҳат,  
Улар умри қанча муқаддас —  
Кўринса ҳам, зина бўлолмас  
Мажоли йўқ оёқлар учун,  
Фалак сари чиқишга бир кун.  
Инон, баҳтсиз руҳим ҳам маъво  
Эшигини очмас мутлақо!  
Кўрқитмайди мени жаҳаннам,  
Дейдиларки, унда ташвиш, ғам  
Ухлар совуқ сукутда абад,  
Ҳаёт билан ажралиш фақат —  
Аянчлидир! Мен ёш-навқирон  
. Биласанми? Не ёшлиқ, армон?  
Ё билмайсан? Унугансан е  
Ишқ-муҳаббат, нафратдир гўё?  
Қуёш, водий яшаган палла,  
Қалб ургандек гурс-гурс, баралла,  
Кўп вақт ўтиб, дарз кетган девор.  
Салқингина соғ ҳавоси бор  
Бурчақдаги юксак минора —  
Устидами тополмай чора,  
Гулдуракдан қўрқиб нақадар,  
Жон ҳовучлаб турар бир кантар,—  
Аллақайси юртнинг фарзанди?  
Гўзал дунё сен учун әнди  
Завқ бермайди... кўрсан ва қари,  
Эҳтиросдан кетгансан нари...  
Умр кўрдинг, муҳтоҗлик нечун?  
Дунёни тарқ этишинг мумкин,  
Сен яшадинг бекам-кўст ҳар дам,  
Шундай яшай олардим мен ҳам!..

Бироқ шунда Игумен турди,  
Бир гап билан оғзига урди.  
Теваракда барча газабнок,  
Тақдирига бўйсунмас, шаккок,  
Мағрур руҳдан, мағрур сиймодан.  
Эшитилди шов-шув орадан,  
«Қийноқ» сўзи лаблардан учди,  
Бир жойдан тез бир жойга кўчди.  
Аммо тутқун эди барқарор,  
Ҳиссиз, лоқайд ва беэътибор —  
Худди қумга, учирив бўрон,  
Чўккан, пачақ бир қайиқсимон —  
Эшкакчисиз, эшкаксиз локин  
Тўлқинларни кутарди сокин.

• . . . . . . . . . . . . . . . . . .

...Тонг отмоқда. Далалар жимжит...  
Днепрнинг устида яхлит  
Зар ҳошияли парда сингари  
Қуюқ туман юрар сарсари.  
Тоғ сиртига ёйилган ўрмон  
Тилсиз боқар дарёга томон,  
Туман аро қорайиброқ сал.  
Бир тўп булут чиқар шу маҳал  
Чексиз қалин ўрмон кетидан.  
Булутдан сўнг, қуёш ўтидан  
Ловуллайди қирмизи тонг ҳам.  
Монастирнинг бутлари кўркам,  
Ярқирайди; юксак минора  
Девор, қопқа узра тобора  
Жувон умр баҳтидай порлоқ

Гўзал, жонли, пок ва ярқироқ  
Олтин нурлар ўйнарди узоқ.

Қўнғироқлар берган мунгли сас  
Монахларни йигди шу нафас.  
Устун аро қандиллар шинам  
Тутар эди, янгарди хор ҳам...  
Чопиб кирди черковга қарол,  
Игуменга пичирлаб дарҳол,  
Бир нималар гапирди тез-тез,  
Игумен бир сесканиб, шу кез  
Деди: «Қайда экан хазначи?  
Югур тезроқ, ундан сўра-чи,  
Калитлари бари бутмикин?»  
Ва хазначи чиқиб меҳробдан,  
Нима гап, деб ранги оқариб,  
Қўрққанидан қалтираб бориб,  
Деди: «Барча қалит ёнимда,  
Ҳеч бир гуноҳ йўқдир жонимда!»  
Ва монахлар зир югуришди,  
Тўрт томонга елиб кўришди.  
Чўнг гумбаздан чиқди акс-садо:  
Қочди! Ким у? Қандай қочди, о?  
Эзгу уйда, бу оддий жумбоқ,  
Яшовчига бўлиб бир қийноқ,  
Монастирнинг турмаси сари  
Бирин-кетин боришди бари!

Қарасалар келиб, тор дарча —  
Панжараси қирқилган пича,  
Ҳандақдаги қумлар топтолган,  
Турли оёқ излари қолган.  
Ўткир тифли бир пўлат ханжар —  
Унутилиб, қум узра ётар.

Ва полякча шойи бир белбоғ  
Хўп буралган, йиртилган озроқ,  
Деразанинг ёнидаги бир —  
Қайнинг у боғланган чандир.

Қидиришиб борди изма-из:  
Днепрга яқинлашди тез,  
Пайқаш мумкин, қайиқ кечган он  
Қум устида қолмиш бир нишон.  
Берироқда, қамишзор кўлмак —  
Сувда ўша белбоғдан бўлак  
Осилганча, елда учарди,  
Бир учи-ла сувни қучарди.

«Қочган! Аммо ким берган ёрдам?  
Тангри әмас, албатта, одам!  
Ошналарин қайдан топди у?  
Евуз экан, бу чиқди тўғри!  
Тўпланишиб монахлар шундок  
Гаплашиши ўзаро узоқ.

### ІІІ БОБ

"Tis hel"— tis he! Rnow him noir;  
I Rnow him by his pallid brow...  
By gop\*.

Қиш! Муз босган Днепр юзин,  
Қор тагида тўнгаклар ўзин  
Кўрсатишар унниқиб, бари —

\* Бу ўшал Бу ўшал Тапидим әнди;  
Мен биламан, унинг рангиз жамолин...  
Байроя.

Бадбашара арвоҳ сингари.  
Тиниқ музлар ойнасида кун  
Акс әтади хира ва сўлғин.  
Жарларни қор қоплаган оппоқ,  
Фақат қуён тонг ёришар чоқ  
Чуваланма излар солади,  
Ўз инига кириб олади.—  
Югургилаб, сакраб ҳар томон.  
Қора тунда аҳён ва аҳён  
Эшитилар итлар увлаши,  
Оч бўрини пайқаб қувлаши,—  
Хирмонни у айланиб қолса;  
Агар дала сукутга толса,  
Бўриларнинг оғир қадами,  
Тишларининг ғижири, дами  
Келар эди ҳатто узоқдан;  
Чангалзорда, кеч кирган чоқдан  
Юзлаб ёниқ кўзлар — шам чироқ,  
Қоронгуда ўйнар ярқироқ...

Аммо қўрқмай қишки бўрондан,  
Бир кун Орша сахармардондан  
Буйруқ берди навкарларига,  
Тўпланишлик учун барига:  
Қилич чархлаб турилсин,— деди,  
Отга эгар урилсин, деди;  
Ҳар томонда овоза юрар,  
Нотинч Литва ўшқирап, ҳурап.  
Бир тўп гаддор ҳоким-ла бардам  
Рус ерига қўймоқчи қадам.  
Рус қўшини чоптириб чопар.  
Теваракка етказиб хабар,  
Боярларин ва навкарларин  
Шонли жангга чорлади барин!

Орша отга миниб силқди қўл,  
Ҳамма иргиб ўтириди бир йўл —  
От устига, янгратиб жанг-жунг,  
Бола-чақа чекар эди мунг  
Ва ҳар бири дарвозага тез  
Туғ кўтариб борди изма-из;  
Фақат Орша чўқинмай асло,  
Татар князъ, мусулмон гўё —  
Яқинлашди дарвоза сари,  
Кўкда эмас эди назари.  
Аввало у.ташлади нигоҳ  
Умр кўрган кўшкига ногоҳ.  
Хозир эса елларга макон.  
Тебратарди баъзида бўрон  
Калитсиз ва қулфсиз эшикни,  
Тебратгандай она бешикни!..

\*

• . . . . . . . . . . . . . . . . . . . . . . . . .

Нари кетди тумтарақай жанг  
Из қолдириб қонли, лаъли ранг...  
Ағдарилган тулпорлардан то  
Қилич, найза синифи аро  
Отлиқ кезиб юради шу он,  
Гоҳ тимқора от ёли томон  
Пастга қараб бошин эгарди,  
Недир излаётган ўхшарди,  
Узангига гоҳ тирав оёқ...  
Ким у? Рус-мас! Поляк-мас, бироқ —  
Устидаги полякча кўйлак

Товланса ҳам тиниқ нуқрадак,  
От сағрига урилиб нотинч  
Янграса ҳам полякча қилич!  
Думдумалоқ буғдоиранг юзи,  
Зулмат ва нур олишган кўзи  
Ола-кула бўлиб ҳар сафар,  
Ишонтира оларди, татар —  
Кони жўшар қалбida эса...  
Ўзи бўлса на ёш, на кекса.  
Чеҳрасига тикилсанг, аммо  
Ҳуснин тасвир этиш муаммо,  
Лекин тетик, мангу хаёли  
Ғамгин жило берган жамоли —  
Қўнгилдаги яхши ва ёмон  
Ниятларни бир ойнасимон  
Акс этдирап эди ўзида,  
Занжирбанддек ернинг юзида,  
Бир уҳ тортиб дерди ҳар ким ҳам:  
Яшашдан ҳам кўпроқ чеккан ғам.

Водийда бор эди бир қўргон.  
Томир отган баҳайбат, йўғон.  
Эман девдай кўтариб қомат  
Шу қўргоннинг устида беҳад  
Новдалардан тўқиб кенг чодир,  
Салобат-ла туарди нодир.  
Даҳшатли жанг шунда авж олди,  
Шунда тинди. Таналар қолди —  
Қиличларнинг зарбидан бежон,  
Қора қонга беланди қўргон.  
Қора қонга беланди қор ҳам,  
Баъзи ерлар эриб шилта, нам;  
Кекса эман пўстлоги бутун  
Жангда чопиб ташланди у кун,

Ва сачраган қоннинг асари  
Жароҳатдан оққан сингари  
Кўринарди унда арғувони...  
Отлиқ кирди қўроғонга томон.  
Сўнг отидан сакраб тушди-ю,  
Ўз-ўзича шундай деди у:  
«Мана бунда — ўликми-тирик  
У ётади... Эман турар тик,—  
Тисарилиб ёпишарди чол.  
Қутуради, чопишафди чол.  
Бир дам кўрдим, беш қул билан у  
Қуршалганча, қиласарди жанг-жу,  
Сенга, Литва, бу кекса калла,  
Жуда қиммат тушди у палла!..  
Олислардан оломон аро —  
Шунда кўрдим қилич-ла расо  
Қўли чиқиб тушганин уч бор,  
Кўтарилган чоғида такрор,  
Билагидан яна оқди қон.  
Оқар эди бир дарёсимон...  
Тўртинчи зарбни кутдим узоқ!  
Майдондан у қочмади, бироқ  
Қочолмасди истаганда ҳам!..  
Эшилди у туйқусдан шу дам  
Бир инграшини, одимлаб шоша  
Яқинлашди, кўрди: «Бу ўша!»

Қонга ботган бошини ердан  
Кўтарди-да, боярин бирдан,  
Зўргагина гапириди шуни:  
«Мен ҳам сени танидим, сени!  
На бир замон, на ўзга либос  
Ўзгартади, жиноят асос —  
Евуз назар, рангсиз манглайни.

Танияпман Арсений, сени,  
Мени тортган билан жаҳаннам,  
Илгариги жилванг ҳали ҳам  
Кўз олдимда бўлмиш намоён,  
Унда заҳрин сочади илон.  
Балки сенда бўлса ҳам истак,  
Овозингни ўзгартиш андак,  
Ёт элдаги товушлар аро  
Товушингни танийман расо.  
Ниятингни пайқадим бутун,  
Бу ёқларга келгансан нечун.  
Содиқ бўлган юртимдан аммо,  
Энди кўзни узмайман асло,  
Хони поляк, сен истасанг ҳам —  
Уқишликни ундан афсус, ғам,  
Яқинлашган ўлим даҳшатин...  
Умрим ҳеч гап эмасдир, лекин.  
Афсусим шу, олмасдан қасос,  
Ўлим менга юзланди бехос;  
Қилич учун етмайди дармон,  
Қўл елкадан тирсаккача қон,  
Бу ёвларнинг қора қони, боқ,  
Сеникidan қатра йўқ бироқ!

— «Ўтганларни унугтил, эй чол!..  
Сен қўксимга, мана, назар сол,  
Сеникайдай оқмаса ҳам қон,  
Унда гусса гўёки илон!  
Сен учун ўч олинган бир чоқ,  
Фарқи нима — ким олган қандоқ!  
Еловраман, ўз қизингни айт,  
Тополаман қаердан, қай пайт?  
Евуэларнинг қиличларидан,  
Ва уларнинг ўпичларидан

**Қизни халос этиш-чун қасам —  
Ичдим, душман ичра бўлсан ҳам!»—**

— «Эски уйим сари илдам чоп,  
Уша ерда қизим, хабар топ,  
Тун-кун емай-ичмай ва бедор,  
Ёр келишин кутар интизор!  
Шошил... умрим тугар эрта кун,  
Озор чеккан ота сиз учун  
Мурда каби бўлиб кўринар,  
Даҳшатларга тўлиб кўринар!..»  
Сўзда давом этайин деса,  
Айланмади бирдан тил эса,  
Қўл-ла қиласай деганда имо,  
Бармоқлари қотди мутлақо.  
Ўлим қора кўлка ташлади,  
Манглайида кеза бошлади,  
Юзи билан ерга ётди у,  
Ва чўэзилиб хириллади-ю,  
Танасидан учиб кетли жон!

Ва Арсений борди чол томон,  
Чангак қўлин ёзди ўша он,  
Ва кўтарди ердан бошини.  
Икки томчи тиниқ ёшини  
Хира кўзлар оқизди бехос,  
Софликда у гўёки олмос.  
Чеҳраси тинч ётарди, бутун  
Ақлу ҳушдан ажralган ҳусн  
Унда аён бўлиб туради,  
Ўлим каби сир кўринарди.

Йигит унинг бошида шу чоқ  
Қараб қолди ачиниб узоқ,

Ўтганларни эслаб олди тин,  
Кечирилмай — кечирди барин,  
Ва Оршанинг кўксидан чунон  
Эҳтиёт-ла авайлаб чакмон —  
Тугмасини ечди оҳиста.  
Эски, янги яра устида  
Қонли излар кўринди чўзиқ,  
Тилим-тилим униқсан, бўғиқ,  
Ва қўйганда юрагига қўл,  
Мурда шунда қимиirlаб бир йўл  
Гўё берди мубҳам бир хабар  
Ки жўшқин қалб бўлса ҳам бежон,  
Эҳтиросдан тепарди ҳамон,  
Бу кўзларнинг ғамгин нурлари  
Ўчди ундан анча илгари!..

Қош қорайиб қолганда энди,  
Арсений от устига минди.  
Пўлат шпор билан биқинга  
Ниқтаб-ниқтаб кетди олдинга,  
Бир чопишда жангоҳдан узоқ —  
Кетиб қолди.— Ортда кенг ўтлоқ  
Қулоч отган: оппоқ қор юзи  
Минг чироғдай порларди ўзи,  
Кун қиялаб ботаётган он,—  
Кўз олдида таниш бир ўрмон  
Девор каби бўй чўзган кўкка,  
Дараҳтзорда борарди якка:  
Ҳаммаёқ, жим, уйқу ҳар ёқда,  
Баъзан фақат кишинаган чоқда  
Шу орада юрган бир йўрга,  
Дашт султони — баҳайбат қарға  
Оқ тўнгакдан учиб қолади,  
Бошиқасига қўниб олади,

Ва тозалай бошлайди тагин  
Шохга артиб қонли тумшугин.  
Бўриларнинг тўдаси бари  
Югуришиб жанг майдон сари  
Олислардан увиллаб қолар,  
Дашт сукути ичра йўқолар.  
Йўл устида қайнин, қарагай,  
Туарар эди ҳарир чодирдай,  
Новдалари паҳмоқ, шокила,  
Кўп вақт у қўл ё қалпоқ, ила  
Тегиб ўтса шох-шаббага сал,  
Тўкиларди юзга қумуш ҳал...  
У отини елдириб кетди,  
Ўйлар билан ўзин банд этди.  
Чопишларга қўникмаган от  
Азобланди... қорларга бот-бот  
Мункиб бораар эди... йўл мушкул!  
Қўкси әса буғланди буткул,  
Отлиқ шошар, йўқ унда бардош,  
От биқини кўпик, қон талаш.  
Аммо яқин қолди... мана уй  
Днепрнинг қирғонидан бўй —  
Кўрсатмоқда, тоғлар ортидан  
Девор, кулба, ҳовлилар бирдан  
Мингашгандай бўлиб қўринар,  
Таъзим билан кулиб қўринар.  
Фақатгина боярин уйи  
Хира, сокин бир арвоҳ қўйи..,

Кенг ҳовлига йигит кирди тик.  
Бўмбўш... гўё вабо ва очлик  
Куни-кеча айш сурган. Бедов —  
Отдан тушиб, у юрди яёв...  
Ўйнаб турган болалар тўпи

Үтли қўздан қўрқишиб бетни,  
Ет қийимда келган йигитни  
Бўсағада учратиб бари,  
Қичқиришиб қочишиди нари..:  
Уйга кирди — кечаси сокин,  
Пардалар берк, ғижирлар, локин,  
Юрганда пол, эски токчалар —  
Устидаги майда-чуйдалар.  
Фақатгина совуқ қун нури —  
Тешиклардан кирган ғур-ғури  
Катта печнинг устида оппоқ —  
Чизиқ тортиб ўйнарди бу чоқ!

Ва Арсений зинани кўрди,  
Қоронғуда учди, югурди,  
Юқорига чиқар бесабр,  
Поя титрар остида дир-дир.  
Кўзларига тушди нур, мана,  
Рўпарада музлаган ойна:  
Кўпдан бери очиқ турарди,  
Тагларида қор кўринарди,  
Тўпланилган уюм-уюм қор,  
Эримасдан ётарди зинҳор.  
Ҳайҳот! Менга бу жойлар ошно!  
Чап томонда эшик — берк аммо,  
Қон босгандек занглаған катта —  
Бир қулф осиб қўйилган. Шартта —  
Белбогидан пичноқни олиб,  
Қулфнинг қалит жойига солиб,  
Уни бузиб, этди чилпарчиң...  
Ва эшикни итариб секин,  
Йигит қиззининг хонаси сари,  
Ҳаяжон-ла кирди ичкари.

Кўлларини чўзиб бетоқат  
Ёр нигоҳин изларди фақат,  
Ва оҳиста берарди салом,  
Жавоб учун чиқмас бир калом!  
Лекин, мана қизнинг тӯшаги  
Фижимланган, худди keletalги,  
Ё бир соат аввал ётгандай,  
Бола каби хуррак отгандай.  
Яқин бориб, қараб қолди ул,  
Нозик оппоқ тўрларни буткул  
Қорайтирган ёкан тўзон, кул.  
Зарбоб парда атроф — гирдини  
Босиб кетган ўргумчак ини.

Деразадан уйга олтин нур  
Кун ботишда тушиб баҳазур,  
Товланарди гулдор гиламда,  
Арсений бош эгди шу дамда...  
Аммо бирдан дод солиб қолди,  
Тисарилди, тўлғаниб олди,  
Гўё босиб олгандек илон...  
Эвоҳ! Энди бўларди шодмон,  
Ҳаёл ёки нигоҳдан теэроқ  
Унга заҳри қотил кирган чоқ!

Кўз ўнгига бўлди, оҳ, бу он  
Бир уюм оқ суюк намоён  
Ҳамда кўзсиз сариф бош чаноқ  
Сўзсиз кулиб турарди бу чоқ.  
Бир вақтлар шу қуюқ ва узун,  
Оппоқ мармар елкага ҳусн —  
Кўшигган сочи паришон қолмиш,  
Суякларга ёпишиб олмиш...  
Ишқ-муҳаббат ўти барқ урган,

Энг покиза қалб тепиб турган —  
Жойда кўпдан озиқсиз бир жон,  
Гўр соҳиби — қонхўр қурт сарсон!

• • • • •

«Мана, менинг севганим бутун  
Совуқ, жонсиз бир қисм қукун,  
Үлганимда қуидирарди у,  
Энди уни беишқ, бетуйғу,  
Тупроқ босар бағрига лоқайд.  
Гўзал руҳи әндиги ҳар пайт,  
Қабул этиб ўзгача ҳолат,  
Арш-аълода учади фақат.  
Менга худди таъна шу қези,  
Бир лаҳзалик умрининг изи!  
Хазон бўлди гулгун чоғида  
Сирли азоб, ғам қучоғида,  
Ё ташвишсиз бўлгандир адo,  
Қачон, қандай? Билади худо!  
Қизга ота әди-ю, бироқ —  
Менга душман, шу суюк гувоҳ.  
Улганида кетди бетобут.  
Фақат ўзим этмадим унут!

«Ҳа, мен ёвуз, мен жинояткор,  
Үлимга тенг гуноҳимми бор?  
Бу дунёда, у дунёда ҳам  
Учрашмаймиз, бўлмаймиз ҳамдам...  
Ҳижрон тушган илк мудҳиш соат  
Бизга бўлиб қолди тоабад.  
О, самовий куч билан маъво  
Кўз олдимда бўлса муҳайё,  
Онт ичаман, кирмасдан аввал  
Эшнгизда қиласдим савол:

Сўнган умид жаннатин сира  
Топаманми парилар ичра?  
Уни қайтиб бер менга, ёраб!  
Қани әнди у покиза лаб?  
Бер жилвасин, нигоҳин, нозин,  
Орзу каби тотли овозин  
Кошкийди бир әшитсам фақат...  
Усиз нима дунё ва жаннат?  
Унинг битта жарангдор сўзи  
Тангри билмас маъбаднинг ўзи!..

«Энди қолди менга битта йўл  
Барибир ҳам эмасми ўнг-сўл,  
Юрар бўлсан қай томон шу чоқ?  
Бунда хоки, ўзимас бироқ!  
Мен бу ердан кетаман абад  
На бор меҳнат, на ўй, на мақсад,  
Зулумотда ҳасратли ёлғиз,  
Ва бўронда ўчар қолган из!..

1835—1836.

## ДЕНГИЗЧИ

*n a r u a*

O eh the glad unters of the durk blue sia.  
Our thoughts as boundless, and our souls as free.  
Far as the breele can dcar, tre billons fram,  
Surwen our cmpire, and behold our home.

(*The Corsair*. L. Бирон.)

Донгиз уйда туғилған әдим,  
Шимолий юрт күки остида,  
Эрта, жуда әрта тушгандым  
Тұлқинларни енгмоқ қасдига!  
Сүзламайман болалигимдан.  
Берилганим әди океан,  
Уйилларда мисли зормонда,  
Жасоратта биз тұлған онда  
Фарқсиз әди бизга ер, денгиз,  
Үз уйимиз ё бегона уй;  
Чунки шавқсиз биз күйлаган куй,

---

<sup>1</sup> Бизнинг еру сувимиз, бизнинг ватанимиз  
Зангөр дengizning қувноқ тұлқинларида,  
Фикримиз дengizдай кенг, күнгілміз дengizдай  
әркін бұлған жойда.—  
Бизни у ерга фақат шамол олиб кета оладиган  
ва тұлқинлар күпікланыб турған  
жойдадыр.  
(*Corsair*, Л (орд) Байрон).

Ғамни топтаб худди қул, каниз,  
Эркин нафас олмоқлик учун  
Буд-шудимиз берардик бутун.

.Зиндонимда озодлигим ёр,  
Ярим ҳаёт эса-да зиндон;  
Құшларга хос бор анжом, тайёр;  
Арқонлар-ла қурилган ошён!  
Құлларимга йигиб дармонни,  
Тутиб елкан ё ҳұл арқонни,  
Ҳаво елпиб тебранганим он  
Сезар әдим ўзни паҳлавон;  
Осмон, тұлқин ораси ерим,  
Булуларга, пастға қарадим.  
На құрқар, на ҳадиксиардим,  
Бор нарсага солиб назарим,  
Юксакларга учардим! Шунда  
Бахтли әдим, бахтли әдим, ҳа!

Беринг афзал\_бахтни бундан ҳам!  
Ота-онам ташландисимон:  
Зангор осмон бўлди бошпанам,  
Кема бўлди мен учун ватан  
У вақт ундан тушмасдим айри,  
Ердан қўрқиб қишан сингари;  
Дўстлар әди бесаноқ бесон  
Улар бизга зичлашиб ҳар он,  
Ортдан қувиб, оқиб бетайин,  
Туртқилашиб, бир-бирдан ўзиб,  
Гўё бизга сув узра сузиб,  
Юрмоқ учун қарши атайин;  
Лекин фақат ҳазил әди бу,  
Улар бизга бермасди қайғу.

Пайқаб улар ҳаракатларин,  
Тушунардим сўзлаган гапга,  
Иродали эди гаплари:  
Гапларида әркалиқ, ўпка,  
У сас әди ажиб, ёрқинроқ,  
Шамол, ўрмон сасидан янгроқ!  
Улар ҳар кеч истиқболимга  
Келиб кимхоб кийған ҳолида  
Қўринарди инсондай мағрур;  
Сигинардим мен мафтун, гўё  
Улар дengиз устидан худо.  
Шунда илк ҳис-туйғулар қурғур  
Бундай янги хаёл қошида  
Учардилар қолмай бошимдан!..  
Жозибадор ва ажиб дунё,  
Ўхшалий йўқ, лек жонли дунё,  
Ҳам равшан, ҳам туманли дунё  
Кўз олдимда бўлмиш муҳайё;  
Жон бор эди ҳар не да: ҳатто  
Булутларнинг сайрида маъно,  
Денгиздаги ҳар битта тўлқин,  
Танасида иссиқ жон, ёлқин;  
Тентак йиллар эди у йиллар!  
Лекин не кам? Қуийиб саҳрова  
Нур қидириб, кезиб пиёда,  
Ишқ жон излаб юрган кўп йўллар  
Тажрибасиз одамлардан ҳам  
Наҳотки мен кулгилик бўлсам?

Ҳислар маҳфий дард билан тўлик;  
Йиғлар, кимки севгига ошно:  
Барибири, ишқ тўлқиндами ё  
Қалб аёлга бўлганми тортиқ!  
Безакланиб оқ қўпиклар-ла,

Гўё кумуш, зар попуклар-ла,  
Йўл босади виқорли тўлқин,  
Хизматкорлар ўраб атрофин;  
Худди шундай етилган қиз ҳам  
Қуллар аро юрар сервиқор,  
Улар этса дардини ошкор,  
Қулоқ солмас, туюлар мубҳам!  
Аммо қизлар хилватда сўлар,  
Тўлқинлар-чи, куч билан тўлар.

Севгувчиман улар әркини!  
Бажонидил севардим ҳар дам  
Юришларин, билмай чекини,  
Юришларки, бошсиз бетўхтам;  
Севгувчиман кун ботган маҳал  
Тўлқин ёли бўлганин зарҳал,  
Севганим бу беҳуда сурон,  
Бекор, беўй ҳаётдан нишон,  
Бир ҳаётки, бегўр, беватан,  
Ҳам лаззатсиз, ҳамда беташвиш;  
Севганим бу бир хилда товуш,  
Ва ниҳоят бекор сарфланган  
Бир қудратки, кучсизни яксон  
Этмоқ учун уринар ҳар он!

Хуш кўраман шивирлашларин  
Ювиг учар кема қошини;  
Ёвуз, қайсар шовуллашларин,  
Шу чоқ қоя эгиб бошини,  
Писанд қилмай уларнинг ишин  
На эътибор, на дўқ қилишин;  
Хуш кўраман, сукут, хуружин  
Ҳам уларнинг мангү урушии  
Ўзга офат, булутлар билан,

Ёмғир , довул, билан! Неча бор  
Хавфли соат бўлиб создор  
Бошимизда ажал айланган —  
Чоқда қўрқиб, қилиб ибодат.  
Уммонимга тилардим мадад!

# ОЛЕГ

1

1

Маъжусийлар зулматгоҳида  
Унтилган у қадим замон  
Ёндирилиб, жон илоҳига  
Ҳадя бўлмиш бир қонли қурбон  
Унда ўсган қоматдор эман  
Кўҳналик-ла, табаррук экан.  
Тек турган бу ўрмон султони  
Манглайи-ла ўпган осмонни.  
Шоҳларида осиглиқ экан  
Совутлару, қилич, қалқонлар,  
Бутазорлар, ўлган инсонлар  
Атрофилда ёнган, тутаган...  
Лада қуий лоақал бир бор  
Бу томонга етмаган зинҳор!..

2

Эътиқоднинг илиқ ҳисси-ла  
Қўйилган бут-сояда нурдай,

Бўёқлари унинг устидан  
Кўчиб тушган кучли ёмғирда  
Ўрмон ўсган узоқ кенгликлар,  
Забт этилмас тик баландликлар  
Ҳам қоялар қуюуқ туманда,  
Пишқирапкан Волхов бир ёнда.  
Ет келгинди бериб ихтиёр,  
Бу ерларга кўниккан у он,  
Бу ерларни демагил ёмон:  
Бу ер эди илҳом учун ёр!..  
Бунда шамол скальдларин ҳам  
Дадил саси янграган ҳар дам...

## II

Тўлқин тинди кўлнинг устида  
Туман аро қоялар жимжит,  
Қийқиришар бир тўда бургут,  
Акс этишиб қўл кўзгусида.  
Бунда қайиқ кўпдандир хумор  
Кар тўлқиннинг алла сасига,  
Ҳалқасимон яшил дараҳтзор  
Доим яшнаб айланасида,  
Тоғ ортида шовлар пурвиқор.

Кўпдан на ит, на отлиқ бардам  
Бу ўлкага қўйгандир қадам.  
Бу атрофда яшовчи ҳайвон  
Тинчib қолган ов шовқинидан.  
Аммо ким у қўл соҳилида,  
Сигинай деб келганми инсон?..  
Дилида не ният не ихлос?  
Қилич, қалқон ва ўқ-ёйи бор.

Қўлида бор ажнабийга хос  
Ярқираган пўлатдан шашвор...  
Эҳтиётлаб қизил чакмонин  
Ерга ечди кўз узмай кўлдан,  
Шунда шамол қўнғироқ сочин  
Ўйнай кетди эсиб ўнг-сўлдан.  
Менинг қиссам ҳаҳрамонида  
Ўтган кунлар қисқа онидан  
Нишона бор, йўқ таассурот,  
На лаззат бор, на бир ҳиссиёт,  
Бир нишона йўқ ҳаяжондан.

Кўпикланган қирғоқ узра у  
Сўзлай кетди кўл худосига:  
«Келдим тагин Стрибоғ, сенга:  
Олегни ҳеч унутмабсан-ку.  
У келтирган ёвларни бежон,  
Ҳавфли босқин, тўполонлар-ла.  
У сени деб тўккан эди қон.  
Печенегни қақшатган ўғлон  
Яна юрар шу ўрмонларда.  
Бизлар у кун айрилишган он —  
Каби яна бўлган намоён!»

Тўлқинланди сув, шовқин, сурон  
Орта бориб қўрғошин тўлқин,  
Булутлик қун тургандай бўрон,  
Кўпик босди қоялар бетин.  
Пайдо бўлди тумандан устин...

Ўзгартириб аста ўз тусин,  
Равшанлашди, Стрибоғ бирдан  
Чиқиб келди туман бағридан.  
Очиқ эди кўзлари қийғоч,

Кўтарганди нам қўлин баланд,  
Ҳўл соchlари чолнинг яланғоч —  
Елкаларин этган эди банд.

III

Аҳ, бўлганди жангу-жадаллар,  
Қон тўкилиб бу азиҳ ерга.  
Қайда улар? Кетди у йиллар.  
Қаҳрамонлар шони-ла бирга.  
Ботирларнинг руҳларин бироқ  
Кўрган эдим, сўзлари янгроқ.  
Булатлик кун турганда бўрон,  
Кўзғалгандагу сувларда тўфон,  
Гирдибадлар кўтариб тўзон,  
Қир ўтларин сийпалаган он,  
Улар бўлиб ола аломон,  
Булатларда учар сарсари.  
Ҳар бирининг қўлида қалқон,  
Таниш довул берар тасалли,  
Кўкда туриб занжирдай қатор,  
Шиддат билан бошлашади жанг  
Кўрдим, улар қалби ярадор,  
Улар билан бўлдим ҳамоҳанг.  
Вужудумда алам нусхаси,  
Жим турмоқдан қийналарди жон,  
Ўтган кунлар оддий қиссасин  
Шунинг учун айлайин баён.  
Ўтган эди Олег бир замон,  
Рус князи буюқ ҳукмдор,  
Варяг, жанги (у вақтлар зинҳор  
Озодликдан йўқ эди нишон).  
Босқинлари этганди вайрон

Поковдан то Онегагача  
Қишлоқларни қилиб асир, ром...  
Қўшниларни қўрқитган тамом:  
Печенеглар титраган ундан,  
Қўйиб Каспий соҳилларини,  
Дўстлашмоққа келган хазарлар,  
Қўшинлари бериб озорлар,  
Енгган ўрмон аҳларини;  
У ахтариб юнонлардан кин,  
Мағрур халқдан бўлган дарғазаб...

Византия шоҳи довдираб,  
Ҳайратланган бу ишдан у кун...  
Лекин нечук Олег сўнг чоқда  
Босқинларин кечиктиromoқда?..

# ИККИ ҚАРДОШ

п о э м а

Қардош! Қардош! Уял, эй қардош!  
Үтинг ила қаттиқ аҳд-паймон  
Едда йўқми? Бултур сербардош  
Дўстлар эдик, эдик меҳрибон...  
Едингдадир, ёдинга у жанг,  
Юрт ёвларин ҳолин этуб танг  
Бир саф бўлиб урушганимиз,  
Ҳасратларни қувишганимиз,  
Ёйилганда янги тонг-башанг,  
Кутганимиз Лада байрамин.  
Хўш, оқибат? Аламли тўлқин,  
Ёвлик қўзғаб дилларда ўйноқ,  
Мангу солди ўртага фироқ!..  
«У аввалги баҳтовар йиллар  
Каби айтма отимни бу чоқ.  
У кунлар мен баҳтга ишонар,  
Дилда дўстлик, ишқ әди бунёд...  
Билганим қалб хоҳиши әди  
Мовий қўзлар боқиши әди...

Қиз қалбига әканман сайёд,  
Үғирладинг у қалбни, ҳайҳот!..  
Эга чиқдинг маҳбубимга сен,  
Унинг ишқи, малоҳатига,  
Оёқ қўйдинг юз-кўзимга сен,  
Учрадим дўст ҳақоратига».  
Жим қолдилар. Юзма-юз бироқ  
Турибдилар, қалблар тўла кин.  
Ҳар бирида қилич ярқироқ  
Нур сочади, ҳаллари олтин,  
Ҳар бирида дубулға, совут,  
Бамисоли иккита бургут.  
Атроф бўм-бўш, туманли, мудроқ.  
Елғиз курси, унда ёғоч бут  
Туарар эди, қаршида оппоқ.  
Хоч курсисин кўнглини овлаб,  
Бир ёш печак ўсмоқда ғовлаб.  
Тиз чўқдилар, санамга қараб  
Адоватга қасам ичдилар.  
Отларига миндилар сакраб,  
Икки ёққа ўқдай учдилар.

Жондош ўлка ҳар бирин якка  
Кўрмагандир қачондан бери?  
Кўп бўлдими қийноқда, бири  
Михланганда оғриб тўшакка,  
Иккинчиси жилмасдан нари,  
Турганича унинг қошида?  
Энди бирдан аччиқ қасос-ла  
Тошадилар! Қалб асосида  
Тўлғанган не? — Ишқ оташида!  
Жанг-жадаллар ўлжаси — банди  
Ёш фин қизин Асқар севганди.  
Тутқун кунлар тўкиб ғамли ёш,

Қиз әсларди Финляндияни,  
У ердаги тоғлар қоясин.  
Финляндия қоя, тоғлари  
Күзгү, күллар, ойна құрфазлар  
Хомуш ўрмон-хилватгоҳлари,  
Сиз нақадар азиз, бахтовар,  
Сиз — ёввойи жамол боғлари...  
Водийларда дам олар туман,  
Үтда майда кулбалар сероб,  
Хөвлилар кир. Атрофин ўраб  
Рябиналар яшнаган чаман.  
Юксакларда қора тункалар  
Ва ё күйган қарағайлар бор.  
Унда баҳор қисқароқ келар,  
Куз узайиб әтади безор...

# ЎЛИМ ФАРИШТАСИ

п о э м а

*A. M. В...га бағишиланади*

Сенга, сенга арзимас инъом,  
Овозасиз, донгсиз ижодим.  
Бағишиланган оташ-у илхом  
Сен ўзингсан, ҳам сенинг ёдинг.

Яшаб мискин ва фақирона  
Сени қалбда сақлайман буткул.  
Үтинчим бор сендан ягона:  
Мен-чун ўлим фариштаси бўл.

Пайдо бўлгил жафс олови  
Ёндирганда иктиёрида.  
Бўсанг бўлсин висол гарови  
Ўзга элда — ишқ диёрида.

Ажойибод юрти олтин Шарқ,  
Эзгу ишқ — у шахватларга ёр.  
Само қизи — гуллар урад барқ,  
Бахтдан бошқа ҳаммаси бисёр.

Дарёлари шаффоф, ўйноқи,  
Булатлари әркиндир боқий,  
Оқшом тушар, тун ёяр чодир,  
Евузлигу беомон тақдир  
Бадномликнинг қора тамғасин  
Босолмади инсон қалбига.  
У кунларнинг етиб қадрига,  
Зеболигин, файзин,— ҳаммасин  
Қучогида сақлар ер шари.  
Ишқим сенда эй Шарқ диёри!  
Сенда бир бор сайр этган одам  
Түқкан ерин унутар мудом.  
Кимки нозли гўзалларингнинг  
Кўзларига боқса бир қиё,  
Рутубатли қиссамга манинг  
Ишонмасдан қолмайди асло.

Мана ўлим фариштаси шу:  
Келгач сўнгги азоб, айрилиқ  
Бизни қаттиқ қучоқлайди у,  
Бўсалари совуқдан-совуқ.  
Қурбонларга мудҳишдир турқи,  
Тўлғонмоққа этару мажбур  
Бирдан кетар жонингни юлқиб.  
Унга сўнгги нафасни бермоқ  
Юракларга оғирдир, оғир!  
Инсонларга бундай тўқнашув  
Эди гўё ширин бир қисмат:  
Бир нигоҳ-ла бериб қаноат  
Сеҳрлашни билар эди у,  
Ҳарқандай зўр хирслар тўлқинин  
Сокин сақлар эди ҳукмда.  
Ва беморнинг бутун шуурин  
Хуш орзу-ла алдарди зумда!

Коинотнинг барига хоким  
Бўлмиш эди ёш бир фаришта.  
У нафраткор, мавжудод хокин  
Кўрмоқликни истар ҳамиша.  
Ташлаганда муқаддас одим  
Кўк тинлиги барқарор доим.  
Сокит нур-ла оҳиста порлаб  
Ярим тунги юлдуздай гоҳи  
Қурбонларни айёр нигоҳи  
Нақ жаннатда туради чорлаб,  
Озод руҳлар ўтади қатор,  
Фаришта-чи кулар баҳтиёр:  
Қутидилар қасосидан ҳам,  
Қучоқлаши, бўясидан ҳам,

• • • • •

Тўлқинлари асов океан  
Соҳилига яқин бу диёр.  
Оташ ичра улкан Ҳиндистон,  
Кўринади давонлар қатор.  
Сўнгги давон баланд ва мудҳиши,  
Бўз қоялар уни безамиш.  
Денгиздаги ҳув қоя узра  
Бургут, калхат қўймиши ошиён.  
Кечалари бу қоя томон  
Балиқчилар келолмас сира.  
Буталарга қопланмишди у,  
Ёнбошида ваҳм тўла гор.  
Илон ини, заҳкаш, қоронғу,  
Ва алданган ақлдай бадкор.  
Ўхшайди пуч, туэсиз ҳаётга.  
Гўё қотил кўзида қотган  
Эҳтиросдай машъуму айёр.  
Унга чироқ ойнинг ёлқини,

Ҳамсұхбатдир денгиз түлқини.  
Ва ёнида хурмолар қатор  
Унга соқчи бўлиб саф тортар.

Кўпдан бунда ёш бир мусофири,  
Дарбадару танҳо Зораим.  
Қувғинликда кечарди умр,  
Банда, худо қуварди доим.  
Бахгли бўлар эди, у фақат —  
Юпанчларга алданмаса гар.  
Одамларга тилар камолот,  
Ўзи эса улардан баттар.  
Тузсизликдан буюклик излар.  
Сохта бахтга бўлмай деб дучор  
Орзулардан тамом воз кечар.  
Ҳеч ўринсиз бўларди ҳушёр,  
Ишонмасди ҳечкимга зинҳор.  
Севди эркни, тогу тошларни,  
Инсонга ҳам қўйди муҳаббат.  
Танҳоликни қилган-чун одат  
Нафратона тунд қарашлари.  
Эҳтиросли юраги лекин  
Ҳиссиётдан бўлмамиш жудо.  
Гар қаҳрига олса-да худо  
Ишқ зўрликка эгмагай бўйин.  
Бу дунёда ягона, азиз  
Бир сиймони у кўрмишди хуш.  
У деганда жаннат, чўл фарқсиз...  
Не қилипти? Ахир доим ҳам  
Тўғри таъбир қилинмас-ку туш.

Баланд, мағрур Ливан чўққиси...  
Қабр ёнида сарв дарахти.

Чирмовуғу печак новдаси  
Атрофини бутун ўрабди.  
Даҳшат солиб гирдоб қутирсин,  
Майли сарвни қўпорсин бўрон.  
Гуллар ўраб ётар гавдасин,  
Елғиз ўзи бўлмас-ку қурбон.  
Зораим ҳам ўгай дунёда  
Елғиз эмас — ёнида Ада.  
Бир дилбарки, чўл оҳусидай,  
Жаннат гулин хушбўй исидай.  
Оҳ, борлиғи, хусни қиёмат,  
Кўкси таранг, қайрилмадир қош.  
Сарвга рашк солгудай қомат.  
Кўзлари-чи, жануб элида  
Чақнаб турған қўшалоқ қуёш.  
Қувғинди-чи, мағрур, пурвиқор...  
Қаердаки бўлмасин пайдо  
Қовоғидан мудом ёғар қор.  
Қизга булар эрмакдай гүё,  
Бу кўзларда ишқ ўтих ёқмоқ  
Истагин қиз қилиб ихтиёр,  
Улик қалбда ишқ уйғотган чоқ  
Азобланди у девонавор.  
Севги тушди йигит бошига,  
Ошиқ бўлди, қиз ҳам маъшуқа,  
Бирлаштириди уларни қисмат,  
Жудо этар гўристон фақат!

Мовий кўкда жилолана ой,  
Порлаб тураг само юлдузи.  
Зулмат ғорга тушар ёғдуси,  
Тун салқини билан лиммо-лим —  
Нур тўлқини ўйнаб бетиним  
Қояларга бағишлар чирой.

Ёдимдаки, ушбу дақиқа  
Одатдаги бир майин садо  
Янграйди жўр бўлиб қўшиққа.  
Сўнг тинади тарқаб тоғ аро.  
Йигит ғордан чиқади бехуш.  
Қайси иблис таратган товуш  
Зораимни сеҳрлаб қўймиш?

Оғир дардга мубтало Ада,  
Етар ўлим исканжасида.  
Саррин сабо юзларига ҳеч,  
Ярим очиқ кўзларига ҳеч  
Бахш этолмас зиё ва мадор.  
Ада шарққа боқарди бекор,  
Бекор кутар тонгни ниғорон,  
Тонг жамолин кўрмоғи гумон.  
Тонгда бошқа ерда ётади,  
Унда нурнинг бўлмас ҳожати...  
Қўрқув қалбга солиб изтироб  
Қиз бошида турар Зораим.  
Тиз чўкканди, юраги қабоб,  
Ғам қуюни борар зўрайиб.  
У қувфинди илиқ кафтида  
Иситай дер қизнинг муз қўлин,  
Илимас қўл ҳаёт тафтида.  
Йигит ўйлар: «Чекинар ўлим!  
Жон қўлдамас. Оддий касалда —  
Тақдир урмас умрга болта!»  
Умид нури шундайки, гоҳо  
Маҳв бўлганни этади пайдо.  
Гарчи ҳамма-ҳаммаси маълум,  
Юпанмоқдан гарчи йўқ маъно,  
Умид нури қиласр табассум,

У сўнмайди юракда асло.  
Аммо ўлим париси шу он  
Ёяр жануб кўкида қанот.  
Қулоғига кирар бир фифон,  
Ишқ ҳоласи — аламли фарёд.  
Шу зум гўё чақмоқ мисоли  
Учиб келар мудҳиш фор томон.  
Қийноқлардан қилай деб ҳоли,  
Багишлий деб ҳаловат, ҳузур  
Қиз лабига у даҳшатли руҳ  
Босиб қўяр машъум бир муҳр.  
Бахш этолмас ўзгача шукуҳ.  
Зораимнинг турганин беҳол  
У фаришта сезмас эҳтимол.  
Шам нурида машъум қўзига  
Тўқнашгандা гезарган нигоҳ  
Оғир таъна уқади ногоҳ.  
Фариштанинг ёвуз қалбида  
Қўзғолади ачиниш ва зор.  
Жиноятни қилиб бўлди-да  
Ҳисоблади ўзин гуноҳкор.  
Борлиғидан Зораим жудо,  
Елғиз шу ёр эди қалб аро,  
Ўйларидан, ҳиссидан бутун  
Шунинг ишқи турарди устун.  
Мангаликка тушмиш айрилиқ...  
Йигилмасди, аммоки аён  
Азобланар, ўлгандан ёмон,  
Оқ докадай юзида қон йўқ...  
Пари англар, англамас нечун?  
Қиз лабига у босгач муҳр,  
Қийноғини этмасдан зоҳир —  
Тошдай қотиб тургандан кўра  
Йиғлагани яхшийди хун-хун.

Босиб кетар уни хаёлот,  
Эзгуликдан дилда ёнар нур.  
Бир ғарига қилса илтифот,  
Эзилганга бахш этса ҳузур  
Манъ этарми яратган раҳмон?  
Фариштавий руҳи-ла шу он  
Мурдага у бағищлайди жон.  
Мұйжиза бу! Тирилди сийна,  
Томирга қон жүнади қайта.  
Киприкларнинг қоронғусида  
Сеҳркор ўт ёнади қайта.  
Ҳаётда не азиз,— барига  
Марғ париси қилди итоат.  
Ақли сархад ошмас нарига.  
Ҳұкмида йўқ авалги журъат!  
Қизнинг хира хотиротида  
Кечмиш ўйи яшайди ҳамон,  
Учар юлдуз зиёсисимон  
Пайдо бўлар хаёлотида.  
Парвосизлик мазоқ туюлар,  
Кўз ўнгиди истиқбол — зулмат.  
Мангаликдай мангут туйгулар  
Жамулжамдир дилда бу соат.  
Қалб қувончин барини санам  
Яна ёрга этмишди фидо.  
Соф қалбидан ёвуз ўлим ҳам  
Этолмамиш ишқ ўтиң жудо.

Қирғоқдаги баланд қояда  
Денгиз сасин тинглар эди жим,  
Ёнбошида нозанин Ада,  
Хаёл сурар эди Зораим.  
Оқшом чоги қуёш тўккан зар  
Океанга бермишди жило.

Узоқларда сузган елканлар  
Кўринарди кўк туман аро.  
Шаҳло, қора кўзларини қиз  
Ошиғига қадагани он,  
Асов қалбда недир этди ҳис,  
Унда чақин ётгандай пинҳон.  
Ўзин тамом йўқотганча у  
Гарб томонга ташларди нигоҳ.  
Сўнг Адага бир қайрилдио  
Қўлин силкиб сир этди огоҳ:  
— Етар, чўлда кечган қисматим,  
Жонга тегди кимсасиз ҳаёт.  
Ўзим озод, тутқунда қалбим,  
Қалб занжирни этгуси барбод!  
Менга шараф косасин узат,  
Майли тўла бўлсин оғуси,  
Сесканмасдан симираман шод,  
Заҳармасми, қувғинлик ўзи!  
Ҳаётнинг бу заҳматли юкин  
Қолдираман барибир бир кун.  
Қалбим қанча-қанча йил ахир  
Маънисизлик ғами-ла толса!  
Оқибатда маънисиз қабр  
Бемаъни бир из бўлиб қолса?  
Шундай ўтиб кетайми? Оғир!  
Тоғ ортида, сўзимга тушин,  
Қалъа ичра тўплаб зўр қўшин  
Туарар икки подшоҳ ёвуз.  
Қизил шафақ очганида юз  
Саҳромизда янграп шиддаткор  
Уруш донғи, қилич жарангни.  
Бир подшоҳга бўлиб тарафдор  
Мен ҳам шунда бошлайман жангни.  
Аммо жоним, сен бунда қолиб

Қайтишимни кутмагил толиб.  
Қувлашган сув, тўлқин ғалаён  
Ейилару кенг денгиз бўйлаб,  
Сўнгра яна туғилган макон —  
Қамишзорга қайтгуси қуйлаб.  
Онт ичаман! Агар шон олиб  
Курашлардан қайтсак биз ғолиб  
Сенга олтин қилгум армуғон,  
Менга басдир фақат, фақат шон!

Фақат шунда бўлгум бахтиёр,  
Шунда тўқис яшаймиз дилдор.  
Биламанки, чин ишқ ҳечқачон  
Мард қиличга қилмайди нафрат.  
Қизғонсанг ҳам ёрингни, ҳайҳот,  
Барибир мен қон истайман, қон!  
Ишон: маккор, доғули қисмат  
Сололмагай дилимга даҳшат!  
Нечун кўзда ёшинг шашқатор,  
Нечун жоним, бунча оҳу-зор?  
Жавоб берар оҳиста сулув:  
«Сен соҳилда унган чечакни  
Кўрганмисан акс этганда сув?  
Дарё сокин оққанда пастда,  
Сунбул ҳам бош эгади аста.  
Бирдан шамол туриб субҳидам  
Тўлқинларни чайқатса агар,  
Шул чечакдан тушган соя ҳам  
Тўлқин билан бирга тебранар.  
Юлдузингга юлдузимни, бил  
Шундай тўғри келтирмиш қисмат.  
Сен тўлқинсан, мен эсамчи гул,  
Сен ғам чексанг менда ҳам ҳасрат.  
Йўқ, билмаймиз, не кечади ҳол,

Бу баҳтли он, бу баҳтли висол  
Сўнгги хушнуд дамдир эҳтимол?

Хушбўй гуллар нечун бу азиэ  
Водийларга таратади ис?  
Бу дунёниг ҳукмронлари —  
Одамларнинг ўзлари нечун,  
Ачимасдан сира жонлари  
Булғашади табиат ҳуснин?  
Гул-чечаклар топталиб нега  
Бўялади инсон қонига?  
Қуш ўрнига ўққа тўлар кўк,  
Қуёш юзи тўзон билан берк!  
Жанг сурони, кураш, тўпалон  
Булбулларнинг бузар оромин.  
Бегона юрт, ёт ўлка томон —  
Қочишига ким бўлар зомин?  
Учишади излаб тинч гўша,  
Қорищмаса қайдা гул қонга,  
Қайдаки гул топтолмас бўлса  
Кўчишади ўша томонга.

Чу!.. дўпир ва чанг қоплар кўкни,  
Жанг карнайин янграп нидоси.  
Яшин каби отилган ўқнинг  
Таралади машъум садоси!  
Кўкнинг зангор чўққиларидан  
Янги чиққан машъал чараклар.  
Қонли шуъла жилоси билан  
Жангчи қўлда чақнар яроқлар.  
Икки қўшин келару яқин  
Найзалардан учади чақин.  
Кўкка чиқарчуввосу сурон,  
Жангчилар ҳам гаранг ва ҳайрон.

Ҳайратлардан кучлироқ әди  
Юраклардан интиқом ўти.  
Жанг нақадар даҳшат, беомон,  
Булутларнинг ичида шу, чоқ  
Тўқнашгандек иккита чақмоқ  
Курашади ҳар икки томон.  
Жанг қизийди, оқар дарё қон,  
Ярақлайди қиличлар нурда.  
Судралади байроқлар ерда.  
Чувос солган қора аламон —  
Узра ўлим кўтарар Фифон.  
Мурда узра қалашар мурда,  
Сўнг бир қўшин чекина бошлар,  
Майдондаги музaffer қўшин  
Қувмас уни, тортина бошлар.  
Ваҳималар банд этиб ҳушин  
Қон, ўт кечиб әмаклар қочқин.  
Қолади бир аскар қуршовда,  
Аммо қочмас, қўзлари ёвда.  
Қалашганди мурдалар қатор,  
Тиклангандек жасаддан девор.  
У бир ўзи қолди саҳрова,  
У шоҳ әмас, ёки шаҳзода,  
Нигоҳида гарчи барқарор  
Ҳамиша бир ғурур ва виқор.  
Ногиҳоний, дугули бир ўқ  
Баҳодирнинг кўксини тилди,  
У гурсиллаб ерга йиқилди,  
Баданидан қон оқди илиқ.  
Йиқилганча чурқ этгани йўқ.

ТАРАЛАДИ МУЗАФФАР САДО  
ТОБУТ УЗРА ДОД-ФАРЁД ГҮЁ.

Кўтарганча тўзон, аланга  
Енидан ёв ўтар ҳар ёнга.

Юксак тоғда турарди танҳо  
Жангга боқиб нозанин Ада.  
Тикиларди юраги бежо,  
Ҳижрон уни этмиш афтода.  
Даҳшат, қўрқув, ғам тўлқинидан  
Чиқай дейди юрак қинидан.  
Кўз ёшининг қайнар булоги,  
Азобларди айрилиқ доғи.  
Жон олгучи бу кўзлар ҳаққи  
Ким шуҳратдан кечмас эди воз?  
Зораимга ҳечдир қиз ишқи,  
Қонли йўлга қўйди у ихлос!  
Қай әзгулик дуч келса, тентак,  
Ҳаммасини топтадинг бешак.  
Адага бахш этмоқлик-чун жон  
Марг париси бўлиб меҳрибон  
Ўч олмоқдан тийди-ку ўзин.  
Енганингда ғам оташида  
Қурбон қилиб кайфу сафосин  
Қалбингга бахш этди нашида.  
Қиз ялинса қилмадинг парво.  
Эй дарбадар, сенинг шу қадар  
Пуч, хавойи орзуларингдан  
Шу гўзаллик париси раъно  
Эмасмиди азиз ва аъло?  
Илож қанча, кутмоқда Ада.  
Сукут босмиш бутун саҳрони  
Қувишганча жўнайди душман.  
Чавақланган жасадлар билан  
Тўлиб ётар уруш майдони.  
Кошки юпанч париси шу пайт

Келтирсайди жаннатдан мужда.  
Етиб ортар ердаги даҳшат,  
Булар оҳин тингламоқ қайдада...  
Қуёш ботар. Ада интизор,  
Ҳарёқ жимжит, ҳамон келмас ёр!  
Қиз кезади хомуш водийда,  
Ваҳималар қўзин олдида.  
Зўрга юрар жасад оралаб  
Дор тагида бегуноҳ каби  
Дилда қўрқув, умид аралаш.  
Тўлқинланар масъума қалби.  
Ниманидир этгандайин ҳис  
Қайтмоқ бўлар орқасига қиз,  
Аммо қалбда ёнган муҳаббат  
Даф этар дуч келса ҳар даҳшат.  
Қон қолмаган юзида асло,  
Эгилганди боши ҳам қўйи.  
Туарди у гезарган кўйи  
Гўристонда тургандек гўё.  
Қайда ёри? Бўлдими қурбон?  
Кимдир бунда ингради нолон?  
Оёгининг остида ётган,  
Ўқ еган ким, қайси ярадор?  
Ким бу қизнинг қалбин титратган?  
Чор атрофда жасадлар — девор.  
Ким қилмоқда бунда жон таслим?  
Ҳайҳот! Ҳайҳот! Экан Зораим!  
«Шундаймисан, сенмисан Ада,  
Васлинг тутмас шодлиқдан бода!  
Бу фусункор қўзларинг, ҳайҳот,  
Уруш вахмин кўрай дер наҳот?  
Йўқ, уларни овутмас ўлим.  
Севгинг ҳаққи мени, севгилим,—  
Излаб келдинг, ҳосилми мурод?

Қон истадим, кўрдим оҳ, ҳайҳот!  
Яқин қолди сўнгги нафасим  
Сўнгра мангу жим ётаман, жим...  
Ҳаммасиңга гуноҳкор ўзим  
Тақдир бошга солади ҳижрон,  
Қўлингни бер, чўчитмасин қон.  
Ҳузурингда айборман, айбдор!  
Тул қоласан, афв әтгил, дилдор!  
Қондошларинг топилмас санам,  
Ва ўзганинг қучоғида ҳам  
Бўлолмайсан сира баҳтиёр,  
Кимга толе кулар икки бор?

Оҳ, бўсангга бунча бердинг тот,  
Яширмасанг бунча ҳарорат?  
Аммо ҳаёт баҳш эта олмас,  
Иэтиробда ўртайди халос.  
Бир вақтлар эдим баҳтиёр,  
Унутолсам розийдим минг бор  
Мавжудлигин ҳатто ҳотирот!  
Сезаяпман, қалбимга ажал  
Муз чангалин солмоқда жадал.  
Қирчинимдан қийилдим, ҳайҳот,  
Агарда у бадкирдор қисмат  
Қўймаганда орзумга тузоқ  
Сукунатда, денгиз бўйида,  
Оҳ сен билан саир этиб узоқ  
Яшар эдим ҳаёт қўйнида,  
Ўз юртимда әканимда ман  
Ҳамма қойил қолган донишманд.  
Айтганники, овоза билан  
Бир кун шуҳрат таратармишман.  
Таралган ҳар дабдаба, сурон  
Такрорлармиш номимни ҳар он.

Аммо... йироқдаги күйсимон  
Эшитилмай қолди сўзлари.  
Холсиэланди, кетди ҳушидан  
Нурсиэланди бирдан кўзлари.

Уни қаттиқ кучиб турар-да  
Сўзларини тинглолмас Ада.  
Қучарди қиз, қучгани замон  
Кета бошлар ўзидан дармон  
Бўсалари шунча бемаъно,  
Гўё бўшга учган бир овоз.  
Қабр учун зарурми зиё,  
Этармиди азобдан халос.  
Йироқ эди осмон гумбази.  
Чарақларди само юлдузи.  
Мудом бир хил унинг жилваси,  
Ва ҳамиша тиниқ ёғдуси.  
Юлдузлар ўз шуъла, нурларин  
Қайга тўкар — йўқ ҳеч парвоси.  
Нурларига кўмиб мурдани  
Ўйноқларди олтин жилоси.

Қизнинг сўнгги нозига бекор  
Жавоб бермоқ бўлди Эораим.  
Вужудида қайғу, зор қоим,  
Эҳтироси сўнмиш беқарор  
Үт ёқолмас кўз ёш булоги,  
Муз сингари совуқ яноғи,  
Ярасидан томар эди қон.  
Ваҳм туннинг арвоҳисимон  
Боши узра доира қуриб  
Айланади калхат ҳайқириб.  
Йироқ нурга боқди у маъюс,  
Боқди қизнинг ёниқ кўзига.

Сал қўэғалиб, қимиrlади суст,  
Ва энтикди. Келмай ўзига —  
У жон берди. Гезарди лаби...  
Оқарганди тим қора кўзи.  
Дунёда не бўлса ваҳмали  
Ҳаммасидан аянчдир юзи.

Кимникидир бу туман соя,  
Йўлдан тойган шуъладай гўё  
Интилади тинмай самога  
Чўлпон сари — арши аълога!  
Шул соядан тун зулматида  
Анчагача олов из қолар.  
Гардишсимон ерниг устида  
Тождай порлар кумуш шуълалар.  
Марг парисин ачимас жони,  
У ҳамиша бебаҳо, фоний —  
Ўлим билан ўзин этар шод,  
Ер кишани, ғамидан озод.  
Қиз танини хок этади у,  
Самоларга тўзғитади у.  
Нени суйган бўлса ерга хос  
Уни кўкдан топар, суяр боз.

Ҳамон ўша ҳукми ва йўли,  
Ҳеч қилиғи ўзгаргани йўқ.  
Тушдаги бир шарпадай бўлиб  
Ғам тўлқини кечди сип-сиаллиқ.  
Аммо ерга нисбатан фақат  
Қолдирди у совуқ бир нафрат.  
Қурбон бўлган дўсти учун у  
Мавжудодан ўч олмоқ бўлар.  
Ўзгаларга у сочган оғу  
Дўстга меҳр бўлиб туюлар.

Ҳамон ўша, ўшадир мудом,  
Ҳаёл янглиқ қоқару қанот  
Йилу аср, мангуликни ҳам  
Бир нигоҳда ўлчар у, ҳайҳот!  
Марғ париси ҳали ҳам ўша,  
Ҳайрлашар лутф, таъвозиша.  
Англади у: «бўлмоқ-чун ҳамдард  
Лойиқ эмас одамлар асло.  
Инъом эмас, энг сўнгги дамда  
Жоиз бўлур уларга жазо.  
Улар ёвуз, маккор ва қаттол,  
Эзгулиги нуқсдир ҳатто.  
Ёшлиқданоқ яшарлар забун...»—  
Деб ўйлар у, ўйламас нечун?

Шундан бери унинг шум, машъум,  
Ва муқаррар нигоҳи даҳшат,  
Кўз қири ҳам қиличдай ваҳшат,  
Саломлари эса бадхазм...  
Юрак қиндан чиқади фақат...  
Қучишлари нақ муз бўлади,  
Бўсаси ҳам муздир лаънати!..

# САШКА

*Ахлоқий поэма*

## 1

Аянч ва кулгили бизнинг замона,  
Унга қатлу занжир, қувгинлардан ёз,  
Диллар қора мавжин чизган ҳамона  
Фақат әшитасан мунг, дардли овоз.  
Ким уйқу-оромга бўлса бегона,  
Хаёл, ҳотиротга банда бўлса ким,  
Бу гап ўшаларга маъқулдир балким.  
Мен ҳам бу балога бўлгандим дучор,  
Фақат кўзларимга етказдим озор.  
Энди мен бўлакман. Қуйлайман бегам,  
Куламан.— Қувноқдир қаҳрамоним ҳам.

## 2

У билан дўст әдик. Гамдан ҳоли дил,  
Туйғулар ва пуллар ўртада баҳам,  
Бир ойга қарз олиб, чўзарди бир йил,  
Жаҳлим чиқмас әди бунга зарра ҳам.  
Навбат етгач, мен ҳам қиласдим шу хил;

Дарди бўлса менга айтарди дарҳол.  
Кўзга кўринмасди бўлганда хушҳол.  
Зериккандা менга бор орзуларин  
Яширмай, сенсираб сўзларди барин.  
Мақтар, кўпга манзур ҳислатимни у,  
Кадрилда келардик доим рўбарў.

## 3

У билан дўст әдик. Ундай дўст қайдада...  
Тинч ухла ўрнингда, Саша азизим!  
Қалбинг ёт далада, бегона жойда  
Хотирам қабрида ётган сокин, жим  
Дўстлигимиз каби бўлсин авайда.  
Сен ўлдинг кўплардай бешовқин-сурон,  
Бироқ қатъий әдинг. Сирли бир армон  
Ҳатто кўзларингни юмган маҳали  
Сенинг манглайнингда кезарди ҳали;  
Ўлар чогингдаги айтган сўзингни  
Ҳечким тушунмасдан, юмдинг кўзингни.

## 4

Балки она-юрга топширдинг салом,  
Е бирор дўстингнинг номин қилдинг ёд.  
Ехуд ёш умрингдан ўқинч бир калом,  
Еки жон узилиш олдидаги дод?—  
Қандай англаш керак? Ташвишда мудом  
Ўтган ёш юракни бундай соатда  
Нечук ҳислар чулғар экан одатда?  
Буни ёлгиз дўстинг тушунар эди,  
Қўлига қаламни оларкан энди,

Ёзар саргузштинг, орзу, ишингни,  
Ибратлаб дунёга бор қилмишингни.

5

Азиз китобхоним, бардош қил, бардош,  
Одам, Ҳавво насли бўлсанг ҳам ахир.  
Балки бамаънисан, балки бир бебош,  
Сабр қил, барчасин сўзлайин бир-бир!  
Эски ўлчовлардан мен тортмайман бош,—  
Чунки кексаларга ҳурматим улуғ,  
Ҳозир қаён боқма, қарига тўлиқ...  
Кимки ўнсаккизда бўлмабдикчи чол,  
Дунёни кўрмапти дейвер bemalol;  
Лаззат ҳақида у әшишган фақат,  
Фақат бино бўлиб кўрган машаққат.

6

Дўстим москвалик, шу важданми ё  
Ёқмас менга Нева, Нева тумани.  
(Гувоҳ бўлаолур сўзимга дунё)  
Унда вақтичоғлиқ — ҳамён душмани,  
Меҳнат — рус ақлинг әгови гўё.  
Худди фин кўрфазин қирғоги мисол  
Унда ҳаёт нопок, бўм-бўш, хафақол.  
Москва бошқача. То борича жон,  
Унга содиқман деб ичажакман онт.  
Орзу ва саодат кунлари илк бор  
Мен унда севгидан бўлдим bemador.

7

Москва, Москва!.. Содиқ бир фарзанд,  
Бир русдай севаман ўтли, мустаҳкам.

Улугвор бастингга дил мангу пайванд,  
Севдим кунгурадор Кремлингни ҳам.  
У маккор ҳукмдор сендан еди панд,  
Беллашиб қўҳна рус половони билан  
Беҳуда ҳийла-ю ёлғони билан  
Сени йиқмоқ бўлди, кучанди бекор,  
Силкинишинг билан жон берди гаддор!  
Оlam ҳайрон қолди... Шарафга тўлиқ  
Барҳаёт турибсан абадий, улуғ.

8

Барҳаётсан!.. Борсан, ҳар тошинг ҳатто  
Авлод-авлодларга бебаҳо мерос.  
Миноранг остида, сояда гоҳо  
Мафтун кузатардим, дил тўла ихлос:  
Зах кавакда моҳни ўйнар нур-зиё  
Тепадан, инидан чиқиб қалдирғоч  
Пасту баланд учиб, чарх уриб қийғоч,  
Бош узра чуғурлаб парвона әди,  
Одамларга тамом бегона әди.  
У эркин қушларга боқиб ҳавасда,  
Эҳтиросга тўлиб турардим пастда.

9

Файласуф әмасман — сақласин әгам! —  
На бир хаёлкашман. Қуш учса қўриб,  
Болалик чоғидай, қўлтиқда ўпкам,  
Ортидан чопмайман елиб-югуриб.  
Эй, илҳом париси, одимла илдам,  
Бўялган саҳфалар қолсин йўлингда!  
Тўғри чоп, бурилмай ўнгу сўлингга...  
Энди Кремлдан жўнаймиз қаён?

Дарвозаси кўпдир, олам бепоён!  
Қайга? «Пресняга отингни бургил!»—  
«Кампир, қоч!.. Югурдак, четроқдан юргил!»

10

Қишки булатларда кезиб юрар ой —  
Варяг қалқони ё голланд пишлоги.  
Ташбеҳим дадилдир, чунки, ҳойнаҳой,  
Зодагон наслиман, ахир, бир ёғи.  
Тун посбони ногоҳ чўчиб, пойма-пой,  
Уйғониб, будкадан солади ғулу:  
«Кимдир у?»—«Бу муз!»—«Қандай шайтон у?»  
Жавоб ийқ. Ҳовуз ҳам кўринди шу чоғ,  
Кўприк ҳам оқарди, икки ёнда боғ  
Қалин қиров босиб, ухларди ҳорғин;  
Темир панжарада ой нури ёрқин.

11

Фриз шинелида, улуғвор тусда  
Енгилтак сайрчи, ширақайф ўғлон,  
Телба-терс босганча борар оҳиста,  
Панжара темирин ушлаган ҳамон.  
Панжара тугади. Оёқ остида  
Ғирчиллаб қолади изи тушган қор,  
Гул ўйилган мармар янглиғ нақшинкор.  
Кулбалар занжири чўзилар йироқ,  
Узоқдан лип этди у таниш чироқ.  
«Қани, қордан кетдик, музам, ҳушёр бўл.  
Этакни баландроқ тутганинг мақбул».

218

Дарвоза ғижирлар. Ҳовли зим-зиё,  
Пахтадан юрмоқлик жуда ноқулай.  
Мана зина, даҳлиз; кўп жойни, аммо,  
Қор босган. Оёқни шарт тойдургудай  
Шалақ зиналарки омонатнамо.  
Ичкари киришар. Кўзга урар нур,  
Йўғон оқсоч хотин, чимрилиб, қурғур,  
Меҳмонлар йўлини тўсиб бемалол,  
«Сизга ким керак?» деб беради савол.  
Муносиб жавобни эшигтан ҳамон  
Эшикни қарс... ёпар... сўкиниб ёмон.

Биз шунга қарамай кирдик ичкари,  
Музяю шоирга очиқ барча йўл.  
Шайтон ҳамма уйга кирган сингари  
На наъқиқ, на сеҳр бунда келар қўл.  
Столнинг ёнида мисоли пари  
Куйманиб ўтириар қўш соҳибжамол,  
Соҳибжамолларки, кўзни этар лол!  
Бизнинг аёллардан бир нарсани сиз  
Билиб олмоқликни унутманг ҳаргиз:  
Қишлоқ ва пойтахтда қай бири афзал —  
Қиз бўлган тузукми ё бўлмоқ гўзал?

Стол атрофида соҳибжамоллар  
Ўтириб картада очишарди Фол,

Келажак ҳақида эзгу ҳаёллар.  
Бир умид уларга кўринар яққол  
(Бизга ҳам кўринган бу хил иқболлар).  
Титраб ёнар эди стол узра шам,  
Баъзан ёлқинланиб кетарди бир дам  
Шифту деворларни мунаввар қилиб,  
Бурчакда бутларни олтин-зар қилиб.  
Бут узра эгилган тол япроқлари  
Олтин рангга кириб бир ярақларди.

15

У икки гўзалдан бирин, айтайн,  
Тенгсиз деб бўлмасди, аммо униси...  
О, тушда кўрганмиз фақат бундайин  
Бизни забт этганда жаннат уйқуси!  
Деворга бошини сал эгиб, майнин,  
Столга тикилиб кўзлари — жоду,  
Бир қадар бемалол ўтиради у.  
Карталар орзудан берса башорат,  
Дикқат-эътиборин бўлмай, шу ҳолат,  
Дугонасин айтган ҳар бир гапига  
Аранг жавоб берар ё «йўқ», ёки «ҳа».

16

Ажиг бир дилором эди у санам,  
Поляк паннасининг байни ўзи;  
Муносиб тушарди унга жуда ҳам  
Мағрур бир ифода акс этган юзи.  
Сусанна мисоли, ноодил ҳакам  
Қархисигта дадил боргудай, совуқ,

220

Бепарво бир ҳисга нигоҳи тўлиқ;  
Бундай омухталик саналмас қусур,  
Чунки, ишонингки, отаси қурғур —  
Жуҳуд әди. Онаси Прага ёқдан,  
Польшалик. Бу гаплар ҳоли чатоқдан.

17

Прагани Суворов этганда қамал,  
Жосус бўлган унинг отаси бизда.  
Польша мундирида билдирамай, бир гал  
Истеҳкомлар бўйлаб сайр этган кезда,  
Бевақт дайди ўқдан етибди ажал.  
Кўпладар дейишган ўшандада: «Афсус,  
Калтакдан ўлмади у бадбаҳт жосус!»  
Беш ойдан сўнг унинг бева хотини  
Бир қизча туғдию қизнинг отини  
Тирза деб атади. Бу ажойиб ном  
Бир корнетдан бўлмиш уларга инъом.

18

Жулдур кийимларда ўсли бечора,  
Жаҳолат қўйнида улғайди, эссиз.  
Кўримсиз бир ўтдай, дили юз пора,  
Яхши-ёмон нима, билмай ўсли қиз.  
Аммоқи ишқ фасли етиб, шу ора  
Қайси бир бандаси икки сўз қотди,  
Қиз унинг бағрига ўзини отди;  
Орадан олти кун ўтди-ю, ҳайҳот,  
Жонига тегдӣ ў кароматля ёт;  
Хато қилмайин деб, ўшандан бўён  
Барчага табассум этар армуғон.

221

19

Тумандай тарқалиб ишқ орзулари,  
Хар нарсадан унга эрк бўлди азиз.  
Алдоқларга алдоқ бўлди ҳунари,  
(Шундай эшигтганмиз буни сизу биэ).  
Кескин ифодали юз белгилари  
Жанубга хос эди; ҳамда барқарор  
Бир ўт ёнар кўзда; ёрқин, беғубор  
Бир шабнам қоплаган, паришон нигоҳ.  
Худди юлдуз шундай кўк юзида гоҳ  
Сайр этар,— бу сирли, оғир ва пинҳон  
Юрак дардларидан эди бир нишон.

20

Бу мубҳам қайғулар ўрнини ногоҳ  
Этталаб оларди қувонч, эҳтирос.  
(Бу хил дардни бермас ҳар кимга оллоҳ)  
Кўкраклар мавжланиб, ўт жанубга хос  
Бир оташ рухсорин яшнатар; оппоқ  
Инжу тиш ҳалқаси тез-тез очилар,  
Бошларин кўтарар, муаттар соchlар  
Навжувон чеҳрани босар паришон,  
Майнин, қора тўлқин бағишларди жон.  
Оёқчаси ўйнаб нотинч, беибо  
Тизгача очилиб қоларди гоҳо.

21

Кулиб юз ноз билан, қувнаб, ишвакор  
Ўринга чалқанча ташларкан ўзин,  
Юрагин англамоқ әмасди душвор,

222

Аммо ўзидан у хабарсиз бутун.  
Боладай ўйноқи қалбга гул рухсор  
Бүйруқ беролмасди. То келиб бирор  
Журъат, меҳр билан бу дилга олов  
Солмагунча оғир... Шундай қаҳрамон  
Келдими ёки йўқ, бу гап даргумон,  
Балки кутилмоқда, билиб қоламиз,  
Вақти билан барин билиб оламиз.

22

Дугонасига ҳам ўтайлик, ахир,  
Манзара мукаммал бўлмоғи учун.  
Уларни яқинда дуч этди тақдир,  
Лекин дарддош чиқди диллари бутун,  
Неки ўйласалар, ўйлари ҳам бир.  
О, агар билсангиз, қанчалар аъло,  
Пок ҳис бўлар бу хил қалбларда! Аммо  
Диққатлар ялтироқ мода билан банд,  
Оҳ уриб, изидан чопсак-да харчанд,  
Афсус, дўстлар, сўраб сўнг биламиз-ку,  
Мода дўконидан қарз... гўзаллик бу!

23

У ҳам нафис, лўппи ва қордай оппоқ,  
Шодмон кулганида, юрганида ё  
Бўйни, кўкраклари ва ўтли ёноқ  
Еқимли титрарди; иффат ва ҳаё  
Бу, тантиқ ҳуснга қурбондир. Бироқ  
Бешармона башанг, кенг-мўл юбкаси,  
Қабариқ кўксию очиқ елкаси

223

Кўрганнинг дилини ёндирар эди,  
Ёндириб, кўзини тиндирар эди.  
Бутун санъатини қилиб намойиш,  
Туйғуларга бермас зарра осойиш.

24

Исми Варюшадир. Мен бўлсан, ҳайҳот,  
Унга бошқа бир ном истардим аниқ:  
Дўстларим, бу номни эшигтан заҳот  
Оёқ ости бўлган бир илон янглиғ  
Дилимда вишиллар машъум хотирот;  
Ва ўша шум илон — харобасимон  
Юрагим ичидаги ўрмалар ёмон.  
Шунда сукут ичра ёнаман ғамгин,  
Е ер тепинаман сўкиб уй ичин.  
Бу балодан қочиб, энди атай биз  
Варяни Параша дея атаймиз.

25

О, кечмиш йилларнинг телба уйқусин  
Кулиб такрорлашга созим ожиз, лол!  
Қадимий мурдахўр рўдапо тусин  
Қайғу сувин сепиб тирилтган мисол  
Даҳшат-ла хотирот кўрсатди юзин  
Ҳамда қамраб олди фикримни... Наҳот  
Ўтган шунча йиллар, серғусса ҳаёт  
Сурмабди кўксимдан унинг ёдини,  
Шаҳло кўзларини, барно қаддини?  
(Кейинчалик, дўстлар, бўлайки иқрор,  
Ундан афзалларин кўрганман бисёр.)

224

**Жуда кўп йиллардан азоб-изтироб**  
**Ҳукмини юргазди менга то шу дам;**  
**Аммо илк ҳаяжон садо берган тоб**  
**Кўксингни тарқ этмас,— ташвиш ва алам —**  
**Булатлари босиб, бўлганда бетоб,**  
**Гўё тунлар кўкда булат кўчганда,**  
**Қалдироқлар ваҳм солиб учганда,**  
**Уларнинг дўқидан қўрқмай, bemalol**  
**Кўкдан шуъла сепган бир юлдуз мисол,**  
**Ожиз ақлим дардан абгор кезлари,**  
**Шафқат-ла боқар менга унинг кўзлари.**

**Ўй суриб ўлтирас иккита жонон**  
**Ёниб бўлаёзган шамнинг олдида.**  
**Уларни чўчитиб қўярди бўрон**  
**Ёқимсиз чийиллаб тишда — ҳовлида,**  
**Сиздай зерикканди улар ҳам обдон...**  
**Шу пайт ташқарига бирдан ит ҳурди,**  
**Қопқанинг зулфини кимдир тушириди.**  
**Товуш эшитилар... оёқ шарпаси...**  
**Зинадан бировнинг келар нафаси...**  
**Параша қўзғалди ва эснаб олди,**  
**Стулдан қулашга салгина қолди.**

**Тирза ташқарига югурди шу зум.**  
**Эшик очилдию ўсти боши қор**  
**Меҳмон кириб келди... Кулгили таъзим...**  
**Чопғаними, ҳаяжон қилганданми кор**

Стулга гурс тушди... Ошиқона разм,  
Меҳрибон қўл билан Параша бирдан  
Меҳмоннинг плашчин ечдию, бир дам  
Ипак соchlарининг қорини қоқди,  
Меҳмон Парашага, чамамда, ёқди...  
Ёшлигу гўзаллик хушдир ва фойда,  
Манфаати тегиб қолар ҳар жойда.

29

Сочлари тараған силлиқ ва башанг,  
Эпчилиди, дид билан кийинганди у.  
Галстук балдагидай тортилган таранг,  
Бармоқда узуклар сочарди ёғду.  
Йигирма ёшга ҳам етмаган; қаранг,  
Нозик ёноқлари ва пешонаси  
Заъфарон — бу балки дард нишонаси,  
Шундай из қолдирган балки қайғу-ғам,  
Бу тус таниш эди кўпдан менга ҳам.  
Лабларида илон заҳридан ортиқ —  
Бир киноя мудом титрарди аччиқ.

30

Кўриниб туарди, кичик ёшлиқдан  
Бадавлат муҳитда униб-ўсгани.  
Бир қисм тунлари шум бебошлиқдан  
Паркет топташ билан ҳайфга ўтгани,  
Холимас қолгани ҳам ўйнашлиқдан...  
Тез англаш мумкиндир: ғамгин ва ошкор  
Қарашида нафрят, кибру ҳаво бор;  
Бирор бефаҳм турк ё бой лорд янглиғ

226

Мағрур әмаслиги бўлса-да аниқ,  
Ҳар ҳолда, қўшоёқ зотилар адо  
Ўзини кўплардан тутарди доно.

31

Ғурур туғдиради курашмоқ. Аммо  
Осон енгилмайди инсоний бидъат...  
Йўлбарсу айиқни йиқмоқ муаммо —  
Эмасдир қошида. Берганда нисбат:  
Ўнгайдир душманни маҳв әтмоқлик ё...  
Онталар ичаманки, зўр даҳо керак  
Бидъатни отмоқ-чун мисоли кўйлак.  
Худо амри билан бамисли шимол  
Жануб бўлса мен устим ечганим мисол.  
Ҳозир аксинча бир хавф юзланмоқда:  
Нева эrimай, Неаполь музламоқда.

32

Ким бўлди бу меҳмон? Pardon, сабр этинг!  
Фаромушлик... таниб олурсиз ҳозир:  
Дўстим, қаҳрамоним — Сашка!.. Афсус денг  
Шундай вазиятда, шу лаҳза тақдир  
Сизни учраштириди... Ишонинг, минг-минг  
Унга мен таъкидлаб келганман мудом  
Бундай «сайр»ларнинг этишин бадном.  
Сўзлардим, тингларди бериб эътибор,  
Лекин оқшом чўкса — шу ерда тайёр!..  
Насрий насиҳатдан кўра, назмда  
Уни улуғламоқ мақбул, наздимда.

227

Қаҳрамоним Сашка галстугини  
 Оҳиста ечади... «Сашка» — эски ном!  
 У «Сашка» кўрмаган нашр юзини,  
 Етилмай қувғинда сўнганди тамом.  
 Сашкамиз бу номда билар ўзини,  
 Дўстлар аро бошқа йўқ бу хил исм:  
 Яхшими-ёмонми бу, дўстлар билсин.  
 Галсугтгин ечиб, манглайн силар,  
 Чимрилиб, фаромуш бир ҳолда сўрар:  
 «Қани Тирза?»— «Уйда».— «Кўринмайди-ку?»—  
 «Ухлаяпти»— «Оббо, уятсиэлик бу!»

Шошиб оромгоҳга киради йигит,  
 Бунда Тирза билан ишқ ўйинида  
 Бедор тунлар ўтган... Ҳаммаёқ жим жит,  
 Сирли, оҳанграбо кеча қўйнида.  
 Олтин ой ойнадан боқиб бир тахлит,  
 Нури кўзга урар, ойнага қўнар,  
 Муз нақшида заррин учқунлар ўйнар.  
 Мовий ёғду билан безаниб девор  
 Ҳаёлни тортади кўркам, шўъладор.  
 Менинг Сашкам секин қулоқ солади,  
 Кимдир тўшакда тин нафас олади.

Қўлин ҳаяжонда узатар,— лекин  
 Деворга тегиб, чўзар бу қўлинни ҳам,—  
 Панжалари учин пийпаслар секин.

Сўнг болдирин тутди: о, юмшоқ, кўркам  
Нозик пойга озор етмадимикин?—  
Деб Сашам бир нафас ўйланиб қолар,  
Ўзин беихтиёр койиб ҳам олар.  
Аммо ўрмалар қўл қурғур юқори,  
Мана тиззачаси... ва ундан нари...  
Мана — кулаяпсиз етмай турибоқ,  
Кўлингизга тегди қўш чўққили тоғ...

36

Бебаҳо дақиқа! Ўтдир нафаси,  
Александр эгилар қизнинг бошига.  
Муҳрдир кўксига оташ бўсаси.  
Белидан қучоқлаб, тортар тўшига.  
Ўзини унудиб, ёниб муттасил  
Йигит ўйлар эди: «Тирза қадрдон!  
Ҳаёт, туйғу билан ўйнашиб хандон  
Бўлдим одамлардан сен каби йироқ,  
Сендай ёлғиз қолиб эрк билан ҳар чоқ,  
На бирор дўстим бор, на душманим бор,  
Сендай яшаш аҳдим, англагил, дилдор!

37

«Кечак тақдир бизни қўшди дафъатан,  
Эртага дафъатан ажратур мангу,—  
Бир йилми, бир кунми, бир дамми... зотан  
Сен-ла бирга бўлмоқ энг буюк орзу...»  
Қора кўзларини ҳеч узолмасдан  
Энтикиб боқарди... у тенгсиз барно  
Елғондан уйқуга чўмганди гўё.  
Гўёки уйғониб қолар-да ногоҳ,

229

Саросима ичра тўлғанар... эвоҳ...  
(Чўчиш ва таажжуб бундай соатда  
Хотинлар жонига аро, албатта.)

38

Апил-тапил кўзин қўл билан артиб,  
У сўради: «Кимсиз?»— «Мен, сенинг Сашанг!»--  
«Саша бўлса нима?! Оббо бетартиб!  
Жўна, кўпдан кутиб ётар Парашанг.  
Тўхта, мен уйғонай, қасдим олай», деб,  
Йигитнинг қўлидан ушлаб олди у  
Ҳамда жаҳл билан тишлаб олди у,  
Эй, палид танқидчи, қайрама тишни,  
Тишлашдан фарқ қилгин олдин ўпишни, |  
Шундай оғизлар ҳам борки дунёда,  
Тишлаши асалдан бўлар зиёда!..

39

Тирзани кўрганда агар Сулаймон  
У билан безарди балки тахтини.  
Оёғи остига ташлаб бегумон  
Қонуну салтанат, шону баҳтини...  
Демасман бу сўзим қатъийдир, ишон!  
Ҳукмдорлик эмас менинг насибам,  
Улар саховатин қайдан билдим ҳам?  
Аммо шарқнинг қадим афсонасини  
Эслатган дилбари — жононасининг  
Ёноғин, кулгисин, қошу кўзларин  
Дунёга алишмас эди Сашкам, чин.

230

«Қайдан пайдо бўлдинг»— «Сўрама, жонон!  
 Балда эдим!»— «Балда! Балинг нимаси?»—  
 «Эй, нодон! Бал — шовқин, ғовур-тўполон,  
 Ақлсиз шаҳарли мастлар тўдаси,—  
 Сирти ялтираган, алдамчи макон;  
 Кўз-кўзлаб айланар қизлар либосин,  
 Бозорга солишар кўзу овозин.  
 Бири-бирни, бири — мингларни асири —  
 Қилишар... Уларга бермаганман сир.  
 Қанчалик севмайин вақтичоғлиқни,  
 Ой гувоҳ, юрагим сенга боғлиқдир».

Қалб тушиб янги бир ҳисга, тўлқинга  
 Тинглар яҳудий қиз унинг ҳар сўзин.  
 Аввал кулгилидай туюлар унга  
 Шаҳар гўзаллари... сўнг тутиб ўзин,  
 Шундай бир фикрни олар тугунга:  
 У ҳам рақсга солиб бор малоҳатин,  
 Титратса бўлар-ку әркаклар зотин.  
 Баланд ойналарда кўриб жамолин,  
 Бегараз ҳасад-ла гўзаллар ҳолин —  
 Танг этса бўлар-ку ва олам аро  
 Довруғ солса бўлар, мағрур ва барно.

Йигит-ла жипслашар. Шу тахлит япроқ  
 Бутоққа ёпишар бўронни кутиб.  
 Ним очиқ лаблари олов сочароқ,

(Қалб болғадай уриб, ўзни унутиб)  
Нелардир шивирлар. Бошдан то оёқ  
Ловуллаб ёнарди. Таранг, ёш қўқрак  
Олмадай қалқарди, тебраниб қўйлак,  
Кўқракда Сашканинг қўли кезарди,  
Майнин ва беозор уни әзарди...  
Найлайнин, ҳаёнинг илгин тутаман,  
Бир соатлик гапни ташлаб ўтаман.

43

Үй ичи жимжитдир. Оқ булат қаг-қат  
Тўлин ойни пардага ўраб келарди.  
Тунги чигиртканинг овози фақат  
Аҳёнда нолишдай эштилади;  
Қайси бир бурчакда сичқон бетоқат  
Қитирлатар эди обой қоғозни.  
Менинг қўшоқларим ишқ-эҳтиросни  
Ўриннатиб ётар айш қўйнида маст,  
Тонг отиб қолишин ўйлаб ҳам кўрмас...  
О, бундай тунлардан ўнтасини сиз  
Умрда кўргансиз, ё кўрмагансиз...

44

Сукунатни Тирза бузади шу дам,  
Дер: «Тингла, азизим, ҳазилларни қўй!»  
Бўлар-бўлмас гапга берайлик барҳам,  
Хаёлимга келди ғалати бир ўй:  
(Бағрига босади йигитни маҳкам),  
Не бўлар, бебаҳом, жон қадрдоним,  
Ором олсин десанг менинг ҳам жоним,

232

Театрга элтсанг эртами-индин,  
Елғиз илтимосим шу эди сендан.  
Биламан, сен учун мушқул әмас бу,  
Сўзимни қолдирма, бир армоним шу».

45

«Майли!»— дея Саша беради жавоб,  
Тирза сўзин чала әшиитди гарчанд.  
Қамиш пояни қуш этгандай, шу тоб  
Үйқу оғушида бўлган эди банд.  
Ҳавасим келади унга! Мен хуноб —  
Бедор ўтказаман кўп кечаларни,  
Гўдакликдан топдим бу оғир дардни.  
Қалбда шу хотирот... қайноқ болишим,  
Ўт бўлиб ёнади манглайим, бошим.  
Ўйларим бемаъно изғир, довдирап,  
Рус қашшоғи янглиф дайдир, жовдирап.

46

Бир пайтлар Саулни қийнаган бало —  
Очкўэ қурт қалбимни кемирар ёмон.  
Арфа торларидан юксалган садо  
Сирли парвоз этган бир малаксимон  
Саул жонига сал кирган-ку, аро,  
Кўзғатган қўз ёшу ишонч ва орзу,  
Ўт ёнган қабогини юма олган у.  
Куй билан ўйлари топганда шукуҳ,  
Унга йўлолмади ҳатто ёвуз рух.  
Энди оламда йўқ ундейин садо,  
Сеҳрли арфа ҳам йўқдир мутлақо.

233

Барчаси йўқолар. Ишончим комил,  
 Бизнинг нурсиз дунё — бошқа бир йироқ  
 Олам қабристони, холос... минглаб йил  
 Асрлар жангидага соғ қолган тупроқ,  
 Сўнг олам уфқига бўлгандир восил.  
 Оташ либос кийган кўп сайдералар,  
 Еримизга оға-ини саналар.  
 Уларнинг ҳәётбахш таъсирини биз  
 Сезиб турамиз шу қардошлиқ боис...  
 Тўқнаш келсаларми, дейман, мабода  
 Бир сиқим кул қолгай бизнинг дунёдан.

То ўша дамгача порлашсин, майли,  
 Тунги фаришталар чироғисимон.  
 Бешак, тугаб бир кун ҳавоий сайли,  
 Уларнинг жумбоги ечилар ёмон.  
 Ер жимжит, осмон соғ бўлган маҳали  
 Кўнгириоқхона ё бирор чўққидан  
 Боқардим уларга кечиб уйқудан,  
 Утли занжирларин севиб тобора,  
 Ўйлардим, ер билан юлдузлар ора  
 Бор шоир қалбига томон нурли йўл,  
 Сочар шўълаларин бошидан мўл-кўл.

Шуйтиб, қаҳрамоним пинакка инди,  
 Ором ол, тинч ухла; сиз-чи ўқувчим,

Лутф этиб, тинглайсиз давомин энди,  
Йўқса мажбур қилгум ишлатиб кучим..  
Олга, эй достоним! Қайга илинди,  
Олдинга чопмасми? Қайтамиз ортга,  
Қаҳрамон уйқуда ётган соатда  
Сўзлаб берай унинг асли-наслини,  
Дунёга кўз очиб келган фаслини,  
Бу нопок гўшага қўйганинг қадам,  
Устоди, қароли ким бўлганин ҳам.

50

Отаси симбирсклик зодагон эди,  
Иван Ильич NN-ов, барваста киши.  
Бадавлат отага у ўғлон эди.  
Ўзи ҳам бой эди: ақлли, ҳушли,  
Муҳими — мансабдор бир аъён эди,  
Ўн тўрт ёшдан ишлаб, бекусур, ахир  
Истеъфога чиқди, бўлиб бригадир.  
У яхши замонлар «бригадир» одам  
Бўларди ақлли, ҳушли бир одам.  
Иван Ильич Симбирск доирасида  
Машҳур эди яхши феъл борасида.

51

Китоб ва шоирни душманим дерди,  
Адлиядан анча маълумоти бор.  
Кўп ухлар, тўрт одам овқатин ерди,  
Ҳеч кимга ҳеч қанча қилмас эътибор.  
Жон ҳузури — ёлғиз ташвиши эрди.  
Ўзидан бадавлат, зўрни кўрганда,  
Қаддини хам қилиб, бўларди банда.

235

Чунки бу асрнинг фармон — қонуни  
Талаб қиласр эди ҳамиша шуни;  
Таъзим зарур эди. Қонун ва амал —  
Иккиси ҳам бир гап эди у маҳал.

52

Ўзидан каттани ҳурматлар ҳар дам,  
Ҳурмат хуш келарди унинг ўзига.  
Хонимларга рашикли күштор бўлса ҳам,  
Адашиб уйланган, ўзин сўзича.  
Нимага адашган, буниси мубҳам,  
Очиқ айтмам, аммо биламан шуни,  
(Рост бўлса), никоҳнинг иккинчи куни  
Ғам билан чулғаниб, юрган беқарор.  
Эрлар бу хил ғамга кўп бўлар дучор.  
Бундай эрлар мутлақ худбин, менимча,  
Хотинни айблар, гўё ўзи мусича.

53

Менга таҳсин ўқи, о аёл зоти!  
Демосфенингман мен: ҳурлигинг учун  
Жар солиб дейманки, қалбим нафрати,  
Ҳайвонтарз махлуққа ёғилсин бутун!  
Нечун ҳоким улар?.. Исён соати —  
Етди, қўзғалингиз! Чек қўйинг! Шошинг,  
Марья Николаевнага дадил эргашинг!  
Биламан, сиз мени англайсиз осон,  
Танингиэда оқсан сут эмасдир, қон.  
Эркаклар кўзи-ю таънасидан гоҳ  
Қизариб кетмоққа мойилсиз ногоҳ.

236

Иван Ильич қадим одатга содик,  
 Хотинин авайлар ҳамиша, ҳарчанд.  
 Унинг бу феъли чин ҳурматга лойик,  
 Номусни қадрлар эди у баланд.  
 Қув қайлиғи бўлса (айтаман очиқ),  
 Коронги шийпонда тонггача қолиб,  
 Жирканч романлардан кўзлари толиб,  
 Ўқир... Тўлин ойдан кўзин узмас ё,  
 Эзгу иш чиқмас ой, романдан асло.  
 Чунки қўзғар улар турли ҳис-хаёл,  
 Йўлдан озмоқликка қолади хиёл.

Еб қўйгудай латиф, дилдор у гўзал  
 Гулгула солганди қанча кўнгилга.  
 На илож: ари ҳам тошга ҳеч маҳал —  
 Қўнмайди, ошиқар ҳамиша гулга.  
 Туйфуга фармон йўқ. У санам ҳар гал  
 Иssiқ тўшагида эрига ёқиб,  
 Мўмингина бўлиб ётарди балқиб.  
 Дерлар, бу сўз балки ёлғон ва бенаф,  
 Хотинлар вафоси — ошиқча бир гап.  
 Бундай аёлларда (очигин айтсам)  
 Номига бўлади эр дегани ҳам.

Симбирскда, баланд бир ерда, собор —  
 Қаршисида эди Иван Ильичнинг уйи.  
 Биз кўрган пайтларда ётарди бекор

Қаровсиз, ташландик хароба кўйи,  
Гўё жангдан чиққан оғир ярадор,  
Бир пайт гўзал маскан бўлгани аён,  
Кўркам устунлари турибди ҳамон.  
Нафис панжаралар билан ўралиб,  
Қафасдай болхона турар мўралаб.  
Ойна, әшикларда пардалар асили,  
Тартиб-ла осиглиқ турар муттасил.

57

Уй ичи серҳашам; қатор столда  
Рангдор дастурхонлар соз товланарди.  
Гўё юлдузлар акс этгандай кўлда,  
Ойнада қандиллар оловланарди.  
Вакиллаб, бир-бирин қолдириб йўлда  
Лайчалар қаршилар келган одамни,  
Меҳмон ичкарига қўйгач қадамни,  
Кўктути қичқирап: «Ким келди?.. Тентак!»  
Меҳмон ўйлаб қолар жилмайиб андак.  
Аммо уй бекаси ўтди қаршиларкан,  
Тўти-ла сал ўтмай ярашиларкан.

58

Деразадан аён гўзал манзара:  
Чап кўлда, гарб ёқда ярқиллар қатор —  
Томлар ва мўрилар. Бу лавҳа ора  
Черковнинг думалоқ гумбази ҳам бор.  
Кундузги оромгоҳ, салқин ва сара —  
Рябина, малина ўсган жажжи боғ  
Шийпонли, гулзорли,— худди қўғирчоқ.

238

Бир боғки, хонимлар ичида танҳо —  
Қолган дәхқон қиздай ёноғи хумро.  
Бир боғки, ҳашамдан ҳайиқиброқ сал,  
Ибо билан турган қиз каби гўзал.

59

Шу тупроқ қўргон ва адирдан пастроқ,  
Кулбалар қалашган манов ўнг ёқда  
Кенг бир ҳошиядай ёйилиб опиоқ  
Сокин ва улуғвор Волга оқмоқда.  
Кемалар бекати томонга бир боқ,  
Подадай тиқиндири баржа ҳамда сол,  
Мачталар паррагин ғувлатар шамол,  
Арқонлар ғижиллар; тун бўлар доҳил,  
Узоқдан оқариб кўринар соҳил.  
Қум босган қирғоқлар кўзга ташланар,  
Тунги шовқин-сурон чоғи бошланар.

60

Қўпол ва бетартиб саслар ғовури,  
Кемалар аро гоҳ эсиб қоларди;  
Сувчиларнинг кулаги, қўшиқ, ур-сури  
Қудратли наърадай гоҳ юксаларди.  
Бўлмас диққатин шом шафақин нури,  
Кўзига кўринмас дарғазаб шамол,  
Елкада иссиқроқ либос ё рўмол,  
Французвча китоб қўлда, аксари,  
Ойнада ўлтириб мовий мавж сари.  
Боқар... Тўлқинларнинг шаддод, беором  
Заррин ёлларидан кўз олмай мудом.

239

Эр хотин икки йил турди шу зайл,  
 Ҳамон хотинига нимча келмас тор.  
 Ернинг ихчам тани шунгами мойил,  
 Улуг ёшли эрда ё бир бало бор?..  
 Оиласий ишга бўлмасман дохил!  
 Иван Ильич ўғилни қиласи орзу,  
 Гарчи бойваччалик орқасида у  
 Бола ҳам кўрганди бир вақт бир талай,  
 Қонунсиз болалар; уларни атай  
 Тарқатиб юборган ўён-буёнга,  
 Таънага қолмайин деган гумонда.

Ҳаёлан: мен ота! — дейиш қандай соз  
 Ва бу уйда яна сирли кўп дард бор —  
 Бир из қолдирсангу дунёда, бехос  
 Ўзинг ҳам даф бўлсанг! Қанчалик беор,  
 Золим бўлмоқ керак бунга рўйирост.  
 Ҳаёт — зил тиканли бир гултожсимон,  
 Ҳар ҳолда шундай дер эътиқод, имон.  
 Бизни қаён, қайга элтади ҳаёт,  
 Фаҳм этишдан ожиз ақлимиз, ҳайҳот,  
 Болалик ва уч-тўрт кундан бўлаги  
 Ҳаёт деган бебурд мерос бўлади.

Шундай шум ўйлардан кўнгил ғаш бўлиб,  
 Бир пайт кўзларим кўп ёш тўккан әди.

Қоғозни ёққан бу ёш оташ бўлиб,  
Болаликнинг у телба уйқуси энди  
Дашт устидан ўтган зим-зиё булат  
Каби кўпдан кечмиш; ўтли руҳ аммо  
Бир лаҳза сўнмади, саҳрова пайдо  
Бўлган бўрон янглиғ эсиб, тинди тез.  
У бўрон, кўз ёшлар ўрнида аччиқ,  
Дардли кулги қолди акс садо янглиғ...  
Баҳор тошқинлари юргурган жойда,  
Жонсиз тошлар ётар гўё бефойда.

64

Яхшийди бу ҳақда жим қолсам, рости,  
Аммо тўғри келмас менга жим туриш,  
Мақтовга мен муҳтоҷ эмасман асти,  
Шоир дегани ҳам мисоли бир қуш,  
Гулларни севади, бўлиб гул масти.  
Муаттар япроқлар узра куйларкан,—  
Бу ажиб сас нечук сирлар сўйларкан?—  
Булбулдан буни бир сўранг-чи, шу тоб  
Сизга у куй билан беради жавоб.  
Мен ҳам дилда борин қиласман баён,  
Шул сабаб шеърим ҳам оқади равон.

65

Икки йил ўтди-ю учинчи йили  
Ноумид эр-хотин бўлдилар кўп шод.  
Бир ўғил кўрдилар, ишқнинг ҳосили —  
Ширин ташвишларнинг боиси зурёд  
Кўз очди. Уй ичи байрамдай мисли  
Уч кун хурсандликдан ичдилар пайваст,

Извозчи, әнага — ҳамма-ҳамма масть.  
Бироқ остоనани қуршаган куйи  
Итлар улиб чиқди бутун тун бўйи.  
Ҳаммадан даҳшатли, чақалоқ тани  
Эслатарди сертуқ айиқ болани.

66

Кампирлар айтдилар: баҳтдан нишон бу,  
Иқбол белгиси, деб қўйдилар шу он.  
Мени ҳам бир вақт шундай дейишганлар-ку,  
Қанчалик рост чиқди — худога аён!  
Аксинча, дейдилар, ит торгса улу,  
Ёки том устида нақ ўша соат  
Қўрқинч шовқин қўпса — бу шум аломат;  
Лекин мен пайғамбар эмасман, бу рост,  
Бу гапга бош иргаб қўяман холос.  
Гамлет ҳам айтганки: «ушбу дунёда  
Донолар учун ҳам сирлар зиёда».  
Сирлару Гамлетга, айтинг-чи, шоир  
Ишонмаслиги ҳеч мумкини ахир?..

67

Кундан-кун улғайиб борарди гўдак,  
Кўзлари милдирад, қўллари оппоқ.  
Сочлари шу қадар майин, жингалак,  
Таниш-билишларни лол этар мутлақ;  
Кўйлакка алмашди ўрнини йўргак;  
Илк шўхлик дамлари бошланиб бутун  
Тўтию итларга бермас эди кун.  
Йил ўтиб, беш ёшга қўйганда қадам

242

Яхшидан ёмонни ажратолди ҳам.  
Лек, туғма бир ҳисга мойил эди у,  
Бузарди... бузишга қойил эди у.

68

У ўсар... Отаси жеркирди мудом,  
Ешликда кўп дакки еган-да ўзи,  
Худога шукурки, бўлди заб одам,  
Бинойи, бекусур, бамаъни сўзли.  
Паст эди у замон тушунчалар ҳам...  
Саша мағрур қалб-ла туғилди аммо,  
Ғазаб, заҳар тўла бу мағрур сиймо  
Тақдиру иғволар аччиқ зарбига —  
Бўйин эгмас сира, тушмас забтига.  
Ким озор етказса, эслаб юрарди,  
Шу важдан отасин ёмон кўрарди.

69

Буюк гуноҳдир бул.. Аммо дилда чўғ  
Қанчалик зўр бўлса, унда шу қадар,  
Жануб ерида тез унгандай уруғ,  
Улғаяр муҳаббат, ғурур ва кадар.  
Меҳрибон отага дуч келаркан, шўҳ,  
Ўйинқароқ Сашам чимиб қошини,  
Бирдан титраб кетар, ичу тошини  
Алам ўртар, балки кулгилидир бу,—  
Ва лекин на чора!— севишга мажбур,  
Овқату калтагу сарқит сабаби  
Эгасини севган лайчалар каби.

70

У жуда ёш эди ёғоч тобутга  
Онасин куй айтиб қўйишган маҳал.

243

Эсида, қора поп қўлида тутган  
Қалин бир китоб ҳам, бор расму амал.  
Рўмол билан тўсиб юзин, сукутда  
Ота бир чекада турган шу фурсат,  
Онасин сўнгги бор ўпмоққа рухсат  
Беришган чоғида бақириб, ҳўнграб  
Йиглаб юборгани ва ундан сўнгра  
Гаплари қовушмай, ота жаҳлдан  
Беаёв ургани... ўтади дилдан.

71

Акаю опадан йўқ әди асар,  
Сирли азобларин бўлишмас ҳеч ким.  
Ўйин-кулгилардан кечиб сарбасар,  
Сўнгсиз шубҳаларга берилганча жим,  
Болалик завқидан қилганди ҳазар.  
Хаёлда яратиб бир ажиб дунё,  
Шу дунё бағрига сингиб кетар гоҳ.  
Уммон ичра шудир оролнинг ҳоли,  
Гўзалу — танҳолик бўлар заволи.  
Қайиқлар меҳмонга бормас у томон,  
Гуллари иссиқдан куяр тамоман.

72

Туғилади бир машъум юлдуз остида,  
Абадият янглиғ орзуси чексиз.  
Орзулар қалби-ла кураш қасдида  
Бекойиш кунларин заҳр этмиш, эссиж,  
Улар чарх уришар нақ тепасида  
Худди шоҳ тожидай; Аммоки тож ҳам

244

Ғарифга ортиқча юқ каби мубҳам.  
Ҳислари гүёки илоҳий бир ўт  
Меҳробин ёндириб, этганди нобуд.  
Оlamга ишонч-ла қилдию хитоб,  
Қалбин нидосига топмади жавоб.

73

Оҳ, қани, вужудсиз бир руҳ мисоли  
Оқшомлар булутга қоришиб кетса,  
Қайноқ тўлқинларин эшитса холи,  
Тўлқинлар шивирлаб ҳузур баҳш этса,  
Бағрида тўлғаниб ёрдай иболи.  
Буткул табиат-ла бир нафас олиб,  
Кимсасиз саҳрода озод ва голиб  
Яшаса... Чақмоқни этсаю либос,  
Зарб ила олами кул этса бехос.  
(Аммо, баҳтимизга, азиз китобхон,  
Бўлмади бу қудрат унга армуғон.)

74

Бир руҳшунос каби мен бошдан-оёқ  
Саша фъел-авторин, бор буду шудин  
Очиқ-ошкор қилиб қўймайман, бироқ  
Талаб этгум унинг әнг қатъий судин,  
У чиндан қаттиқроқ ҳукмга муштоқ!  
Ҳарнарсадан воқиф журналист, майли  
Бундаги йиғи ва кулги туфайли  
Нима деса десин, Сашани шайтон  
Тийиб тураг деса десин, юз чандон  
Розиман, бебошлиқ, шумликда гарчанд  
Дўстим шайтонга ҳам берар эди панд.

245

Асил зот француз устози эди,  
*Magqiuis de Tess* номли кўнгли тор киши.  
 Бурни узун, аммо чаккимас диди,  
 Пулни ҳам шу сабаб ўмарар яхши.  
 Ҳонимчалар эди орзу-умиди,  
 Сонетлар ёзарди, соатлаб гарчанд  
 Бир қоғия узра бўлса ҳамки банд;  
 Қочириқ сўзларга бой луғати бор,  
 Уни ёндан қўймас мисоли тумор.  
 Ҳонимлар шафқатин ўйлаб маст эди,  
 Аммо баланд-пастни ўйламас эди.

Де Тесснинг отаси — бадавлат маркиз  
 Иёён маҳалида бўлганди қурбон:  
 Фонарда осилиб ўлибди, бир кез  
 Безак ўрни шу мода эди у замон.  
 Парижли дўстимиз бизнинг Адонис  
 Ота ҳокин тақдирга қолдирган қўйи,  
 Ўлим ҷалғисига эгмасдан бўйин,  
 Мағрур, жим нафратлаб халқу ҳурликни,  
 Оч-наҳор йўл тушди, барча ҳўрликни,  
 Азобларни енгиб, у бардош этди,  
 Фан ривожин кўзлаб Россияга етди:

Саша тинглар уни, бериб эътибор:  
 Оламон қайнайди, ур-сур ғалаён,  
 Эҳтирослар жангни... Жафокаш тождор

Кечирган сўнг дамлар... Барчаси аён —  
Бўлиб, тасаввuri неча-неча бор  
Париж оломони узра кезарди:  
Бошлар кесилишин яққол сезарди.  
Миллионча исёнкор қашшоқ ҳайқирап,  
Нон ва пули йўғу, кулар, бақирап,  
Тинмай нидо әтиб: «Яшасин қонун!»  
Талаб қилишарди Маратнинг қонин.

78

Ҳамон кўз ўнгига дор ости, қунда...  
Зиналарни босиб бир гўзал аёл  
Минбарга чиққанди даҳшатли қунда...  
Ташвиш, сирли азоб тўла бир хаёл  
Юзида акс әтар... Ҳалқ-чи тўлқинда  
Уни олқишиларди... Олтин соchlари  
Навқирон эгилди гулчамбарли бош,  
Қундага бўйинини қўйди у ёввош...  
Ё рабби! Ёвуэлар, сабр әтинг бироз!  
Бир дамда калласиз қолди сарвинауз...

79

Шундан бери дарё қон оқиб ётди,  
Тинмади ойболта хунхўр овози.  
Сен ҳам, шоир, мағрур, мардона зотни  
Сақлаб қололмадинг! Илҳоминг сози  
Беҳуда тўлдирди бор коинотни,  
Қалбингнинг бойлиги — ишонч ва орзу,  
Сўз ва қайгуларинг ҳаммасини у  
Беҳудага сочди. Ололмай қасос,

247

Қонли йўллар босдинг. Шоир қалбга хос  
На совуқ бир кулги, на аччиқ сатр  
Сенга меҳмон бўлди — ўлдинг беқадр...

80

Сен билан изма-из Франция ҳам  
Йиқилди золимлар оёғин қучиб.  
Топилмади бирор исёнкор одам.  
Қалбаки гаплардан мардона кечиб,  
Қалбин пок сақлаган, бардошли, бардам  
Кишилар йўқ әди. Аммаки, пинҳон  
Тожу таҳт йўлини топди Наполеон...  
Бундай сатрларни кўп ёзиш мумкин,  
Ҳақиқат модани ёқтирумас лекин.  
Газеталар ёзди бу ҳақда юз бор,  
Яхшимас — бор гапни айламоқ тақрор.

81

Сергап насиҳатгўй әмасман асло,  
Қидириб юрмайман яхши-ёмонни.  
Жаллодга кўрмайман мақтовни раво,  
Аммо камситмайман ҳеч қаҳрамонни  
Ифво-пифво билан. Аччиқ истеҳзо  
Ва ҳайрат мурдага этмагай таъсир,  
Подшоми. Авомми энди барибир;  
Мақбаралар учун марҳумлар, аммо,  
Биздан бўлмагайлар миннатдор асло.  
Мақтов, қасидага эснашар фақат,  
Эснаб, ўтмиш таҳтни фақат эслашар.

248

Шундай буюраман, умрим сўнгида  
 Мурдамни кўмсинглар саҳрода элтиб.  
 Баланд тепа уйиб, қабрим дўнгида —  
 Бузилмас севгининг нишони этиб —  
 Бир бут ўрнатсинлар: булат чангига  
 Ботса осмон, туман ёприлса ёки,  
 Бу водий бағрида адашмай токи,  
 Қашшоқ бир йўловчи шу даргоҳ томон  
 Етиб олар, мўлжал қилиб, соғомон.  
 Ҳассага суюниб сўнгра ҳорғин, лол,  
 Ўтмиш, келажакдан суреб у хаёл,—

Лаънатлар муқаддас бутга энгашиб  
 Само ва табиат, әл ва замонин.  
 Момақалдироқнинг аччиқ инграшин  
 Ҳам ўтли фикрнинг ожиз түғёнин...  
 Йўқ, йўқ, мен нетгайман инсон кўз ёшин?  
 Керакмас қора бут, гўр, даҳма, нола.  
 Мени табиатга этинг ҳавола!  
 Шамолу ҳайвону еру, қуш, оташ  
 Розиман қилса ҳам мени хомталаш.  
 Қалбим айлансину шаффоф ҳавога,  
 Майли сингиб кетай юксак самога!..

Майли, ғаму андуҳ, жами кори ҳол,  
 Таассуфлар билан тўла бу қалбим

Заҳар-заққум тўла бир идиш мисол  
Беизлар йўқолсин.. мен осуда, жим  
Томчи-томчи этдим заҳрим истеъмол;  
Юзу кўзларимга боққан халқ аммо  
На даҳшат кўрдилар, на дарду бало.  
Дедилар: шу рангга ўргангандир у.  
Шундан бүён тилим касб этиб оғу.  
Авомга қарши ўч ҳиссига тўлиб,  
Уни камситаман мақтаган бўлиб.

85

Бу ноҳуш лавҳани әтайлик адое,  
Қаҳрамонга ҳам қайтайлик әнди.  
Ҳаёт ташвишидан форигу йироқ,  
Ўйин-кулги қувиб кун кўрар эди,  
Ширин эҳтирослар ила дўст-иноқ.  
Дафтар, китоб аро ўтар узун йил  
Тарих, жуғрофия, назария, тил,  
Жаҳон фалсафаси — эди унга фан.  
Бешта системани маркиз олар тан.  
Сабабин сўрсангиз, мағрур дерди ул:  
„Monsienг, c'est mon affaire” — менга шу мақбул!

86

Саша диққат бермас унинг сўзига,  
Қўллари беқарор ва паришон ҳол  
Бир гўзал суратин қоғоз юзига  
Чекарди. Нигоҳи қўш юлдуз мисол,

---

<sup>1</sup> Жаноб, бу менинг ишим (франц.).

Бир олов яширин эди кўэига.  
Сўнгра узоқ боқар ҳаяжон-ҳисда  
Ширин бир уф тортиб, уни оҳиста  
Сирли жавоҳирдай, тенгсиз инъомдай  
Дафтар қати ичра солар инонмай.  
Япроқ ё мактубни, тўғноғични ё  
Шундай авайлашар баъзилар гоҳо.

87

Ким бўлди у гўзал? Ўсмирнинг ёшин  
Гангитишдан қандай наф әкан унга?  
Юрак-багрин ўртаб мисоли яшин,  
Нечун ҳисларини солмиш тўлқинга?  
Қадимий фоблаздай ғоят оташин  
Севмоқ учун, ахир, жуда ёш-ку у,  
Нечун ёш юракка бу қадар ғулу?  
Кавказ қор чўққиси янглиғ беғубор  
Ва жануб кўкидай муҳаббати бор —  
Ким у қиз? Жуда ҳам эмас зўр танноз,  
Буфетчининг қизи Маврушка, холос.

88

Ун тўртга тўлганди Саша у маҳал,  
(Айтақолай муҳим сир йўқ-ку асли)  
Оқсоқ қизлар аро у галу бегал  
Ивирсишни севар. Аксар ёз фасли  
Ой нафис нур ила ёғдирапкан ҳал,  
Қалин акац ўсган осуда боғда  
Бу уй санамлари сайр этган чогда,  
Ҳиёбондан келса сирли, майнин сас,

251

Саша қувлаб етар әди шу нафас;  
Гоҳ масъум, содда дил устидан қизлар  
Қаттиқ ҳазиллашар. (Тушунасиэлар).

89

Шулар ичра бири ажыб дилором:  
Кўрганда юраклар этарди жиз-жиз.  
Мафтуни бўларди хаёлу ором,  
Бироқ истамайман, эй дўстларим сиз,  
Тинчингиз йўқотиб қўймангиз тамом.  
Суратин чизмайман. Юракни ёқсан,  
Томирларда ўтдай мавж уриб оқсан  
Бир ишқ билан Сашам севарди, бироқ  
Дилида қурашар шарму иштиёқ.  
Ўйлар, ишқин нечук изҳор этмоқни,  
Бир қатъий фикрда қарор этмоқни.

90

Шу ҳам таажжубми? Мен ҳам ўнтўртда  
Аёллар аҳлидан қанча панд едим,  
Хотин зоти борки, бари бир гўр-да,—  
Деб жаҳон әлига уқдирап эдим.  
Нафис, оппоқ тўшлар шўх мавжланурда,  
Оташ пуркаганда қирмизи лаблар,  
Танда қўзғаларди ажыб талаблар.  
Силлиқ елкаларга сал тегса қўлим  
Титраб кетар эдим... Либоссиз, сўлим  
Танларни хаёлда қўрадим, холос.  
Бу гаплар янгилик эмаслиги рост.

252

Үйқу, иштаҳани йўқотганди у,  
 Кундуз жим... кечаси алаҳсиради.  
 Йўлакда фаромуш кезар эди-ю,  
 Қизлар одимини эшитмоқ дарди.  
 Пойлар ўт нигоҳни... Дуч келса гулрў  
 Совуқ бир табассум касб әтиб шу тоб,  
 Қизғин боқишиларга берарди жавоб...  
 Муҳаббат қисматдай муқаррар бир гап,  
 Қалб-ла олишмоқдан чиқмаган ҳеч наф!  
 Тақдирга тан бериб Саша ҳам охир,  
 Дардин Маврушага айтмоқчи бир-бир.

Ез ойлари эди, кун ёнар қизғин,  
 Йўлларда бурқирап чанг бениҳоя.  
 Томлар узра солиб йўл-йўл чизигин,  
 Баланд трубалар ташлаган соя.  
 Тошлиардан буғ чиқар. Симбирск элин  
 Уйқу ва танбаллик забт этган; ҳатто  
 Волга ҳам оқарди секин, бепарво.  
 Боғда, нам-қоронги авлоҳда шу кез  
 Нимяланғоч ётар қаҳрамонимиз.  
 Ширин висол онин қиласи орзу,  
 Ҳаёл сурмоқ учун арзирлик гап бу.

Ногоҳ ўнг қўл ёқдан сиренъ бутаси  
 Остидан либослар садоси келди.

Тўлқинли кўкракнинг ўтли нафаси,  
Қизғин бир бўсанинг овози келди.  
Саша нима қилсин? Кўкрак қафасин  
Тешгудай қалб тепар... Ўйланмай узоқ  
Буталар оралаб соядай шу чоқ —  
Югурди топмоқ-чун хилват гўшани.  
Ҳайҳот! Тўшга босиш ёш Маврушани  
Иван Ильич ётар гилос остида,  
(Тангри тутсин уни ҳимоясида!)

94

Қалин ўт устида, ҳайҳот, айш суреб,  
Маълүн чол уятни итқитиб бу дам  
Момиқдай жононни ётарди сўриб,  
Аямасди оппоқ болдириларни ҳам,  
Ҳам юмшоқ тиззани ҳар ёнга буриб.  
Жуда кўп уринди, аммо беҳуда!  
Кучдан ва оташдан маҳрум эди-да.  
Турди-ю уф чекди (бошқа илож йўқ),  
Шимини кўтариб, икки кўзи лўқ,  
Чол жўнади. Қизча қолган эди лол,  
Ғазабга учраган Ариадна мисол.

95

Сабаби, шубҳасиз, маълумдир.. шу он  
Саша не қилди денг? Қатъий, тик боқиб,  
Совуқ ва лол қотиб оқ мармарсимон,  
Қўрқув ва ҳирс этиб дилини таъқиб,  
Дўзаҳ, беҳишт аро ҳайрон-саргардон  
Бир лаҳза жим қолар нимадир ўйлаб,

254

Манглайда япроқлар сояси ўйнаб  
Турагу... ногиҳон портлаб эҳтирос,  
Қалбига ғалаён солар-да, беҳос  
Гүёки осмондан тушган инсу жин,  
Қизга ташланди-ку шўрлик ўспирин!

96

Ташланди! (Ё рабби!) Ҳуддики илон  
Маврушани чулғаб бағрига олди.  
Гоҳ муз бўлиб, гоҳо оташ саратон  
Жўшқин бир ҳирс билан оғушда толди,  
Эси оғиб қолди... ер билан осмон  
Тумандай... Мавруша ширин инграиди,  
Ҳамда жилмаярди, тўлқин сингари  
Кўкси тез-тез қалқиб, мастона кўзлар  
Ҳудди нури ўчган сўнник юлдузлар.  
Каби лол, маъносиз сувилар, эвоҳ,  
Қўрқув, ҳаяжонга тўла бир нигоҳ.

97

Энди айтинг, дўстлар, ким бунда айбдор?  
Мен бўлсан шайтонга тўнкардим барин,—  
Шайтон бу гапларга ўрганган. Юз бор  
Баъзиларнинг заҳар-заққум тилларин  
Олдида ҳафвасиздир тирноқли шохдор...  
Шундай қилиб, кўзга кўринмас у руҳ  
Мағрур, ёвуз тусда, бераҳму шукуҳ,  
Сўкиш, дўғу, бутни ҳис этмай асло  
Саша тақдирини тўпдай бепарво,  
Асов раъй фармонин бажарган кўйи,  
Ирғитиб ўйнарди баланду қуи.

255

Икки ой ўтди. Бир қаронги, зулмат  
 Кечаси зинани бир-бир босибон,  
 Бошга жун рўмолин, ташлаган ҳолат  
 Саша ҳузурига келди ёш жонон.  
 Чироқни пулфлайди, Шалақ қарават  
 Суянчигин тутиб ҳаяжонли қўл,  
 Қайноқ қучоқ томон интилар нуқул.

Сўнгра пар тўшакка тортилар аста,  
 Кўрпага кўмилиб кетар бир пасда;  
 Кўксидан отилар чуқур оҳу воҳ,  
 Оташ бўсаларга ғарқ бўлар ногоҳ.

Бунга кўп вақт бўлди. Аммоқи бир кун  
 (Билмайман қайси кун эди ўшанда),  
 У олис висолга бўлганча мафтун  
 Ёлғиз ётар эди Саша тўшакда.  
 Сўнг дарча ёнига аста кўчди. Тун  
 Бўзариб, сўнарди ойнинг шуъласи,  
 Атрофин қуршаган булат галаси  
 Тўлқинли попуклар янглиғ кўринар,  
 Борлиқ муддэр, аҳён-аҳён уринар  
 Дераза кўзига шамнинг зиёси,  
 Рембрандт чиҳландай кампир сиёги.

Лип этиб ойнада кўриниб бир зум,  
 Яна йўқоларди. Бўм-бўш майдонга  
 Қўнғироқхонанинг қоп-қора, узун

Сояси тушганди, сирли томонга  
Элтувчи йўл каби. Уфқлар сузгун  
Зулматга шўнгиган. Саша ўй сурин  
Ўтирар... Паридаи хиромон юриб,  
Эшикдан бир гўзал аста киради,  
Бехос сапчиб тушар Сашка юраги:  
Қошида ойдан ҳам мунаввар бўлиб,  
Шаҳло кўз қиз турар ҳуснга тўлиб.

101

Танир Маврушани... Яратган эгам!  
Бунча ўзгарибди бу нозик ижод!  
Наққош танасини чизганми, билмам,  
Жон ўрнига худо солмиш алам-дод,  
Бир нафас уҳ тортиб турар-да шу дам  
Саша томон келар, қўлларин тутар,  
Совуқ қўли билан ёпишар, ўпар,  
Тинимсиз ёш тўкар дардли кўзлари,  
Ёши куйдиргудай йигит юзларин...  
Айбдор Магдалина пушаймон-зори  
Аталмиш расмни кўрмаган борми?

102

Гвидо-Ренининг бўёғига хос  
Ҳаёт, ҳаяжонни ким тасвир этур?  
Юракни кўз оша аён этган холст  
Аниқ фикри билан ҳам асир этур,—  
Тиз чўкмоқ бўласан. Қалбинингни рўй-рост  
Сирли қўрқув босиб, уд торисимон  
Томир-томирингни титратар ёмон.

Нодонлар даҳо деб атасин номим,  
Деб ғам-таъналарга бардош этса ким,  
Қалбин тобут қилиб ким яшар әкан —  
Бундан сирли бир куч англашар әкан.

103

Узоқ, ич-ичидан йифлар у барно,  
Юмшоқ елкаларин соchlари қучиб,  
Таралиб ётарди мисоли дарё.  
Аҳён-аҳён бир «сүҳ» лабидан учиб,  
Дардини ошкора этарди, зеро  
Сўздан аниқ эди садоси қалбин;  
Сашкам англар эди унинг бор дардин  
Худди ўз дардидай, она тилидай.  
Қўли билан аста тутиб белидан  
Қучоғу бўсани ҳеч аямасди,  
Мақсад — хотимага боришди асти.

104

У дерди: «Не учун бу азоб, жоним?  
Ёшсан, севиклисан — ғурбат на ҳожат?  
Кўзингда акс этар жону жаҳоним,  
Ширин бўсаларинг ўзи бир жаннат...  
Ёки бирор ёвуз макри ниҳонин  
Ишлатиб, қўнглингга бердими озор,  
Йўқ, йўқ, бундай ишга кимнинг ҳаққи бор!  
Отам қариб борар, французв бўлса,  
Бу хил ишга қурби етмайди, ўлса...  
Бас, этар! Еш тўкма, ёнимга келгин!»  
Сашага чирмалиб қиз ёрат дилин:

258

«Эшитинг, сўнг дафъа буён келишим,  
Хавф, жазе, номусга бермай эътибор,  
Барча-барчасига бўлмасдан ишим,  
Сизни бир кўрмоқни қилдим ихтиёр.  
Қўлингизни ўпиб, ҳайрлашишим —  
Виждон амри... севинг мен бечорани,  
Қалби ҳур... бардошли бир оворани  
Кимдир иғво қўзғаб уйғотмиш қасад,  
Энди Иван Ильич қилмоқда газаб,  
Мени ҳалок этар у Ванька ёвуз!  
Узрим... Нигоҳ ташлаб, айтинг бирор сўз!

Отангизни дея умримда илк бор  
Ҳаёдан кечдим мен — беҳимоя қул.  
Қамоқ-ла қўрқитди, худо хабардор,  
Ҳафта ўтмай туриб унутди буткул...  
Энди пок муҳаббат бўлмас менга ёр.  
Ҳақорат эшитдим падарингиздан,  
Билмадим, мен кимман назарингизда,  
Қулми? Йўқ, қўғирчоқ! Икки ё уч кун  
Айш қилиб, сўнг тонтаб кетмоқлик учун!»  
Ёш тўқиб, арзи ҳол қиласар эди қиз,  
Саша тинглар эди уни парвосиз.

«Оҳ, кўриб турибман, бепарво, барин,  
Сўзим ҳам, ўзим ҳам сенга буткул ёт!..

Қайтариб бўлмайди висол дамларин,  
Ўла-ўлгунимча аммо қилгум ёд...  
Иккимиз айбдору, мен чеккум дардин.  
Шундай әкан, сўнгги бу тун bemalol  
Кўзимдан, кўксимдан... тўйиб бўса ол!..  
Тонгда мен шўрликни олиб кетарлар,  
Узоқ бир қишлоққа тезда элтарлар,  
Пахмоқ соқол мужик ва ғам бўлгай ёр...  
Сен эса бошқага ишқ этгунг изҳор.

108

Қиз йиғлар. Қувгинди бу гўзал сўзин  
Сизга айнан айтиб беришим маҳол;  
Муқаддас сўзларнинг дилдаги изин  
Вақтнинг ҳалокатли кучи bemalol  
Супуриб кетгуси. Юмгандир кўзин  
Менга бу қиссани сўзлаган одам,  
Бундай йўқотишга йиғламас олам!  
Пайғамбар эмасман,— қидирмам имон,  
Гарчи интилса-да қалбим Шарқ томон,  
Авлод-аждодимиз ўтган у ерлар  
Ҳозир шароб чўчқа камёб жой дерлар.

109

Қиз тинганди. Саша дилида гулу,  
Боса олмас эди ўзини ҳамон:  
«Ёвуз! Золим!— янглиғ латиф ва дилжў  
Минглаб сўзлар билан уни беомон  
Сўкарди, сўкарди. Бахтиёр уйқу  
Кўзларидан тамом учиб кетганди,

260

Йигитни фаҳш ўйлар мойил әтганди.  
Майин пар тўшакда бу сўнгги соат  
Бир маза қилишни әтганди ният.  
Кайф қилган сингари бўшашиб қиз ҳам  
Ёйилиб ётарди, бирдан — ё, эгам!—

110

Аллаким бир тепиб юборди очиб  
Дераза эшикнинг қўш тавақасин.  
Тунги чироқ хира ёғдусин сочиб,  
Еритди кимнингдир ориқ гавдасин.  
Гўё уйқусидан тургандай чўчиб,  
Тўзғин, ялангоёқ, бир кўйлак устда,  
Кирди-ю Сашкага сўзлар шу тусда:  
„En bien, monsieur, qui vois—je?“ — „Ah, c'est vous!“  
„Ропгрои се брут? Que faites-vous dane? — „jef (...) !“  
(Кечир, музам) шундай сўзларни айтиб,  
Сашка французни чиқарди ҳайдаб.

111

Қиз бечора чиқди ортидан чолиб,  
Кавказ жайронидай эпчил, бежуръят.  
Иссиқ кафти билан юзини ёпиб...  
Хайр-хўш қилмади, бир боқди фақат.  
Сашка ҳаяжонин босолмас ёниб:  
«Мұҳаббат — бадбахтлик, беҳуда бир гап!»—  
Дея шивирларди. Булатни тараб —

<sup>1</sup> «Ҳўш, тақсир, бу қандоқ гап?» — Э, сизмисиз!  
«Бу нима шовқин? Нима қиляпсиз?» — «Мен..?»!

261

Садаф шуъла билан тонг ҳам оқарди,  
Бу нур азиз меҳмон янглиғ ёқарди.  
Бир маромда яниб ҳовлида шу чоқ  
Садо бериб қолди маъюс қўнгироқ.

112

Сашка ҳаяжонда ёнар-да лов-лов,  
Деразадан қарап: извош туарди.  
Ямшчик ҳам ўтири, қўлида жилов.  
Кимдир: «Хўш, тайёрми?— дея сўради.  
«Тайёр». Сўнг ўтири. У пайқар дарров:  
Маврушка! Бўйнига рўмолин чулғаб,  
Одатий табассум билан бош иргаб,  
Извош капасига киради секин.  
Қамчи ҳам бош узра қарсиллар кескин:  
«Жўнадик!» Гурсиллаб кўчар гилдирак...  
Қўйинг, Ўзга дарди бизга не керак?

113

Ана шундай бўлиб улғайди Саша.  
Энг зарур жойларин айтдим мен сизга..  
Отаси билан у қилиб хархаша,  
Сўкишиб қоларди ва бундан ўзга  
Бўлиши ҳам қийин,— ёқмасди  
Унга, пасткашлигу сохта илтифот,  
Аммо чин қасос-чун ёярди қанот.  
Бу ўжар феълига урмоқлик жилов  
Бенафлигин билган отаси дарров,  
Француза, хизматчи ўғлига йўлдеш!  
Москвага жўнатди тўкиб сохта ёш.

262

Уни қабул қилди кампир холаси,  
 Ҳоким-ди таъбида қатъий бир тартиб.  
 Ҷайдилар, тушмагур шаддод боласи  
 Уни қўймагандир асло қизартиб.  
 Шундай хонимларданки хуволаси,  
 Муқаддас никоҳдан қўрқани сабаб,  
 Қатъий ишорага берар экан чап.  
 Шу боис, шубҳада бўларкан адо,  
 Қарта ўйинига чорлашгунча то.  
 Қолган умрин этиб шу тахлит давом,  
 Қарта, ифво узра қиларкан тамом.

Бирор эҳтиёткор, виждонли қарол  
 Садоқат, итоат кўргузиб ҳаргал,  
 Бекасин ёнига кириб бемалол,  
 Етоқхонасига бераркан сайқал;  
 Яъники хизматкор, оқсоч бир аёл  
 Ўрнида иситар экан ҳар ёғин:  
 Кўрпасин, ёстигин, қўлин, оёғин.  
 Шайтон ҳам бехатар балки боридан.  
 Яна нелар бўлар кеча бағрида,  
 Қанийди, бир карра бўлса у гувоҳ,  
 Кўрса ухлашларин ширин, бегуноҳ.

Янги пансионга берилди бебош,  
 Бунда ўрганди у хулқу одобни.

Дастлаб китобларга мафтун бўлган бош,  
Нафрат-ла тарқ этди сўнгра китобни.  
У кўрди, дўстлик ҳам таъзимга ўхшаш  
Мужмал бир нарсадир; ювошлар кўпроқ  
Зериктирап сени, бўлолмас ўртоқ,  
Ақли бори — эрмак бўлади сал-пал  
Мингта меҳрибондан битта шўх афзал.  
Шу сабаб, душмани ошиб тобора  
Бир ойда юзтага етди ошкора.

117

Ва улар суратин рангдор бўялган  
Қўша саҳифада дафтарга солиб,  
Безаб, қулфлаб, шоҳи билан ўралган —  
Холда ўз ёнида юрарди олиб,  
Авайлаб эҳтиёт қилгани-қилган.  
Севар, нодўстларин жамики пинҳон  
Гаразин сўз билан этмоқни яксон.  
Севар, лол этмоқни қўққисдан ёвин,  
Дўқларга — истеҳзо бўлар жавоби.  
Е бир нодон, бефаҳм турқин олганча  
Лақиллатар эди уларни анча.

118

Тезда пансиондан у чиқиб кетди,  
Жонига текканди «алиф»лар, «бо»лар.  
Талабаликка у ўзин баҳш этди,  
Фан уйига мағрур у кириб борар.  
Эй, муқаддас маскан! Туш каби энди  
Эслайман кафедранг, йўлагинг, залинг,

264

Шогирдлар баҳсига тўлган маҳалинг.  
Уларнинг баҳсида: олам ва олло,  
Ром чой билан созми ё чойсиз авло?  
Такаббур ҳокимлар қошида мағрур —  
Юриш-туришлари ҳамон кўринур.

119

Соат нақ саккизга урганида бонг,  
Олим оломонга кўча тўларди.  
Кими китоб узра қутган бўлса тонг,  
Кими балчиқда маст ётган бўларди.  
Лекин осуда, тинч ҳамма дарс томон  
Оқар... Профессор киради узун,  
Беҳуда бўлса-да қиларди таъзим,  
Сўнг китобни очар, ўқир... тўполон...  
Жонга тегиб, чиқиб кетарди шу он.  
Сашкага шу ҳаёт жаннатдан маъқул,  
Бу дўзаҳни жуда кўтарди мақбул.

120

Биз ташлаб ўтамиз роса икки йил...  
Сал битмай турса ҳам майли достоним,  
Ўқувчи биларки, қиляпман ҳазил,  
Шу сабаб ҳалолу покдир виждоним.  
Гарчи, тан олайн, жуда кўп, ҳар хил  
Ажиб тарихларни ташлаб бораман,  
Пайт етиб, бу маъюс лавҳаларни май  
Қисқартиб, олдинга шошиб югурмай,  
Кичик бир кўламда мен гирдоб урмай,

265

Сашкамиз кечирган бекору бенаф  
Илларга фикрингиз боргум етаклаб...

121

Энди қаҳрамонни уйғотсак арзир,  
Түғрилаб олишсин кийим-кечагин.  
Эслайсизми, Тирза ҳаловат-хузур  
Кўйнида ўтказмоқ бўлиб кечани  
Ширин ухлаганди? Қаламим ҳозир  
Шундай кетяптики, тутиб бўлмас ҳеч,  
Балки шу сабабдан қиз уйғонди кеч...  
Тўзғиган соchlарин орқага солиб,  
Усти бошига ҳам бир қараб олиб,  
Уйқули қўз билан қилди табассум,  
Сўнгра эснаб олди узоқ ва масъум.

122

Роса әэзилганди, ўтли ва қайноқ  
Бўса оқ сийнага солганди изин.  
Сочини турмаклаб, қистириб тароқ,  
Шошар апил-тапил ювмоққа юзин;  
Сўнгра ич кўйлагин ечар-да, оппоқ,  
Момиқ, майнин танин юва бошлайди,  
Ювган сари тани-жони яшнайди.  
Яна олма мисол тарангут хушрў,  
Халатин елкага илганича у,  
Порлаб, нимяланғоч бир сурат тусда,  
Сашканинг ёнига келади аста.

123

Ўриндиқ бошига ўтириб, юзи  
Танига сув сочар, сув мунча сачратар совуқ!

266

Уйқудан йигитнинг очилиб кўзи,  
Кўярки, уй ичи тамоман ёруғ,  
Демак турмоқ керак. Қишининг кундузи  
Шуъла сочар. Ойна кумуш гул тақмиш,  
Хонага нур зарра тўлғаниб оқмиш  
Чанаю туёқлар оғир кучидан  
Янги қор гижирлаб турар кўчада.  
Фашимни келтириб ҳар галги каби  
Шаҳарда қўнғироқ янграғ асабий.

124

На қадар ажойиб бу кун, бу олам!  
Кўк саҳни ложувард! Сашам туриб тез  
Кийинар ва боғлар галстугин ҳам,  
Жингалак соchlарда қолдиролмас из  
Ҳаяжонга тўла тунги у ҳарам.  
Фақат кўз остида кўк доираси  
Фош этиб турарди... гапнинг сираси,  
Ўртада қолсин-ку қусур эмас бу.  
Бу ҳол хонимларда ҳам учрайди-ку.  
«Хотинлар Фаришта» дея мен ҳарчанд,  
Бошимни гаровга қўйсам-да гарчанд.

125

Хонасидан чиқиб бизнинг қаҳрамон  
Узун коридордан тинч қадам ташлар.  
Катеринага кўзи тушгани ҳамон  
Совуқ нигоҳ билан жим саломлашар,  
Секин ўтиб кетар. Бошқа бир ошён,  
Бошқа бир хонада хурракни отиб,

267

Бурканиб олганча, юз тубан ётиб,  
Параша ухларди каравотида.  
Плашчини кийиб чиқди. Ортидан  
Ваъдани унутма дегандай, шитоб  
Эшитилар эди турлича хитоб:

126

Яъники қадрдон Тирзаси учун  
Янгича усти бош, безагу либос...  
Тайёр қилсин эмиш. Чиқарсам учин,  
Сашка бу гаплардан шодлангани рост.  
Хилма-хил безанган рангдор зал ичин  
Жалб этгайми экан бундай маскарад?  
Юпатиб ёҳудий қизни, масхара  
Қилмоқчи тўдага боққанча мағрур,  
Адабларинг бериб қўйса на бўлур?  
На аҳмоқлар ҳукми, на кампир макри,  
Полькаю кадриллар беролмас дакки!

127

Саша уйда. Хола ёнига шу он  
Кириб, апил-тапил ўпар қўлини.  
«Не билан тугади кечаги бостон?»<sup>1)</sup>  
Менга берсалар ҳам дунё пулини,  
Кўнмасдим бунаقا ўйинга, ростдан.  
Тишингиз тузукми? Фиделка қалай?  
Камнамороқ бўлиб қолди ҳар қалай.  
Бизнинг бу киборча туриш ва турмуш  
Келмай қолдимикан у хонимга хуш?

---

<sup>1</sup> Б о с т о н — қарта ўйини.

Айтгандай, холажон, шу кеча-күндуз  
Ерга урилармиш қандайдир юлдуз?..

128

Ҳайр, майли, Кузнецкда янги магазин —  
Очилди, бир борсак бўларди дуруст.  
Уерда ишлайди хонимча Aline,  
Жаноб, Durge, Duranb асил французв,  
Ҳозир у савдогар, асли дворянин;  
Ағпанд хоним билан, серноз ва айёр  
Faneauх хоним деган қора қиз ҳам бор.  
Қошида ёш-яланг йигит ураг чарх  
Аммо мен барига боқаман бефарқ,  
Бир муҳим сабабдан синиб қанотим,  
Оддий томошабин бўламан доим.

129

Сабабки,— ҳамёним бўш қолди, хола,  
Худди французнинг калласи каби.  
Ақлимни йигаман энди бир йўла,  
Енгил-елпиликнинг йўқ әкан нафъи!»—  
Сохта ўқинч ила, надомат ила,  
Уҳ тортиб, бошини эгди холага  
Ва найранг иш берди, охир, болага.  
Сандиқасин хола очиб қолади,  
Сандиқча тубига қўлин солади,  
Олади уч дона шалдироқ қофоз...  
Сашанинг юраги ёришар бироз

130

Сўнгра у йўл олди хонаси томон,  
Эшиги олдида турар тик қараб

269

Олифта кийинган, салласи алвон,  
Садоқатли қули-хизматкор араб.  
Юзи лок қопланган қурч-чўянсимон,  
Арпа ёрмасидай оппоқ тишлари.  
Дадил кўзларининг ўт боқишилари,—  
Бирор сўз айтаркан, кулар экан у,—  
Юракка соларди даҳшат ва қўрқув,  
Гоҳо телбанамо димоғ сезилар  
Унинг овозида,— дейди баъзилар.

131

Саша кўпдан иноқ әди у билан,  
Ғалати иттифоқ тузишган улар.  
Сүхбатлари ўхшар сир-уйқу билан;  
Икколовон ўғридай баъзида тунлар  
Йўқолиб қоларди. Фаҳм-туйғу билан  
Эйнатланган эди бизнинг у ошно,  
Шарқийча сўзларга ошиғу шайдо.  
Шу сабаб қаролин лақаби «Зафар»,  
Иэидан қолмасдан юрар ҳар сафар,  
Бамисли бир руҳдай сип-сиёҳ әди,  
Хунук афтга барча маҳлиё әди.

132

Зафар бир дам тинглар Сашканинг сўзин,  
Жингала бошини иргар қора қул.  
Силовсин кўзидай ярқ әтиб кўзи,  
Сўнг пулни оқ қўлдан олар қора қўл  
Ва эшик олдида турганча, ўзин —  
Тилида, ёт тилда гулдиради у,

270

Зафарни қандайдир оташли түйғу,  
Жонлантирган әди. Саша столга  
Тирсак-ла суюниб, ўй сурган ҳолда,  
Секин қулоқ солар әди араб сўзига,  
Бақрайиб боққанча икки кўзига.

133

Қўлин силкиб қўйди ниҳоят Сашка,  
Соядай йўқолди кўздан хизматкор.  
Қув ва мағрур Зафар сув ва оташга  
Ўзин уриш учун ҳар доим тайёр,  
Урганган әди у шундай яшашга:  
Мефистофель янглиғ сўёзиз, совуқкон,  
Неки буюрилса,— яхшими, ёмон,—  
Тез ва итоаткор адo қиларди,  
Хўжа фармонини қонун биларди.  
Сезар, бу жаҳонда бир Саша фақат  
Уни ўйлар, қилар меҳр ва шафқат.

134

Аммо ўтмиш бўлган у бир замони,  
Узоқ Гвинея наҳрин бўйида  
Бўларди кулбаси, хотини, дони  
Қип-қизил маржонлар порлар бўйнида  
Шода-шода бўлиб ва хонадони  
Бахтли оиласлар итида мумтоз!..  
Муқаддас саҳрони әнди кўрмас, рост.  
Унда булутгача ўсар хурмолар,  
Садафдай кўпириб оқар дарёлар,  
Бўсалар куйдирар, санчилар кўзлар,  
Тундан қаро тўшли бўлади қиэлар!

271

Эрку ватан бари худди хотирот  
 Узоқ туман ичра йўқолди мангу.  
 Темир кишанларда кўз очди, ҳайҳот.  
 Ерқин шаҳарларга хос шовқин-ғулу  
 Еввойи бу қалбга буткул эди ёт.  
 Қалдироқ зарбидан узилган булат  
 Шу тахлит самода бўлганча унут,  
 Қуёшдан, оламдан, шовқиндан айру  
 Қаёнга боришин билмай тентир у.  
 Умўм шодлигидан ажralиб қолар,  
 Ҳўмрайиб, дарага кириб йўқолар.

Қандай соз, ғуж бўлиб қуюқ булатлар  
 Тоғ узра ғалаён қилишган маҳал.  
 Пўлат қубба қалпоқ устида укпар  
 Мисоли тебраниб туришар! Зарҳал  
 Либос кийиб, сокин карвондай ўтар,  
 Гулдирак, чақиндан хабардор этиб,  
 Сўнгра туманларга қўшилиб кетиб,  
 Худдики илонлар тўдаси мисол  
 Қоя-қояларда мудрашар беҳол.  
 Вақт этиб, шамоллар уларни ҳарён  
 Қувлади. Ким билар: қаёққа, қаён?

Ва қолмас оламда улардан бир из  
 Шоирнинг умидсиз севгиси янглиғ,

**Еки дўстларга ҳам ноаён, азиз,  
Айтилмаган ўйи, орзуси янглиғ.  
Сен ҳам, эй ҳаёти бир учар юлдуз  
Каби орамиздан ўтиб кетган зот,  
Дардингни сўз билан этолмассан ёд»,  
Суқротдай гаразлар заҳрини кулиб —  
Ичмоқ истамадинг мугомбир бўлиб;  
Сиру асрорингни нодон оломон  
Пайқай олмай ўлдинг... тилайман омон!**

138

Суякларинг гўрда тинч бўлсин! Улар  
Чириб борар ҳарбий либосда нуқул...  
Тору зулмат маскан манзилинг бўлар,  
Навбатсиз соқчидай унутсан буткул.  
Нима ҳам қиласдинг? — Кут, балки келар  
Ўтмиш дўстларингдан бири ёнингга,  
Еримиз оғушлар навқиронига  
Ошиқдир... Жавоб бер менга, эй шоир  
Қаёнга даф бўлдинг? Бошингда ҳозир  
Нечук гулчамбар бор? Ва ҳали-ҳамон  
Бизни севасанми умидвор инсон?

139

Сизлар ҳам, сизлар ҳам, неча-неча бор  
Мен қадаҳ узатган ошно-ёронлар,  
Ёш-ёш умрингизни не этди абгор,  
Суриб кетди сизни қандай бўронлар?  
Мен бунда ёлғизман. Меҳробимга ёр  
Муқаддас ўт сўнди. Шараф орзуси  
Шарпадай йўқолди. Ҳақ чиқдингиз сиз:  
Туғилмабман дўстлик, базм учун, лекин

Ҳаёлларим билан дарвешдай эркин,  
Эманзор, даралар, эрк фарзандиман,  
Инсиз бир кўчманчи қуш монандиман.

140

Яхши иш учун жон берардим аввал,  
Аммо эвазига кўрдим мен нафрат;  
Кўп қусуру иллат-ла кўргизиб амал,  
Аччиқ лаззатлардан тўйдим мен беҳад.  
Сўнг босган йўлимга кўз солган маҳал:  
Ўтмиш кунларимнинг сўлим, ярқироқ  
Суратидан ҳайдаб нурли ранг, бўёқ,  
Ниқоб кийдим ва сўнг қаҳқаҳа солиб,  
Овсарлар иғвосин босдим мен голиб.  
Ўч олдим, истеҳзо билан чилпора —  
Этиб, мангаликка қилдим ишора.

141

Мангалик, мангалик! Ердан ташқари  
У олам уфқида не топармиз биз?  
Ҳудудсиз муҳитдай даҳшат манзара:  
Билмас асрлар ҳам ном, саноқ ҳаргиж;  
Юлдузлар изғишар минг-миллион зарра,  
Барча мавжуддоддан ақл яралган,  
Усимлик ҳайвонни ошаб, яйраган  
Табиатнинг мағрур ҳокими одам  
Бу соқов оқимга ирғитилган дам  
Нима қиласр әкан? Онт ичгум шунга,  
Ўзи ҳам жуда кўп ўҳшар маймунга.

142

О пуч уринишлар! Салкам бир тангри  
Ҳисобланган сизнинг қудратли инсон

274

Санъат билан еру денгизнинг барин  
Ишғол қилаолган бўлса-да, бенон  
Уч кун яшай олмас. Бас, бу сарсари  
Ўйлар — васвасаси шайтоннинг, ахир,  
Худосиз асрдир — бизнинг бу аср.  
Бирор жосус англаб бу сўзимни гар  
Жар солса, чўқиниш кўп мушкул бўлар.  
Унда бир мунофик бўлиб муҳаққақ  
Инонган нарсангдан кулишинг ҳам ҳақ.

143

Хушбахтдир, саодат, муҳаббат, осмон,  
Валий, набийларга ишонган киши.  
Ер узра у узоқ яшайди омон,  
Дарс бўлар авлодга ҳаёти, иши.  
Мағрур ўйларини мағрур оломон  
Қошида тизгинлай олган баҳтиёр.  
Хушбахтдир, аргувон лаблар, бегубор,  
Олмосдай кўзлардан баҳр олмай токим!  
Оғир гуноҳларин юва олса ким!  
Хушбахтдир, бирорлар кибрини кўрса  
Бошини эгмасдан ким мағрур турса!

144

Хушбахтдир, ким қуюқ ўрмонлар аро  
Дуркун ва ёввойи ёш терак мисол  
Яшил барглар шовқин солган дилоро,  
Соя-салқин жойда ўssa баркамол.  
Юксакдан қуйилган булоқ — фаввора  
Пастдаги тошларга бағишлиб юз ранг,

275

Сачраб, ярқиллайди ва берар жаранг.  
Ху, тепада унган асрий бир қайин  
Кече зулматланиб келгани сайин  
Мўъжиза руҳ каби сирли кўринар,  
Гоҳ-гоҳ узоқда шох қарсиллаб синар.

145

Хушбахтдир, ким яйдоқ чўллар кўксидা  
Усиби ёввойи уюрлар ичра;  
Чаққон, илдам, чайир отлар устида  
Елдай уча билса, гүё зар-нуқра  
Булатлар беғубор ёшлик кўкида  
Тепамиздан чопиб ўтгандай. Бошин  
Ёлга тираганча, саҳролар ошиб  
Девсимон югурса, янгроқ туёқлар  
Ерга урилганда сачраб тупроқлар,  
Олдинга интилса учқур отида,  
Беқиёс тезликнинг ҳур қанотида.

146

Хушбахтдир!... Юраги соф, тиник садо,  
Нафосатга доим бўлажак тўла,  
Орзу майин ичиб этолмас адо,  
Жингала соchlари недир оқ тола  
Талай вақтгача билмагай асло;  
Йигирма ёшида нимайки орзу  
Этса узоқ ўйлаб ўтирмайди у.  
Ўттиз ёшларида юртини ташлаб —  
Кетмас, қайгу билан кўзини ёшлаб.  
Журъат этмас фақат зериккан чоги  
Қўлин сиёҳ этиб, шеър ёзмоқни.

276

Еки мол сиёғли ўлиб ишламас  
 Зодагон сафида, қулдай әэилиб,  
 Мунофиқликни ҳеч қалби хушламас,  
 Мансаб деб таънадан юрмас әгилиб.  
 Еки немисларга таъзим пешламас...  
 Немис славяндан не билан афзал,  
 Балки қайга отса тақдири азал  
 Ватану картошка топгани созми,  
 Шуниси билан ё у сарфарозми?..  
 Қаранг, ноқобилу ҳукм юргузар,  
 Пулингиз нақд бўлса хизмат кўргузар.  
 Узи-чи барчани аёвсиз әзар,  
 Узин урсанг на хафа бўлар, на безар.

Кизиқ қабила: ҳар иблиси барон!  
 Ҳар бир этикдўзи — бир профессор!  
 Курсисига ўтириб олгани ҳамон  
 Ҳайиқмай, ошкора гап сотишин кўр!  
 Бақирап, чақирап... Бизнинг бу осмон  
 Тагида унмаган... нима ҳам дердик,  
 Бизнинг азиз чўллар оддий бир ердек  
 Қўзига кўринар шарафсиз, шонсиэ,  
 Лоқайд кўзлар билан боқар ишончсиз  
 Асрлар даҳшатин кўролмас унда,  
 Улар унутилиб кетган тўлқинда.

Ким бу сўзларимдан бўлса норизо,  
 Журналхонага ҳам арз этсин, майли:  
 Сўзин тасдиқ этсин ноширу ошно,

Майлига бу ёвуз иғво туфайли  
Менга лаънатнома қилсалар иншо!..  
Тугатдим... сўнг бет ҳам бўлди саришта,  
Чироқ ўчар... ниҳоя бордир ҳар ишда:  
Урушлар, бўронлар, наполеонларга,  
Ҳатто сабр-тоқат... шеър-достонларга.  
Шеърим кўпдан буён бермасди жаранг  
Шунча гап айтворди қаламим, қаранг!..

# ШОҲ ИВАН ВАСИЛЬЕВИЧ, НАВЖУВОН ЯСОВУЛ ВА АЗАМАТ САВДОГАР КАЛАШНИКОВ ҲАҚИДА

қисса

Иван Васильевич, омон бўлгур шоҳ!  
Қиссамиз тўқилди сенинг тўғрингда,  
Севган ясовулинг борасида, ҳам —  
Мард савдогар Калашников ҳақида.  
Биз уни эскича тўқиган эдик,  
Биз уни созга жўр ўқиган эдик,  
Унга қўшиб-чатиб, тўлдирган эдик.  
Православ халқи юпанди куйлаб,  
Ҳам боярин Матвей Ромодановский  
Бизга коса тутди — кўпирган бўза,  
Шунда оппоқ юзли унинг бекаси  
Олиб келди бизга кумуш товоқда  
Кашта тиккан, янги шойи дастрўмол.  
Уч кеча, уч кундуз бериб зиёфат,  
Қайта-қайта тўймай, тинглар әдилар.

!

Кўкда ярқиллаган зар қуёш әмас,  
Зангор булут әмас, томоша қилган:

Дастурхон олдида кийиб заррин тож —  
Ўтирап дов Иван Васильевич шоҳ.  
Орқасида турап баковуллари,  
Боярлар, князлар рўбарўсида,  
Икки томонида ясовуллари;  
Шоҳ зиёфат берар, базми шоҳона.  
Кайфу сафо қуарар, беҳад шодумон.

Жилмайиб шунда шоҳ беради фармон,  
Овлоқ ўлкалардан олинган шароб,  
Ширин шароблардан зар чўмичларда,  
Бу олтин косага тўлдириб лим-лим  
Тутқизилсан деди ясовулларга.  
— Ва шоҳни мақтاشиб қўтарди барча.

Фақат бир ясовул улар ичидан —  
Азамат ва абжир, танти бўз йигит  
Мўйлов ҳўлламади олтин косадан.  
Ерга қадалганди қора кўзлари,  
Бошгинаси тушган кенг кўкрагига —  
— Кўкрагида эса, буюк гусса бор.

Қора қошни чимириб, шоҳ қовоқ солди,  
Йигитга тикилди зийрак кўзлари,  
Баланд кўк юзида, гўёки қирғий  
Бўз каптарни чоғлаб ташларди назар.  
Лекин бош кўтармас эди ёш ботир.

Мана, ҳассасини ерга урди шоҳ,  
Темир учлик ҳасса қарағай полни  
Тешиб ва ўпириб нарига ўтди,  
Бироқ сесканмади йигит шунда ҳам,  
Сўнгра даҳшат билан гапирди подшиоҳ  
Бу гал әсин йиғди содда навқирон.

«Ҳей, сен навкаримиз Кирибеевич,  
На бўлди, ёмонроқ ниятинг борми?  
Е, шуҳратимизга ҳасадинг борми?  
Еки ҳалол хизмат зериктиридими?  
Юлдузлар қувонар ой қалқан чоғда,  
Чунки кўкда улар сайд этар нурда:,  
Булутга беркинган юлдуз оқибат  
Ерга отилгуси чирпирак бўлиб...  
Сенга ярашмайди, Кирибеевич,  
Жирканмоқлик шоҳнинг зиёфатидан:—  
Сенинг зотинг ахир Скуратовдан.\*  
Малютина сени әмизган она!..»

Жавоб берар шунда Кирибеевич,  
Таъзим бажо айлаб даҳшатли шоҳга:

— Иван Васильевич, подшоҳимиз,  
Нолойиқ қулингман, айбга буюрма,  
Шароб ўчиролмас юрак ўтини,  
Шароб ўчиролмас зўр бир дардим бор.  
Ғазабинг қўзғатдим — ҳукминг ҳам раво,  
Жазога буюргил, кесилсин — бошим;  
Баҳодир кифтига бош ҳам юк бўлди,  
Ўзи ҳам зах ерга майл сезмоқда».

Иван Васильевич сўроққа тутар;  
«Нима важ, бўз йигит, қайғуга солди?  
Е, зардўзи тўнинг тўзиб қолдими?  
Еки сўкилдими савсар телпагинг?  
Е пулингни харжлаб тамом қилдингми?  
Е, қайтиб қолдими қиличинг дами?  
Е, отинг оқсаган уриб тақаси?

---

\* Скуратов — Иван Грознийнинг энг яхши кўрган ясовули,

Ё, савдогар ўғли оёқ чалдими —  
Москва-рекада, мушт жангларида?»

Жавоб берар шунда Кирибееевич,  
Жингалак соchlарин силкитиб туриб:

— Ушандоқ зўр юдрүқ туғилгани йўқ —  
На савдогар ва на бояр зотида;  
Асов аргумоғим остимда ўйнар,  
Шишадай ярқирап қиличим дами;  
Байрамда, сояйи давлатингда соз  
Ясаниб чиқамиз, бўлмайин камчилик.

Москва-реканинг бўйларига мен  
Отланиб сайилга чиқмоқчи бўлсам,  
Белимга боғлайман шойи белбоғни,  
Қора савсар барқут телпакни букиб,  
Чаккамга қўндириб қўяман қия,—  
Нозанин жувонлар, чиройли қизлар  
Нақшин дарвозалар олдида турар,  
Суқланиб қарашар ва пицирлашар;  
Лекин ёлғиз бир қиз боқмас, суқланмас,  
Йўл-йўл пардасини тутиб юзига...

Эзгу Россияда, она-ватанда,  
Изласа, топилмас ундей гўзал қиз:  
Оққушдай хиромон юришлари бор,  
Каптар кўзларидай кўзлари хумор.  
Сўзлаганда гўё сайдайди булбул,  
Еноқлари эса қип-қизил бир гул,  
Еки кўк юзида қирмизи шафақ.  
Кўнғир соchlарida тилла жилваси,  
Ярқирап тақилган сочпопуклари,  
Сочлари мавж урар елкаларида,

Оппоқ сийнасини ўпиб туради.  
Номи ҳам Алена Дмитриевна,  
Туғилмиш савдогар хонадонида.

Уни қўрганимда, ҳушдан кетаман,  
Кучли қўлларимда мадор қолмайди.  
Эйрак қўзларимга ҳасрат чўкади;  
Православ шоҳи, ёруғ жаҳонда  
Якка юриш — қайғу, машаққат бўлди.  
Ихлосим қайтипти арғумоқлардан,  
Ихлосим қайтипти кимхоб тўйлардан,  
Менга даркор әмас олтин-хазина,  
Ким билан бу мулкни кўраман баҳам?  
Кимга кўрсатардим тантлигимни?  
Кимга мақтанаардим кийиб кимхоблар?

Рұҳсат бер, кетайин Волга бўйига,  
Қазак, ҳәётимга қайтайин, эркин.  
У ёқда узилар бу қайсар бошим,  
Мусулмон найзаси санчилар, балки;  
Ва тақсим қилишар ёвуз татарлар:  
Вафодор отимни, ўткир тигимни,  
Черкасдан ғанимат — пойга эгарни.  
Ёшли қўзларимни қузғун чўқигай,  
Устихонларимни ёмғирлар ювгай,  
Кўмилмаган шўрлик мурдам ҳар ёнда —  
Чочилиб, беқабр ётгай саҳрова!..

Иван Васильевич кулиб, сўз айтар:  
«Эй, содиқ, навкарим! Бу кулфатингда  
Сенга кўмак учун мен тиришайин.  
Мана, ёқут кўзлик узугимни ол,  
Инжу ва дурларнинг шодасини ол.  
Эйрак бир савчи топ, салом бер аввал,

Кейин, қиммат баҳо совғалар юбор —  
Маъшуқант Алёна Дмитриевнага.  
Кўнгил қўйса агар, тўй қил, ўйнаб кул,  
Кўнглини бермаса, газабланма ҳеч».

— Иван Васильевич, бор бўлгур подшо!  
Сени алдади бу ҳийлагар қулинг,  
Ҳақиқатни очиқ-ойдин айтмади,  
Сенга айтмадики, у соҳибжамол —  
Никоҳ қилингандир черковимизда,  
Христиан дини қўрсатган тарзда  
Никоҳ қилиб олган савдогар йигит.

\*

Жўралар, куйлангиз, гусли соз бўлсин!  
Жўралар, ичингиз, ўринласин иш!  
Шафқатли боярни юпатинг, қани,  
Гўзал бекасини юшматинг, қани!

## II

Дўконда ўтирап савдогарэода,  
Ҳушсумбат Степан Парамонович,  
Яъни Калашников лақаб навжувон;  
Ипак молларини тахлаб қўяди,  
Ширин сўзлар айтиб харидор тўплар,  
Жарақ-жарақ кумуш, олтинлар санаар,  
Аммо ёмон кунлар тушди бошига:  
Давлатманд тўралар ўтар ёнидан,  
Унинг дўконига қайрилиб кирмас.

Шом чоғи жомини чалди черков ҳам,  
Кремль ортида шафақ туманда  
Кўкка кўтарилаш шошқин булуллар,  
Уларни қувади чинқироқ довул;

Кенг раста, дўконлар бўшаб қолганди.  
Беркитар Степан Парамонович —  
Қарағай эшикли ўз дўконини,  
Очиб бўлмас немис қулфини солар;  
Қопоғон, тишлогич кўппагин эса,  
Темир занжир билан боғлар бўйнидан.  
Москва-рекадан ўтиб, уйига —  
Ёш келин томонга жўнар ҳаёлчан.

Етиб ҳам келди у баланд уйига,  
Кўп ҳайрон Степан Парамонович;  
Ёш хотини кутиб олмади бугун,  
Оқ дастурхон ёзиб, қўймабди таом,  
Липиллаб ёнади хоч олдида шам.  
У, кекса чўрини чорлар ёнига:  
«Қани, айтиб бер-чи, Еремеевна,  
Қаёқларда қолиб, дараксиз юрар  
Кеч-бевақт Алёна Дмитриевна?  
Қалай, гўдакларим, меҳрибонларим  
Чопишиб, ўйнашиб чарчадиларми,  
Ухлаб қолдиларми бугун эртароқ?»

— Хўжамсан, Степан Парамонович,  
Сенга айтсам, ажаб бир гап, кечқурун  
Ибодатга кетди Алёна келин;  
Ёш хотини билан поп қайтиб уйга,  
Кечки таом учун ёқдилар чироқ,  
Ўша кетганича черковдан, лекин,  
Қайтиб келган йўқ бойвуччанг, қайдам,  
Сенинг гўдакларинг, кичкиналаринг,  
Ҳали ухлашгани йўқ, ўйнашган ҳам йўқ,  
Йиғлашар, сиқташар, тийиб бўлмайди.  
Шунда ёш савдогар Калашниковни  
Ташвиш босиб, оғир ҳаёлга ботди;  
Деразага келиб, қўчага боқар.

Кўчани қоплаган кеча зулмати;  
Кўчада бўралаб ёғиб ётар қор,  
Кўмилиб кетмоқда оёқ излари.  
Мана, эшик очди бирор даҳлиизда,  
Кейин, эшитилди шошқин одимлар,  
Қайрилиб қаради — худоё сақла!  
Унинг кўз олдидага турар хотини,  
Ранги бўз оқарган, соchlари тўзиқ,  
Тўзиб кетган қўнгир соч ўримлари,  
Уларга ёпишган қиров билан қор;  
Ақлидан озгандай, кўзлари хира,  
Нимадир пичирлар эди лаблари.

«Қаёқларда қолдинг, э хотин, хотин?  
Кимнинг ҳовлисида, қайси майдонда?  
Нега тўэди, сўйла, сенинг соchlаринг.  
Нега усти бошинг йиртилиб қолди?  
Ўйнаб келгандирсан қўнглингни ёзиб,  
Тўразодаларнинг зиёфатида!..  
Нечун, ахир, эзгу бутлар олдидага —  
Ваъдалар беришган әдик икковлон,  
Нечун олмошгандик олтин узуклар?..  
Сени чиқармайин, қамаб қўяйин,  
Устингдан бир темир қулф солайин,  
Кўрмайин ўтгайсан ёруғ жаҳонни,  
Булғаб юрмагайсан тоза номимни...»

Бу гапни эшитгач, Алёна келин  
Қалтирай бошлади, менинг шўрлигим.  
Дир-дир титради у терак баргидай,  
Аччиқ-аччиқ йиғлаб, тўқди кўз ёшин,  
Эри оёғига ташлади ўзин.

«Сен менинг тўрамсан, нурли қуёшим,  
Ё мени ўлдиргин, ё арзим эшит!

Гапирган гапларинг ўткирдир тиғдай,  
Улар парчалади юраккинамни.  
Ўлим азобидан асло қўрқмайман,  
Одамлар иғвосин писанд қилмайман,  
Сенинг ғазабингдан қўрқаман ёлғиз.

«Шомги ибодатдан қайтардим уйга,  
Келаётган эдим кўчада ёлғиз,  
Қулоғимга келди қор ғичирлаши,  
Қарасам, кетимдан югурап бирор.  
Оёғим чалишиб ела бошладим,  
Ипак рўмолимни юзга ташладим.  
У маҳкам ушлади билакларимдан,  
Астагина менга бундай деди у:  
— Гўзаллар гўзали, нега қўрқасан?  
Мен қароқчи ёки одамхўрмасман,  
Мен шоҳ навкариман, дов шоҳ навкари,  
Отимни сўрасанг Кирибеевич,  
Шонли Малютина уруғиданман...

«Аввалгидан бадтар қўрқиб кетдим мен,  
Гир айланиб кетди шўрлик бошгинам...  
У бўлса, эркалаб, ўпа бошлади,  
Мени ўпарди-ю сўзларди нуқул:  
— Жавоб бергил, қани, сенга на даркор,  
Севгилим, жонгинам, бебаҳо дилбар!  
Олтин хоҳлайсанми, ё дур, ё гавҳар?  
Ёки асл тошлар, ё гулдор кимхоб?  
Ясантирай сени маликалардай,  
Кўрганларнинг сенга келсин ҳаваси,  
Ҳасратингда ўлмай гуноҳга ботиб,

**Ёрим бўл, сев мени, қучоқла мени,  
Кўнгил учун қучги ҳеч бўлмаганда...**

«У мени қучоқлаб, бўсалар олди,  
Ўт ёнар ҳали ҳам ёноқларимда;  
Нақ олов сингари куйдирар эди  
Унинг ўшишлари, қуриб кеткур-ей..  
Кўрди тирқишилардан қўшни жувонлар,  
Кулишди кўрсатиб бири-бирига...  
Мен унинг қўлидан зўрга қутулдим,  
Уйга қараб чопдим жоним борича,  
Қароқчи қўлида қолди, нетайин,  
Ўзинг совға қилган гуллик рўмолим  
Ва юзимга тутган бухори тўрим,  
Номусим бор эди, бегуноҳ эдим,  
Шармисор этди у, қўйди уятга!  
Нималарни демас ёвуз қўшнилар?  
Қандай кўринаман киши кўзига?

«Ташламагин мени — вафодорингни,  
Ёвуз безорилар таҳқир этмасин!  
Суянгудай сендан бўлак кимим бор?  
Сендан бўлак кимдан кўмак сўрайман?  
Бу ёруғ жаҳонда мен бир ўксизман,  
Отам-ку ётибди зах ер бағрида,  
Онамнинг қабри ҳам унинг ёнида;  
Оғагинам бўлса, ўзинг биласан,  
Ет элларда ғойиб бўлди дараксиз,  
Кичик укам бўлса, ҳали жуда ёш;  
Ҳали жуда ҳам ёш, эси кирмаган...»  
Шундай дер Алёна Дмитриевна,  
Аччиқ кўз ёшлари оқарди тинмай.

Укаларига тез одам жўнатди  
Шу замон Степан Парамонович;  
Иккала укаси келишди уйга;  
Қуллуқ қилишди-да, бошлишди шундоқ:  
«Хўш ака, нима гап, қилгил хабардор,  
Сенга нима бўлди, нима можаро?  
Нега чақиртирдинг қоронғи тунда,  
Қоронғи, қаҳратон, қоп-қора тунда?»

— Сизга айтиб берай, укажонларим,  
Мушкул қулфат тушди менинг бошимга:  
Ҳалол уйимизни қилди-ку бадном —  
Лаънати ясовул Кирибеевич.  
Бундай ҳақоратга чидаб бўлурми,  
Ҳеч тоқат қиломас йигит юраги;  
Москва-рекада, шоҳ ҳузырида  
Эртага бўлади катта мушт жанги,  
Ясовулга чиқай яккама-якка,  
Ўлгунча, кучимнинг борича урай.  
Мени абжақ қилса, сиз чиқинг, хўпми?  
Чиқинг эзгу, ҳалол ҳақиқат учун.  
Қўрқманг, укаларим, меҳрибонларим!  
Сиз мендан ёшроқсиз, қувватингиз бор,  
Ҳали оз сизларнинг гуноҳларингиз,  
Парвардигор ўзи сизни ярлақар!

Унга укалари қайтарди жавоб:  
«Шамол қайга юрса осмон юзида,  
Ўша ёққа чопар ювощи булатлар;  
Катта жанг майдони — қонли водига,  
Базмга, ўликлар саранжомига —  
Бўз бургут овози чақирса агар,  
Навқирон бургутлар учишиб келар.  
Сен биэга оғасан, иккинчи ота,

Кўнглингга на келса, шуни қиласер,  
Евга калтаклатиб қўймасиз, жигар!»

\*

Жўралар, куйлангиз, гусли соз бўлсин!  
Жўралар, ичингиз, ўринласин иш!  
Шафқатли боярни юпатинг, қани,  
Гўзал бекасини юмшатинг, қани!

### III

Олтин бошли, улуғ Москва устида,  
Оқ тошли Кремль деворларида —  
Узоқ ўрмонлардан, зангор тоғлардан,  
Тахта уйлар, томлар бошида ўйнаб  
Ҳам сур булатларни ҳар томон ҳайдаб,  
Қизғиши тонг шуъласи кўринди балқиб;  
Олтин соchlарини таратиб солди  
Ва ювинди оппоқ, сочма қорларда;  
Сулув қиз кўзгуга боққан сингари,  
Беғубор осмонга боқар, жилмаяр.  
Нега, қирмизи тонг, уйғона қолдинг?  
Қандай шодлик учун шошила қолдинг?

Азамат Москва баҳодирлари,  
Мана, тайёрланар, тўпланиб бари  
Москва-рекага, мушт жангларига.  
Байрам сайилига, кўнгил очишга.  
Подшоҳ ҳам келди ўз тўпи билан,  
Ёнида боярлар, ясовуллари:  
Ҳалқасига тоза олтин қўйилган  
Кумуш занжир тортиング, деб берди фармон.  
Йигирма беш қулоч занжир тортилди —

**Яккама-якка жанг талабгорига.**  
Иван Васильевич буюрган эди,  
Баланд овоз билан чақирилди жар:  
«Хой, қани бормисиз, танти ўғлонлар?  
Қани, шоҳимиёнинг кўнглин очингиз,  
Қани, кенг даврага чиқа қолинг тез,  
Зўр чиқдан кишига шоҳ инъом берар,  
Кимки юдрүқ еса, тангри кечирар!»

Даврага тушди мард Кирибеевич,  
Шоҳга таъзим қилди икки букилиб,  
Кимхоб тўнни ташлаб зўр елкалардан,  
Ўнг қўлини расо тираб белига,  
Чап қўли-ла ростлаб қизил бўркини,  
Шу тарзда талабгор кутди майдонда...  
Уч қатла янгради баланд овоз жар,  
Жойидан қўзғалмас биронта полвон,  
Бир-бирин итарар, туртишар, холос.  
Ясовул кезади майдон ичида,  
Қўрқоқ полвонларни қилади мазах:  
«Дамингиз чиқмайди, қўрқяпсиз-да!  
Шу улуф айёмда ваъда бераман,  
Тавба қилган киши тирик қолади,  
Шоҳимиз кўнглини очаман, холос».

Бирдан икки ёққа ажралди йигин,  
Шу маҳал Степан Парамонович,  
Савдогар боласи, азамат ботир —  
Калашников чиқиб келди майдонга.  
Аввал таъзим қилди даҳшатли шоҳга,  
Кремлга, эзгу черковларга-ю,  
Бутун рус халқига берди у салом...  
Лочин кўзларидек кўзлари ёнар,  
Қарашин узмайди ясовулдан ҳеч!

Ёвга у юзма-юз тўхтади келиб,  
Ва жанг қўлқопларин кийди шайланиб,  
Кенг кифтини ростлаб, ўзини чоғлаб,  
Кўнғир соқолини сийпаб турарди;

Шу маҳал сўз қотди Кирибеевич:  
«Қани, баён қил-чи, ҳай, танти йигит,  
Наслу насабингни билдиргин менга!  
Хўш, номинг нима-ю, лақабинг нима?  
Кимнинг жанозаси ўқилар, билай,  
Мақтанимоқ учун ҳам билмоғим лозим».  
Жавоб дер Степан Парамонович:  
«Степан Калашников дейдилар мени»,  
Тугилдим номусли ота пуштидан,  
Кун кўрдим мен чиқмай тангрим амридан:  
Ўзганинг хотинин бадном әтмадим,  
Тўсмадим қоронғи кечаларда йўл,  
Бекиниб юрмадим кун ёруғидан...  
Сен тўғри гапирдинг: ёинки сенга,  
Ё менга ўқирлар сўзсиз жаноза;  
Эрта туш пайтида ё сен, ёки мен —  
Азамат дўстларнинг базмига кириб,  
Мақтаниб сўзлашга олар бугун ҳақ;  
Бир ҳазил, ё кўнгил очиш учунмас,  
Юзма-юз келдим мен сенга, беимон,  
Даҳшатли ва сўнгги оғир жанг учун!»  
Бу сўзни эшигтгач Кирибеевич,  
Юзи куз қоридай оқариб кетди;  
Ўйноқи кўзларга чўқди бир туман,  
Муз югурди унинг зўр елкасига,  
Оғзи очилганча қотди сўзлари...  
Икковлон ажралди бир нафас жимжит,  
Баҳодирлар жангни бошланди шунда.

Аввал қўл кўтарди Кирибееич,  
Савдогар ўғлига рўбарў келиб,  
Урди у астойдил қоқ кўкрагига,  
Ботирнинг кўкраги қирсиллаб кетди,  
Тебранди Степан Парамонович,  
Мис хоч осиғ эди кенг кўкрагида,  
Муқаддас Киевдан келтирилган хоч  
Зарбадан букилиб кўксига ботди.  
Шудринг томчисидай томчиларди қон,  
Ўйларди Степан Парамонович:  
«Гақдир нима бўлса, шуни қўраман,

Ўлгунча жанг қилай ҳақиқат учун!»  
Дарров ўнгланди-ю, рўбарў юрди,  
Муштига тўплади бутун кучини,  
Кўзлаб чап елка-ю бўйни аралаш  
Роса келиштириб урди ёвини.  
Навқирон ясовул инграб қўйди сал,  
Совуқ қор устига гангиб-довдираб,  
Чўзила тушди-ю, дарров берди жон.  
Совуқ қор устига гўё қарагай,—  
Гўёки қарагай намтоб тўқайдা  
Сермум томиридан қирқилиб тушди.  
Иван Васильевич шоҳ буни кўргач,  
Ғазаби ўт олди ва ер тепинди,  
Қоп-қора қошларин чимириб олди,  
Жасур савдогарни тутиб, олдига  
Жадал келтиришга берди у фармон.  
Православ шоҳи сўзин бошлади:  
«Тўғрисини айтгил, ҳақ сўзла менга,  
Менинг содиқ навкар — яхши ботирим —  
Кирибееичини ўлдирдинг нега,  
Ўз өркинг биланми, ёки ноилож?»

— Православ шоҳи, айтайин сенга:  
Мен ўлдиридим уни ўз эрким билан,  
Важи, сабабини сенга айтмайман,  
Ёлғиз худойимга айтгайман фақат.  
Майли, жазолагин, урилсин, майли,  
Кундада гуноҳкор бошимга болта;  
Фақат сен, бегуноҳ гўдакларимни,  
Ҳам тул хотинимни, икки инимни —  
Четда қолдирмагил марҳаматингдан...  
«Сўзинг маъқул бўлди, азamat йигит,  
Ҳей, эпчил баҳодир, савдогар ўғли,  
Менга жавоб қилдинг, номусли, тўғри.  
Еш хотинингни ва гўдакларингни  
Жазодан, ўлимдан озод қиласман,  
Иккала инингга бугундан бошлаб  
Бутун кенг Россия мамлакатимда —  
Тўловсиз савдога бераман ёрлиқ.  
Ўзинг эса ҳозир, азamat йигит,  
Жазо минбариға томон олгил йўл,  
Галвали бошингни кундага қўйгили.  
Буюрай, ойболта тиги қайралсин,  
Ва келсин ясаниб-тусаниб жаллод,  
Катта қўнғироқни жаранглатсинлар,  
Москвада фуқаро тамом билсинки,  
Бебаҳра қолмадинг марҳаматимдан...»  
Ҳалойиқ тўпланар катта майдонга;  
Ёйиб ҳар томонга совуқ хабарни,  
Мунгли-мунгли садо берар қўнғироқ.  
Жазо минбарининг устида шу пайт —  
Ярқироқ тугмали алвон кўйлакда,  
Қайралган каттакон ойболта тутган,  
Яланғоч қўлини артиб, дам-бадам,  
Жаллод қувнаб кезар у ёндан-бу ён,  
Азamat ботирни кутмоқда жаллод.

У, абжир паҳлавон, савдогар ўғлон  
Инилари билан хайрлашади:  
— «Қани, қардошларим, укажонларим,  
Энг сўнгги айрилиқ йўли устида,  
Келинг, ўпишайлик-қуҷоқлашайлик.  
Салом, денг Алёна Дмитриевнага,  
Айтинг, қайфурмасин, кўп йифламасин,  
Гўдаклар билмасин менинг нақлимни;  
Салом айтинг ўсиб-унган уйимга,  
Бутун ёру дўстга айтинг кўп салом!  
Менинг учун боринг черковга ҳам сиз,  
Гуноҳкор руҳимга ўқинг фотиҳа!»

Шундай қилиб, Степан Калашниковни  
Қатл айладилар шармандаларча.  
Қонларга бўялиб баҳтсизнинг боши,  
Жазо минбарида юмалаб кетди.

Москва-реканинг нари ёнида,  
Кенг далада унга қазишди қабр,  
Тулск, Рязанск, Владимирск —  
Уч йўл ўртасига кўмдилар танин,  
Устига тортилар уйиб нам тупроқ  
Гўрига санчилар ёғочдан бир хоч;  
Ғувиллашиб кезар бетинч шамоллар  
Езувсиз, номаълум қабр устида.  
Шу ердан ўтади яхши одамлар;  
Кексалар фотиҳа ўқиб кетади,  
Йигитлар ўтганда қаддини ростлар,  
Қизлар ўтганида уҳ тортар бир оз,  
Гусарлар ўтганда — айтишар қўшиқ.

\*

Ҳей, танти жўралар, танти жўралар,  
Ўспирин куйчилар,

Гусляр ўғлонлар!  
Яхши бошловдингиз, яхши тугатинг,  
Ҳар кимга ҳақиқат ва чин сўз айтинг!  
Сахий боярга балли!  
Гўзал bekaga балли!  
Ва бутун христиан халқига балли!

1837.

## ҚОЧҚИН

(Тоғликлар афсонаси)

Кийикдан тез югурап Гарун,  
Бургут қувган қуёндай шошар;  
Черкас қони оққан жанг майдонин  
Ташлаб, даҳшат ичидә қочар;  
Отаси ҳам икки қондоши  
Әрк ва шараф деб ўлиб кетди;  
Ев оёғи остида боши  
Чанг-чупроққа кўмилиб кетди.  
Оқар, қасос тилар уларнинг қони,  
Жанг ўтидан қочади Гарун;  
Ташлади у қилич винтовкани,  
Унутди у бурчин ва орин.  
Қуёш ботди; туман тўлғанар,  
Оқ либосга бурканди қирлар;  
Шарқдан салқин шамол гир-гирлар,  
Пайғамбар саҳроси тепасида ой  
Жимиirlайди қалқиб олтиндай!

Гарун ҳорғин, сувсаб энтикар,  
Юздан артар қон ва терини.

Тоғ аро ой нури: кўз тикар  
Таниб ўсган қардош ерини;  
Пусиб кирап, кўзга кўринмас,  
Атроф сокит, чиқмас бирор ун...  
Қонли жангдан уйга бешикаст  
Елғиз ўзи қайтганди Гарун.  
Гарун ошно кулбага шоши,  
Уйда одам пирпирайди шам;  
Қалбга далда бериб, ўзини босди,  
Остонага ташлади қадам;  
У, Салимини бир вақт дўст дерди  
Танимади ошнаси лекин;  
У тўшакда, оғирдир дарди,  
У ёлғиз жон бермоқда секин...  
«Тангри улуг! Ў нур қанотли  
Фариштага бергандир амрин:  
Сени ёвуз ажал заҳридан  
Шуҳрат учун сақлагай тангirim!»  
Салим заиф кўзларин очиб,  
— Не янгилик бор?— дея сўрди.  
Қарашида умид нур сочиб  
Ярқиради... ўрнидан турди,  
Жангчи қони, жон берар чоғда  
Бир дам ўйнаб, сўнгги мавж урди.  
«Икки кечада жанг қилдик тоғда,  
Оғаларим ва отам ўлди;  
Овчи қувган жонвордай қочдим,  
Саҳро менга паногоҳ бўлди,  
Тоғу тошлар, чангаллар ошдим,  
Оқёларим бўялди қонга;  
Мен нотаниш йўлларни босдим,  
Бўри изи йўл бўлди манга.  
Черкас ўлар, душман ҳамма ёқ,  
Қадрдон дўст, қабул эт мени;

Раҳм әт, ана пайғамбар гувоҳ,  
Қабримгача унутмам сени!..»  
Ўлаётib жавоб айтди Салим:  
«Сен таҳқирга лойиқ, қайт яна,  
Менда қўрқоқ учун на раҳм,  
На шафқат бор ва на бошпана!..»  
Таънасига чидаб, бериб тан,  
Яширин азоб билан дил тўлиб,  
Қайтди, яхши қарши олмаган —  
Остонадан, кўп мулзам бўлиб.  
Яна ўтиб бир эшик, туси —  
Ўзгарди-ю тек туриб қолди,  
Ўтмиш кунлар ҳавоий туши  
Кўз олдидা намоён бўлди  
Ва муз каби пешонасидан  
Бўса олгансимон туюлди.  
Бирдан дили ёришди, майнин,  
Қора тунга тикилган сайин,  
Гўё ёрқин ҳамда ёқимли,  
Ўтли кўзлар кўрингандайин;  
«Бу қиз фақат мен билан ҳаёт,  
Мени севар...» деб этди хаёл,  
Кирмак бўлди — бир қуй әшиитди...  
Эшиитди-ю қотиб қолди лол,  
Гарун оппоқ оқариб кетди:

«Ой оҳиста сайд әтиб,  
Юзиб ўтади,  
Навқирон ботир йигит  
Жангга кетади.  
Йигит милтиқ ўқлайди.  
Қизи сўйлайди:  
Тақдирингга тан бергин  
Ва ибодат қилас.

Пайғамбарга дил боғла,  
Шаънингни оқла.  
Ҳар ким ўз дўст-ёрига  
Хиёнат этса,  
Зарб бермай ағёрига,  
Шарафсиз кетса,  
Яраланган танини  
Ёмғир ювмайди,  
Ҳайвонлар суягини  
Кўмиб қўймайди...  
Ой оҳиста сайр этиб,  
Сузиб ўтади.  
Навқирон ботир йигит  
Жангга кетади».

Бошин эгиб, ўз йўли сари  
Гарун жадал ташлади қадам.  
Кипригидан ёш томчилари  
Кўкрагига томди дам-бадам...  
Қаршисида довул қийшайган,  
Азиз уйи оқариб турар.  
Умид билан руҳланиб Гарун  
Дарча чертиб ижозат сўрар.  
У туфайли ҳужрада, албат,  
Юксаларди осмонга дуо.  
Жангдан кутар онаси ўғлин,  
Лекин танҳо ўзинмас фақат...  
«Оч, онажон! Мен мискин дарвеш,  
Кенжа ўғлинг Гарунман, танҳо,  
Рус ўқлари аро бешикаст  
Қайтиб келдим»— Ёлғизмисан?— Ҳа.  
— Оғаларинг, отанг қаерда?  
— Фаришталар олдилар жонин,  
Ҳудо раҳмат қилар қабрда,

Пайғамбарлар берди ажалин».  
— Ўқ олдингми? — Йўқ, оолмадим...  
Тоққа ўқдай учдиму она,  
Ет ўлкада қолди шамширим,  
Кўзларингни қувнатиб яна  
Оби дийданг артайин дедим...»  
— Бас, гапирма! Эй маккор коғир,  
Шон-ла ҳалок бўла билмабсан.  
Чекил кўздан, яшай бер якка,  
Эрк қочқини, рози эмасман  
Кекса умрим иснод әтмакка!  
Сен қўрқоқсан, сен қул, ташландиқ,  
Менга ўғил эмассан ортиқ...  
Тинди машъум қарғиш сўзлари,  
Уйқу секин масканин қурди,  
Қарғиш, инграш, ёлвориш бари  
Деразадан эшитилиб турди.  
Бир зарб билан ниҳоят, ханжар,  
У баҳтсизнинг кесди хўрлигин...  
Она совуқ ташлади назар  
Кўргач тонгда ўғли ўлигин.  
Одамлар ҳам қувғин жасадин  
На қабристон сари әлтдилар,  
Оғир жароҳатдан оққан қонин  
Дайди итлар ялаб кетдилар;  
Ёш болалар совуқ мурдани  
Сўқиб-сўқиб хўб шовқин солди,  
Шаримсорлик, қочқин ўлими  
Эрк эртаги, куйида қолди.  
Руҳи пайғамбар нигоҳидан  
Кўрқув билан учди узоқча,  
Кўланкаси шарқ тоғларида  
Кечалари ҳамон кезмоқда.  
Тонг отарда дарча тагида

Үй ичига ижозат сўрар  
Ва эшитиб қуръон сўзларин  
Яна туман ичра югурад.  
Чопар, худди ўзи илгари —  
Жангдан қўрқиб қочган сингари.

1838

## МЦИРИ\*

Асалдан оғина тотиб,  
Мазасига етмасданоқ, ўлаётирман.  
*1-нчи Шоҳлар Китоби.*

### 1

Бир неча йил бундан илгари,  
Худди опа-сингил сингари  
Қучоқлашиб Арагва, Кура  
Шовқин солиб қўшилган ерда  
Бир монастиръ бўлган. У ёқдан  
Пиёдалар ўтсалар, тоғдан  
Кўзга яққол ташланар ҳамон  
Миноралар, черков гумбази;  
Устунлари бутунлай вайрон  
Уша ернинг чўнг дарбозаси.  
Аммо улар остида бу кун  
Исриқдондан бурқимас тутун,  
Бу оқшомги соатда, бу пас  
Ҳаққимизга дуо қилган у  
Роҳибларнинг товуши тўғри  
Қулоқларга келиб урилmas.

\* Мцири — грузин тилида «хизмат қилмайдиган монах»,  
ёки «монах шогирди», демакдир.

Соч-соқоли оппоқ чол, нимжон,  
Харобага қоровул бу он.

Ҳамма уни буткул унугтган  
Ва ўлим ҳам фаромуш этган.  
Қабрлардан чанг супурар у,  
Тошлардаги ҳар битта ёзув  
Нақл этар ўтмиш шавкатин  
Ва бир шоҳнинг оғир кулфатин,  
Тахту тождан айрилиб ҳамда  
Россияга у ўз ҳалқини  
Топширгани фалон айёмда.

\*

Шундан кейин худо ёрлақаб,  
Ором бериб боғлар салқини  
Грузия яшнаган экан,  
Дўст наизаси ёвлардан сақлаб,  
Кўрқувларни ташлаган экан.

2

У тоғлардан Тифлисга томон  
Рус генерал келган бир замон;  
У бир асир болани олиб —  
Келган экан. У йўлда толиб,  
Машаққатлар тортиб хориган.  
Афтидан, у олтига кирган.  
Оху каби ёввойи, хурков.  
Ожизликда гўёки ғаров.  
Аммо унда азоб кулфати  
Боболарнинг зўр руҳиятин —

Чиниқтирган Оқу-зор қилмай,  
Гўдак тили фифон чиқармай  
Имо билан рад әтиб нонни,  
Аста, мағрур берарди жонни.  
Бир раҳмди монах у замон  
Бола учун тилади омон.  
Дўстлик меҳри сақлаган бемор  
Шу муқаддас, азиз чордевор  
Ичларида қолиб кетмишди.  
Ёшлиқдаги эрмакдан зинҳор  
У ўзини йироқ тутмишди.  
Авваллари ҳаммадан қочиб,  
Беркинарди бурчак-бурчакка,  
Кезар эди индамай, якка,  
Шарққа боқар эди оҳ сочиб,  
Юрти томон тикилар эди,  
Юрагини ғам тилар эди.  
Асораттга ўрганди ахир,  
Ет тилни ҳам англади бир-бир.  
Чўқинтирди уни монах чол.  
Роҳатлардан маҳрум бу ниҳол  
Болалиги гуллаб турган дам  
Ичмакчийди монахча қасам,  
Ва лекин куз фаслида бир тун  
Фойиб бўлди. Тоғларни бутун  
Қопламишди қоронғу ўрмон.  
Уч кун тинмай излашлар у он  
Бекор кетди. Ва лекин сўнг гал  
Уни чўлдан топиб олдилар,  
Бехуш ётган болани жадал  
Монастирга олиб келдилар.  
У ғоятда озган ва туссиз,  
Узоқ вақт оч қолган каби,  
Еки бемор бўлгандек ожиз.

Сўроқларга жим қолди лаби.  
Сўлар эди кун ўтган сайин,  
Яқин ўлим сезилди тайин.  
Роҳиб келиб қилди насиҳат.  
Сўзни мағрур әштиб бемор,  
Бор кучи-ла кўтариб қомат,  
Узоқ этди шу гапни изҳор:

3

«Тавба тилаб келибсан мендан,  
Миннатдорман, розиман сендан.  
Сўзлар билан очайн дилни,  
Бўшатайн энди кўнгилни.  
Одамларга бермадим озор.  
Шунинг учун ишларимни ҳам  
Билмаклиknинг манфаати кам,  
Дилни қилиб бўлурми изҳор?  
Оз яшадим ва асоратда,  
Бундай икки умрни, албатта,  
Ҳаяжонга лиқ тўла битта  
Ҳаётга мен берардим ҳозир,  
Агар шунга бўлсайдим қодир.  
Мен билганман фақат, доимо  
Орзуларнинг ҳукмини, холос.  
Менга ошно биргина, аммо  
Алангали, ўтли эҳтирос.  
У қорт каби бағримда турган,  
У куйдирган, жонни кемирган.  
Ўйларимни шу туйғу доим  
Ибодатдан, роҳибларнинг дим —  
Ҳужрасидан — жонли ва дилбар  
Жанг олами сари чақирап,

У ерларда баланд қоялар  
Булутларнинг қўйинда ётар,  
Ўзларини унда одамлар  
Бургутлардек әркин ҳис әтар.  
Мен шу ҳисга кўз ёш ичириб,  
Озук учун ғамимни бериб,  
Улгайтиридим тун зулматида.  
Уни осмон ва ер олдида  
Энди қаттиқ әтаман иқор,  
Иноятга ҳеч әмасман зор.

## 4

«Чол! Эшиздим мен кўп марта, рост,  
Сен ўлимдан этибсан холос.  
Ёлғизликда, мағруона тек  
Ўсдим баланд деворлар аро.  
Руҳан бола, монах-тақдирим,  
Ота-она деган сўз аммо  
Менга насиб бўлмай, ёш умрим —  
Ўтди. Сен ҳам истар әдинг, чол,  
Шу паноҳда мен гўёки бол —  
Каби ширин сўзлардан кечсам.  
Бекор савдо, бу товушлар ҳам  
Туғилдилар мен билан бирга.  
Ўзгаларда қавму қариндош,  
Ватан, кулба ва дўсту йўлдош  
Кўрган эдим. Аммоқи ўзим  
Етолмадим ҳаттоки гўрга.  
Шунда бебурд ёш тўқмай кўзим,  
Дилда ичдим шундай бир қасам:  
Бир кун, майли, ақалли бир дам  
Ўз сийнамни бирор жонажон

Сийнасига лоақал бир оң  
Боса олсам, ёзолсам қайғу,  
Майли, қавмим бўлмаса ҳам у.  
Эвоҳ энди у ширин хаёл  
Ҳалоқ бўлди, қолмади хушҳол,  
Аввалгича, қул, етим бўлиб,  
Ет тупроқда кетаман ўлиб.

## 5

«Қўрқитмайди мени қабристон;  
Дейдиларки, совуқ зимиston —  
Ерда ухлаб ётармиш кулфат,  
Эсиз ширин ҳаётим фақат!  
Мен ёшман, ёш... Бирор әрта-кеч  
Шўх ёшликнинг орзуларини,  
Эркинлиги, туйгуларини  
Сезганимисан, билганимисан ҳеч?  
Нафрат, севги сенга тамом ёт,  
Еки, унуглансан умрбод;  
Бурчакдаги юксак минордан  
Кўринганда қўёш, кенг водий,  
Тоза ҳаво ва гоҳи-гоҳи  
Қаршидаги тешик девордан  
Нотаниш юрт боласи, жони  
Ёш кабутар шохида увушиб,  
Яшинлардан қўрқувга тушиб  
Үтирганда, дил ҳаяжони  
Ошганимасми? Бу гўзал олам  
Ҳаётидан тўйгансан бу дам:  
Кариб қолдинг, ожизсан, тоқсан,  
Орзуладан тамом узоқсан.  
Сен яшадинг! Нима әҳтиёж?

Унутмакка бор сенда илож.  
Сен яшадинг — мен ҳам бу айём  
Сендай яшай олардим тамом!

6

«Мен ҳурликда кўрган нарсалар  
Агар сенга даркор эрсалар,  
Сўзлаб берай,— яшиноқ далалар,  
Дараҳтлар-ла қопланган тела  
Ва уларнинг бутун атрофда  
Оғайнилар рақси сингари  
Тўдаларда шўх шовқунлари...  
Қояларни ўпирап оқим.  
Үйдум-үйдум қора тошлар жим;  
Кўраканман буларни у он  
Үйларини англадим аён:  
О, бу менга бўлди иноят!  
Тош қучоқлар фазода ғоят  
Ейилмишди узоқ ва узоқ,  
Муштоқ әди висолга ҳарчоқ:  
Аммо кунлар ўтар, йил ўтар,  
Улар асло қовушмай кетар.  
Орзулардек ажойиб, гўзал  
Тизма тоғлар кўрдим у маҳал,  
Улар тонгнинг шуъласи билан  
Меҳроблардек ялтироқ әкан,  
Кўк осмонда уларнинг боши  
Кўринаркан булатлар ошиб,  
Тарқ әтишиб сирли маконни  
Оқ булатлар тизма карвони  
Шўх қушларнинг йироқ әлдан тик  
Келаётган карвонларидек

Чўзилишиб кўкда бепоён,  
Йўл олади машриққа томон.  
Узоқларга боқдим туманда  
Нурли олмос қорлар оралаб  
Кўринарди аста мўралаб  
Кекса Кавказ ўша томонда:  
Шунда кетди кўнглимдан ҳасрат,  
Сабабини билмадим фақат,  
Сен у ерда яшагансан деб,  
Сирли овоз этарди баён.  
Мен эсласам, ёдимда ҳадеб  
Ўтмиш кунлар бўларди аён.

## 7

«Мен туғилган у гўзал дара  
Атрофдаги ажиб манзара:  
Салқин ерда гуллаган овул  
Хаёлимни қоплади буткул.  
Кечки маҳал қайтучи пода,  
Ийлқиларнинг саси ҳавода,  
Таниш итлар кўтарган сурон  
Эшитилди менга ўша он.  
Уйимизнинг нақ қаршисида  
Кекса бошин босиб хаёллар,  
Ўй ўйлашиб ўтирган чоллар  
Жонландилар менинг эсимда,  
Узун ханжар ғилофлари ҳам  
Ярқ этгандай бўлди... Ҳаммаси  
Худди тушдек ўйимни босиб.  
Бир-бир ўтди олдимдан шу дам.  
Отам бўлса, у худди тирик  
Ва жанговар либосда тетик

Кўринди-ю, эсладим аён:  
Совутларнинг сасин ногаҳон,  
Қуролларнинг порлоқ нурини,  
Кўзлардаги эрк ғурурини.  
Едга тушди нав-ниҳол қизлар.  
Опаларим, у шаҳло кўзлар,  
Бешигимнинг устида улар  
Сўзлаган сўз ва ширин қуйлар...  
Югуради дарада ирмоқ,  
Сершовқин пайт эди у бироқ;  
Мен у ерга қоқ яrim кунда,  
Ўйнаш учун тилла ранг қумда,  
Дара бўйлаб ёлғиз борардим,  
Қалдирғочлар томон қаардим.  
Улар селни сезиб учарди,  
Қанотлари мавжин қучарди.  
Сокин кулбам ёдимга тушди,  
Эсим оқшом бағрига учди.  
Биз ўшанда гулхан олдида  
Ҳашаматли ўтмиш ҳақида  
Ҳикоялар тинглаб, бўлиб шод,  
Ўтганларни қилас әдик ёд.

## 8

«Мен ҳурликда қўрган нарсалар,  
Наҳот, сени қизиқтирсалар?  
Мен яшадим, ҳаётим учун  
Бўлмасайди шу баҳтли уч кун,  
Сенинг ожиз чоллигиндан ҳам  
Менда ортиқ бўлар эди ғам.  
Кўпдан бери орзуманд эрдим;  
Қирларимни бир кўрсам дердим,

Билмакчийдим, эрк учунми ё  
Зиндан учун яралган дунё.  
У даҳшатли, тунги соатда,  
Яшин сизни қўрқитган пайтда,  
Тўпланишиб сизлар меҳробга,  
Бош қўйгандага ерга, тавобга,  
Мен қочдим. О, ука сингари  
Қулоч ёйсам мен бўрон сари!  
Булутларни кузатди кўзим,  
Елдиримни ушладим ўзим...  
Айтгил менга, у қисқа, жонли,  
Бўрон билан хўб ҳаяжонли  
Биродарлик, дўстлик ўрнига  
Берар эдинг нимани менга?

9

«Узоқ чопдим... Қаерга? Қаерда?  
Билолмайман! Ана шу пайтда  
Бирор юлдуз заҳматли, оғир  
Йўлларимга ҳеч тўкмади нур.  
Азоб чекиб әзилган сийнам  
Ўрмонларнинг кечасиги нам —  
Ҳавосидан нафас оларди,  
Шунда руҳим енгил бўларди!  
Елиб қочдим мен неча соат,  
Югурдиму толдим ниҳоят,  
Ўсиқ ўтлар қўйнига ботдим,  
Қулоқ солдим: сокинлик ҳоким.  
Ҳеч ким мени қувламас эди,  
Гулдурак ҳам тинмишид энди.  
Тасма-тасма туссизгина нур  
Чўзилемишиди юксак осмондан

Тоғлар ошиб то ерга довур.  
Ва пайқадим мен ўша онда  
Узоқдаги тоғнинг тишлари  
Тизилмишди маржон сингари.  
Қимирамай ётардим сокин,  
Гоҳо дара қўйнида локин  
Олисларда шақал увларди,  
Гоҳо бола каби йиғларди.  
Тош оралаб силлиқ товланиб  
Илон ўтар эди тўлғаниб.  
Аммо қўрқув этмади таъсир,  
Қилолмади қалбимни асир.  
Одамлардан қочиб, ҳайвондек,  
Беркинардим мен ҳам илондек.

## 10

«Пастда әса кўтариб нола,  
Яшин билан авжли шалола  
Бўкирарди, у солган шовқун  
Юз даҳшатли овозга бутун —  
Ўхшар эди. Гапирмаса ҳам,  
Қайсар тошлар гувиллаб қилган  
Ўша суҳбат, мангуда баҳс у дам  
Менга жуда ошно туюлган.  
У гоҳ тинар, гоҳ авж оларди,  
Сукунатда шовқун соларди.  
Мана, тепа-туман томонда  
Қушлар сайраб кетди шу онда,  
Қанот ёйди шарқда олтин зар,  
Ел қўзғалиб, шу маҳал барглар  
Шудринг тўкиб кетди қимирилаб.  
Ухлоқ гуллар аста очди лаб,

Ва шулардек нурдан топиб жон  
Бош кўтардим мен ҳам у замон...  
Алангладим: рост этсам агар,  
Кўрқиб кетдим. Губсиз чуқур жар  
Еқасида танҳо ётардим,  
Ўкирарди даҳшатли оқим,  
Қоя тошлар — зинаси бунда,  
Осмонидан мангү қувилган,  
Ер тагига мангү йўл олган  
Иблис фақат юарди унда.

11

«Атрофимда яшнарди жаннат,  
Гиёҳларда мавжуд латофат  
Илоҳий кўз ёшлар изини  
Сақлар эди, безаб ўзини,  
Ишкомларнинг сўлим чиройи  
Дараҳтларга тиниқ нур ёйиб,  
Ўша ерда сочилган эди,  
Гўзал олам очилган эди:  
Пишиб турган узумлар бош-бош  
Худди тилла зиракка ўхшаш  
Ҳашам билан осиқ турарди.  
Ҳурков қушлар келиб қўнарди.  
Шунда яна ерга ётдим-да,  
Қулоқ солиб, ўйга ботдим-да,  
Афсонавий ва жуда ғалат  
Овозларни эшигдим шу вақт;  
Чанглаларда сайрарди қушлар,  
Гўёки ер юзининг борин  
Ва осмоннинг сиру асрорин  
Буткул аён айларди қушлар.

314

Барча мавжуд бўлган овозлар  
Кўшиларди шу ерда бирга.  
Тантанага тўлган овозлар —  
Шу мақтovлар ичида у дам  
Мағрур товшин қўшмасдан жўрга  
Фақат сукут сақларди одам.  
Ўша маҳал кўнглим ҳис этган  
Барча орзу йўқолиб кетган,  
Аммо, истайманки, лоақал  
Хаёл билан яшамоқ учун,  
Ўша орзуларни бу маҳал  
Бир-бир сўзлаб берайин бутун.  
У субҳидам осмон гумбази  
Тоза эди, малак парвози  
Пайқаларди; саришта нигоҳ  
У парвоздан бўларди огоҳ;  
У шундайин тубсиз ва тиник,  
Текис мовий чиройга тўлиқ!  
Унда кўзим тинди қамашиб,  
Унда руҳим қолди адашиб,  
Ўйларимни қувди ҳарорат,  
Ташналиқдан толиқдим беҳад.

## 12

«Тепаликдан оқимга қараб,  
Эгишувчан шохларни ушлаб,  
Тошдан тошга узатиб оёқ,  
Аста тушдим пастликка шу чоқ.  
Оёқ тегиб гоҳ қулаган тош,  
Жар тубига думалаган тош  
Тўзитарди тупроқни бутун,  
Юксаларди у гўё стун,

У гумбурлаб, сачраб, тушарди,  
Мавжлар узра сувга чўкарди;  
Баланд тошга осилиб қолдим,  
Аммо кучли әркин, ёш қалбим,  
Улим унга сололмас қўрқув!  
Тик тепадан тушишим билан  
Тоғдан гурлаб тушган салқин сув  
Шабадасин ҳис этдим бирдан,  
Бир енгиллик сездим-да шунда  
Узни урдим бароқ тўлқинга.  
Ногаҳон сас... Қуш каби енгил  
Оёқларнинг товшин эшилдим...  
Ҳаяжонга лиқ тўлди кўнгил,  
Қалин шохлар ичра беркиндим.  
Ташладим-да чўчиб бир нигоҳ,  
У томонга мен солдим қулоқ.  
Гуржи қизи келарди яқин  
Ва овози келарди яқин,  
У овозга сунъийлик ётдир,  
У ширин сас ўзи ҳаётдир,  
У әркин сўз тоза, беғубор  
Дўст номларни қиласди такрор.  
Унинг содда куйи бор эди,  
Зулмат ёяр экан пардасин,  
Гуржи қизнинг шўх ашуласин  
Номаълум руҳ такрор этарди.

13

«Кўзасини баланд кўтариб,  
Сўқмоқ йўлдан нарига бориб,  
Гуржи қизи соҳилга тушди.  
Тошлар узра гоҳи сирғаниб.

316

Одимидан ҳайратда қолиб,  
Лабларидан кулгиси учди.  
Фақир эди унинг либоси;  
Енгилгина у қадам босиб,  
Чодрасининг ҳошиясини  
Елкасига ташлаган эди.  
Ёз қўёши бет, сийнасини  
Тилла тусга қоплаган эди.  
Лабларидা, ёноқларида  
Саратоннинг ўти ёнарди.  
Тундай қора нигоҳларида  
Ишқ сирлари лиммо-лим эди.  
Улар мисли бир тилсим эди.  
Юрагимни босиб ҳаяжон,  
Қараб қолдим. Ёдимда ҳамон  
Мис қўзанинг баланд жаранги,  
Шилдираган сувнинг оҳангги,  
Майин шарпа эсимда. Аммо,  
Бошқасини билмайман асло...  
Сўнг, ўзимга келиб ногаҳон  
Кўзни очдим ва лекин бу он  
Кетган эди қиз жуда йироқ;  
Аста одим ташлаб кетарди,  
Кўзасини енгил элтарди,  
— Юк остида мунча ҳам тетик,  
Далаларнинг шоҳи — сарвдек!  
Нарироқда туманлар аро  
Ўсган каби қоядан гўё  
Икки кулба туарар ёнма-ён  
Ва бирининг томидан бу он  
Тараларди кўкимтири турун.  
Ҳозиргидек ёдимда бутун  
Очилди-да эшиги аста  
Ва ёпилди яна бирпасда!..

— Мен биламан, юрак ҳасратим,  
Менинг тинмай чеккан кулфатим  
Сенга аён әмаслиги чин,  
Истайманки, аён бўлмасин.  
У дамлардан қолган хотирот  
Ўзим билан кетсин умрбод.

14

«Тунларда мен чеккан ғам, қайғу  
Толиқтирди ва ширин уйқу  
Беихтиёр кўзимни юмди...  
Гуржи қизнинг гўзал сурати  
Тушимда ҳам яна жонланди...  
Дилнинг ширин ажаб ҳасрати —  
Билан сийнам янгидан ёнди.  
Мен қийналдим нафас ололмай,  
Уйқум учди. Бу вақт нурли ой  
Кўқдан шуъла сочарди. Танҳо  
Қора булат тиниқ самода  
Улжасини қўриқлаб гўё,  
Суқ бағрини очиб ҳавода  
Туарар эди. Қоронғу жаҳон  
Сукут сақлаб туарарди бу он.  
Кумуш уқа каби занжирбанд  
Қорли тоғлар туарарди баланд.  
Йироқларда ярқирап улар,  
Шалола ҳам тинмай гувиллар.  
Таниш кулба ичидаги чироқ  
Гоҳ титрарди, сўнар эди гоҳ...  
Нурли юлдуз тунда осмонда  
Худди шундай сўнар ҳар онда!  
Менда истак уйғонди... фақат

318

Кирмак учун йўқ эди журъат,  
Ватанимга етмак армони  
Юрагимда яшарди фақат.  
Очлик билан кетиб дармоним,  
Мен толиқдан эдим ниҳоят,  
Бўлсам ҳамки жуда бемажол,  
Бор кучимни тўплаб уриндим,  
Чўчиб-чўчиб юрдим тамом лол,  
Тўғри йўлга томон бурилдим,  
Аммо, ўрмон ичида тездан  
Баланд тоғлар йўқолди кўздан,  
Қоронгулик ичра кирди йўл,  
Мени буткул адаштириди йўл.

15

«Иэтиробда беҳудага гоҳ  
Печак гули чирмаб олган шоҳ —  
Новдаларни алам ичида  
Чирт-чирт узар эдим учидан.  
Чор атрофда қадимий ўрмон,  
Ваҳимали, қуюқ, бепоён;  
Дараҳтларнинг ҳар новдасидан  
Миллионларча қора кўз билан  
Тикиларди тун зулмати жим...  
Шунда гир-гир айланди бошим:  
Дараҳтларга осилиб кўрдим  
Ва ўшанда ҳаттоки осмон  
Четида ҳам сўнгсиз, бепоён  
Тишдор қалин ўрмонни кўрдим.—  
Ерга беҳуш йиқилдим шунда,  
Аччиқ-аччиқ йигладим тунда,  
Кўзларимдан оқди чексиз ёш  
Худди қайноқ шабнамга ўхшаш...

Бироқ, ишон менга, ўша кеч  
Одамларнинг мададини ҳеч  
Истамадим... Уларга бу он  
Етман, худди саҳройи ҳайвон.  
Чол, қилайки, сенга қасамёд,  
Бир лаҳзалик хаёл ёки дод —  
Билан тилим қилса хиёнат,  
Уни узиб ташлардим албат.

16

«Едингдами, бўлсам ҳамки ёш,  
Кўзларимда кўринмасди ёш;  
Аммо орсизларча мен бу чоқ  
Йигладим, ёш бўлмади адоқ.  
Ким кўрарди? Қоронғу ўрмон,  
Кўқдаги ой ва фақат осмон!  
Ойнинг нури юм-юм қуйилган,  
Майса гилам ва қум ёйилган,  
Маҳкам девор билан ўралган  
Дала ётар эди олдимда.  
Кўриб қолдим, тўсатдан шунда  
Бирдан шарпа кўринди тунда,  
Икки чироқ ёнгандай бўлди,  
Ва улардан учқун сочилиди...  
Чакалакдан қандайдир ҳайвон  
Бир сакраш-ла чиқди-да шу он  
Думалади текис қумлоққа,  
Қараб қўйди у ёқ-бу ёққа...  
У саҳронинг мангув меҳмони,  
Яъни чўлнинг голиб қоплони.  
Ҳом суюкни кемирарди у,  
Қувончидан ўкирарди у;  
У думини жийирарди гоҳ

320

Ва ташларди қонли бир нигоҳ  
Тўлин ойга; нур қўмиб уни,  
Кумуш каби порлади жуни.  
Қаттиқ шохни ушлаб қўлимда,  
Жанг пайтини кутдим йўлимда.  
Шунда менинг қалбим дафъатан  
Кураш ва қон истаги билан  
Ёниб кетди... Ҳа! Тақдир бу чоқ  
Ўзга йўлга бошлади мутлақ...  
Энди менда ишонч муқаррар:  
Она юртда бўлсайдим агар,  
Ҳеч шубҳасиз бўлардим ҳозир  
Эл ичида машҳур баҳодир.

17

«Мен энтикиб кутдим. Шу замон  
Зулматда ёв пайқагансимон  
Қоплон бирдан бўкирди. Бу дод  
Еру кўкка ларза ташлади...  
Жаҳли чиқиб, йиртқич шу заҳот  
Қумни тирнаб қазий бошлади!  
Бир ҳурпайди, сўнгра у ётди  
Ва дастлабки кучли сакраши  
Менда ўлим ваҳмин қўзғатди...  
Аммо менинг келди-да ғашим,  
Тез ва тўғри бўлди тик зарбим,  
Тошдек таёқ бир болта каби  
Пешонасин ёриб ташлади...  
У одамдек инграй бошлади  
Ва йиқилди.— Аммоқи шу он  
Ярасидан дарё-дарё қон  
Оқса, ҳоли бўлса ҳамки танг,  
Қайнаб кетди ҳалокатли жанг!

«Кўкрагимга отилди ҳайвон,  
 Бироқ, маҳкам шохни шу замон  
 Томогига санчиб ололдим,  
 Икки марта мен қайиролдим...  
 У ўқирди кўтарди фарёд,  
 Бор куч билан ташланди азот,  
 Шунда аста босиб келиб биз,  
 Қўш илондек чирмашдик тифиз,  
 Икки дўстдан кўра қаттиқроқ —  
 Қулоқлашиб йиқилдик шу чоқ.  
 Қоронгида давом этди жанг,  
 Ерда яна қизиб кетди жанг.  
 Мен ҳам ёмон эдим бу нафас,  
 Худди даштий қутурган йўлбарс,  
 Ёвуз бўлиб, ёввойи бўлиб  
 Қоплон каби оташга тўлиб,  
 Увлардим қон босиб кўзимни;  
 Үрмонларнинг пок сийнасида  
 Қоплон бўри оиласида  
 Туғилгандек сезиб ўзимни,  
 Одамларнинг сўзини гўё  
 Мен унуглан эдим мутлақо,  
 Кўкрагимда йиртқичларга хос  
 Қўрқинчли дод туғилди бехос,  
 Гўё гўдак чоғимдан буён  
 Менга одат бўлган шу фигон...  
 Аммо ёвим қувватдан толди,  
 Базўр нафас олди, тўлғонди,  
 Сўнгги марта мени бир сурди...  
 Ҳаракатсиз кўзлари-ла у  
 Даҳшатли бир боқди ва юмди,  
 Уни қучди мангулик уйқу;

Аммо ғолиб душман билан у  
Ҳалокатга борди рўбарў.  
Жанг чоғида асил паҳлавон  
Жанг қилади шундай беомон!

19

«Мана менинг кўксимга қара,  
Чуқур тирноқ изидан яра,  
Улар ҳали битганлари йўқ  
Ва йўқолиб кетганлари йўқ  
Унга ажал беради барҳам,  
Унга тупроқ бўлади малҳам.  
Мен уларни унутдим у дам,  
Яна ийғиб қолган дармонни,  
Кездим сўнгсиз, қуюқ ўрмонни...  
Қисмат билан олишдим бекор,  
Ва лекин у хўрлади такрор!

20

«Мен ўрмондан чиқдим. Бу маҳал  
Кун кўринди, кўкда галма-гал  
Унинг ёрқин нурида эриб  
Сайёralар сўнди бу замон.  
Кенг ёйилган туманга кириб  
Шовуллади уйғонган ўрмон.  
Ўзоқлардан кўринар овул,  
Кўкка ўрлар бурқиган тутун.  
Ва ел билан бўғиқ бир шовқун  
Водий бўйлаб таралар буткул...  
Мен ўтирдим ва солдим қулоқ,

323

Аммо шовқун, ел тинди шу чоқ.  
Теваракка назар ташладим,  
Бу ўлкани таний бошладим:  
Кўрқиб кетдим мен, шу, бошпана —  
Ушбу зиндан бағрига яна  
Қайтганимга ишонмай шу чоқ,  
Хайронликда тикилдим узоқ;  
Шунча кунлар бекордан-бекор  
Эрка қилиб сирли ўйларни,  
Сабр қилиб, чекибман озор...  
Булар нега? Буларнинг бари,  
Ўн гулингдан очилмай бири,  
Энди қараб ёруғ жаҳонга,  
Юрак тўлиб эркин армонга,  
Гинглаб барглар майин сасини,  
Муқаддас юрт орзусини,  
Алданган дил тилакларини,  
Шафқатингиз уятларини,  
Юракларга солиб кетишли,  
Гўрга бирга олиб кетишли!  
Ҳали шубҳа қўлида маҳкум  
Ўйлар эдим: бу, ўнгмас, тушим.  
Янграб қолди мудҳиш қўнғироқ,  
Ҳаммасидан бўлдим мен огоҳ!  
О! Танидим уни шу замон,  
Гўдак кўзларимдан беомон:  
Меҳрибонлар, ёру ажоддлар,  
Даштлардаги эрк ва жонимни,  
Қўшдай енгил ва учқур отлар,  
Ёлғиз ғолиб келган чоғимни,  
Ҳаёлиму тушларимни у  
Олиб кетган йўқликка мангу.  
Мен тинглардим беёш, бедармон.  
Кимдир бирор кўксимга бу он

Темир билан урди-ю гўё,  
У қўнгироқ таратган нидо  
Юрагимдан чиққандай туйдим,  
Ғамгин ўйга кўмилдим, куйдим,  
Куйдим, энди юртим ҳеч қачон —  
Кўрмаслигим билиб бу замон.

21

«Шу ёзилган экан тақдирда.  
Қудратли от бегона қирда  
Ёмон чавандозни қолдириб,  
Олис юрти сари қидириб  
Топа олур тўғри, қисқа йўл...  
Мендан минг бор афзалмасми ул?!  
Орзу-истак билан қайғу-ғам  
Беҳудага тўлдирган сийнам:  
У ожиз ва бекор қизиқ қон,  
Ақл дарди, ўйинчоқ армон.  
Зиндан менга муҳрини босган.  
Қоронгуда кўкариб ўсган —  
Гул ҳам шундай: у мўгорли тош —  
Орасидан кўтаради бош,  
Ёлғизликда туссиз, bemador.  
Шуълаларга бўлиб интизор,  
Барг ёзолмас. Шундай кўп кунлар —  
Ўтиб кетар, меҳрибон бир қўл  
Уша гулнинг дардини англар  
Ва яшнаган чамандаги гул —  
Қаторига олиб ўтқазар.  
Ўша ердан гулнинг муаттар  
Иси ҳарён анқиб ётади...  
Ва лекин тонг отиши билан  
Иссиқ уни хазон этади,  
Зиндан гули куяди бирдан...

325

«Омонсиз кун оташи уни  
 Куйдиргандек куйдирди мени.  
 Хорғин бошим майсага шунда  
 Яширмоқчи бўлдим беҳуда.  
 Унинг қуруқ барги гултождай  
 Қоплаб олган эди бошимни,  
 Ернинг ўзи худди оташдай  
 Ендирарди ичу-тошимни.  
 Ҷўққиларда кўзни тиндириб  
 Айланарди учқунлар, тўлиб —  
 Буғ чиқарди оқ қоялардан.  
 Чуқур вазмин бир уйқу билан  
 Ҳайронлиқда ётарди олам.  
 Қизилоёқ чийилламасди,  
 Чирилламас ниначилар ҳам!  
 Болаларга ўхшаб хушчақчақ  
 Ҷуғурламас ҳаттоки ирмоқ!..  
 Фақатгина илон тўлғаниб,  
 Гўё олтин нақшлар ўйилган  
 Узун кумуш қиличга ўхшаб,  
 Унинг сариқ ёнбоши ёниб,  
 Сап-сарғайган ўтлар оралаб,  
 Қумни ёриб сургалар эди,  
 Астагина ўралар эди  
 Ва узукдай буралар эди:  
 Гоҳ ҳарорат қилгандай асар,  
 Қўтарилиб, қайрилиб қолар,  
 Чакалакка кириб йўқолар...

«Нурли, сокин яшнарди осмон,  
 Қўринарди буғ аро аён  
 Узоқларда қорайиб қўш тоғ

Биттасининг ортидан шу чоғ  
Тишдор девор ўраган макон —  
Бир монастырь бўлди намоён.  
Пастда эса, Аратва, Кура  
Онда-сонда ороллар узра  
Оппоқ кумуш мавжлар қолдириб,  
Чакалаклар ичига кириб  
Югуради енгил ва иноқ...  
Мен улардан эдим кўп йироқ!  
Турмоқ бўлдим. Аммо шу замон  
Ҳамма нарса айланур ёмон.  
Дод дейишга тутилди тилим,  
Ҳаракатсиз, товушсиз қолдим.  
Жон берардим. Ҳиссиз абдираш  
Азоб бериб, дилни қилди ғаш.  
Мен ўзимни поёнсиз, тубсиз  
Сув тагида каби этдим ҳис.  
Атрофимни сирли бир зулмат  
Буткул қоплаб олмишди фақат.  
Шунда мангуди чанқоқни босиб,  
Муздек ирмоқ мамнун этарди,  
Гўё менинг бағримга тошиб,  
Шилдир-шилдир оқиб ётарди...  
Ширин ва ҳуш эди ухламоқ,  
Шу уйқудан қўрқардим бироқ...  
Бошим узра мавжланиб бутун,  
Уриларди тўлқинга тўлқин.  
Тиниқ мавжлар оралаб офтоб  
Боқар эди ойдан ҳам шаффоф.  
Балиқларнинг рангдор галасин  
Ювар эди қуёш шуъласи.  
Хаёлимдан кетмайди бири,  
Хузуримда у салом бериб,  
Эркаланди менинг қаршимда,

Унинг нурли, оқ ёнбошида  
Ярқиради олтин тангалар.  
Бошим узра жилпанглади у,  
Толиб-толиб ташлади назар.  
Яшил кўзларида бор қайғу...  
Ҳайратимнинг йўқ ниҳояси,  
Унинг майин қўнғироқ саси  
Менга ажиг нақл сўйларди,  
Гоҳ тинарди, гоҳи куйларди.

У дердики, «Эй ўғлон,  
Шу ерда қол мени билан.  
Сувда ҳаёт эркиндиндир,  
Ҳам салқин, ҳам сокиндиндир.

\*

Сингилларни йифаман,  
Давраларда ўйнаймиз.  
Ғамдан халос бўласан,  
Чарчоғингни қувлаймиз.

\*

Ухла! Тўшагинг юмшоқ,  
Кўрпанг бўлар ипакдан.  
Умринг ўтади қувноқ  
Ширин тушу эртакдан

\*

Ростин айтсан, азизим,  
Сенга кўнтил берганман,  
Сени ирмоқдай таним,  
Ҳаётимдай севганман...»

\*

Узоқ-узоқ тингладим уни,  
Тепадаги ирмоқ шовқуни

Балиқ билан жўр овоз бўлиб,  
Унга ҳамдард, дилновоз бўлиб  
Куйлагандай туюлди у дам.  
Ҳущим учди. Бу ёруғ олам  
Кўзларимдан ғойиб бўлмишди.  
Дармонидан айрилиб танам,  
Телбаларча оғриқ турмишди..

24

«Мени топиб келдилар у он...  
Қолганлари ўзингга аён.  
Сўзим тамом. Ишон, ишонма,  
Менга бирдек, Фақат бир нима  
Юрагимга солмоқдадир ғам:  
Менинг совуқ ва тилсиз танам  
Чиримайди она юртимда,  
Тунд деворлар ичра ҳеч бир жон  
Менинг ҳасратимдан бирор он  
Нақл әтмас ҳеч вақт ҳеч кимга.

25

«Ҳайр, ота... Кўлингни бергил:  
Менинг қўйлим оташда... Билгила,  
Бу аланга ёшлиқдан буён  
Кўкрагимда яшаган ҳар он;  
Аммо энди унга йўқ озиқ,  
Зиндонини ёндириди тўлиқ,  
Ҳаммага ҳам навбатма-навбат  
Ҳақ йўлида азоб бергувчи  
Ва ҳаловат берувчи қудрат

329

Уни яна қайтиб олгувси...  
Бунинг учун менга не қайгу?  
Кўк қаҳрига учиб борар у,  
Арши аъло қучоғида жон  
Ўзи учун топажак макон...  
Эвоҳ!— Гўдак чоғим шод ўтган  
Тик, қорамтири қоялардаги  
Уч-тўрт оний эркинлик учун  
Осмон менга иноят этган  
Жаннати-ю, мангалигини  
Жон-жон дея берардим бутун!..

26

«Баданимдан чиқар экан жон,  
Тинар экан сийнамда нафас,  
Кутмагайсан сен узоқ, ишон,—  
Богимиизга, бир туп оқ акас  
Оппоқ гуллаб ётган у жойга  
Мени олиб боришни буюр...  
Унда майса тўлиб чиройга,  
Теваракдан ёғиб турар нур.  
Уша ерда ёруғ офтоб  
Шуъласида заррин барг шаффоғ!  
Мени ўша томонга қўйдир,  
Ўша ерда нурлар мовийдир,  
Сўнг бор тўйиб олайн нафас,  
Ўша ердан кўринар Кавказ!  
Юксакликдан балки у днёр  
Видолашар мен-ла сўнгги бор.  
Салом олиб келур шабада...  
Таниш овоз таралар яна!  
Шунда хаёл әтурман: мана,

330

Дўстим, ёки оғам келди деб,  
Бошим узра у әгилди деб.  
Манглайимда қотган теримни  
Артиб, у пок қиласи мени,  
Ва жондан ҳам азиз мамлакат —  
Ҳақида у кўйлайди албат.  
Мен шу куйни тинч эшитарман...  
Ва шундайин ширин ўй билан  
Ҳеч кимсани таҳқир этмасдан  
Ўша ерда ухлаб кетарман!»

1839

# ДЕМОН<sup>1</sup>

## БИРИНЧИ БУЛИМ

1

Қувғинди рұх, қайғули Демон  
Гуноқкор ер узра учарди.  
Масъуд күнлар хаёли шу он  
Күз олдидан бир-бир кечарди:  
Малақ әди тоза ва маъсум,  
Хандон әди арши аълода.  
Ҳатто юлдуз мөвий самода  
Айлар әди унга табассум.  
Ташна боқар әди ҳар замон  
Олов сайёralар диёри,  
Қуюқ туманларнинг қўйнидан  
Аста кечган карвонлар сари.  
У замонлар, даргоҳи улуг  
Ҳудовандин севар, инонар —  
Эди. На кин, на шубҳаси бор  
Бу баҳтиёр ва тўнгич махлуқ!  
Бекор, бебурд кечган асрлар

---

<sup>1</sup> Иблис.

Васвасага солмаган имон  
Тоза эди. Тағин нималар...  
Эслагани йўқ эди имкон!

## II

Жаҳон дашти ичра беватан,  
Кезар сарсон, қувилган каби.  
Йиллар ўтар, яна йиллардан  
Навбат кетар, минутлар каби.  
Шод әмас у, то ерда хоқон  
Фонани дер, истар фароғат,  
Шунинг учун ҳар ерда, ҳамон  
Завқ олмасдан, сочар шарорат.  
Санъатининг чеки йўқ кўкдай,  
Хоҳишига қаршилик кўрмай,  
Ғазаб сочди омонсиз юрди...  
Сўнгра булар кўнглига урди...

## III

Гўзал Кавказ осмони шиша,  
Қанот қоқар жаннат матруди.  
Пастда Казбек. Унда ҳамиша  
Қор ярқирап — олмос худуди.  
Чуқур жарда илон инидек  
Гирдоб ўраб кўринар Дарёл.  
Елкасида қўпик — бароқ ёл  
Худди шердай сакрайди Терек.  
Ўйноқи сув қўнгироқ чалар...  
Тоғ тепада кезган жонивор,  
Кўкда учган паррандаки бор,

Ҳаммаси ҳам ҳайратда қолар.  
Елкан каби осмонда юзган  
Енгил қанот, олтин буулутлар  
Уни бирга олис жанубдан  
Шимол ёқса кузатиб борар...  
Зумрад дарё оқар тўхтамай:  
Тепасида буюк қоялар  
Тўлқинлардан кўнгил узолмай  
Бош солишиб мудраб қолалар.  
Салқин Кавказ дарвозасида  
Дев қоровул каби баланддан  
Миноралар тоф ёқасида  
Чирой билан очилган эди?  
Аммо, мағрур Иблис кўнгилсиз  
Хаёллари сочилган эди:  
Нафрат ёғар ҳар нигоҳидан,  
Тилларида аччиқ ҳақорат,  
Рози бўлмай ўз оллоҳидан  
Ғазабланар эди у, фақат.

#### IV

Кўз ўнгини босди бир диёр:  
Жаннат каби гўзал Гуржистон.  
Майса-гилам ёзган водийлар  
Гўё чаман-чаман гулистон.  
Кумуш каби булоқлар жўшқин,  
Жимиirlайди тубида тоши...  
Шалолалар сачратган учқун  
Балки, гуржи қизининг ёши.  
Қора сочи бамисли сунбул  
Сулув қизлар муҳаббатини  
Гул шохида ўқийди булбул

Мармар каби мусаффо туни.  
Қуюқ соя ташлаган чинор,  
Баргларини шаббода ўйнар...  
Жин гул босган жарда гоҳилар  
Қўрқиб-писиб ётар оҳулар...  
Бунда севги, бунда шан ҳаёт,  
Япроқларнинг сўнмас шовқуни.  
Аммо, булар ҳаммаси, ҳайҳот  
Қўзғатолмас Иблис завқини.  
Бунда минг хил ям-яшил гиёҳ.  
Нафас олар, губорсиз ҳаво  
Бунда тинчлик ўзи бир наво  
Лекин, Иблис нафратли эвоҳ!  
Ой нурида марварид каби  
Гул баргига шабнам ялтирар,  
Гуржи қизнинг кўзлари каби  
Очиқ кўкда юлдузлар ёнар  
Ана шундай гўзал табиаг  
Буни асти хурсанд қилмади  
Қувгин, шайтон, бадарға хилқат  
Бу борлиқни писанд қилмади.  
Тошдай қаттиқ кўнгли юмшамай  
Түёлмади на қувват, на ҳис  
Неки кўрди, сира хушламай  
Унга нафрат ёғдирди Иблисл!

V

Қари Гудал ўзига атаб.  
Кенг, муҳташам ҳовли солдириди.  
Ҳар тошида минг ҳаста-бетоб  
Қуллар қонли кўз ёш қолдириди.  
Қўшни тоққа саҳардан тортиб,

Кўлка ташлар баланд девори.  
Қоядаги зинадан ўтиб  
Йўл боради шўх дарё сари:  
Бу йўллардан ҳар куни бир бор  
Елкасига қўйиб кўзани,  
Енгил кўчиб гўё сўзани.  
Аравага чиқарди хумор  
Ёш Тамара — Гудал надраси  
Хилпиарди шоҳи чодраси.

## VI

У зўр қалъа тоғ қиррасидан  
Сукут билан боқарди ҳар чоқ.  
Бу кун бўлса, сурнай сасидан  
Тўлиб-тошган ҳар тараф, ҳар ёқ.  
Қадаҳларда тоза мусаллас  
Акс этади қандили чироқ.  
Жам бўлишган яқину йироқ  
Катта базм: ҳамма маст-аласт...  
Бу кун Гудал қизин тўй этар —  
Гўзал Тамаранинг никоҳи  
Тўрда келин, яшнаб нигоҳи.  
Қизлар ичра ойни эслатар...  
Узоқдаги ҳайбатли тоғлар  
Беркитдилар қуёш ярмини,  
Чапак чалиб, ўйнаб ўртоқлар  
Руҳлантирар қизлар базмини.  
Авжи ўйин қизиб турганда,  
Чилдирмани олди келинчак —  
Ўйнаб кетди... Ҳар зарб урганда  
Ғунча ёзар эди бир чечак.  
Пирпиратиб ҳилила енгин  
Гоҳ учарди қушдан ҳам енгили.

Гоҳ тинарди, сувук боқарди.  
Қошларини нозик қоқарди,  
Гоҳо аста букиб тиззасин  
Гилам узра йўргалаб кетар.  
Илон каби ўйнаб гавдасин  
Ҳар нигоҳни ўзга банд этар.  
Сўнг, боладек кулади ўзи,—  
Машъаладек ёнади кўзи.  
Билмадимки баъзан кумуш ой  
Ўйнагани ҳафиғ, юмшоқ нур  
Ҳаёт каби, ёшлиқ каби бой  
Бу кулгига қандай тенглашур?..

## VII

Онт ичаман, тундаги юлдуз,  
Кун ботишу, шарқнинг ҳурмати  
Бундай гўзал, бу каби қундуз  
Фусункорни олам кўрмади,  
На Эроннинг буюк сultonи,  
На жаҳоннинг бирон хоқони  
Бу хил қизни қўролмаган ҳеч  
Бу хил қўзни сўролмаган ҳеч!  
Ҳарамларнинг муздек чашмаси  
Инжу каби сувлари билан  
Ой баравар ноз-карашмаси  
Гўзалларни жуда кўп кўрган  
Аммо, бирон марта бўлса ҳам  
Саратонда дим ва иссиқ кеч  
Бундай қомат, бундайнин санам  
У сувларда ҳапинмаган ҳеч.  
Дона-дона маржондек сувлар  
Уни кўрмай ўтганларини,

Армон билан кетганларини  
Эҳтимолки, асти билмайлар  
Жаҳон ичра кимса бир марта  
Сутдай ойдин хилват тунларда  
Бундай сочни силай олмаган,  
Бу хил лабга из сололмаган.  
Онт ичаман, бу ёруғ жаҳон  
Айрилгандан берли беҳиштдан  
Бундай чирой кўрмай, ҳеч  
Оғмаганди ақлдан-ҳушдан.

## VIII

Сўнгги сафар ўйнар эрка қиз...  
Тоғлар! Гудал машъаласини,  
Озодликнинг шўх боласини  
Балки, кўролмассиз эрта сиз,  
Туширинди қилиб эртага  
Олиб кетар куёв бир умр.  
Ҳайҳот! Кимга нозини қилур?  
Қандай кўнар бегона уйга?  
У билади. Равшан дийдасин  
Номуайян шубҳа босади.  
Кўтаролмай гоҳо сийнасин  
Калта-калта нафас олади.  
Унинг бутун ҳаракатлари  
Ифодали, содда-тўпори  
Хўп келишган эди ўзига.  
Агар шу ҷоқ Иблис кўзига  
Тушиб қолса, мабодо, бу қиз,  
Тикилганча қотиб қоларди.  
Эслаб кетиб ўтмишини, ёлғиз  
Бир оҳ тортиб, нафас оларди.

## IX

Еҳу! Иблис қизни пайқади,  
Уша замон сеэди ҳаяжон:  
Ширин бир куй гүё биёбон —  
Даштдай кўнгли ичра тарқади.  
У, янгидан муҳаббат-севги  
Чирой санамига йўлиқди.  
Тўймай боқди. Ҳаёли эзгу  
Кечган бахти билан тўлиқди.  
Эс китоби варақ ёзаркан,  
Саодатли кунлари бир-бир  
Юлдуз каби тизилиб пир-пир  
Занжир каби ўтди назардан.  
Бир гезли куч боғлаб чамбарчас,  
Янги ғамга ошна бўлди у.  
Унда севги тилга кирди, бас  
Қоплаб олди уфқни қайғу.  
Тўйди севги ҳаловатини:  
Қайта яшаш аломатими?  
Васвасага соглани қизни  
Тополмади ақлида мадор.  
Унумтоқми? Йўқ, парвардигор  
Бундай кучни, бундайин ҳисни  
Унга асли берганмас эди.  
Берганда ҳам бу олмас эди.

## X

Никоҳ учун ошиқар қуёв;  
Кун ботмасдан етиб бормоқчи.  
Сабри тугаб кўнглида зўр дов,  
Отга босар устма-уст қамчи.

Етиб келди бехавфу хатар  
Арагванинг соҳиллариға.  
Нортуюлар соҳиблариға  
Занжир каби әргашиб қатор,  
Дармон кетган каби тизидан  
Битта-битта кўчар изидан  
Юки оғир... Бу катта карvon  
Олиб келар қайлиқда эҳсон  
Жангур-жунгир ўйнар қўнгироқ  
Ҳали манзил олис, кўп йироқ...  
Сенадалнинг ҳокими ўзи,  
Келар бўлиб карvonнинг кўзи  
Белда камар, қилич ва ханжар  
Жим-жим этар офтобнинг тифи,  
Елкасида осиглиқ ҳам зар,  
Ҳам тилладан гулдор миљифи,  
Қиммат баҳо чакмон эгнида  
Шамол ўйнар барин кейнида  
Шоҳилардан тузалган эгар;  
Гулдор юган той бўйинин эгар;  
Тухум каби сағри гупурган,  
Гўё, бирор унга сув пурккан  
Тезоб, абжир, тузи бебаҳо  
Асил саман, гўёки тилло...  
Қорабоннинг шўх юурдаги  
Қулоғини чимирар ҳамон,  
Ваҳимага тўлиб юраги  
Кўз ташлайди тўлқинлар томон:  
Тор ва хавфли ингичка бу йўл  
Ўнг томони чуқур дарё, жар,  
Қирра тошли буюк қоя — сўл,  
Ҳар минутда кутар бироҳатар.  
Ўзи ҳам кеч. Қорли чўққида  
Шафақ ўчай-ўчай деб турар.

Туман босди. Тоғлар уйқуда...  
Карвон пича тезлаб йўл юар.

XI

Йўл устида кичик бир даҳма,  
У даҳмада қўҳна бир мозор,  
Душман қўли билан минг лахма  
Бўлган номсиз бекзода ётар.  
Уни энди авлиё дейлар,  
Ҳақига юз минг duo дейлар,  
У йўллардан биронта йўлчи  
Ё ҳайит, ё жанг кетар бўлса,  
Ўша ерда дам олиб пичиб  
Унга ибодат этар бўлса,  
Сақланарди мусулмонлардан:  
Ханжаридан, тўкар қонлардан.  
Аммо ботир юракли куёв  
Истамади бу ибодатни,  
Бузди гўё ўчакишган ёв  
Боболари қилган одатни  
Чунки, Иблис алдади уни,  
Ҳаёлини айнитди қўймай:  
У ўйида, гўё тинч туни  
Қайлигини ўпарди тўймай.  
Ёҳу! Кимнинг шарпаси бўлди,  
Рўбарўдан, тоғ олди қирдан  
Икки соя қўринди бирдан,  
Ўқ чақнади. Ваҳима тўлди,  
Жасур князъ чурқ этмади ҳам,  
Узангига тип-тикка турди.  
Папагини бостирди, шу дам  
Учар отга бир қамчи урди.

Қўлида турк қиличи ёнди,  
Бургут каби олға ташланди.  
Еввойи дод, бўғиқ бир фифон  
Тутди бутун водийни шу чоқ.  
Узоқ давом этмади. Бу он  
Гуржи эрлар қочди тумтароқ.

## XII

Яна тинчлик босди водийни  
Ёлғиз, қонли мурдалар ётар.  
Йўлчиларнинг айлаб ёдини,  
Мўлдир-мўлдир туялар боқар.  
Талон бўлган катта бой карвон  
Молдан асар қолмаган сира  
Исовийлар ўлиги узра  
Қора қушлар уради жавлон  
Шаҳид ўлган бечораларни  
Оталари ётган мозори  
Чорламайди. Беёраларнинг  
Кимга етар фифону зори?  
Аза тутиб, узоқдан ўлиб  
Оналари келмас бошига.  
Оlam тўлиб қонли ёшига,  
Сингиллари турмас оҳ уриб,  
Қабрлари тепасида ҳеч  
Шам ёқимлас саҳар, кундуз, кеч  
Аммо, бирон муруватпарвар  
Ёдгор этиб ўтқизар бир бут.  
Осмонида йиғлар оқ булут,  
Атрофида гул ўсар пар-пар.  
Сўнгра бундан юрар йўловчи  
Бефотиҳа ўтиб кетолмас,

Узоқ йўлда бўлмай иложи,  
Бу ерларда дам олур бирпас.

### XIII

Буғу каби тез учар саман  
Худди жангга ошиқсан каби.  
Кўзи соққа каби ўйнаган,  
Пишқиради, титрайди лаби.  
Тоғлар бўйи сакрайди гоҳо.  
Туёғидан елдирим чақнар.  
Шамол недир тинглайди. Гўё  
Гув-тувида ваҳм сири бор.  
Ели чалкаш бўлиб пирпирап  
Ҳушсиэ, худди ўқдай югурап,  
От устида чалқанча тушиб,  
Гўё, совуқ елдан увущиб  
Йўлчи ётар оқарган ранги.  
Оёғида маҳкам узанги  
Шилқ этади, отнинг ёлига  
Бўйни тушар, боқмас ёнига.  
Юган тушган унинг қўлидан  
Жилов тортмас отнинг йўлидан.  
Силаң ёпғич шундай тўлиқ қон,  
Ўнг қон, сўл қон, ҳатто уфқ қон.  
Эй чопонғич, абжир, қаш қанот,  
Камон ёйи каби учган от,  
Баҳодирдек шарт ёриб жангни,  
Омон сақлай дединг хўжангни  
Аммо қандай ёзиқ бўлди бу,  
Осетин ўқига учди у!

### XIV

Гудал уйи ботди азага,  
Йиғи доди чиқди фазога,

Эшигида одам йифилган.  
Куйиб-пишиб бунда йиқимган  
Кимнинг оти? Бу бечора ким?  
Ҳатто, осмон жавоб бермас, жим!  
Юзларida ваҳима-ваҳшат  
Излари бор, қўрқинч ва даҳшат!  
Усти боши, ярглари қон...  
Боши, қўзи оёқлари қон  
От ёлини сиқимлаб қўли,  
Беҳуш қотиб қолган бир йўли.  
— Шўрпешона, баҳтсиз келинчак,  
Маътал бўлиб кутганинг келди,  
Кўйида қон ютганинг келди.  
Аммо сенга қандай кулажак  
Бир умрга юмилган кўзлар?  
Ахир, тақдир сенга не кўзлар?

## XV

Беками-кўст тинч оилани  
Чақмоқ каби босди бу кулфат  
Кўнглини еб қайфу илони  
Мусибатга бўлди қиз улфат.  
Қонли ёшга айланиб қалби  
Томчи-томчи оқди кўзидан.  
Дами оғир... кетди ўзидан...  
Гўё, боши устида каби  
Сочи тўзиб ётган ўрнида  
Эшитилгандай бўлди бир нидо:  
«Кўй, йиғлама! Бекор бу яхлит  
Кошки, кўзнинг ёши соб бўлса  
Кошки, ҳаёт шабнами тахлит  
Ёшинг мурда узра тўкилса.

Йўқ! У фақат равшан кўзингни  
Туман каби қоплаб олажак.  
Анор каби шу қиз юзингни  
Мисдай қилиб ўтда ёқажак  
Еринг бўлса, узоқда, билмас  
Сенинг чеккан оҳу-зорингни  
Энди само нурлари тинмас  
Ва эркаклар номизодингни,  
У жаннатда қўшиқлар тинглар...  
Бу — ҳаётнинг бачкана туши,  
Бир ғарибнинг фифон нолиши,  
Беҳишт меҳмонига не денглар?  
Йўқ, бу қазо асли қисматдир,  
Инон менга, дунё малаги.  
Арзимайди, кўзингни арт, тур,  
Йигланмоқнинг йўқдир кераги,  
«Само худди бир денгиз,  
Даргаси йўқ, беелкан.  
Учар ҳисобсиз юлдуз  
Туманларнинг қўйнидан.  
Чексиз кўм-кўк водийда  
Парча-парча булатлар  
Из қолдирмай ортида  
Эркин қанот қоқурлар.  
Уларга ҳижрон висол  
На ғам, на севинч бермас.  
Келажаги орзусиз,  
Ўтмиш учун ачинмас,  
Бебаҳт бўлган чоғингда  
Уларни ёдингга сол,  
Бенасиб ва қайдсиз  
Яашни ўрганиб ол!»  
«Бахмал каби юмшоқ қора тун  
Кавказ чўққисини олганда,

Ширин сўэли фусункор очун  
Жимиб уйқусига толганда,  
Шўх ва енгил ел юриб тоғда  
Майсаларни ўйнаган чоғда,  
Паррандалар безовта бўлиб,  
Гур учганда ваҳимга тўлиб,  
Ток тагида гуллар тўйгунча  
Шабнам шимиб очганда ғунча,  
Тоғ кетидан олтин ой секин  
Кўзларга нур қўйса текин,  
Ушиб борар бўлдим олдингга  
Саҳаргача меҳмон бўлгали,  
Ипак каби киприкларингга  
Жиндаккина ором бергали...»

## XVI

Борган сари пасайиб аста  
Узоқларда тинди бу товуш.  
Иргиб турди нигоҳи хаста,  
Атрофига боқди қиз хомуш.  
Кўкрагидан босди изтироб,  
Кайғу билан қўрқув бирлаши.  
Чўчиди-ю, бирдан қалтираб  
Туйғулари гупурди, тошди.  
Қафасидан чиқдими жони,  
Вужудини ёндириди олов?  
Унотолмай ажиб нидони,  
Қийналади. Йўқмикан аёв?  
Саҳар пайти чарчаган кўзлар  
Ширингина ҳей... ухлаб кетди.  
Аммо, пайғамбарона сўзлар  
Хаёлини шарт қулфлаб кетди.

Чиройининг таърифи беҳад  
Намуайян, соқов келгинди  
Қиз олдида бошини эгди,  
Янги ойдек бўлиб сарви қад.  
Нигоҳида чунон ҳам вафо,  
Чунон меҳр, чунон муҳаббат  
Билан хафа боқарди, гўё  
Қизни ачингандай у хилқат.  
У на малак, на бошқа эди,  
На бу қизни қўриқчи пари  
Боши узра яшнамас эди —  
Камон нурларидан чамбари.  
У дўзахи руҳ эмас. Ёнур.  
Қувғун шайтон эмас эди — йўқ!  
Пок оқшомга ўхшарди тўлиқ,  
На кун, на тун, на зулмат, на нур!..

#### ИККИНЧИ БУЛИМ

##### I

«Қўй, отажон, мени қўрқитма;  
Тамарангни уришмагин, бас.  
Мен йиғлайман, қўргин... унутма,  
Бу кўз ёшлар биринчи эмас.  
Олислардан куёвлар бизга  
Ошиқади беҳуда, бекор.  
Бу эл тўлиб ётибди қизга!  
Мен ҳеч кимга бўлолмайман ёр!  
О, сўкмагин, сўкма, отажон:  
Қўраяпсан, менинг кундан-кун  
Кузги баргдек юзларим сўлғин;  
Ёвуз оғу айлади қурбон.  
Қарши туриб бўлмайдиган ваҳм —

Билан маккор бир руҳ қийнайди,  
Мени ҳалок этади.. қил фаҳм,  
Ачин! Наҳот, кўзинг қиймайди  
Ақли айниб қолган қизингни?!  
Ҳасратимни тўқай худога,  
Ўзи сақлар бу юлдузингни.  
Менинг учун бу дунё ичра  
Вақтичоғлик қолмади сира.  
Қўй, эртароқ бағрига олсин,  
Тобут каби у қора ҳужра...»

## II

Уни хилват бир монастирга  
Элтиб қўйди қавми қариндош,  
Қўпол қилдан бўлган усти бош  
Ёш кўкракни ботирди терга.  
Барибир, наф бермади бирор  
Роҳибалик усти боши ҳам.  
Яна ўша: хаёли — мубҳам,  
Аввалгидек кўнгли беқарор.  
Барибир, у ҳийлакор нидо  
Ё, шам ёнган меҳроб ёнида,  
Ё саждага қўйганида бет,  
Эшитилар ҳамон кетма-кет...  
Баъзан қора гумбаз устида  
Беиз, товуш чиқармай сира,  
Кўринарди у қиз қасдида  
Енгил тутун қўйнида хира.  
Юлдуз каби нурланар эди;  
Алдаб, қайга имланар эди?

## III

У монастиръ, икки ёғи тоғ  
Салқин ерда ўрнашган эди.

Терак, чинор — ғужум кўк япроқ  
Атрофида ўйнашган эди...  
Ўшаларнинг қўйнида гоҳи,  
Оралика ингандада кечада,  
Кўринарди то тонг отгунчада  
Ойнасидан танҳо ётогин  
Жимиллаган хаста нигоҳи  
Еш гуноҳкор қизнинг чирогин:  
Тўрт атрофда, салқин сойларда  
Тилсизликдан қуриган шўри,  
Саганалар қоровули бут,  
Улик каби сақлаб бир сукут  
Қаторлашиб ётган жойларда  
Бошлинарди қушларнинг жўри.  
Тошдан тошга сакраб тўймаган,  
Қўнғироқлар чалиб ўйнаган,  
Оппоқ тўлқин урган булоқлар,  
Пастга тушиб, гўё ўртоқлар  
Ҳаммаси бир бўлишиб, гуллар —  
Орасидан оқиб гувиллар...

#### IV

Шимол ёқдан кўринар тоғлар,  
Эрталабки шафақ нурида  
Водийларнинг қўйни-тўрида  
Кўкиш туман эриган чоқлар;  
Юзин қибла томон ўгириб  
Чақирганда муаззин азон,  
Қўнғироқнинг савти ўкириб,  
Монастирни уйғотган замон,  
Еш туржи қиз тикқа тоғлардан  
Кўза олиб сувга тушганда,

Гул ғунчалар очган боғлардан  
Паррандалар кўкка учганда,  
Кумуш қорли юксак чўққилар  
Акс этарди тиниқ осмонда,  
Кечга яқин, қуёш ботгандা  
Қизил нурга чўмарди улар.  
Ҳаммасидан баланд ва мағрур  
Булултарни ёриб, тепадан  
Оқ саллали, йўл-йўл тўн билан  
Кавказ шоҳи — Каэбек кўринур.

V

Аммо, бундай тоза масаррат  
Кирмас эди қийналиб ётган  
Гуноҳкорлик ўйига ботган  
Тамаранинг кўнглига албат,  
Оlam унга бегона эди.  
Ундаги бор нарсалар бутун  
АЗоб учун баҳона эди —  
Ҳам оппоқ тонг, ҳам қоронғу тун.  
Ер юзини босгандা тинчлик,  
Мизғимасдан кечалар бўйи,  
Бут олдида йиқилган кўйи,  
Ҳушдан кетиб йигларди шўрлик.  
Ҳўнгир-ҳўнгир юксалган ўифи  
Гўё дайди ўғрининг тифи  
Қўрқитарди тунги йўлчини.  
Ваҳим қилиб, билмай тинчини —  
«Бу ғорларда боғлиқ алвасти  
Чеккан фиғон!» — деб ўйларди у.  
Қулоғини олмасдан асти  
Ҳорган отни тезлар эди: чу!

## VI

Ғам-ҳасратга ботган Тамара  
Дераэзанинг тагида танҳо,  
Ҳаёлларга чўмилиб гоҳо,  
Ўтиради йиғлаб бечора.  
Узоқларга ташлайди нигоҳ,  
Тун бўйи ҳеч тинмай кутади..  
Кимдир унга дейди: келади!  
Чидомасдан тортади у оҳ.  
Қайғуларга тўлган кўз билан,  
Ажиб, ширин, юмшоқ сўз билан,  
Бекорларга кўринмаган у.  
Бекор эрка қилмаган уйқу.  
Кўпдан бери орзиқарди қиз.  
Авлиёлар учун чўкса тиз,  
Кўнгли ҳамон унга кетганин,  
Ўзи билмай нега эканин,  
Чарчаб, толиб оғир курашдан  
Ором олай деса бирон пас,  
Болиш ботар бўлиб оташдан  
Куйдиради, ололмай нафас.  
Сачраб туриб, қалтирайди қиз  
Гўё ишқи тундаги юлдуз,  
Кўкси, бутун тани ёнади,  
Нафас қисар, кўзида туман,  
Ташна қучоқ бирдан қонади,  
Лабда бўса эрийди шу он...

. . . . . . . . . . . . . . . . . .

## VII

Чойшаб ёзди шом қоронғуси  
Гуржистоннинг тоғу тошига,

Келди Иблис тошиб туйғуси  
Монастирга — қизнинг қошига.  
Лекин, унга халал бергали  
Ботинолмай гангиди узоқ.  
Тайёр эди у, гүё, шу чоқ  
Евуз ниятидан кечгали.  
Не қилишни билмай, тентираб  
Кезди девор остида сокин.  
Ҳаво тип-тинч. Шамол йўқ. Локин  
Барглар ундан қўрқди дилдираб...  
Қўз ташлади тепага аста;  
Деразани лампа ёритар.  
У англади шунда бирпасда:  
Қиз кимгадир кўпдан кўз тутар!  
Ана, чингар<sup>1</sup> жаранглаб кетди,  
Эшитилди куйлаган овоз.  
О, у, қандай ширин, латиф соз,  
Зарби кўнгил тубига етди...  
Ҳудди тиниқ ўшдай бирма-бир  
Тўкилди у товуш, тўкилди...  
Мунча нотинч юрак қурмағур:  
Бардош тугаб, чоки сўкилди.  
У ашула шундай соз эди,  
Шундай юмшоқ дилнавоз эди.  
Ки ер учун аталиб, гүё  
Кўкда тўқилган овоз эди.  
Унутилган дўст билан яна  
Кўришмакни ихтиёр этган,  
Тунни хилват топгану, пана —  
Йўллар билан бу ерга етган  
Бирон малак эмасмикан бу?  
Шунда Иблис энг биринчи бор

---

<sup>1</sup> Бир хил дутор.

Мұҳаббатнинг дардини түйди...  
Нола чекиб дили зору зор,  
Ишқ ўтида ловиллаб күйди.  
Кўрқиб, жилмоқ бўлди бу ердан...  
Қанотини кўтариолмади!  
Ажаб! Қуруқ кўзидан бирдан  
Еши оқди... Ҳеч чидолмади...  
Ўша жойда ҳалига қадар  
Одам ёши эмас, ўша ёш,  
Ўша ўтдек ёш куйдирган тош,  
Якка, қора, куйган тош ётар...

### VIII

Қизни севар бўлиб кирап у  
Марҳаматли дил билан шу чоқ;  
Вақти етди, кутилган орзу  
Ушалди деб ўйлаб, хуш димоғ,  
Шу пайт унинг ғуруорли қалби,  
Биринчи бор учрашар каби,  
Интизорлик қалтироғини,  
Лол ва мажхул сир қийноғини  
Англади... Бу қўрқинч ҳол эди,  
Емон тасодифга фол эди.  
Тўғридан ҳам, кирсаки, унда  
Нур кийинган жаннат әлчиси,  
Ул гуноҳкор қизнинг соқчиси  
Малак яшнаб турарди тунда.  
Шу чоқ қизни айлаб саришта,  
Қанотига олиб фаришта,  
Асрарди у ёвуз душмандан,  
Пок илоҳий нурлар шу ондан —  
Кир нигоҳни кўр қилди бутун;

Ибليس кўзин қоплади тутун...  
Шунда ширин салом ўрнига  
Оғир итоб эшитилди унга:

## IX

«Эй нияти бузуқ руҳ, тунда  
Ким чақирди сени, айт менга!  
Сенга муҳлис киши йўқ бунда,  
Кўп эркинлик берма ҳаддингга.  
Ҳалигача бу ерда бирпас  
Евузлик ҳеч олмамиш нафас.  
Менинг ишқим, пок санамимга  
Сола кўрма қора изингни.  
Кет! Ўчиргим мен юлдузингни,  
Сақланиб қол!»  
Ва  
Ибليس унга  
Таҳқир билан жилмайиб боқди;  
Нигоҳини рашик ўти ёқди;  
Қайталабдан ўтли дилидан  
Эски нафрат заҳари оқди.  
— У менини! — деди риёкор,—  
Қиз менини! Уни қолдир, бас!  
Кеч қолдинг сен эй, ҳимоякор  
Мен ва унга сен ҳоким эмас!  
Қизнинг ғурур тўла кўнглига  
Ўз муҳримни босиб қўйғанман:  
Сен кет, бунда мен ўзим эга,  
Мен ҳукмрон, уни севганман!  
Шунда малак ғамгин кўз билан  
У бечора қизга бир боқди;

Қанотини оҳиста қоқди,  
Сўнгра ғойиб бўлди кўзлардан...

X

Т а м а р а

О! Сен кимсан, сўзларинг тубсиз,  
Дўзах юбордими, ё жаннат?  
Не истайсан?

Д е м о н

Сен гўзалсан, қиз!

Т а м а р а

Гапир, кимсан? Жавоб бер, англат!

Д е м о н

Мен у менки, сен ярим туни  
Қулоқ солиб тингладинг уни.  
Унинг фикри олди ҳушингни,  
Унинг дардин англаган бўлдинг.  
Унинг ўйи билан лиқ тўлдинг.  
У банд этди ўнгу тушингни.  
Мен у менки, эй гўзал пари,  
Кимса севмас, ачинмас уни.  
Қулларимга мен ерда офат,  
Озодлик ва идрок шоҳиман.  
Мен — малаклар, кўкларга душман,

Табиатга ёвуз қасофат.  
Лекин, мана, боқ: дөғингда мен,  
Тупроқ каби оёғингда мен!  
Мен келтирдим әгиб бошимни  
Ишқинг майин ибодати-ла,  
Энг биринчи ер азоби-ла,  
Энг биринчи тўккан ёшимни,  
Қабул айла, ол, гўзал, буни,  
Ёрит умрим саодатини.  
Қулоқ согил оҳу зоримга:  
Биргина сўз билан мени сан  
Яна қўкка қайтароласан,  
Эй паризод, қизған ҳолимга;  
Ишқинг эзгу либосин кийиб,  
Ёвузликдан дилимни тийиб,  
У даргоҳда порлоқ нур каби,  
Янги малак, ёш бир ҳур каби  
Қайта яшар әдим мен у чоғ,  
Раҳминг келсин, аҳволимга боқ,  
Ялиноман, тинглагил мени,  
'Асирингман, севаман сени!  
Сени аввал бир йўл кўрдиму,  
Ажалсизлик, ҳокимлигимга  
Ўтли нафрат, қарши бир туйғу:  
Чақмоқ каби тушди дилимга.  
Беихтиёр ернинг ярми ғам  
Шодлигига ҳасад қилдим мен:  
Сендай яашаш истадим мен ҳам,  
Сенсиз уни фано билдим мен.  
Қонсиз қалбим жимиirlаб кетди,  
Умидли нур жонланди унда.  
Бир дард эски яра тубида  
Илон каби қимиirlаб кетди.  
Сенсиз нима бу абадият?

Сенсиз нима менга мулк, ният?  
Қуруқ сўздир, тутмас асадир,  
Худоси йўқ кенг калисадир.

### Т а м а р а

Эй маккор рух, чекил, эй беор,  
Инномайман душманга, йўқол!  
Парвардигор... ҳайҳот! Бу не ҳол!  
Сингани йўқ менда мадор...  
Ҳалокатли оғу бошимни  
Ураб олмиш, тўқар ёшимни!  
Эй ҳийлакор, не керак сенга?  
Тингла, мени хароб этасан!  
Сўзинг оташ, заҳардир менга,  
Гапир, нечун мени севасан?

### Д е м о н

Эй гўзал қиз, нечунми?— Ҳайҳот,  
Билмам!. Янги ҳаётга тўлиб,  
Янги ишқнинг асири бўлиб,  
Сенда кўриб баҳтимга најот,  
Жаҳаннамнинг оғир тошини  
Жиноятли бошимдан отдим.  
Ҳечга бутун ўтмишни сотдим.  
Кел, дардимнинг қил иложини.  
Шу қоп-қора кўзларинг малак  
Ҳам дўзахим, ҳам жаннатимдир.  
Қувфундини этма қўп ҳалак,  
Олов тушган қалбини тиндир.  
Тингла мени, ишон, рост билан  
Бу ерда йўқ эҳтирос билан  
Сени шундай севаманки мен,

Асти бундай севолмайсан сен;  
Барча ўйим, барча ниятим,  
Очиқ кўнглим ва ҳамиятим.  
Шону шавкат, ҳукмдорлигим,  
Бутун умрим, бутун бўрлигим —  
**Ҳаётим-ла** севаман, гўзал!  
Юрагимга суратинг азал  
Ўрнатилмиш эди илгари.  
Ажралмасдан мендан ҳеч қачон  
Кўз олдимда яшнаб у ҳамон  
Бирга юрган эди, эй пари!  
Бу ширин ном азал бор эди:  
Кўпдан менга ҳаяжон солиб,  
Кеча-кундуз ҳушимни олиб,  
Қулоғимда майнин тор эди.  
Масъуд кунларимда жаннатда  
Сен билан мен эдим фурқатда.  
Оҳ, агар сен билсайдингки, қиз,  
Бутун умр — асрлар беиз,  
**Ҳузур** қилиш ва азоб чекиш,  
Евузликка мақтов кутмаслик,  
Яхшиликка эҳсон кўрмаслик,  
Узинг учун яшаш, энтикиш,  
Бу абадий курашда яна  
Бекелишув ва бетантана  
Кун ўтказиш — қандай оғир иш!  
**Ҳам** ачиниш, ҳам ачинмаслик,  
**Ҳар** нарсани англаш ва сезиш,  
Ҳеч нарсани кўзга илмаслик,  
Ҳаммасидан таҳқир-ла безиш!..  
Лаънатини ёғдириб худо,  
Даргоҳидан айлагач жудо,  
Табиатнинг қучоги бутун  
Муздай совуб қолди мен учун.

Қўз олдимда ястаниб шунда  
Мовийланди коинот; унда  
Кўпдан менга таниш, зийнатдор  
Сайёralар тўпини кўрдим.  
Олтин тож-ла учарди улар;  
Оҳ, на хўрлик, баридан сўрдим,  
Ҳеч биттаси назар солмади  
Эски дўстни таний олмади.—  
Шунда қаҳрим келиб уларни,—  
Ўзим каби қувғундиларни  
Рўбарўга чақирдим. Бироқ,  
У ёвуз юз, ёвуз кўзларни,  
Эвоҳ! Таний олмадим у чоқ.  
Бу аҳволдан қийналдим ёмон;  
Ваҳимага тўлиб шу замон,  
Қанотимни силкиб йўл олдим.  
Қайга? Нечун? Ўзим билмасдан,  
Эски дўстлар, кўзга илмасдан,  
Унудилар... Мен якка қолдим:  
Шундан кейин жаҳон мен учун  
Беҳишт каби тор ўлди бутун,  
Оқимнинг ҳур истаги билан  
Борар жойин манзилин билмай,  
Бесукуну ҳамда беелкан  
Оқиб кетаётган кемадай;  
Гоҳи пайтлар саҳарда ёлғиз  
Кўк гумбазда қорайиб юрган,  
Тўрт тарафга ўзини урган,  
Худо билсин, қайдан, қай сари  
Тиним билмай бемақсад, беиз  
Учган булут парча сингари  
Мен ҳам учар эдим бекарор  
Ҳамдам излаб ўзимга зор-зор!  
Инсонга қўп ҳоким бўлмадим,

Ўргатмадим гуноҳларга кўп.  
Яхшиликни тамом хўрладим.  
Одилликни ерга урдим хўп,  
Узоқ эмас... Тоза имоннинг  
Алангасин ўчирдим осон...  
Меҳнатимга арзирми ҳеч он  
Аҳмоқ, мунофиқи инсоннинг?  
Мен қийналдим, жаҳондан бездим,  
Тоғлараро беркиниб кездим,  
Худди кўқдан отилган юлдўз —  
Тун қўйнида дайдидим ёлғиз.  
Танҳо йўлчи тунда йироқдан  
Макрим билан бир ўт кўрарди,  
Отини тез унга бурарди.  
Бориб-бориб баланд қиргоқдан  
Жаҳаннамга тўнтариларди,  
О! Бекорга фарёд қиларди,  
Жар тошлари ботарди қонга...  
Парча-парча бўлган инсонга  
Эътиборсиз кулиб боқардим,  
Шодланардим, қанот қоқардим.  
Аммо тездан ғазабнинг қора  
Бу ўйини ёқмасдан қолди,  
Қон сайридин кўзларим толди!  
Мен исёнкор табиат аро  
Дил зорини босмоқчи бўлиб,  
Бузуқ ўйдан қочмоқчи бўлиб,  
Унтилмас нарсаларни ҳам  
Унутмоқча онт ичиб маҳкам,  
Бор оламдан тамом жирканиб,  
Кучли бўрон билан урушда  
Чақмоқ, туман ичра бурканиб,  
Қуюнларни ўйнаб буришда  
Булутларнинг устида учдим,

Кенг фазонинг қўйнини қучдим,  
Келиб кетган ҳамда келгуси  
Одамларнинг барча қайғуси,  
Барча меҳнат, барча кулфати,  
Барча чеккан ғам, уқубати,  
Ҳаммасини жам қил ўзингга;  
Сўнгра менинг ҳали сўлмаган  
Оlam унга иқрор бўлмаган  
Танилмаган зўр азобимдан  
Бир лаҳзани келтири кўзингга...  
Улар нима бунга нисбатан?  
Одам недир? Недир иш, умри?  
Келиб кетган ва келиб кетар...  
Умид борки, ҳукмдор тангри  
Ҳукм этса ҳам, афв эта олар!  
Менинг қайғум бўлса, муттасил  
Шу ердадир, ҳеч қачон ўлмас,  
У мен каби абадий, асл.  
Мендек унинг охири бўлмас!  
У ажралмас, мен билан яшар,  
Гоҳ илондек ўйнар, тўлғанар,  
Гоҳ оловдек куйдириб ёнар,—  
Ўлган умид, ўлган эҳтирос  
Қабридир у. Асти бузилмас!..

### Т а м а р а

Қайғуларинг не керак менга?  
Бас қил дедим, бас дедим сенга.  
Гуноҳкорсан...

### И б լ и с

Сенгами, ҳур қиз?

Т а м а р а

Эшитарлар...

И б л и с

Танҳомасми биз?

Т а м а р а

Худойим-чи?

И б л и с

Бизни кўрмас у,  
Кўк билан банд, ерни сўрмас у.

Т а м а р а

Жазолар-чи, дўзах ўти-чи?

И б л и с

Ҳеч гап эмас, тинглагин пича,  
Сен сазомни урмасанг ерга  
Дўзахда ҳам бўлармиз бирга.

Т а м а р а

Эй туйқусдан йўлиққан дўстим.  
Ким бўлсанг бўл, барибир жўшдим,  
Роҳатимни мангу ийқотиб,  
Ажаб мажхул фараҳга ботиб,  
Ихтиёrsиз тинглайман сени.

Агар борди алдасанг мени,  
Сўзинг ёлғон бўлса мабодо...  
Бу на шараф! Раҳм эт эй худо.  
Менинг кўнглим сенга не керак?  
Сен кўрмаган барча қизлардан.  
Чирой шоҳи у юлдузлардан  
Наҳот, кўкка мен қимматлироқ?  
Улар, ҳаёт! Ҳаммадан гўзал,  
Таърифи йўқ гул чиройларин  
Ердагидек қизлиқ жойларин  
Ўлим қўли бузмаган азал.  
Йўқ! Сен менга қасамёд айла.  
Ўйларингдан кеч, барбод айла.  
Кўрасанми, ғам чекаман мен;  
Хотин ҳиссин кўрмоқдасан сен!  
Юрагимда шубҳа бор сенга...  
Аммоки сен барчасин туйдинг,  
Ҳаммасини биласан, суйдинг,  
Раҳминг келар албатта менга!  
Онт ич... ёвуз бисотингдан кеч,  
Ваъда бергин, инонтири, уқдир.  
Наҳот, бўлак бузилмаган ҳеч  
На бир қасам, на ваъда йўқдир?

### И бл ис

Онт ичаман хилқатнинг боши  
Ҳамда унинг сўнг нафаси-ла,  
Жиноятнинг уятли тоши,  
Ҳақиқатнинг тантанаси-ла!  
Онт ичаман зафар орзуси,  
Инқирознинг қайғуси билан,  
Васлинг билан ҳамда бўлғуси  
Дардли ҳижрон қўрқувси билан;

Онт ичаман муте руҳлару,  
Дўстлари ўнинг тақдирлари-ла,  
Менга душман малакларнинг у  
Қонсираган шамширлари-ла;  
Онт ичаман кўк-ла, дўзах-ла;  
Ер санами санла ва ҳақ-ла,  
Сенинг сўнгги биро нигоҳингу,  
Энг биринчи ёшинг, оҳингу,  
Лабларингнинг гул дамлари-ла,  
Ипак сочинг бурамлари-ла,  
Онт ичаман айш-ла, кулфат-ла  
Онт ичаман бор муҳаббат-ла,  
Эски ўчдан тамом воз кечдим,  
Кечдим мағрур ўйлар баҳридан.  
Бундан буёқ макрим заҳридан  
Йўлдан озиб қийналмас ҳеч ким!  
Энди осмон билан келишмоқ,  
Севмоқ, сифинмоқни истайман,  
Энди эзгуликка эришмоқ,  
Унга инонмоқни истайман,  
Энди бутун бу оламдаги  
Касофати руҳимни қувай:  
Кўз ёшим-ла пешонамдаги  
Кўк оташин изларин ювай;  
Кўй, бу дунё тинч ва воқифсиз  
Чечаклансан, гулласан менсиз!  
О! Ишонгил: шу замонгача  
Висолингга етишиб, сени  
Англай олган фақат менгина.  
Оғингга ҳокимлигимни,  
Эрку, ишқу то имонгача  
Тўкиб солтан фақат менгина.  
Ишқингни қиз, ҳадядек буқун  
Мен кутаман; айла ҳамият:

Бир марҳамат, бир онинг учун  
Қурбон сенга бу абадият.  
Йўлларингда эй тоза санам,  
Овораман, қалби куюкман.  
Фараздаги каби ишқда ҳам  
Вафодорман, ионон, буюкман.  
Фалакларнинг озод ўғлиман,  
Сени қўкка олиб кетаман.  
Бу жаҳонга хоқон этаман,  
Энг биринчи ёрим бўлурсен.  
Ўша ердан, эй гўзал пари,  
Гўзаллиги умрсиз бўлган,  
Жиноятга, ўлимга тўлган,  
На севгида ва на нафратда  
Бетаҳлика яшолмайдиган,  
Ўз нафсидан ошолмайдиган,  
Майда эҳтирос-ла ғафлатда  
Қолганларнинг макони — ерга,  
Разолату, ғам кони — ерга  
Қизғанмасдан назар соларсан,  
Нафрат билан ўйга тўларсан.  
Билмайсанми ҳалига довур  
Одамларнинг ишқи нелигин?  
Қон мавжидир, билмасанг билгин,  
Лекин, кунлар ўтар, қон совур.  
Эй гўзал ёр, жавоб бер менга,  
Айрилиққа, кўз ёшлинигга,  
Янги чирой алдашлариннга,  
Ҳаёлларнинг хоҳиш, эркига,  
Хорғинликка, хафаликка, ким —  
Жиндек қарши туралар? — Ҳеч ким!  
Йўқ! Сен учун, эй, севимли ёр,  
Тор доира ичра лолу зор  
Кундош дагалликка қул бўлиб,

Қайғу билан ҳасратга тўлиб,  
Юраксиз ва совуқ инсонлар,  
Мугамбир дўст, ёвуз душманлар,  
Самарасиз тилак, қўрқувлар  
Бўш ва оғир меҳнат, қайғулар  
Орасида гулдай сўлишни,  
Бекорларга хароб бўлишни  
Тақдир азал ёзмаган асло,  
Бундай лаҳад қазмаган асло.  
Баланд девор остида ғамгин,  
Одамлардан, худодан нари  
Ибодат-ла ахтариб таскин  
Беэҳтирос сўнмайсан пари.  
Йўқ! Йўқ! Сени, ажойиб хилқат,  
Бошқа олам, бошқа бир қисмат,  
Бошқа азоб, бошқа ҳаяжон —  
Кутмакдадир, сен менга инон.  
Ташла эски орзуларни сен:  
Унут унинг ҳар нарсасини,  
Эвазига очиб берай мен  
Мағрур идрок дарвозасини  
Менга тобе руҳларни бутун.  
Оёғингга чўқтирайин тиз,  
Сеҳр тўла малаклардан, қиз,  
Жориялар берай сен учун,  
Сенга атаб Шарқ Юлдузидан  
Олтин жига узиб берайин,  
Шабнам териб гуллар юзидан,  
У жигага тизиб берайин.  
Кун ботишнинг лаъли нуридан  
Бўйларингга ленталар ўрай,  
Атрофингда ҳаволарни ман  
Хушбўй нафас билан тўлдирай.  
Қулоғингни ажиб куй билан

Сира тинмай эркалатай мен,  
Фирузадан, каҳраболардан  
Кошоналар тайёрлатай мен  
Денгизларнинг тубларин қучай,  
Булутлардан баландга учай,  
Ер неъматин сенга тутай, қиз,  
Фармонингга йиғлаб чўкай тиз,  
Севгин мени!..

## XI

Ва у оҳиста  
Ўтдай ёнган лаблари билан  
Қизнинг худди хандони писта  
Лабларига ёпишди бирдан.  
Қиз ялинди. Ёлғон сўз билан  
Аллади у, ишонтириди у;  
Ениб турган кучли кўз билан  
Тикка боқди ва ёндириди у.  
Ханжар каби қоп-қора тунда  
Ҳеч давосиз чақнади шунда.  
Ҳайҳот! Ҳайҳот! Ёвуз руҳ яна,  
Яна бир йўл қурди тантана!  
Қиз кўксига унинг бўсаси  
Ҳайҳот! Ўлим заҳарин қуйди.  
Қизнинг дод деб чинқирган саси  
Тун тинчлигин ташвишга қўйди.  
У товушда муҳаббат, азоб,  
Ёлворишу, гина, изтироб,  
Еш умр-ла алвидолашиш,  
Оlam билан сўнг жудолашиш —  
Ўлим деган хабар бор эди,  
Бу энг сўнгги оҳу зор эди.

Шу вақтда туи қоровули  
 Тақиллатиб тақилдоғини,  
 Ҳар ён тутиб динг қулоғини  
 Одат қилған ҳар кунги йўли —  
 Тикка девор айланасида  
 Ёлғиз кезиб юрар әди тек.  
 Бирдан чўчиб, шарпа сезгандек  
 Қиз ойнасин шунда пастида  
 Ҳайрон бўлиб тўхтади қолди,  
 Атрофига тинч қулоқ солди.  
 Боқар экан у жимжит тунга  
 Икки лабнинг чўлп-чўлп бўсаси.  
 Заифона қийқириқ саси  
 Эшитилгандай туюлди унга.  
 Чол чўчиди, дили увишди,  
 Юрагига кир шубҳа тушди.  
 Лекин, тинди ҳаммаси шу чоқ...  
 Фақат майин шабада йироқ  
 Япроқларнинг зорин бу ёққа  
 Келтиради узоқ ерлардан.  
 Тоғ дарёси қора қирғоққа  
 Сўйлар эди ўтмиш сирлардан.  
 Ваҳим босди, у чол қўрқарди,  
 Ичдан алланелар ўқирди.  
 Ёвуз руҳни, қора арвоҳни  
 Ҳаёллардан қувиб ташлай деб,  
 Ўйларидан ёмон туноҳни  
 Дуолар-ла ювиб ташлай деб,  
 Дири-дири титраб, ўнг қўли билан  
 Ҷўқиниб у илтижо этди,  
 Индамасдан, ўз йўли билан  
 Шошилганча тез юриб кетди.

### XIII

Ухлоқ пари каби беозор,  
Тобутида ётар эди қиз,  
Оппоқ юзи, у гулдай узор,  
Кафандан ҳам оқ эди... Эсиз  
Юмилмишиди киприги мангу...  
Лекин киприк остидаги у  
Мудраб ётган кўзлар уйғоқ деб  
Ё ўпиш, ё кунга илҳақ деб  
Ким ўйламас эди боққанда  
Жигари ёш бўлиб оққанда?  
Амокки, у кўзларга қуёш  
Олтин нурин қуярди бекор,  
Йифлаг ўпид қавми қариндош,  
Дил-дилидан қуярди бекор.  
Йўқ! Қаттиқдир ўлимнинг дасти,  
Уни ҳеч ким бузолмас асти!

### XIV

Тамарани хуррам кунлари  
Байрамда ҳам ҳеч қачон бир хил  
Ясан билан кўрмаганди эл.  
Ўсган ерин сарин гуллари  
Эски урф-одат бўйича  
Қиз устида ҳид сочишарди,  
Ўлик қўлда қолган кўйича  
Гўё ер-ла хайрлашарди.  
Эҳтиросга тўла юзида  
Ўлимдан ҳеч асар йўқ эди.  
Унга боққан киши ўзида  
Утирик деб кўнгли тўқ эди.

Унда мармар каби ҳам сезги,  
Ҳам ақлдан, ҳисдан бегона,  
Үлим каби сирли ва әзгу  
Бир чиройдан борди нишона.  
Лабларида ажаб бир кулги  
Қотиб қолмиш эди беозор,  
Диққат билан боққан кўзга у  
Талай ғамдан берарди ахбор:  
У кулгига ҳаётдан жудо —  
Бўлаётган дилнинг нафрати,  
Энг сўнгги ўй, сўнгги нияти  
Ҳамда ерга сассиз алвидо,  
Деган каби бир ҳол бор эди;  
Қайғусига олам тор эди.  
У бурунги ҳаёт кулгиси  
Беҳудага қолдирмишди из,  
Энди уни не қиласади қиз,  
Ҳоким экан ўлим уйқуси?  
Бир кулгининг бир ўхшари бор.  
Кеч тушганда, қуёш ботганда,  
Денгизда зар әриб ўтганда,  
Казбек узра кумуш каби қор  
Бирпас асраб шафақ нурини  
Йилтиллайди узоқдан қиё.  
Аммо ярим жонли бу зиё  
Еритмайди кимса йўлини!..

## XV

Кўни-қўшни, қавм-қариндош  
Ғамли сафар учун йифидган.  
Кўкси қисиб дами тикилган  
Қари Гудал кўзларида ёш,

Фарёд қилиб йиглаб зору зор,  
Сочларини юлиб, сўнгги бор  
Оқ отига минди, қўзғалди —  
Барча мозор сари йўл олди.  
Йўл олисдир, тинмай бирма-бир  
Уч кечачу кундуз чўзилар:  
Беболарин ёнида улар  
Тамарага қазмишлар қабр.  
Қишлоқларни ўт қўйиб босган,  
Гарибларни талаган, осган  
Гудалнинг бир ўтмиш авлоди  
Кўкка чиқиб фигони-доди  
Касал бўлиб ётиб қолганда,  
Гуноҳларга ботиб қолганда  
Айбларини ювмоқ қасдида  
Фақат бўрон ўйнаган, учган,  
Қарчигайлар зирвасин қучган  
Қоя узра, булут пастида  
Уруғига айлаб нишона  
Солмоқ бўлган эди бутхона.  
Тезда Қазбек қорлари аро  
Бир калисо ясалди танҳо,  
Суяклари унда бўлди жо.  
Ўша баланд қоя сал ўтмай  
Гўристонга айланди базўр,  
Кўкка қанча яқин бўлса гўр,  
Гўё бир оз иссиқ бўлгандай?  
Одамлардан нарида ҳар дам  
Гўё сўнгги уйқу бузилмас...

Бекор! Утган севинч, ўтган ғам  
Ўлганларнинг тушига кирмас...

Бир фаришта мовий самодан  
 Олтин қанот қоқиб ўтарди;  
 Ул гуноҳкор жонни дунёдан  
 Қучогида олиб кетарди.  
 У юпатиб гуноҳ қизини,  
 Шубҳаларин қуварди ундан,  
 Гуноҳ билан азоб изини  
 Қўз ёши-ла юварди ундан:  
 Жаннат саси олисроқ ердан  
 Эшитиларкан уларга бирдан  
 Уларнинг ҳур йўлларин кесиб,  
 Ҳудди кучли шамолдек эсиб  
 Дўзахи руҳ гувиллаб учди,  
 Қуюн каби самони қучди.  
 У довулдек кучли эди-ю,  
 Чақмоқ каби ялтирас эди,  
 Гуурланиб тентакларча у.  
 «Қиз меники! Йўқол сен!» деди.  
 Тамаранинг гуноҳкор жони,  
 Ваҳм билан тўлиб ҳар ёни  
 Фариштага ўзини урди,  
 Дуо ўқиб қалтираб турди.  
 Келажакнинг тақдири шу чоқ  
 Ҳал бўларди: чунки у тағин  
 Газаб билан солиб қовоғин  
 Қиз олдида ёймишди қучоқ.  
 Аммо уни, эй парвардиgor,  
 Шу чоқда ким таний олурди?  
 Қандай газаб билан у ғаддор  
 Аччиғланниб назар солурди,  
 Тўлмиш эди бутқул сўнгги йўқ —  
 Душманликнинг ўлим заҳри-ла,

Юзларидан гўрга хос совуқ  
Ёғар әди ёвузвлик, ҳийла.  
«Кет шубҳалар қора руҳи, кет!»  
Деди осмон әлчиси унга:  
«Кет эй беор, чекил эй безбет,  
Энди сенинг ҳаддинг йўқ бунга!  
Етар, шунча тантана қурдинг,  
Етар, шунча сен йўлдан урдинг,  
Энди ҳукм соати етди,  
Парвардигор қатъий амр этди!  
Ўтди унга синов кунлари,  
Ўтди унга азоб тунлари,  
Ернинг фоний кийими билан  
Шар занжири ечили ундан.  
Билгил! Уни кўпдан кутардик,  
Кўпдан унга биз кўз тутардик.  
У шундайин руҳларданники,  
Улар учун ҳаёт — бир дамдир,  
Бетасалли, бир онли ғамдир.  
У шундайин руҳларданники,  
Раб уларнинг жонли торини  
Яратмишдир сарфлаб борини.  
Улар асли дунё учунмас,  
Ва дунё ҳам улар учунмас!  
Қаттиқ баҳо билан сермеҳнат  
Шубҳаларин ювди у бутун.  
У қийналди, севди. У учун  
Энди ишққа очилди жаннат!  
Ёвуз руҳга хўмрайиб боқиб,  
Ул фаришта кенг нафас олди,  
Севинч билан қанотин қоқиб,  
Кўк денгизи ичра йўқолди.  
Маглуб бўлган Иблис шу замон  
Тентакона тилакларини,

Орзулару истакларини  
Ҳаммасини қарғаб беомон  
Яна мағрур, бир ўзи якка  
Бурунгидек беишқ, белакка  
Мұлзам бўлиб, қайғуга толди,  
Бу жаҳонда тентираб қолди!  
Ҳалигача тоғ ён бағрида  
Қойишаур водийси узра  
Қуюқ булат, туман бағрида  
Узоқлардан кўриниб хира  
Ғамгин назар ташлаб тўрт томон  
У ҳароба туради ҳамон.  
Ўша ҳақда болалар учун  
Ҳикоялар сақламиш кучин...  
Рўё каби у тилсиз ҳайкал,  
У сеҳрли кунлар гувоҳи,  
Қоп-қорайиб кўринар сал-пал  
Дараҳтларнинг ичидан гоҳи.  
Пастда овул чечак отади:  
Ер ям-яшил гуллаб ётади;  
Гувиллаган товушлар пастда  
Тоғдан тоққа урилар аста,  
Пастда майин шабада елар,  
Узоқлардан карвонлар келар,  
Кўпикланиб ярқираб ирмоқ  
Қуий тушмай, сакрайди ҳар ёқ.  
Бегам бола каби табиат  
Ҳамиша ёш; шўх ҳаёт билан  
Қуёш, баҳор наботот билан  
Кўнгил очиб ўйнар ҳар соат.  
Бир замонлар навбати билан  
Ўз даврини кечирган сарой,  
Худди дўсту оиласидан  
Жудо бўлган, айрилган гадой

Ранги ўчган, ғамгин боқади.  
Кўнгиларни ўтда ёқади.  
Унинг янги яшовчилари  
Ой чиқишин кутиб туралар;  
Бу уларнинг ҳур байрамлари,  
Чирқиллашиб ўйнаб юралар.  
Янги роҳиб, қари ўргумчак.  
Уя тўқир, сайдрашиб чик-чик.  
Зангори, кўк калтакесаклар  
Майдо тошлар ҳамда кесаклар  
Орасидан чиқишиб шомда,  
Гиз-гизлашиб ўйнашар томда.  
Астагина инидан илон  
Зинапоя устига чиқар;  
Гоҳ қулажак бўлиб бир замон  
Калласини пинжига тиқар;  
Гоҳ узайиб, ўтган замонда  
Катта уруш пайти майдонда  
Эсдан чиқиб қолган қиличдек  
Қимирламай ётиб олар тек...  
Бари ваҳшат; ўтган йиллардан  
Ҳеч бир ерда из йўқдир, беном:  
Асрларнинг қўли булардан  
Секин-секин ўчирмиш тамом.  
Тили йўқдир, сўзлай олмайди,  
Ҳеч нарсани эслатолмайди  
На шуҳратли Гудал отидан,  
На севимли қизи зотидан.  
Аммо улар кўмилган мозор  
Эирвадаги бутхона омон,  
Оллоҳ паноҳида беозор,  
Булут ичра кўринар ҳамон.  
Эшигига қоровул бўлиб,  
Бошдан-оёқ қорга кўмилиб,

Темир совут ўрнига мангу  
Муз кийиниб қотиб турган у  
Сақлагувчи гранит тошлар  
Атрофига совуқ кўз ташлар...  
Кўчай деган кўчкилар мудраб  
Совуқ уриб, музлашиб, титраб  
Тўрт атрофда шалолалардек  
Осилишиб турадилар тек!  
Бўрон соқчи бўлиб юради,  
Деворларнинг чангин суради.  
Қўшиқ айтиб бақирар гоҳо,  
Соқчиларни чақирар гоҳо.  
Бир ажойиб калисо бор деб,  
Кавказ тоғларида туарар деб,  
Оқ булатлар шарқдан елишар:  
Сажда қилмоқ учун келишар.  
Аммо, кўпдан бу гўрлар узра  
Ҳеч ким келиб йигламас сира.  
Тунд Казбекнинг баланд қояси  
У ўлжани сақлар, кўз узмас.  
Одамларнинг мангу ноласи  
Уларнинг тинч уйқусин бузмас.

## МУНДАРИЖА

<i>Рус поэзиясининг ифтихори</i>	3
<i>Кавказ асири. (М. Шайхзода таржимаси)</i>	9
<i>Корсар. (Шунқор таржимаси)</i>	32
<i>Жиноятчи. (Эргаш таржимаси)</i>	48
<i>Икки асира. (Эргаш таржимаси).</i>	56
<i>Калли. (Эргаш таржимаси)</i>	60
<i>Эркинликнинг сўнгги фарзанди. (Шунқор таржимаси)</i>	66
<i>Бостунчи овули (М. Шайхзода таржимаси).</i>	102
<i>Ҳожи Абрек. (Faafur Fулом таржимаси)</i>	130
<i>Боярин Орша. (Рама Бобохон таржимаси).</i>	146
<i>Денгизчи. (Aziz Abdurrazoқ таржимаси)</i>	183
<i>Олег. (Aziz Abdurrazoқ таржимаси)</i>	188
<i>Икки қардош. (Aziz Abdurrazoқ таржимаси)</i>	193
<i>Улим Фариштаси. (Ю. Шомансур таржимаси)</i>	196
<i>Сашка. (Ж. Жабборов таржимаси)</i>	214
<i>Шоҳ Иван Васильевич, навжувон ясовул ва азамат савдогар</i>	
<i>Калашников ҳақида қисса. (Миртемир таржимаси)</i>	279
<i>Қочқини. (Асқад Мухтор таржимаси)</i>	297
<i>Мцири. (Ҳамид Fулом таржимаси)</i>	303
<i>Демон. (Усмон Носир таржимаси)</i>	332

*На узбекском языке*

*Михаил Юрьевич Лермонтов*  
П О Э М Ы

Перевод с издания издательства  
Академии Наук СССР 1962 года

Редактор *Сайёр*  
Рассом *Е. Владимиров*  
Расмлар редактори *В. В. Поротиков*  
Техн. редактор *В. Н. Шуклинова*  
Корректор *А. Ҳасанов*

Босмахонага берилди 30/VII 1964 йил. Босишга рухсат  
еттилди. 7/X 1964 йил. Формати  $70 \times 108$  / 32 Босма л.  
11,875. Шартлая босма л. 16,27. Нашр л. 15,6.  
Тиражи 10 000. Индекс поэзия.

«Тошкент» бадний алабиёт нашриёти. Тошкент.  
Навоний кўчаси, 30. Шартнома № 90—64.

Узбекистон ССР Министрлар Советининг Матбуот  
Давлат Комитетининг Ихтисослаштирилган ҳарф тарув  
Фабрикасида тайёрланган матрицадан 1-босмахонасида  
босилди. Тошкент. Ҳамза кўчаси, 21 1964. Заказ № 308.  
Баъзи 91 т.

Лермонтов М. Ю.  
Поэмалар. «Тошкент» бадний адабиёт нашриёти.  
1964.  
380 бет.  
Лермонтов М. Ю. Поэмы